



STILLMAN DRAKE

RB106,193

Library
of the
University of Toronto


CF 303

2^d work not in CF (vs. Faber)
Gal. p. 174

beginning of dell'Angeli
dispute p. 1089 (Galileo's "semicircular follies")

~~corrects the~~ 5 plates in photo-facsimile

Carre-Gessund
dispute 249
Galileo 250



Digitized by the Internet Archive
in 2024 with funding from
University of Toronto

<https://archive.org/details/deuipercussionis00bore>

DE VI
PERCVSSIONIS

IO: ALPHONSI BORELLI.

DE VI
PERCVSSIONIS
IO: ALPHONSI BORELLI.

DE VI
PERCVSSIONIS
LIBER

IO: ALPHONSI BORELLI

In Patria Messanensi pridem, nunc vero in Pisana
Academia Matheseos Professoris.



BONONIÆ, MDCLXVII.

Ex Typographia Iacobi Montij. *Superiorum permissu.*

DE VI
PERCVSSIONIS
LIBER

IO: ALPHONSI BORSELLI

In Patris Medietate primum, tunc vero in Patris
Academiae Mathematicae Professoris.



BONONIAE, MDCLXXII.

Ex Typographia Jacobi Monij. Typographus praefatus.

ILLVSTRISSIMO DOMINO
IACOBO RVFFO
ET BALSAMO
VICECOMITI FRANCAVILLÆ

Io. Alphonsus Borellus S.



N tandem, Illustrissime, & Aman-
tissime Domine, prodit in lucem
hic liber doctrinæ de Animalium
motibus præmissorum primus, pro-
ditque tuo addictus nomini, cum
te vnum præ ceteris habeam, cui
iure merito dedicetur: etenim si quem laboribus no-
stris inscriptum volumus, eum non modo perhono-
rifica gente natum, verum etiam dicandi operis non
incapacem, & nostri amantem volumus: vnus tu,
qui aucto splendori multiplicem rerum, & scientia-
rum notitiam, & miram in me propensionem adiun-
gis, quem eligerem occurristi. ipse autem, vt gen-
tilitiam dignitatem vltro præteream (quis enim re-
censeat, aut cui ignota sunt præstantissimæ, & an-
tiquis-

tiquissimæ Rufforum Familiæ honestissima decora ,
præclara gesta , Oppidorum, & Urbium amplissima
dominia) singularis illa beneuolentia, qua me sem-
per prosecutus es , & etiam nunc prosequeris , &
qua nulla maior aut esse, aut animo fingi potest me
tibi iamdudum obstrinxit, effecitque, vt res meas,
totumque me tibi libentissime deuouerem, sed mul-
to facilius id obtinuit, quando sensi te auditore meo
constituto tantam amoris vim non aliunde profici-
sci, quam ab immodica sciendi cupiditate, cui ex-
plendæ, cum ipse per mathematicarum explicatio-
nem tibi aditum patefecissem, eo te perduxit mira-
bilis ingenij tui facultas, vt iam inter doctissimos
censearis. Hoc itaque laboris mei de animalium
motibus veluti proemium habe debitum nobilitati,
eruditioni, beneuolentiæ tuæ, & amor ille noster
mutuus, qui vsque adhuc priuatis in parietibus la-
tuit, & alias nobis deficientibus defecisset hoc pu-
blicum habeat, æternumque monumentum. Tu
interim diu vale, & me amare perge.

Pisis Kal. Maij 1667.

PRO

PROEMIVM.



Non exiguam esse vim, & energiam percussio-
nis, sed ingentis potentiae aliqua ex
parte mechanici seniores comprehende-
runt, vt ex ijs, quae Aristoteles posterita-
ti reliquit conijcere licet, is enim in me-
chanicis pro sua sagacitate motum esse
causam energiae percussio-
nis animadu-
erit, & eo magis vim percussio-
nis augeri, quo percutientis ve-
locitas crescit, non tamen percussio-
nis naturam intimè perce-
pit, atque assecutus est; ait enim motum augere, & addere
pondus corporibus grauib, & impetum esse grauitatem
quandam fluentem; & quia actio grauitatis est compressio
quaedam, & impulsio, putauit vehementissimam illam com-
pressionem, quam in percussione obseruamus, ab eadem vir-
tute grauitatis aucta, & multiplicata à motu, & impetu pro-
uenire; huius sententiae falsitatem satis perspicuè suo loco de-
clarauimus. Id ipsum problema, licet post Aristotelem à mul-
tis tentatum fuerit, nemo tamen ipsū absoluit, eiusque recess-
sus penetravit, ex quo proinde conijcere licet, quam difficile,
& quantis tenebris sit obuolutum.

Postea praeclarus Galileus in opusculo mechanico edito eius
iuuenili aetate causam energiae percussio-
nis satis plausibilem at-
tulit desumptam ex vulgatissimo principio, & pronunciato
illo mechanico, quod momentum potentiae tunc aequatur,

mo-

momento resistentiæ, cum reciproce eorum velocitates proportionales fuerint potentijs, scilicet resistentiam cuiuslibet vasti corporis superari, & eleuari ab ictu corporis minoris, quia ei communicatur velocitas, quæ ad percutientis velocitatem eandem proportionem habet, quam potentia percutientis ad resistentiam corporis percussæ. at postmodum perspicacissimus ille vir insufficientiam iuuenilis eius ratiocinii optime percepit; nam verum est in trutina aut consimili mechanico instrumento, quod inæqualia pondera possunt proportionaliter suis velocitatibus contrario ordine respondere, & defectus ponderis ab excessu velocitatis compensari, & tunc eorum momenta æquantur; sed negotium percussæ longe diuersa ratione procedit; nam primo ignoramus, quidnam sit, & in quo consistat potentia percutientis, & resistentia percussæ corporis; quia ex Galilei ratiocinio concedendum est potentiam percussuam longe diuersam esse à motu, velocitate, aut impetu, quo corpora se percutientia agitantur; si enim eadem res esset potentia percussua, & velocitas eius, haberet potentia percutientis ad resistentiam percussæ corporis eandem proportionem, quam habet velocitas percutientis ad velocitatem corporis percussæ, quod est contra eius hypothefim; habent enim proportionem reciprocam, scilicet si potentia percutientis esset vnus gradus, & resistentia percussæ corporis graduum 100, poni debet velocitas percutientis centupla velocitatis corporis percussæ, ad hoc, vt reciproca proportio verificetur; cum tamen subcentupla esse deberet velocitate resistentiæ, si eadem res esset potentia percussua vnus gradus, & velocitas
eius.

eius. si ergo potentia percussiva toto cœlo differt à motu, & impetu, quidnam quæso aliud erit, forsàn vis, & energia ponderis? at hinc sequitur corpora, quæ gravitate priuantur, aut eam non exercent, dum impellunt aliud corpus resiltens nullam potentiam percussivam habere, & ideo huiusmodi potentia nihili quantumvis multiplicata per motus accelerationem nunquam quanta efficeretur, neque nihilum superare posset: sed in percussione transversali vel sursum facta perpendiculariter ad horizontem malleus gravitate nō agit, propterea quod nisus gravitatis efficitur tendendo deorsum, nec vim ullam exercere potest, dum sursum promouetur, ergo nullam potentiam percussivam habebit, & propterea non impelleret, neque percuteret corpora obstantia sursum posita, quod repugnat sensu eidentia. Si igitur potentia percussiva non est facultas motus, nec vis ponderis, reliquum est, ut sit moles corporea, quod licet videatur incredibile, vel saltem sit ignotum, ostenderetur tamen in progressu huius operis in percussione moles corporeas suis velocitatibus reciproce non respondere, nam malleus, licet vehementissime moveatur, antequam percussione inferat, & antequam ad contactum percussi corporis perducatur, & resiltentiam quiescentis corporis superet, tamen in actu percussione non potest malleus pristinam velocitatem retinere, cogitur enim moveri eadem velocitate simul cum corpore percusso, quandoquidem concipi nequeunt duo corpora se tangentia, & simul agitata, quorum subsequens, & propellens celerius moveatur, quam antecedens impulsam. itaque aut comparatur velocitas mallei, antequam percussio-

nem

nem inferat cum velocitate acquisita à corpore percusso, & tunc illa ad hanc velocitatem maiorem proportionem habebit, quam moles percussi corporis ad molem percutientis, habent enim eandem proportionem, quam summa corporum percussi, & percutientis ad corpus percutiens, ut suo loco demonstrabitur; aut comparantur percutiens, & percussum quando una & eadem velocitate in actu percussione feruntur, & patet, quod velocitates non habebunt eandem proportionem reciprocam, quam habet potentia percutientis ad resistantiam corporis percussi; potest enim potentia percutientis esse maior, aut minor resistantia corporis percussi, cum tamen semper eorum velocitates sint inter se equales.

Ab hisce difficultatibus excitatus, ut conijcio, excogitavit, effecitque Galileus duo præclara illa experimenta relata à Merssenno reflexionum physico-mathematicarum cap. 23. quæ ei communicavit vir clarissimus, doctissimusque Michael Angelus Riccius, & sic habent.

In medio chordæ arcus annexo fune cubitali, cuius infimo termino pila plumbea 2. vnciarum pendebat, & hanc demisit à summitate arcus, notavitque flexionem eius, & tractionem chordæ; deinde decem libras collocavit in medio chordæ eiusdem arcus, quo detineretur chorda in eodem statu flexionis, cum postea robustiorem arcum sumpsisset, cuius chorda eodem pondere cadente ad minus spatium adduceretur, expertus est non posse detineri chordam à 10. libris in eo loco, ad quem vi 2. vnciarum cadentium fuerat adductus, sed 20. libras requiri; unde concludebat, arcum adeo posse robustum fieri, ut

ne quidem 1000. librę possint illum in eo situ retinere , ad quem à 2. vncijs vt antea cadentibus adductus fuit , quapropter vim percussione aliquam ratione infinitam esse . Aliam observationem affert de globo plumbeo , quem attenuet malleus cadens ex vnus exempli causa brachij altitudine , quam attenuationem , licet prima vice 10. librę globum æqualem prementes efficiant , si tamen ictu repetito malleus suum globum plumbeum iam depressum ex eadem altitudine percutiat , novam depressionem faciet , quam non possint alię 10. librę , hoc est 20. librę efficere . quod si rursus idem vrgeas , tandem vis percussione infinita concludetur .

Hęc eadem experimenta Galileus ipse sæpius amicis communicasse , atque inde deduxisse vim percussione infinitam esse Raphael Magiottus , Bonaventura Caualerius , Famianus Michelinus , & alij Galilei intimi amici multoties testati sunt . præterea in fine quarti dialogi de motu proiectorum Galileus innuit theoriã energie percussione perobscuram esse , nec aliquem eorum , qui de hoc subiecto tractarunt penetrasse eius recessus tenebris obuolutos , & omnino remotos à primis humanis imaginationibus , & inter alias conclusiones vnã incompertam profert ; scilicet quod vis percussione sit interminata , nĩ velimus infinitam appellare , & demum huius argumenti dissertationem alio opportuniore tempore differre se velle .

Cum autem hoc Galileus postremis suę vitę annis scripsisset , sperabatur post eius mortem in armario secretiori inter alia scripta hanc dissertationem calamo exaratam saltem non omnino completam reperiri debere , sed non sine amicorum trititia ,

sticia, nec interschedulas reperta est pagella, quæ hoc titulo insigniretur, vt Galilei hæredes mihi retulerunt; id ipsum testatus est clarissimus Torricellius, qui, vt audio, conatus est vestigia aliqua huius cognitionis inquirere in suis lectionibus calamo exaratis de infinita vi percussione, quas nunquam videre mihi licuit; sed nemo dubitat, Torricellium candide pronunciasse, non demonstrasse, sed tantummodo coniecturas collegisse, quibus verisimilis, & probabilis infinita vis percussione redderetur; & profecto cum Torricellio viuentem, & post eius mortem Florentiæ de hac re altum silentium, & cum ij, qui eius lectionibus interfuerunt hanc scientiam vna cum Galileo defunctam fuisse perpetuo questi sint; satis euincitur, Torricellium non demonstrasse propositionem tam diu desideratam, & arcanam.

Igitur postquam concepta spe me frustratum viderem sæpius Galilei verba mente reuoluendo, cum suaderi non posse, virum illum allucinatum fuisse, reducebar multoties ad eandem contemplationem, si forte naturam energie percussione attingere possem. At tandem post diuturnas mentis agitationes Dei beneficio hanc physicæ & mathematicæ partem ex integro proprio Marte me reperisse puto, & veram, & intimam naturam energie percussione, eiusque causas, proprietates, & effectus in hoc libro luculenter demonstrasse mihi videor, quæ saltem ob nouitatem, & materiæ præstantiam non iniucunda fore censeo. Ijs frui lector, dum editioni reliquorum librorum ad motus animalium pertinentium incumbo. Vale.

DE VI PERCVSSIONIS

IO: ALPHONSI BORELLI.

De Motus Natura in genere.

CAP. I.



Acturus de vi, & energia percussionis operæpretium duco prius aliqua de motu in genere, maiori qua potero breuitate, & perspicuitate, explanare, vt quid motus sit, quæ eius causæ, atque principia, qui eius effectus, quomodo producat, vel destruat, & alia huius generis.

Et primò quoad motus definitionem notum est, vt alibi exposuimus definitionem esse notionem, seu ideam, qua mediante naturam rei definite clarè percipimus, & per quam eam distinguimus, & segregamus à qualibet alia; hoc autem consequimur, si seligamus proprietatem atque affectionem illius subiecti, quæ notissima est omnium, quæ eidem competunt; cumque passio euidentissima, quam habent corpora, quæ motu locali agitantur, atque feruntur, & qua carent corpora omnia quiescentia, & immobilia, nil aliud sit, quam transitus, seu migratio ab vno ad alium locum. Erit igitur motus localis transitus successiuus ab vno ad alium locum in aliquo determinato tempore excurrente successiuis contacti-

Motus definitio,

A . . . bus

*Motus de ge-
nere quanti-
tatis continuę
successive est.*

bus partes omnes loci, seu spatij transacti sese conse-
quentes. Motus ergo res quippe evidentissima amba-
gibus, & prolixiori expositione non eget, videturque
modus corporum, in quibus existit vel operatur, reduci-
turque ad genus quantitatis continuę, non quidem per-
manentis, sed successive, quia nimirum motus tantam
connexionem habet cum tempore in quo transigitur, vt
de ipso motu nil aliud actu existat, quam indiuisibile
momentum in instanti temporis presentis actu vigentis,
& operantis; sicuti enim temporis præteritę partes non
existunt, neque futurę, sic quoque migrationis, seu tran-
situs localis, quę operatio quędam est, præteritę partes,
scilicet agitationes transactę, seu futurę non existunt,
nisi fortè quis velit spatium peractum in excursionem præ-
dicti motus pro existentia ipsius ponere, atque recogno-
scere, quod quidem equum non est, operatio enim mo-
tus, quę in spatio transacto insumpta est non existit tota
simul, sed successive iuxta fluxum temporis spatij longi-
tudinem excurrit, quapropter rationabilius spatium pe-
ractum comparari potest cum temporis quantitate, quę
successive ab eius fluxu mensuratur.

Quod vero motus de genere quantitatis sit, constat ex
præcipua passione quantitatis, quęcumque enim susci-
piunt magis, & minus, scilicet augeri in infinitum pari-
terque ad libitum diminui possunt, quanta omnino sunt,
sed iuxta partitionem, vel augmentum temporis, in quo
motus efficitur, subdividitur quoque, vel crescit migra-
tio, vel transitus successivus; igitur de genere quantita-
tis fluentis erit.

Sed licet motus sine temporis fluxu intelligi non pos-
sit, & inter se sint ita colligati, vt vnus sine altero existe-
re nequeat, non desunt tamen aliquę diuersitates; quibus
discri-

discriminantur; tempus enim semper eiusdem speciei est, scilicet non datur tempus quod ab alio tempore differat celeritate, vel tarditate, solummodo enim minuitur, vel augetur per sui extensionem, sicuti simplex longitudo lineę rectę non differt ab alia recta linea specie, sed mensura tantummodo, veruntamen in motu datur magis, & minus, ne dum extensiuè, vt loquuntur, sed intensiuè, scilicet eodem tempore fieri possunt duo transitus, seu motus inęquales inter se, quatenus in vno eorum maius spatium, quam in altero transigitur, & tunc primus motus velox appellabitur, secundus vero tardus; & hic patet quod motus velox reuera maior est motu tardo, non extensiuā quantitate, sed intensiuo robore, & energia, vt ita loquar.

Igitur in ipso motu prout eius intensio consideratur concipi debet vis illa, & energia celeritatis, qua corpus mouetur, quę in summa nil aliud est quam mensura vel gradus velocitatis eius, atque huiusmodi vis nuncupari solet impetus.

Vis celeritatis dicitur impetus.

Animaduertendum tamen est, quod transitus motus localis duplex esse potest, nempe aut totius corporis, aut partis eius; transitus seu motus totius corporis tum profectò fit, cum nulla eiusdem corporis pars assignari potest, quę locum non mutet, si vero eiusdem corporis vna parte quiescente circa ipsam reliquę reuoluantur veluti circa centrum fixum appellabitur huiusmodi motus partialis.

Insuper transitus motus localis aut fit ab vno ad alium locum spatij mundani, aut in spatio relatiuo alicuius continentis vasis, ille appellabitur motus realis, & physicus, hic vero vocabitur motus relatiuus, licet multoties situm non mutet in loco, vel spatio vniuersi, finge

Transitus in spatio mūdano dicitur motus realis, & physicus, at si fiat intra vas aliquod tran-

*slatum voca-
tur motus re-
latius.*

enim nautam à prora ad puppim navis ambulare, & interea navim totam à fluminis cursu æquali velocitate, contrario motu ferri, constat nautam duobus motibus contrarijs agitatum inter se equalibus proprio nempe, & ipsius navis semper in eodem situ spatij mundani consistere, tunc quidem negari non potest vere moveri, licet ab vno ad alium locum vniuersi non transferatur, habet enim transitum, velocitatem, & impetum respectu navis, non secus ac motus in spatio mundano factus habet, igitur eius migratio motus dici debet, sed relatiuus tamen respectu scilicet ipsius navis, & aeris in ea contenti; accidit postea, vt contrario motu adueniente locum, & situm in mundano spatio non permutet; non repugnat igitur, vt motus fiant absque migratione locali in spatio mundano dummodo transitum, & motionem retineant respectiuam; nihilominus negari non potest in vtroque motuum contrariorum veram, & realem migrationem in spatio mundano effici, & hoc nomine veri, & phisici motus censeri possunt, licet postea ex contrariorum mixtione accidat, vt tantumdem ratione huius motus promoueatur in spatio mundano, ac regrediatur repellaturque à reliquo motu contrario, & sic tandem in eodem loco, & situ consistat.

De causis, & principijs motus.

CAP. II.

Mirum profecto est rei euidentissime, & nostris sensibus semper expositę, veluti motus est, tam recõditam, & ignotam esse causam eius efficientem, primò enim ignoratur an principium motus effectiuum quid

corpo-

corporeum sit vel prorsus incorporeum; pariterque disceptatur, an primum mouens physicum omnino immotum, & quiescens esse debeat, vel potius mediante propria agitatione motum in reliquis corporibus creet. Tandem summa contentione controuertitur, an aliqua corpora moueri possint à seipsis, vel potius quidquid mouetur à distincto separatoque motore propelli debeat: & profecto vt à postremo exordiamur euidentissimum est aliqua corpora à distincto, & externo motore impelli, sic ea omnia quæ vehuntur, percutiuntur, aut proijciuntur manifestissimè ab externo impulsore promouentur: sed an reliqua omnia, quæ in mundo mouentur, pariter ab extrinseco principio, & causa propellantur, hoc profecto impossibile, & incredibile videtur, quandoquidem corpora graua, & animalia per se videntur moueri, scilicet à causa, & principio intrinseco, & licet nō desint qui ab externo generante moueri dicant manifesta est huius effugij insufficientia, quandoquidem generans dum non existit, & extinctum est nec actu contingit, & impellit graue, quis vnquam capiet id ipsum physica actione graue propellere; dicere postea à generante relinqui genitam virtutem motiuam in corpore graui, cuius ope deinceps motum descensus operetur, idem est ac negare graua ab externa causa impelli, propterea quod genita siue relicta vis motiua, quæ intrinsecè coniuncta est corpori ipsi graui ea est proculdubio quæ graue immediatè impellit deorsum per se & physica actione; in animalibus postea patet primum mouens esse aut spiritus, vel aliam vim animasticam, quæ interna causa est, non vero externa & separata, quæ seipsam, & organa animalis mouet. Nec obstant ea quæ vulgò afferuntur, forè vt agens, & patiens edificans, & ædifica-

tum.

Graua & animalia per se, & a se ipsis mouentur.

Fallacia peripatetici rationis detegitur.

tum potentia, & actus non distinguerentur, si idem esset mouens, & motum. Quibus omnibus obiectionibus responderi potest cum Aristotele relinquere sensum quo constat graua, & animalia per se moueri, & huius rei rationem quærere infirmæ mentis esse, nihilominus adductæ rationes facile dissolui posse videntur, nam agens, & patiens ædificans, & ædificatum verè distinguuntur in opificijs aliquibus artis, & in aliquibus motionibus, vt sunt proiectiones, & percussiones; at in operibus naturæ vt plurimum non distinguitur agens, & patiens, eadem enim substantia animastica, veluti ædificat, auget & mouet animalis substantiam, eademque substantia corporis grauis migrat, & descendit à se ipsa impulsæ; estque simul in actu, & potentia dum operatur, & tantummodo respectu, & ratione non substantia distinguitur agens, & patiens. Immo vt origo huius deceptionis detegatur animaduertendum est insufficientiam vocum errandi ansam dedisse, vt doctissimus Gassendus adnotauit, dicimus enim mouere, quæ est actio agentis, & moueri, quæ passionem indicat, nulla vero vox neutrius generis in motione reperitur, quæ operationem tantummodo actionem passionemque subindicet, & siquidem vsus vulgi, cuius est vis, & norma loquendi leges philosophis præscribere deberet, profecto quidquid mouetur, vt passionem sonat, à mouente vt à causa actiua moueri deberet. Sed aliunde notum est è contra philosophos veritati, & naturæ legibus obtemperantes vulgum, & vsum loquendi corrigere, nouas voces introducere, & in summa omnino contemnere vulgares loquendi modos. Veruntamen his non obstantibus adsunt quamplures voces, quæ actionem simul, & passionem subindicant, scilicet motum à se ipso factum, vt est operatio, cursus,

curfus, afcenfus, defcenfus, & quamplurima huius generis, in quibus omnibus fubindicantur operationes à fe ipsis editæ. Neque postmodum in operationibus artificialibus femper distinguitur agens à paffo, vt faber & domus, fed hæ simul in eodem fubiecto exiftunt, vt funt chori, exercitus, & authoma; in his enim ijdem homines funt quidem materia exercitus, & chori, pariterque funt agentes, operantes, fcilicet ijdem homines funt qui militant, & in choro faltant & canunt, pariterque in horologio eadem machina materia eft, & simul mouens principium quo horæ diftinguuntur, reliquæque artificiofæ motiones fubfequentes promouentur, & in hisce omnibus, vel faltem in primis mouentibus, fcilicet in fpiritibus animaficis, & in machina ratione tantum non fubftantia diftinguitur agens à patiente, atque eadem fubftantia simul in potentia, & actu in hisce motionibus eft; quapropter falſum eft omnia quæ mouentur in natura à diftincto, & feparato motore impelli.

Quoad alteram partem an principium, & caufa immediata phyfica, & naturalis motus fit prorfus incorporea omni magnitudine, & extensione carens videtur prorfus impoffibile, fi enim motio actio eft, ea vero fieri non poteft abſque phyfico contactu videtur prorfus incomprehenſibile, vt id quod omnino indiuiſibile eft, & non quantum fe applicare poſſit atque contingere, comprehendere, atque impellere corpus quantum, quod mouendum eft; hinc deducitur mouens phyſicum, quod actionem phyſicam immediatam & realem exerere debet in corpus extensionem habens, non poſſe carere dimensionibus, ac proinde eſſe quid corporeum vt nimirum immediate tangendo phyſica actione corpora promoueat.

Cauſa phyſica efficiens motum in corporibus naturalibus corporea eſſe debet.

Postre-

Idem principium motum physicum efficiens motu quoque affici debet.

Postremo loco dubitatur, an causa, & principium mouens debeat quoque motu affici, an vero omnino quiescere; notum est apud Platonem impossibile hoc videri ne dum incomprehensibile, quandoquidem si duo corpora mouens, & id quod moueri debet, sese mutuo contingant, atque mouens omnino quiescat, nemo quidem capiet ab eo reliquum impelli nisi mouens nisu quodā sese agitando reliquum è suo loco dimoueat, ac proinde virtus illa motiua in quiete constituta esset veluti dormiens, aut mortua, nec aliquando motum in reliquum corpus imprimere posset, & profecto nulla actio naturalis, & physica concipi potest absque motu locali, nisi quis velit moralem motionem (veluti illa est, quæ ab Aristotele motoribus cœlorum tribuitur, quæ mouent vt expetitur, & amatum) quæ sanè physicam actionem, & motionem exerere non potest.

Proiecta, postquam ab impellente disiuncta sunt, non promouentur à medio fluido, in quo existunt.

CAP. III.

Cum sit euidentissimum, vt dictum est, corpora aliqua ab externo separatoque motore moueri, quæri solet quidnam prædicta causa mouens potissimum efficiat, seu quodnam opus in natura producat; & quia videmus corpora, quæ vehuntur, impelluntur, aut ictum patiuntur ab externo motore nedum motu agitari dum mouenti ipsi corpori coniuncta sunt, à quo veluti manu ducuntur, sed etiam postquam mouens externum recesserit, corpora ipsa mota derelicta absque pedagogo motum prius inceptum exequuntur, itaque videntur nedum instructionem

tionem, & disciplinam, sed etiam vim, & facultatem acquisiuisse, ut deinceps motum peragere possint; & quia motus subsequens actio quoque est pendens ab aliqua causa non autem à nihilo, hinc infertur vulgò remanere in proiecto, postquam ab impellente derelictum fuit, causam, & vim motuam à qua subsequens motus peragi, & continuari possit, cumque ponatur vis, & facultas motiva qualitas quædam, si hæc à proijciente impressa fuisset in corpus motum, tunc profecto motiva qualitas nēpe accidens migraret è subiecto proprio in alienum, quod cum vulgò absurdum censeatur, commenti sunt novam causam impellentem, quæ nil aliud est quam medium ipsum fluidum, cuiusmodi est aqua, aut aer, qui est motor substitutus à proijciente, quatenus apprehenso mobili illudque vehendo priorem motum continuat quousque extincta aeris motiva facultate tandem motus proiecti extinguatur, & desinat. et licet huiusmodi sententia validissimis rationibus ab alijs reiecta sit, & præcipuè à Galileo, operæpretium duxi nihilominus novis à me excogitatis rationibus eiusdem sententiæ falsitatem evincere.

Duplici modo defendi solet peripateticum pronunciatum, alij enim censent, quod dum saxum verbi gratia à manu apprehensum impellitur, antequam manus ipsum derelinquat, propellat non minus ambientem aerem, quam saxum, cessante vero comitatu manus eiusque propulsione saxum derelictum nullam vim motuam per se habens perpendiculariter ad superficiem terre decideret ut graue, at quia undique cingitur ab aere prius agitato & in motu constituto, fit ut saxum veluti à rapido flumine ab aere circumambiente transferatur, quousque aeris agitatio langueat, & tandem extinguatur vna cum

motu eiusdem saxi vecti: alij postea eiusdem peripatetice scholæ aiunt, quod aer proiectum subsequens maxima rapiditate, & vi recurrendo ad replendum spatium à projecto derelictum, ne vacuum naturæ abominabile subsequatur, & sic vehementissime posticam partem saxi continenter premendo illud promoueat non secus ac pueri nucleos prunorum digitis postice expressos longe expellunt.

Si projectum ab aere impulsio transferretur, deberet quoque aer impelli ab alio aere, & sic in infinitum.

Vt vero huius sententiæ vanitas ostendatur, primò animaduertendum est quod si medium fluidum, vt aqua vel aer vehit vt flumen projectum corpus, postquam à proieciente derelictum est, concedendum quoque est aerem vel aquam impulsam quoque fuisse ab eodem proieciente, quandoquidem tale medium fluidum mobile quoque est, cui de nouo imprimitur motus, quo antea carebat; igitur cessante propulsione proiecientis, nisi velimus admittere migrationem virtutis motiue ab vno subiecto in aliud, scilicet à proieciente in fluidum ipsum, cogimur assignare causam à qua motus subsequens eiusdem fluidi cōtinuetur, & propterea reperiri debet aliud corpus fluidum ambiens aerem vel aquam hætenus projectam, & impulsam à quo eius fluxus continuari possit, & cum eo etiam inclusum projectum transferat; id ipsum exterius fluidum deberet quoque impelli ab alio fluido ambiente, & sic successive in infinitum, quare non posset saxum projici per aerem nisi vniuerso mundo simul agitato, hoc autem quam vanum, & impossibile sit satis per se patet: quod si quis intra phialam aquæ plenam vndique clausam projectionem efficiat, siquidem ab aqua saxum ambiente promoueretur postquam à proieciente derelinquitur, licet aqua vniuersa moueri, & circumduci concedatur vsque ad superficiem continentis vasis, tunc

Experientia auuncitur falsitas huius sententiæ.

quidem

quidem extrema aquæ superficies vitro contigua, si virtute motiua careret, vehi, & propelli deberet à superficie eiusdem vitri, quæ omnino immobilis est, quod sane vanissimum est; ijs adde quod sensus euidencia constat, quod aer vel aqua parum dissita à proiecto nil prorsus mouetur, sed in tranquillissima quiete persistit, hoc autem euidentiissime obseruari potest in aqua, quæ ab aliquo puluere colorato non omnino tingatur, tunc igitur obseruabilis redditur motus ipsius aquæ ex translatione corpusculorum in ea innatantium, quæ in aliqua distantia à proiecto corpore omnino quiescere videntur; idem in aere obseruabis, si nimirum locus seligatur commodus, in quo motus, & agitatio atomorum terrestrium in aere volitantium videri possit, is erit cubiculum clausum, intra quod ex foramine fenestræ radij solis immissi atomos in aere volitantes conspicuas reddunt, & ibi pariter non agitantur atomi aliquantisper à proiecto discrete; quinimò si proiectum incidat in acutam cuspidem stabilem, vel filo tenuissimo retineatur, tunc fiet reflexio eiusdem proiecti per eandem lineam incidentiæ, & eodem tempore corpuscula in aere, vel aqua innatantia, quæ proiecto contigua fuerant, illudque amplexa fuerant, prosequuntur priorem motum directum; vnde conijcitur, quod fluidum quoque eodem motu directo agitatatum non potest contrarium motum reflexionis eiusdē proiecti procreare, scilicet ipsum vehere non potest retrorsum, dum fluidum antrorsum excurrit, & promouetur.

Sed multo clarius id ipsum constabit ex ijs, quæ contra reliquam sententiam afferemus, scilicet eius, quæ ad vacui horrorem recurrit; & quia ratio, quare absurdissimæ opiniones ab aliquibus mordicus retinentur, est,

quia verbis tantummodo acquiescunt, re interim neglecta, non omnino percepta, aut oscitanter considerata, quam si accuratè & perfectè perspexissent proculdubio eam repudiassent; erit igitur operæpretium difficultates omnes prædictæ sententiæ peripateticæ accuratè explanare.

Proculdubio fluidum in quo proiectum mouetur, aut nullam condensationem, rarefactionemque patitur qualis aquæ natura, aut hydrargiri esse videtur, vel summo-
pere constringi, ac dilatari potest, vt aer.

PROPOSITIO I.

Si proiectio fiat in fluido, quod condensari, aut rarefieri nequeat, resistentia anterioris fluidi ad locum cecedendum equalis est potentiæ aeris posticè recurrentis ad spatium replendum.

*Fig. 1.
Tab. 1.*

In prioribus enim fluidis intelligatur corpus *ABC* transferri à loco *A* ad *D*, manifestum est hîc duas operationes effici, vna est expulsio, & exclusio fluidi *EDF* ab anteriori situ, vt subintranti corpori *ABC* locum cedat, altera operatio est repletio spatij posterioris, quod mobile successiuè derelinquit; & quia fluidum supponitur talem consistentiam habere, vt nullatenus rarefieri, & condensari possit, igitur quanta moles fluidi ab anteriori loco excluditur, & remouetur, tanta præcisè eodem tempore recurrit ad locum posticum, qui repleri debet; quapropter fluidum vniuersum expulsus, & recurrens *DGILH* concipi debet veluti series, & congeries plurium globulorum durissimorum, quorum vnus motu continuato, & successiuo, æquali vi reliquum impellat, ita

ita vt lineæ motus eorundem globulorum designent veluti spiras, vel anulos comprehendentes mobile ABC ab anteriore parte eius versus posticam excurrentes, sequitur proinde, vt equali velocitate discedat fluidum ab anteriori parte EDF, ac recurrat posticè ad replendum derelictum spatium ABC: & quoniam momentum, & vis resistentiæ, quam exercet fluidum, quod debet expelli ab anteriori situ EDF componitur quidem ex vi densitatis eiusdem fluidi, & ex vi velocitatis, qua moueri debet, non secus momentum virtutis, quo idem fluidum recurrit ad spatium posticum replendum componitur quoque ex densitate eiusdem fluidi, & ex velocitate, qua moueri debet, suntque tum densitates eiusdem fluidi æquales inter se, pariterque velocitates sunt eedem, eiusdemque roboris, igitur momentum, quo fluidum expellendum resistit, æquale erit momento fluidi posterioris recurrentis, proindeque tanta erit præcise difficultas, & resistentia ad expellendum fluidum è loco EDF, quanta est vis recursus fluidi ad replendum spatium posterius relictum.

*Ex mechanis.
cis.*

PROPOSITIO II.

Si postea supponamus non dari in rerum natura corpus fluidum, quod nullam condensationem, aut rarefactionem patiatur, vt verissimum est in omnibus concretis corporibus, tunc ostendetur, quod momentum, quo antè fluidum EDF resistit expulsionì è proprio loco maius est momento impulsus, quo idem fluidum recurrit ad replendum locum à mobili relictum.

Sup-

Fig. 2.
Tab. 1.

Supponatur ergo fluidum ambiens proiectum esse aerem, profecto dubitandum non est in transitu mobilis ABC ab A ad D aerem anteriorem REF nedum è suo loco expelli debere, sed insuper necesse esse, ut aliquantisper condensetur; supponamus ergo, quod totius molis aeris ENF , quæ locum cedere debet mobili subintranti ABC una pars DON restringatur, & condensetur cum reliqua aeris mole ORN æquali ABC , tum profecto residua solummodo pars aeris EDF excurrere debet lateraliter ad replendum spatium relictum ABC , & quia moles aeris EDF minor est integra mole ENF , seu BAC , igitur necessario rarefieri debet moles aeris EDF , ut amplius spatium ABC repleat, ni velimus vacuum admittere; & quia moles ORN æqualis est ABC seu ENF & in illa præter aeris molem in sua naturali raritate constituta insinuatur quoque pars aeris ODN intra eius ambitum condensata, atque aer in suo statu naturali contentus in spatio EDF post eius rarefactionem replet integrum spatium ABC , quod est æquale spatio ORN , igitur densitas anterioris aeris constipati ORN ad densitatem aeris ampliati in spatio ABC eandem proportionem habebit, quam duo spatia ORN , & ODN simul sumpta habent ad spatium EDF ; sed vis, & energia, qua aer condensatus nititur se dilatare, efficitur à centro versus eius circumferentiã ORN (sic enim ad priorem nativam dilatationem reduci potest) è contra vis, quæ exercetur ab aere rarefacto, ut sese constringat, & uniatur, efficitur à circumferentia versus centrum; & quia est impossibile, ut aer anterior constipatus NRO se dilatet, quin propellat, & vim inferat mobili ABC , à quo restrictus fuerat, & è contra posterior aer rarefactus dum ad naturalem constipationem

nem sese reducere conatur non potest propellere mobile ABC , quandoquidem eius vis, & energia, & propterea eius motus impulsivus, efficitur à circumferentia ad centrum sui spatij; igitur quanto aer anterior est magis constipatus aere posteriori, tanto maiori resistentia impedit, & repellit mobile ABC perductum in $EONF$, quod nititur illum è suo loco removere, quam sit propulsio aeris posterioris, à qua promoueri debet idem mobile antèrius ab M versus D , quapropter resistentia aeris anterioris ad vim impulsivā posterioris aeris eandem proportionem habebit, quam duæ moles RNO , & NDO simul sumptæ ad solitariam molem EDF .

Et hætenus comparauimus resistentiam cum impulsiva virtute eiusdem fluidi pro ratione densitatum; remanent modo considerande velocitates earundem partium fluidi; & profecto certissimum est eodem tempore expelli portionem aeris EDF è suo loco, & repleti spatium derelictum ABC , in quo prædicta moles aeris reducitur, ampliaturque; & quia velocitates duorum corporum fluidorum æquales moles habentium, & eodem tempore exercitæ habent eandem reciprocam proportionem, quam spatia ab eis occupata, & transcurra, igitur velocitas aeris EDF in situ anteriori ad velocitatem, quam exercet in situ postico BAC eandem proportionem habet, quam spatium ABC ad spatium EDF ; & quoniam momentum, quo anterior pars aeris resistit progressui mobilis ABC ad momentum, quo aer posterior recurrit ad replendum spatium ab eodem mobili derelictum, & cum quo eum propellit componitur ex proportionibus densitatum, & velocitatum earundem aeris portionum, scilicet ex ratione duorum spatiorum ORN , & ODN simul sumptorum ad spatium EDF , & ex ratione

*Bened. Castel.
de mens. fluent. aqua lib.
1. prop. 3.*

Ex mechanica.

tione spatij ABC seu ORN ad idipsum spatium EDF ; quapropter momentum resistantiæ aeris anterioris ad momentum impetus impellentis aeris postici eandem proportionem habet quam productum spatij ORN in spatium ORN vna cum spatio ODN ad productum spatij EDF in se ipsum, & proinde manifestum est, resistantiam anterioris aeris maiorem esse virtute impulsiva aeris posterioris recurrentis ad spatium replendum.

His declaratis demonstrabitur propositio principalis hac ratione.

PROPOSITIO III.

Si fluidum recurrat ad replendum posticum locum est impossibile, vt repellat mobile vterius.

Fig. 2.
Tab. 1.

Intelligatur mobile ABC impelli, vel trahi à vi motiua Z à loco X vsque ad M ; certum est, quod dum propulsio perseverat, medium fluidum anterieus $EONF$ successiue è suo loco repellitur, idque per latera GI , & HL recurrit ad replendum spatium à mobile derelictum versus M ; & hinc animaduertendum est, quod dum impulsio, vel tractio impellentis Z perseverat semper causa effectiua recursus fluidi per latera ad replendum spatium in M est vis ipsius Z , quæ expellit fluidum è spatio $EONF$, quod consequenter sponte sua recurrit ad replendum locum derelictum versus M ; & licet hæ duæ operationes fiant eodem tempore, ne vacuum admittatur, nihilominus prius natura videtur fieri expulsio anterioris fluidi $EONF$, quam recursus ad replendum posticum spatium versus M ; his positis cesset impulsio impellentis Z , & consequenter deficient impulsus, & mo-

tus

tus ipsius mobilis *A B C*, hoc autem deficiente necessario cessat propulsio, & expulsio fluidi interioris *E O N F*, eo quod supponitur nullam vim motiuam in mobile *A B C* remanere impressam subito ac virtus motiua *Z* impulsionem refrenat; ex his facile ostendetur impossibile esse, quod aer posterius recurrens horrore vacui in *M* impellat mobile *A B C*, quoniam quotiescumque cessat, ac deficit finalis causa, atque efficiens prædicti motus, necessario effectus à prædictis causis pendens scilicet transitus, & motus eiusdem mobilis deficiet quoque, nec existet in natura, sed finalis causa recursus fluidi versus *M* ex hypotesi esset timor vacui, qui in *M* remaneret, cū supponatur iam extincta facultas motiua in mobili *A B C* quando impulsio proijcientis deficit, atque in ultimo instanti, in quo extinguitur prædictus impulsus externus, iam peruenerat fluidum in *M*, atque repleuerat prædictum spatium, igitur immediatè post prædictum instans, in quo propulsio facultatis *Z* extinguitur non remanet ibidem spatium vacuum, sed vndique repletum, & proinde deficit ratio & nature necessitas, vt ibidem velocissimè fluidum ambiens exportet ad replendum spatium illud, quod iam satis superquè repletum est, quapropter est impossibile; vt fluidum recurrendo ad replendum posticum locum propellat mobile *A B C* vltèrius.

Quoad vero efficientem causam recursus eiusdem medij versus *M* proculdubio deficit in eo instanti, in quo cessat actio, & propulsus facultatis motiue *Z*, quia nulla alia causa defert fluidum versus *M*, præter fluidum *E O N F*, quod à suo loco expulsus cogitur recurrere posterius versus *M*, huiusmodi autem portio fluidi *E O N F* non moueretur, nisi è suo loco violenter propelle-

C

retur

retur, excludereturque, non potest autem hinc expelli nisi à vi, & impulsu mobilis $A B C$, quæ impulsio cum supponatur in eodem instanti cessare deficiet necessario effectus eius, scilicet exclusio, & recursus aeris per G , & H usque ad M ; quapropter est omnino impossibile, ut cessante impulsu proijcientis, fluidum in M recurrentis antèrius propellat mobile $A B C$ versus D .

Prop. 1. & 2. Sed demus hoc aduersarijs, licet impossibile sit, scilicet concedatur fluidum recurrere in M postquam vis proijcientis Z deficit, nec amplius operatur; tunc profecto momentum, quo resistit fluidum promotioni mobilis $A B C$ (ex hæcenus demonstratis) semper maius est, vel saltem æquale momento virtutis impellentis eiusdem fluidi, quæ postèrius recurrendo ad spatium replendum, propellere debet idem mobile $A B C$; igitur obstaculum, quod antèrius impedit promotionem mobilis $A B C$ maius est, vel saltem æquale virtuti impellenti eiusdem fluidi postèrius recurrentis; sed est impossibile, ut vis, & facultas minor, vel saltem æqualis, superet, & vincat aliam vim maiorem, vel sibi æqualem, igitur recursus fluidi postèrius propellentis non prævalere, neque superare potest anteriorem resistantiam eiusdem fluidi, proindeque est omnino impossibile, ut proiectum $A B C$ postquam à proijciente derelinquitur, & nullam vim motiuam in se retinere supponitur, promoueri ulterius queat ab impulsu fluidi postèrius recurrentis, quod fuerat ostendendum.

Alia ratione id ipsum demonstrari potest præmissis aliquibus propositionibus.

PROPOSITIO IV.

Si mobile aliquod, dum ab impulsu medij fluidi fertur, reuoluatur horizontali vertigine circa suum centrum, non poterit excurrere contra directionem motus eiusdem fluidi.

Mobile A B feratur ab excursu alicuius fluidi, aut fluminis, aut venti, aut cuiuslibet alterius corporis fluentis secundum directionem linearum parallelarum ipsi C D à termino C versus D, & in ipso excursu mobile A B reuoluatur orizontaliter, aut mediante machina aliqua, aut à facultate musculorum, vt in piscibus, & auibus contingit; ex tali reuolutione pars anterior mobilis B flectatur versus L, vt in secunda positione videre est, demum flectatur versus C, vt in tertia positione apparet, in qua situationem omnino contrariam mobile A B acquirit ei, quam ab initio habebat; dico modo, quod mobile A B cursum suum flectere non potest transversaliter à K versus L, & multo minus à D versus C, quoniam impulsus fluidi currentis fieri semper supponitur per lineas parallelas ipsi C D à C versus D; igitur mobile A B semper impelletur per eandem directionem à C versus D, ideoque in secunda situatione mobile A B ictus, & propulsiones fluidi excurrentis recipit in dextero latere G, non autem in puppi A, cum lineę ipsi C D parallele inclinatę sint supra longitudinem A B secunde positionis; non igitur impelletur à K versus L, quandoquidem necesse est, vt mobile fluxui obediat, transferaturque à G versus D; simili modò in tertia constitutione, quia impulsus fluens percutit apicem, seu proram, non autem basim,

Fig. 3.
Tab. 1.

sim, aut puppim, vt in primo casu, & proinde mobile ipsum obtemperando virtuti impellenti, & directioni eius fluxus transferri debet à C versus D, quapropter est impossibile, vt motum prosequatur contra directionem eiusdem medij fluentis.

PROPOSITIO V.

E contra si in aliquo medio fluido stagnante, vel omnino quiescente moueatur aliquod corpus ab interna virtute motiua latum secundum directionem alicuius determinatæ fibræ per eius medium, seu per grauitatis centrum extensæ, reuoluaturque horizontaliter prædictum mobile, motus subsequens fiet secundum directionem eiusdem fibræ, qua prius mouebatur.

Fig. 4. In fluido stabili CD excurrat mobile AB secundum
Tab. 1. directionem fibræ AB ab A versus B, feratur vero mobile ab intrinseca virtute motiua, dum vero excurrit mobile AB versus D flectatur, vt in secunda positione transversaliter, & in tertia positione contrario situ ei, quem prius habebat; dico, quod subsequens motus efficietur à K versus L transversaliter, & tandem ab L versus C iuxta directionem eiusdem fibræ motum designantis, quoniam virtus motiua intra mobile AB posita, & vicens impellit mobile secundum directionem fibræ AB ab A versus B, igitur quamcumque positionem acquirat mobile, semper apex eius B, seu prora antèrius promouebitur, & basis, seu puppis A subsequetur, propterea quod virtus motiua, cum sit intrinseca, situationem non mutat intra mobile AB, cum eidem implantata censeatur, & propterea vbicumque apex B reuoluatur semper eadē
 pro-

prora B impelletur antèrius, quapropter in secunda situatione non efficietur motus secundum priorem directionem à C versus D in spatio mundano, sed secundum directionem eius fibræ à K versus L, & demum completa vna semireuolutione in tertia situatione pariter apex B antèrius excurret, & basis A subsequetur; quapropter manifestum est, motum ab intrinseca virtute factum semper directioni fibrarum motus eiusdem mobilis conformem esse, quod erat ostendendum.

Inter mechanica artificia, quibus reuolui potest mobile aliquod in medio fluido natans vulgatissimus est vsus temonis, qui applicari solet in postica parte, seu puppi nauis, eius naturam & facultatem Aristoteles in suis mechanicis quæstionibus considerauit, sed ni fallor non omnino eam exposuit, atque intime percepit; & quoniam ad rem nostram facit, erit operæpretium accurate exponere proprietates, & varietates omnes eiusdem instrumenti.

Quæst. 5.

Quoniam nauis moueri potest aut à virtute intus operante non absimili ei, qua pisces feruntur, vel ei, qua ventus nauem propellit, vel potius nauis impelli potest à fluxu currentis alicuius medij fluidi, atque in hisce duobus casibus actio temonis est diuersissima.

PROPOSITIO VI.

Si nauis, dum propellitur ab impulsu medij fluentis temonem inflectat ad sinistram partem, nauis prora reuoluetur versus dexteram.

Sit nauis A B propulsa à vi medij fluidi C D fluentis à C versus D, appliceturque in puppi A temon A I, qui
Fig 5.
Tab. 1.
dum

*Temonis ope
rationes in
navi a cursu
fluentis tran-
slata.*

dum navis propellitur directè à C versus D, scilicet à puppi A versus proram B flectatur versus sinistram partem in situ A I, ita ut cum axe navis A B angulum I A B efficiat; dico, quod navis prora necessario reuoluetur versus partem dexteram, ut in N L, quoniam impulsus medij fluidi fit per lineas C A D parallelas axi navis A B, profecto si temo non adesset propelleretur navis directè à C versus D, eo quod navis latera E F æquè dilatantur, similique forma curvantur, non obsistit, neque cursum fluentis corporis magis refrænabit vnum latus E quam alterum F, sed posito temone A I flexo ad partes F constat, quod ex omnibus lineis parallelis C A B, quæ designant directiones percussionum medij fluentis, illæ quæ latus A E offendunt minus impediuntur, & refrænantur, quam illæ, quæ impingunt ad partes lateris F, quia nimirum hîc apponitur obstaculum temonis A I, non autem ibi, & quoniam vires impulsuum medij fluentis per lineas parallelas ipsi C D supponuntur æquè validæ, ex his autem illæ quæ sinistrorsum versus F diriguntur maius obstaculum temonis A I offendunt, quam illæ, quæ dextrorsum versus E feruntur, ubi non adest temonis impedimentum, & ideo liberum transitum concedit fluido impellenti, igitur necesse est, ut fluidum currens maiori vi impellat temonem A I eius cursum impediens, & refrænantem, quam latus A E; cumque tota machina A B cum temone pensilis innatet circa gravitatis eius centrum M necessario propelletur temo A I versus F, estque temo fixè retentus in eadem positione ut nempe efficiat semper eundem angulum I A B cum axe navis, igitur impossibile est ut temo versus F impellatur, quin simul axis navis A B transferatur circa gravitatis eius centrum M versus oppositam partem, & proinde,

per-

perducto temone A I ad situm N K axis A B necessariò perueniet ad situm N L cum semper angulus I A B equalis esse debeat angulo K N L, sed motus prorè à B ad L una cum tota naui oppositus est motui temonis, uidelicet ad partem dexteram; igitur uerum est, quod propositum fuerat.

PROPOSITIO VII.

Si naus in medio fluido quiescente moueatur à ui intra ipsam operante, flexo temone prora naus reuoluetur ad easdem partes eiusdem temonis.

Denuo eadem naus A B in medio fluido C D stagnante, ac quiescente impellatur à ui motiua intra ipsam operante, ut est uentus uel agitatio remorum, uel alia similis causa, atque perseverante eius fluxu flectatur temo A I uersus sinistram partem F, atque ibidem retineatur in eodem situ; dico quod naus prora B reuoluetur ad easdem partes F, quoniam ablato temone A I supponitur naus cursus factus secundum lineas parallelas axi naus A B ab A uersus B, & sunt latera naus E, & F equè dilatata similique curuatura inflexa, igitur non magis unum latus naus, quam alterum resisteret occursui fluidi stagnantis æquè denfi, & proindè æquè resistentis; addito postea temone A I ad partem sinistram F flexo, ibidemque fixè retento necessariò latus F A I ampliatur, maiorem fluidi partem è suo loco remouere, & expellere debet, ut naus excurrere possit, quam oppositum latus E A; quia uero naus innatans equilibratur circa eius centrum grauitatis M, fit ut temo A I cedere debeat maiori resistentiæ fluidi stagnantis, ideoque inflecti debet

uer-

Fig. 6.

Tab. 1.

Temonis operationes in naui in medio fluido quiescente translata.

uersus dexteram partem E; est uero impossibile, ut temo flectatur uersus E quin etiam naus uniuersa circa eius centrum grauitatis M reuoluatur ad easdem partes ut in situatione NL, quandoquidem supponitur, quod fixè retineatur temo in eadem inclinatione cum axi naus, ita ut retineat angulum KNL æqualem angulo IAB, quapropter quotiescumque dum naus excurrit à C uersus D, flectitur temo AI uersus F, necessariò prora naus Breuoluetur ad easdem partes, ut in L, quod erat ostendendum.

*Arist. Mechanic.
Quest. 5.*

Causam operationis temonis ab Aristotele adductam insufficientem esse.

Huiusmodi operatio temonis in naus reuolutione reducitur ab Aristotele ad uectis naturam & proprietatem, & censet resistere fluidum ueluti onus temoni AI; cumque onus prædicti fluidi uicem gerat resistentiæ stabilis, sequitur, ut naus tranuersè moueatur, quod profecto omni ex parte uerum non est; propterea quod si dum naus excurrit temo AI clauis uel alio modo fixè in eodem situ inclinato figatur, & ferruminetur, tunc quidē nullo pacto moueri posset ut uectis, & nihilominus naus flecteretur uersus NL; uerum enim uero hoc accidit uirtute uectis, sed alia ratione considerati, & usurpati, nimirum concipi debet BAI uectis inflexus cuius centrū uel fulcimentum existit in centro grauitatis naus M, atque uirtus motiua, quæ est resistentia fluidi stagnantis, & quiescentis applicatur in superficie IAF, hæc autem est uis qua fluidum stabile renititur, atque resistit impulsui ipsius naus cui locum cedere debet, resistentia uero est inertia & pondus ipsius naus, quæ transuersaliter moueri debet, & hæc est uera ac legitima causa operationis, & uirtutis ipsius temonis.

PROPOSITIO VIII.

His declaratis demonstrandum est esse omnino impossibile, vt proiectum postquam ab impellente derelinquitur promoueri possit ab impulsu medij fluidi, in quo fertur.

Sit facultas impellens *H*, quæ proijciat mobile *A B* per directionem *C D*, & si possibile est impellat quoque potentia ipsius *H* fluidum contiguum ipsi *A B* per eandem directionem *C D*, ita vt fluidum prædictum ambiens deinceps vehat veluti flumen mobile *A B* postquam ab impellente *H* derelictum est per eandem directionem *C D*; intelligatur mobile *A B* dum perseuerat in eius cursu reuolui circa centrum suæ grauitatis, ita vt pars anterior *B* conuertatur in secunda positione versus *C*, & è contra postrema eius pars *A* respiciat versus *D*, hoc autem fiat ope alicuius machinæ, aut à virtute muscutorum, vt in piscibus, & auibus contingit. tunc quoniam cursus medij fluentis efficitur secundum eandem directionem semper à *C* versus *D*, licet mobile *A B* conuertat proram *B* versus initium motus *C* necessario cursum continuare deberet versus *D*, nunquam vero contrario motu ferri deberet à *D* versus *C*, quod sane experientia confirmatur, nam lignum vel naus lata ab excursu fluminis, licet reuoluatur circa suum centrum, perseuerat tamen excurrento vna cum cursu fluminis. hoc autem in proiectis non contingit, quæ licet secundum directionem parallelam fibris *A B* proijciantur ab impellente postquam prædictum corpus reuoluitur, vt eius anterior pars retrorsum versus principium motus dirigatur,

Fig. 7.
Tab. 1.

gatur, videmus prosequi suum motum retrorsum, idest contra directionem factam à proijciente, scilicet deinceps mouetur à D versus C: hoc autem euidenter obseruatur in nauibus, quæ conceptum impetum ab impulsu venti vel remorum agitatione retineant, in his autem contractis velis, vel eleuatis, & quiescentibus remis remanet quidem in naui motus quidam perseuerans per aliquod tempus & hoc nomine proiectum censerì potest, tunc sane si directio prædicti motus flectatur, deinceps continuatur motus nauis secundum directionem ipsius axis, non autem secundum directionem projectionis præcedentis; id ipsum in piscibus & auibus manifestè experimur, & in ijs qui super glaciem excurrunt, qui in ipso impetu cursus, si tantummodo reuoluantur ad dexteram partem, simili modo flectitur directio eius cursus, nec obediunt priori directioni à qua impulsì fuerāt, quapropter manifestum est proiecta non promoueri à motu, seu impulsu fluidi corporis ambientis.

Non secus ostendi potest quod à fluido posterius recurrente ad vacuum implendum non promoueatur proiectum, nam similiter facta conuersione & reuolutione mobilis circa centrum suæ grauitatis recursus fieret non præcisè in parte postica corporis reuoluti, sed lateraliter, vnde non posset promoueri iuxta directionem axis, seu fibrarum.

Fig. 8.
Tab. 1.
*Experimento
sagittæ cōfir-
marur eam
non promoue-
ri à medio
fluidi postquā
impulsa est.*

Præterea adaptetur in postica parte sagittæ AB seu cuiuslibet alterius corporis proiectilis obstaculum aliquod AI, quod officium temonis suppleat, & postquam à proijciente derelinquitur, dum in aere vel alio medio fluido excurrit, flectatur temo AI, tunc profecto, si ventio aut compressio & impulsio medijs fluidi motum sagittæ promouet, necessariò, vt demonstratum est, telum

AB

A Breuoluetur ad partem oppositam vt in CL, nunquā vero ad easdem partes vt in DN, sed hoc est falsum, & contra experientiam, nam mobilis AB cuspis nunquam ad partem oppositam CL, sed semper ad easdem partes N inflectitur, vt in piscibus, & auibus perspicue obseruatur; igitur est omnino impossibile vt medium fluidum quocumque modo promoueat proiectum postquam à proijciente derelictum est.

Id ipsum oculari quoque experientia constare potest hac ratione; sumatur corpus aliquod AB circumdatum capillitio quodam ex subtilissimis, & leuissimis filamentis compositum, hoc vero corpus AB proijciatur secundum directionem CD à C versus D, & siquidem causa à qua deinceps propellitur est aer ambiens aut posterius recurrens versus A, igitur necessariò crines postici versus A agglutinarentur, & adhererent basi A impulsì à cōpressionē ipsius aeris impellentis, & ibidem recurrentis, sed hoc est falsum, quandoquidem conspiciuntur crines versus A prolixissime extensi, & fluctuantes, atque tantummodo crines anteriores versus B compressi proiectoque adherentes conspiciuntur, igitur verum non est ab aere ambiente vel posterius premente propelli corpus impulsū.

Postremo non minori euidentia id ipsum confirmabitur hac ratione; sumatur cylindrus vitreus AB vtrunque clausus in A, & B, atque in eius fundo A includatur pila plumbea C, vel alterius materie, dummodo sit optimè leuigata, reliquum vero spatium EBF repletum sit aere, vel aqua, postea impellatur violentissime cylindrus secundum directionem eius longitudinis AB, ab R versus S, huiusmodi vero motus violentus sistatur ab obstaculo puluinaris VX vel alio modo, dummodo motus cy-

Fig. 9.

Tab. I.

Iterum id ipsum confirmatur alia experientia euidentiori.

Fig. 10.

Tab. I.

Iterum id ipsum euidenti experientia confirmatur.

lindri omnino cesset & de struatur. modo si iuxta peripateticam hypotesim fluidum ambiens $E B F$ desert, vel propellit proiectum C ; dico impossibile omnino esse, vt pila C fundum cylindri A deferat, vt perducatur verbi gratia in D . quoniam hoc fieri deberet aut quia postquā cylindrus sistitur, fluidum ambiens $E D F$ adhuc in motu perseverat secundum directionem motus præcedentis ab A versus B , & sic secum transferret pilam C usque ad D , vel potius fluidum A recurrit rapidissime versus A , & sic propellitur pila versus D ; hoc autem videtur omnino impossibile, nam licet ab externo impellente equali velocitate simul cylindrus, fluidum, atque pila C moveantur postquam vas sistitur quiescere quoque debet fluidum inclusum $E B F$, si igitur fluidum motum omnino amittit, & ad quietem reducitur, videtur impossibile ut pilam C transferat à fundo A usque ad D ; si uero quis ad recursum aeris ob uacui horrorem confugere uelit, pariter pila C minime moueri posset, quandoquidem dum cylindrus $A B$ actu mouetur una cum proijciente, pila C nunquam fundum uasis A neque spatium ibidem clausum deferit, sed simul cum illo eodemque modo situato mouetur & excursionem prosequitur, quando uero motus uasis extinguitur non recedit pila C à fundo A , quandoquidem ipsa uirtutem motiuam impressam non habet; ad quid ergo, & quam ob necessitatem fluidum antè $E B F$ posticè recurrere debet in A ad replendū spatium uacuum, quod nullo pacto ibidem timetur, cum pila C ne minimum quidem recedere possit à fundo; quapropter uidetur impossibile ut pila C transferatur usque ad D , sed hoc est falsum & contra euidèntiam sensus, quandoquidem pila C uere excurrit nedum usque ad D , sed insuper tanta uiolentia percutit oppositam basim

sim B, ut eam prorsus diffringat, & in particulas disijciat, non igitur à medio fluido vehente vel posterius recurrente proiectum C promoueri potest.

Cauillari fortasse quispiam posset, quod postquam fistula A B fistitur, licet fluidum integrum E B F moueri non posset ab A versus B, potest nihilominus circulari motu reuolui, & vortice quodam circumduci à termino B lateraliter vsque ad fundum vasis A, & ibidem propellere pilam C versus D. sed ne immoremur in refellenda huiusmodi vanitate, loco pile C collocari potest cylindrus C optime leuigatus in fundo vasis A qui excurre re possit intra fistulam vitream, eique adhareat vt aeris transitum per latera impediat, tunc quidem cylindrus A B exposito modo præparatus violentissime impellatur ab R versus S quousque ab obstaculo firmo V X eius motus omnino refranetur, & sistatur. hinc iam qui lumine intellectus prorsus non destituitur satis superque comprehendit non posse fluidum G B H propellere cylindrū C versus D, nam licet admittatur conuersio, & vertigo aeris G B H (quod somnio simile est, quandoquidem si loco aeris aqua ibidem includatur, sed aliquantisper colorata, vt eius agitatio videri queat, nulla uertigo in prædicta aqua apparet) sed concessa, vt dicebam, huiusmodi conuersione, vt nimirum à G feratur versus B, & deinceps motu contrario descendat à B versus H, nihilominus fluidum quod regreditur à B ad H non posset perducì vsque ad posticam partem vasis A propter angustiam, seu defectum uiæ & transitus per latera G E & H F, sed nisi fluidum perducatur in fundo vasis A nunquā impellet cylindrulum C versus D, igitur non posset vllò pacto cylindrulus C moueri vsque ad D, sed hoc est falsum, & contra sensus euidentiam, quandoquidem verè

cylin-

Fig 11.
Tab. 1.

cylindrulus C transfertur vsque ad D siue in postica parte A grandis, vel parua aeris particula remaneat; vt vero facillimè huiusmodi experimentum fieri possit, loco cylindruli ferrei C ibidem apponatur guttula hydrargiri, quæ in subtilioribus fistulis vitreis A B spatio G E F H omnino adaptatur, & conformatur portio illa mercurij, acquiritque formam cylindricam, & exquisitè latera vitri tangendo transitum aeri non permittit per latera G E, & H F, & hîc excussione vasis A B facta modo superius exposito conspicitur cylindrulus mercurij C transferri usque ad D. insuper si in fundo A ne minima aeris particula remaneat, nihilominus in prædicta excussione uasis A B saltem particulae pusillæ cylindruli fluidi C euelluntur, & refecantur ab eo, atque violentissime propelluntur, & impingunt in basim oppositam B, hoc autem cum nullo pacto fieri possit à recurso fluidi posterius ad replendum vacuum recurrentis, cum ibidè nullum spatium, neque via pro transitu aeris remaneat, igitur est omnino impossibile, vt à prædicto fluido ambiente promoueatur corpus C versus B postquam virtus impellens proijcientis quiescit, nec amplius ipsum vehit.

Vt autem breuius tota demonstratio absoluator considero impossibile omnino esse, vt causa alicuius effectus illa sit, quæ, dum in natura non existit, effectus nihilominus subsequitur, eo quod non entis nullæ sunt operationes, sed euidentissime constat, ut dictum est, quod ablata & non existente in natura circumpulsione mediij fluidi, nihilominus ponitur, & subsequitur effectus promotionis ipsius proiecti; igitur est impossibile, vt circumpulsio mediij fluidi sit vera, & legitima causa motus projectorum, quod fuerat ostendendum.

Proiecta à virtute impressa à proijciente promouentur postquam ab eo destituuntur.

CAP. IV.

PROPOSITIO IX.

Corpus proiecti transfertur à virtute communicata, & propagata à proijciente.

Quoniam euidentia sensus constat proiecta motu uero, & reali transferri postquam à proijciente deferuntur, huiusmodi uero motus, cum sit actus, uel operatio quædam ab aliqua causa necessariò produci debet nō autem à nihilo; hæc autem causa esse non potest actio proijcientis actu operantis, & mobile uehementis, quandoquidem supponitur mobile derelictum, & separatum ab ipso proijciente, igitur necesse est, ut proiectum promoueat ab aliqua ui motiua uicaria ab ipso proijciente substituta, uel saltem ab aliquo alio impellente externo, ueluti est aer uel aqua in qua proiectum excurrit, quandoquidem nulla alia causa præter has duas excogitari posse uidetur; sed iam ostensum est à propulsione fluidi ambientis proiectum non moueri, igitur necessariò à uirtute communicata, & propagata à proijciente corpus proiecti transfertur.

Cap. 3.

PROPOSITIO X.

Id ipsum alia ratione demonstratur.

Secundo corpora quæ mouentur à uirtute motiua intra ea operante, & propellente, ut sunt pisces in aqua natantes, & aues in aere uolantes, quacumque uia, & dire-

Prop. 5.

Prop. 4.

directione cursum conuertant, & commutent, per eandem motum, & transitum peragunt, & è conuerso si cuiuslibet corporis motus directio commutetur iuxta flexionem fibrarum seu axis suæ motionis, necessario à uirtute motiua interius operante id ipsum transfertur, eo quod si ab externo impellente ferreretur, siue axis eius flecteretur, siue non perinde prosequeretur directionem prioris motus, ut ostensum est, sed corpora proiecta secundum directionem alicuius determinatæ fibræ si postmodum cursum flectant, motum, & excursionem mutant per inflexam uiam, igitur huiusmodi proiecta à uirtute interius operante propelluntur. quod uero in conuersione projectorum hoc contingat satis constat ex ijs quæ superius insinuauimus; nauis enim à ui uentorum, uel agitatione remorum impulsæ, sublati uelis, ac remis, cursum suum prosequitur adinstar projectorum, & tunc sane si nauis flectatur contra priorem cursus directionem, prosequitur migrare contrario cursu non prior directione.

PROPOSITIO XI.

Iterum eadem propositio alio medio confirmatur.

Id ipsum confirmatur ex eo quod corpora illa, quæ à uirtute interius operante mouentur, si in parte eius posita apponatur pars aliqua temonis officium explens, tunc quidem efficitur conuersio apicis eiusdem mobilis ad easdem partes, ad quas temo inflexus fuerat, ut superius demonstratum est, & è conuerso si cuiuscumque corporis in medio fluido excurrentis apex, seu prora conuertatur ad easdem partes, ad quas temo inflexus fuerat,

fuerat, id ipsum à uirtute interius operante necessariò promouetur, aliàs conuerteretur ad oppositam partem *Prop. 6.* temonis, vt hactenus ostendimus; sed in proiectis flexo similiter postico temone succedit consimilis reuolutio apicis eius ad easdem partes temonis flexi, igitur huiusmodi proiectum à uirtute interius operante promouetur; quod vero proiecta à temonis flexione similiter viâ commutent reuoluanturque ad easdem partes, constat experientia in superius exposita naui aliunde à vento vel remis agitata, quæ remotis velis subleuatisque remis, non secus ac proiectum, migrationem ac motum prosequitur, tunc demum flexo temone huiusmodi motus proiectitius naui flectitur ad easdem partes, ad quas temo inflexus fuerat, igitur patet propositum.

Innumera superaddi possent pro confirmatione huius propositionis, sed ne perturbato ordine, ea quæ posterius exponenda sunt hîc afferam, libens relinquo: interea satis superque ex dictis patet veritas huius propositionis.

De virtutis motiue proprietatibus, & operationibus.

CAP. V.

ORdo doctrinæ exigit, vt inquiramus cuius nature sit vis illa, quæ à proijciente diffunditur, & communicatur proiecto, & quem denique effectum velocitatis producat; & profecto videtur virtus motiua esse ex genere eorum, quæ nedum intensiuè, sed etiam extensiuè augeri possunt, scilicet extendi, & contrahi vis motiua potest pro amplitudine subiecti in quo existit, & insuper intensiuè augeri, & diminui posse videtur in vno, & eodem subiecto.

E

Vtque

Vis motiua, à qua mobile determinata velocitate fertur uniformiter extensa est, & diffusa per vniuersam eius molem corpoream.

Utque à primo exordiar quoties animaduerto saxum integrum moueri determinata aliqua velocitate, plane percipio singulas eius particulas equali velocitate ferri, & quia totum saxum impellitur à determinata aliqua virtute motiua, videtur necessarium, vt quaelibet particula saxi à virtutis motiue particula impellatur, vt nimirum in totidem particulas equales subdivisa intelligatur vis motiua, quemadmodum corpus translatum discriminatur, quarum vna quaelibet distincto conatu, qui eiusdem energiae sit, particulam corpoream sibi destinata equali velocitate promoueat, vnde subsequatur totius corporis translatio eadem velocitate perfecta; nec prorsus mihi persuadere possum aliquas tantummodo saxi particulas habere virtutis motiuae portiunculas ad earum promotionem destinatas, alias vero particulas saxi non propelli ab vllis portiunculis virtutis motiuae, prorsusque ab eis destitui, quandoquidem effectus velocitatis, qui ab eisdem exercetur non potest à nihilo prodire, sed necessariò pendet à sua causa effectiua, quæ est vis illa motrix; hinc sequitur, si saxum in duas partes æquales scindatur dum actu mouetur, pariter integram virtutem motiuam fore diuisam in duas partes æquales, quarum quaelibet saxi medietatem equè velociter impelleret, vt prius integra velocitas totum saxum promouebat.

Et si idem mobile diuidatur in duas partes eadem proportione, vis motiua diuisa erit.

Igitur absque vlla hæsitazione assumere possumus huiusmodi pronuntiata.

AXIOMA I.

Si duo corpora fuerint omnino æqualia mole, & consistentia, atque ab equalibus facultatibus motiuis impellantur

lantur, necessario æquè velociter ferentur.

A X I O M A II.

Et è conuerso duo corpora mole, & consistentia æqualia æquè velociter translata necessario ab æqualibus motiuis facultatibus impelluntur.

Veritas vtriusque pronuntiati per se patet, quandoquidem causæ effectiux sunt omnino æquales, atque subiecta in quibus operantur sunt pariter inter se æqualia, ideo videtur impossibile, vt effectus ab eis producti non sint pariter inter se æquales. & è conuerso effectus æquales in subiectis omnino æqualibus, & similibus produci non possunt, nisi à causis effectiuis æqualibus interse; cumque æquales facultates motiux sint causæ effectiux motuum, & velocitatum duorum æqualium, & similium corporum, propterea earum effectus, scilicet velocitates communicatæ, seu productæ in iisdem corporibus erunt omnino æquales inter se, & è conuerso.

A X I O M A III.

Præterea si duo corpora inæqualibus velocitatibus moueantur connexis corporibus efficient ambo tertiam, velocitatem tardiozem excursu celerioris corporis, & celeriozem ea, qua pigrius corpus excurrerat.

Hoc enim euidentissimum est, connexo equo verbi gratia cum boue planè percipitur, quod pristina equi velocitas quodammodo retardatur, refrænaturque à pigritia bouis, quem inuitè raptare oportet, & è contra.

bouis tarditas necessario aliquantulum acceleratur à violentia qua equus eum rapit, igitur ex eorum commistione subsequitur motus tardior quidem velociori motione, celerior vero pigriori motu, proindeque medius est inter velocem, & tardum.

C O R O L L A R I V M.

Hinc deducitur quod si duo corpora æquè velocia connectantur eorum communis velocitas non augetur, neque minuitur.

Quandoquidem neutrum à socio corpore acceleratur, nec retardatur, quia impetus æqualis nullam actionem accelerationis, aut retardationis producere potest in impetum sibi æqualem, igitur velocitas communis amborum corporum connexorum eadem prorsus remanet inalterata, quare corporis duplicati uelocitas eadem omnino est, quam habebant prædicta duo corpora discreta, & seiuncta.

Id ipsum affirmari non potest de ui, & facultate motiua, quæ in utroque corporum æqualium inerat, propterea quod in corpore duplicato pariter duplex motiua uis inexistit, quæ in connexione corporum non minuitur, cum extensa intelligi debeat per uniuersam molem

Duo equalia corpora æquè velociter mota, si coniungantur, duplicatur quidem uirtus motiua remanente tamen uelocitate inalterata.

corpoream duplicatam; quapropter fatendum est, post coniunctionem æqualium corporum duplicari uirtutem motiuam remanente tamen semper eadem uelocitate, inalterata, idem dicendum est in quacumque multiplicatione corporum æquè uelocium.

PRO-

PROPOSITIO XII.

Si duo corpora eadem velocitate moueantur, vis motiua ad vim motiuam eandem proportionem habet, quam vnum corpus ad aliud.

Quod dictum est de proportionē multiplici, verificari quoque de quacumque alia proportionē sic ostendetur.

Sint duo quælibet corpora homogenea, quæ eadem velocitate V moueantur, AB quidem à vi motiua DE impulsus, at BC à virtute motiua EF promotus. dico vim motiuam DE ad vim EF eandem proportionem habere, quam corpus AB ad BC ; sumantur velocitatis DE , & corporis AB duo æquimultiplicia EI , & BG in quacumque multiplicatione accepta, pariterque sumantur duo alia quælibet æquè multiplicia EK virtutis motiue EF , & BH corporis BC . & quia omnia prædicta corpora æquè velocia supponuntur, estque vis motiua DE ea quæ impellit corpus AB , ergo vis motiua IE ea erit qua corpus GB eadem velocitate V mouetur (propterea, quod tam multiplex est vis motiua IE ipsius DE , quam est multiplex corpus GB ipsius AB) non secus vis motiua EK erit ea qua corpus BH mouetur eadem velocitate V . iam si corpus GB æquale fuerit corpori BH , manifestum est vim motiuam IE fore æqualem ipsi EK , eo quod æquali velocitate feruntur, nec possunt ex secundo axioma duo effectus æquales velocitatum æqualium in subiectis corporibus BG , & BH æqualibus produci, nisi ab æqualibus causis efficientibus, vnde si vis motiua IE maior fuerit quam EK , erit quoque corpus BG maius quam

Fig. 12.
Tab. I.

quam BH , & si illa minor fuerit hoc quoque suo subsequenti minus erit; & quia antecedentium DE , & AB æquè multiplicia à consequentium EF , & BC æquè multiplicibus iuxta quamcumque multiplicationem accepta vnà deficiunt, vel vnà æqualia sunt, vel vnà excedunt; igitur vis motiua DE ad virtutem motiuam EF eandem proportionem habebit quam corpus AB ad BC , quod erat ostendendum.

PROPOSITIO XIII.

His declaratis ostendendum est quod, si duo corpora æqualia inæqualibus velocitatibus moueantur, eorum virtutes motiue eandem proportionem habebunt quam velocitates.

Quoniam vis motiua nil aliud esse videtur quam tota vehementia, & impetus, quo afficitur corpus mouens, & à quo impellitur aliud corpus motum, huiusmodi autem impetus & nifus percipi non potest absque motione, & agitatione quadam, nam aliunde quantamcumque vim motiuam quis fingat in corpore omnino quiescente, erit illa veluti sopita, & mortua, & proinde ne minimum motionis effectum producat; quotiescumque ergo concipitur in eodem corpore vis motiua modo dupla, modo simpla perinde est ac supponere impetum, vel potius agitationem duplam, aut simplam: nec vero duplus nifus vel impetus seu agitatio dupla in eodem corpore concipi potest quin maiori celeritate (dupla scilicet) fiat; igitur effectus, qui producuntur in eodem proiecto corpore ab impellentibus causis inæquali impetu operantibus debent commensurari violentijs seu velo-

velocitatibus suarum causarum, proptereaque idem mobile à duplo validiori vi motiua duplo celerius impelli debet quam ab alia.

Porro huiusmodi augmentum virtutis motiue in eodẽ subiecto valde differt ab eo, quod hætenus expositum fuit; ibi enim augebatur vis motiua in corpus ampliatur & multiplicatum, & proinde eadem frequentia, & equali raritate particulæ virtutis motiue distributæ fuerant in totidem æquales particulas vtriusque corporis mobilis dupli nempe, & simpli; uerum non sic augetur uis motiua in uno, & eodem mobili, nam quælibet particula corporis mobilis, quæ ab unica singulari uirtutis motiue particula explebatur, & quodammodo informabatur, postmodum à duobus portiunculis uirtutis motiue occupatur, & expletur, quapropter efficitur condensatio quædam uirtutis motiue, quæ magis stringitur, & constipatur quam antea, & hæc quidem producit effectum celerioris motus.

*Augmentum
virtutis moti-
ue in eodem
subiecto inten-
sive crescit.*

PROPOSITIO XIV.

Potest igitur demonstrari methodo non diuersa à superiori, quod, si idem corpus ab inæqualibus motiuis facultatibus impellatur, uelocitates eius eandem proportionem habebunt quam uires motiue, & è contra.

Quomodo impetus proyicientis diffundatur, & communicetur in proiectis, & qua ratione imminuatur.

CAP. VI.

Licet uelocitas imprimi possit motu illo sociali, quo mobile uehitur à proyiciente, nihilominus utilior est

est consideratio illius modi impressionis, qui efficitur ab ictu, & impulsu alterius corporis in motu constituti, præterea licet corpora omnia concreta compressilia, & flexibilia aliquo pacto sint, ut posterius ostendemus, nec corpora omnino dura in natura reperiantur, nisi prima corpora, ex quibus concreta omnia componuntur, nihilominus commoditatis gratia supponi possunt (ut in scientia mechanica fieri solet) corpora concreta omnino dura, & inflexibilia, pariterque supponi possunt absque ulla resistentia, & indifferentia ad motum, nec ab aeris densitate impedita.

PROPOSITIO XV.

Igitur si fuerint duo corpora inæqualia quæ impellantur ab æqualibus uiribus motiuis, erunt eorum uelocitates reciprocè proportionales magnitudinibus corporum impulsorum.

Fig. 13.

Tab. 1.

Prop. 12.

Prop. 13.

Sint duo corpora inæqualia A, & B, & uis motiua ipsius A sit R quæ id promoueat uelocitate D, ipsius uero B uis motiua sit S à qua moueatur uelocitate C, sintque uires motiue R, & S æquales inter se; dico uelocitatem C ad D eandem proportionem habere, quam corpus A habet ad corpus B. intelligatur aliud corpus E æquale ipsi B quod à uirtute motiua V pellatur eadem uelocitate D, quia corpora A, & E eadem uelocitate D feruntur, ergo moles A ad E eandem proportionem habet quam uis motiua R ad V; postea quia duo æqualia corpora B, & E mouentur inæqualibus uelocitatibus C & D, ergo uelocitas C ad D eandem proportionem habet, quam uis motiua S ad V; supponebantur uero uires motiue

tiuæ R & S inter se æquales, ergo ad eandem uim motiuam V eandem proportionem habebunt. ostensa vero fuit moles A ad E, seu ad ei æqualem B eandem proportionem habere quam motiua vis R ad V, atque velocitas C ad D ostensa fuit ut vis motiua S ad eandem V, igitur corpus A ad B eandem proportionem habebit quam C velocitas ipsius ad D velocitatem alterius A, quod fuerat ostendendum.

Facile conuersum huius propositionis demonstrari posse constat.

DEFINITIO I.

Præterea in occurſu duorum corporum voco incidentiam perpendicularem, & mediam vnius corporis super aliud, quando linea motus illius nedum perpendicularis est ad huius superficiem, sed etiam per amborum centra grauitatum traducitur.

Agitur in subsequentibus propositionibus de motu recto corporum, non vero de circulari, & tunc quotiescumque duo corpora directis motibus sibi mutuo occurrunt, fieri potest, ut incidentia sit perpendicularis ad alterius superficiem, sed non est necesse, ut eadem recta linea incidentiæ per amborum centra grauitatum traducatur, nam lineæ rectæ ab eorum centrīs grauitatum ad punctum contactus extensæ inclinationem & angulum continere possunt. igitur breuitatis gratia, rectilinea incidentia, quæ efficitur perpendiculariter ad alterius superficiem, atque per utriusque corporis grauitatis centrum traducitur, appellabitur perpendicularis & media incidentia.

F

PRO-

PROPOSITIO XVI.

Quodlibet corpus quiescens pensile indifferens ad motum à qualibet virtute motiua quantumuis diminuta moueri potest.

Fig. 14.

Tab. I.

*Conuer. prop.
15.*

Sit quodlibet corpus B cuiuscumque vastitatis æquilibratum quiescens amouibiliter, scilicet indifferens ad motum, & non impeditum ab aeris densitate, sitque corpus A quacumque velocitate X motum, & occurrat corpori B in C incidentia perpendiculari & media. dico corpus B impelli debere, & dimoueri è suo loco à corpore A. sumatur corpus C æquale ipsi B, & fiat velocitas X ad Z vt moles corporis C ad molem A, & corpus C velocitate Z affectum occurrat perpendiculari & media incidentia corpori B. manifestum est corpus C velocitate Z motū propellere debere corpus B sibi æquale, impetu destitutum, & indifferens ad motum; est vero vis motiua ipsius A æqualis facultati motiue ipsius C (propterea quod corpora A & C reciproce proportionalia sunt suis velocitatibus) & corpus B cedit pelliturque non à mole, sed ab energia, & vi motiua ipsius C; igitur ab æquali vi motiua corporis A velocitate X impellentis corpus B quiescens amouibiliter omnino velocitate destitutum necessario dimouebitur è suo loco, propelleturque, quapropter &c.

PROPOSITIO XVII.

Quodlibet corpus quiescens amouibile nihil omnino resistit cuilibet potentie motiue.

Sit

Sit quodlibet corpus B pensile, & equilibratum, quod omnino indifferens sit ad motum. dico nullam resistantiam habere, neque ob stare cuilibet potentia impellenti, sed libentissime ei obsequi; si enim hoc verum non est, habebit profecto corpus B aliquam resistantiam, cuius vis & energia determinatam quantitatem habebit, hæc autem æqualis esse potest alicui potentia impulsivæ, quæ supponitur in A inexistere, manifestum est ab actione impulsiva potentia A æquilibrari resistantiam ipsius B, proindeque corpus B non impelletur, igitur ut corpus B propellatur adhiberi debet vis motiua maior quàm A, ideoque à qualibet alia motiua virtute minore quam A minime superari poterit resistantia ipsius B, & proinde id ipsum non dimovebitur è suo loco, sed hoc est falsum, ut mox ostensum fuit, cum corpus quiescens amovibile B à quacumque virtute motiua propelli possit quantumvis exigua, & diminuta, igitur non habebit corpus B ullam resistantiam, quod fuerat ostendendum.

Fig. 15.
Tab. I.

PROPOSITIO XVIII.

Præterea ostendendum est, quod corpus incidens in aliud quiescens amovibile, ei non cõmunicabit, neque amittet integram suam velocitatem, si ambo corpora sint omnino dura, & inflexibilia, & incidentia media, & perpendicularis fuerit.

Sit corpus A velocitate DE translatus, qua percutiat perpendiculari, & media incidentia corpus B in quiete amovibili constitutum, sintque ambo corpora omnino dura, & inflexibilia. dico esse impossibile, ut integra velocitas DE imprimatur corpori B, ut nimirum

Fig. 16.
Tab. I.

Prop. 17.

corpus A omni velocitate priuetur; quoniam corpus B in quiete amouibili constitutum & nil impulsui resistens ab omnimoda motus priuatione ad gradum aliquem determinatæ velocitatis peruenire potest, & è contra integra velocitas D E ipsius A vel imminutionem, & decrementum patitur, prout transfertur, & migrat in corpus B vel integra remanente velocitate D E producitur nouus impetus in B. in primo casu patet, quod in progressu incrementi velocitatis ipsius B à nihilo seu motus priuatione initium sumendo, atque in decremento impetus D E ipsius A necessariò peruenient velocitates impellentis A, & impulsu B ad æqualitatem; sed quando A æquè uelociter impellit ac B ictum fugit, cessat omnino ictus & impulsio, & si uelocitas residua ipsius A minor esset velocitate impressa ipsi B, profecto impulsus atque ictus nullo pacto fieri posset; quapropter in ipso actu incidentiæ & percussionis eo usque actio impulsiva ipsius A comprehendi & intelligi potest quousque tantum imminuatur, quantum præcise aucta est velocitas corporis B, nec ulterius propagari potest ac imminui residua illa velocitas impellentis A, & ideo est impossibile, ut vniuersa velocitas D E absumatur, & migret in corpus quiescens amouibile B: in secundo casu præter alia absurda manifestum est impellentis velocitatem D E nil prorsus imminui, quapropter &c.

Manifestantur cause experimentorū, quæ doctrinæ superius tradita refragari videntur.

Non me latet experientias aliquas huic demonstrationi refragari, proiecta enim vna pila super aliam in plano subiecto multoties ictus ea dexteritate fit, ut percutiens pila in eodem loco sistatur, in quo reliquam percussit, aliquando eadem ulterius progreditur vna cum pila percussa; sed frequentissime illa, quæ ictum patitur celerius excurrit, aliquando percutiens pila reflectitur, & retrocedit.

cedit. hæc omnia contingunt propterea quod huiusmodi pilæ non sunt omnino duræ & inflexibiles, sicuti reliqua omnia corpora concreta compressionem aliquam patiuntur, & sensibilem inflexionem, & resilitiōem, ut suo loco ostendemus; præterea pila, quæ ictum patitur non omnino indifferens est ad motum, propterea quod neque eius figura sphærica, neque subiectum planum esse potest perfectissimè leuigatum: his adde vertigines, & conuolutiones earundem pilarum, quæ in occurſu, dū ad easdem partes conuoluuntur, eę facies quæ se contingunt, contrarijs motibus agitantur, vna scilicet deorsum sese inclinando, reliqua vero sursum, vnde fit ut propter asperitates superficierum, ac si essent duæ dentatæ rotæ, se mutuo impediānt; sed præcipue considerari debet cōpressio, & inflexio tam pilæ percutientis quam percussæ, quę non in instanti, sed in tempore effici debet, facta vero compressione, & inflexione ambo corpora nituntur naturali vi se dilatare, & proinde post ictum se mutuo repellunt, quare pila percutiens repellitur via contraria ei, qua prius ferebatur, dum reliqua pila percussa per eandem viam impellitur, & repellitur ab energia, qua se mutuo dilatant ambæ pilæ; igitur in pila percussa augetur causa celeritatis eius, in percutiente vero immittitur, quę diminutio tanta esse potest, ut omnino equet eius residuam velocitatem, vnde subsequatur eius quies, quod si repulsio maior fuerit reliquijs impetus ipsius, tunc post ictum illatum retrorsum reflectetur euidenti transitu, si vero minor fuerit, antè excurret, sed tardius quam pila percussa fugit.

Transeō iam ad alteram propositionem, quæ talis est.

PRO-

PROPOSITIO XIX.

Si corpus vniformiter latum incidat in aliud corpus indifferens ad motum, hoc incidentis velocitatem retardabit, eritque impellentis velocitas ad retardationem quam patitur vt summa corporum incidentis, & percussi ad corpus percussum; oportet autem incidentiam perpendicularem, & mediam esse.

Fig. 17.
Tab. 1.

Sit corpus A velocitate D E vniformi translatus à virtute motiua R, atque perductum in C offendat corpus B, quod indifferens sit ad motum incidentia perpendiculari, & media, & quam proportionem habet A simul cum B ad B eandem habeat velocitas E D ad velocitatem D F. dico D F esse retardationem corporis impellentis A post ictum in C illatum corpori B, quia vna & eadem vis motiua R semper eodem conatu operatur, ergo eadem energia, qua solitarium corpus A promouebat id ipsum impellet in actu incidentiæ super corpus B, quod aliunde, cum indifferens sit ad motum, cuilibet impellenti cedit quantumuis pusillo, & ideo non resistet, neque imminuet vim motiuam R, sed libentissime locum cedit subintranti corpori C, seu A; verum non potest corpus B locum suum deferere quin moueatur, nec potest moueri nisi ab aliqua motiua virtute propellatur, quæ alia esse non potest distincta ab R, igitur post ictum vna & eadem vis motiua R impellit duo corpora C, seu A, nec non B æquè velociter ex præcedenti propositione; hæc autem vis motiua prius mouebat solummodo corpus A, igitur duæ moles corporeæ inæquales B C maior, & A minor mouentur ab eadem virtute motiua

tiua R, ergo vt moles B C ad A ita reciproce velocitas D E erit ad eam velocitatem, qua A siue C vnà cum B mouetur, quæ sit G; ergo per conuersionem rationis vt B C ad B, ita erit velocitas D E ad differentiam velocitatum D E, & G, sed vt B C ad B ita facta fuit D E ad D F, ergo D F est excessus totalis uelocitatis D E ante percussionem supra uelocitatem retardatam post ictum, & ideo retardatio uelocitatis corporis A est D F, quod &c.

COROLLARIUM.

Constat ergo ex hac demonstratione, quod uelocitas percutientis ad gradum uelocitatis corpori percusso impressum eandem proportionem habet, quam summa corporum percutientis & percussi ad corpus percutiens, ut enim A plus B ad A, ita ostensa fuit uelocitas D E ad uelocitatem G seu F E, & hæc est illa, quæ imprimitur corpori B.

Hinc obiter reddi potest ratio experimenti, quod traditæ doctrinæ refragari uidetur. obseruamus ab ictu prægrandis nauigij tardo motu excurrentis nauiculæ imprimi maiorem gradum uelocitatis eo quo nauis ferebatur, hoc accidit ob compressionem flexionemque unius, aut utriusque tabulati nauium occurrentium, ad quam consequitur dilatatio & resilitio celeri motu facta, & hæc profecto impellit nauiculam insigni uelocitate; non ergo à tardo motu totius nauigij, sed à uelocissima resilitione imprimitur maior uelocitas nauiculæ. Non dissimilis operatio obseruatur in lamina, uel machina parieti affixa, quæ si percutiatur hæc contiguam pilam amouibilem in plano subiecto existentem proculdubio impellet,

Ictus ingentis nauigij tardo motu excurrentis nauiculæ imprimi maiorem gradum uelocitatis eo quo nauis ferebatur, hoc accidit ob compressionem flexionemque unius, aut utriusque tabulati nauium occurrentium, ad quam consequitur dilatatio & resilitio celeri motu facta, & hæc profecto impellit nauiculam insigni uelocitate; non ergo à tardo motu totius nauigij, sed à uelocissima resilitione imprimitur maior uelocitas nauiculæ. Non dissimilis operatio obseruatur in lamina, uel machina parieti affixa, quæ si percutiatur hæc contiguam pilam amouibilem in plano subiecto existentem proculdubio impellet,

let, eique imprimet impetum insignem, cum lamina nihilominus secundum totum quiescere uideatur: & quia motus tremoris, aut resiliionis prædictæ laminæ summa celeritate efficitur, ut postea ostendetur, fit ut pilam sibi adhærentem percutiat, & ideo mirum non est suscipere pilam uelocitatem insignem, hoc autem in corporibus omnino duris minime fieri posset, ut patet ex superius demonstratis.

In percussione vis motiua impellētis nō minuitur, neque de nouo uel in proiecto producit, sed tantummodo expanditur, ita ut una eius pars in percutiente remaneat, reliqua uero in corpus percussum communicetur.

Fig. eadem.

Et hîc summopere animaduertendum est, quod licet uis motiua R imprimat gradum uelocitatis G corpori B, quod prius in quiete amouibili consistebat, nihilominus ex prædicta actione nihil penitus amisit uirtus motiua R, nec prorsus debilitata est, sed tantummodo expansionem, & rarefactionem sui ipsius passa est, quandoquidē uirtus motiua R prius constipata in corpus minus A efficiebat integram uelocitatem DE modo æquali rarefactione uniformiter expansa in duobus corporibus A, & B, mirum non est, si minorem uelocitatem G creat, quando ergo quæritur, quidnam sit uis illa motiua, quæ à proijciente in corpus proiectum imprimatur; tenemus iam huius quæsitæ solutionem, non enim uis motiua aliā sibi similem producit de nouo in natura, sed tantummodo subdiuiditur, & migratione quadam expanditur in utroque corpore, in proijciente scilicet, & proiecto; quia uero huiusmodi uis motiua nil aliud est quam corporis determinata quantitas impetus, & agitatio tanta uelocitate facta, patet quod integra uelocitas, seu impetus, quo ferebatur corpus impellens A postea uniformiter expansus per omnes particulas utriusque corporis impellentis, nempe A, & proiecti B, fit ex prædicta rarefactione, ut singulæ particulæ atque integra corpora retardata uelocitate G deinceps moueantur.

Igitur

Igitur quod tantopere aliqui peripatetici horrent migrationem scilicet motiue virtutis videtur esse certissimum, nam pars virtutis, seu impetus, quæ in impellente corpore constipata inexistebat, diffunditur expanditurque in corpus percussum.

Velocitas, quæ ab ictu in corpus proiectum communicatur, ex sui natura non in tempore, sed in instanti diffunditur.

CAP. VII.

IAm superius innuimus non reperiri in rerum natura corpora concreta omnino dura, & inflexibilia, hoc tamen non vetat quin supponi possint corpora, quæ flexibilitate, & compressione immunia sint, quia saltem prima corpora componentia sunt huius naturæ, in quibus saltem propositio verificari potest, & præterea vsum habet etiam in reliquis corporibus flexibilibus.

S V P P O S I T I O. I.

Sed prius præmitti debent hæ duæ suppositiones, quarum prima est, quod facultas motiua, quæ interna & naturalis est alicuius corporis, non videtur esse inferioris ordinis, & debilioris energie quam sit illa vis motiua, quæ in aliquo proiecto ab externa causa impressa est, quæ mediante deinceps proiectum operatur impellendo corpora sibi obstantia equali velocitate ac interna vis motiua propellebat; quia vis motiua ex sui natura nil aliud esse videtur quam tanta energia & vehementia impetus, à qua, nedum subiectum in quo vis motiua existit mouetur,

tur, sed insuper, quæ communicari, & diffundi potest in alijs corporibus mobilibus eius progressum impredientibus, vnde fit, vt quotiescumque effectus producti à duabus causis sint prorsus inter se æquales erunt necessario causæ effectiuæ æquè validæ, & eiusdem roboris, igitur si idem corpus pensile & indifferens ad motum æquè velociter impellitur ab ictu sibi illato ab aliquo proiecto corpore, atque à graui cadente, vel ab impulsu animalis cuiusdam, non poterit huiusmodi intrinseca & naturalis vis motiua debilior & languidior censi, quam sit vis illa proiectitia, aliàs idem effectus velocitatis impressæ in corpus pensile produceretur à causis effectiuis inæqualis roboris, quod videtur omnino absurdum. omitto è contra, quod virtus proiectitia potius debilior, & inferioris ordinis censi debet eo nomine quod non sit perpetua, & perseuerans, quandoquidem semel debilitata, aut deleta deinceps sponte sua restitui, & reuiuiscere non potest, cum è contra vis motiua à naturali & intrinseco principio prodiens nunquam deleatur, & si forte aliquando actus, & exercitium suæ operationis impeditur, denuo sponte sua reuiuiscit, & pristinam energiam acquirit; quapropter nullo pacto censi debet vis proiectitia altioris ordinis, & maioris roboris, & energiæ, quam sit vis motiua ab intrinseco, & naturali principio pendens, quæ eundem velocitatis gradum in aliud corpus indifferens ad motum imprimit.

S V P P O S I T I O II.

Secundo suppono quod gradus velocitatis cuiuslibet mobilis proiecti, si ab aliquo externo impedimento imminuatur, & retardetur, non poterit denuo restitui,

&

& per se reuiuiscere, nisi adsit noua causa, à qua impetus renouetur, & denuo eidem corpori imprimitur.

Fig. 18.

Tab. 1.

Si enim corpus A uelocitate D C feratur, atque à causa externa retardetur eius motus, ut nimirum subdupla ex. gr. uelocitate E C moueatur, manifestum est non posse per se, absque nouo impulsu superueniente uelocitate iam extincta, & amissa D C denuo moueri, scilicet eodem tempore percurrere duplum spatium, aliàs motus, qui ex sui natura effectus, & operatio alicuius causæ motiue est, procrearetur à nihilo, quod est impossibile. igitur ut denuo ad duplam celeritatem restituatur, requiritur noua causa, quæ nouo impulsu augeat diminutam celeritatem, nouo scilicet impulsu exterius adueniente, estque aliunde hoc euidentissimum in omnibus proiectis, quantacumque enim uelocitate saxum, vel sagitta proijciatur, quoties ab externa causa refrænatur, aut retardatur, vel extinguitur impetus eius, uidemus eam vires non resumere per se, neque uelocitate amissa & deleta vnquam moueri, & profecto hac præcipua proprietate differt impetus seu vis motiua naturalis à violenta projectorum, quia nempe illa, licet impediatur, retardetur, & omnino sistatur, sponte sua vires reassumit, ut grauia sublato fulcramento subito decidunt, quod proiectis non contingit, & hoc nomine vis motiua intrinseca, & naturalis perpetua & immortalis censeretur potest, cum vis motiua proiectitia non diu perseueret mortalisque sit, nec ab eius priuatione ad existentiam sponte sua regrediatur. his præmissis demonstrandum est, quod

PROPOSITIO XX.

Quodlibet corpus in motu constitutum percutiēdo corpus pensile in ipsum imprimit velocitatis gradum non successiuè, & in tempore, sed totum simul in instanti; oportet autem ambo corpora omnino dura, & inflexilia esse.

Fig. 19.
Tab. 1.

Corpus A velocitate D latum pertingat ad contactum corporis B pensilis, & amouibiliter quiescentis ad punctum C, ipsumque percutiat perpendiculari & media incidentia versus G, imprimatque in ipsum gradum velocitatis EF, sintque ambo corpora durissima & inflexibilia, & primo corpus A sit proiectum vt nimirum eius impetus D non sit ab interna virtute motiua prodiens, sed ab aliquo externo impellente sibi communicatus, dico corpus B acquirere velocitatem EF totam simul in vnicō temporis instanti. si enim hoc verum non est, imprimatur talis gradus velocitatis successiuè tempore TV; & quia successiua actio diffusionis impetus temporanea intelligi non potest absque eo, quod impetus continenter crescat à pusillo & minimo gradu crescendo quousque ad maximum impetum EF perueniat, huiusmodi vero transitus seu incrementum impetus in tempore factus aut est vniformis, scilicet proportionalis temporibus excursis, aut non; si proportionalis fuerit ita vt in temporis medietate TX acquiratur totius velocitatis medietas EH, & in temporis quadrante TZ acquiratur quarta pars velocitatis EI, & sic in reliquis partibus proportionalibus, vt tandem in fine totius temporis TV compleatur tota velocitas EF; si uero incrementum uelocitatis propor-

portionale non fuerit temporibus exactis, saltem hoc euitari non potest, quod nimirum in portione temporis TZ integer gradus velocitatis EF minime impressus sit in corpus B , sed necessariò portio aliqua eius, qualiscūque illa sit, imprimetur, quandoquidem supponitur cōpleta impressio totius velocitatis EF in fine totius temporis TV . his positis quoniam huiusmodi velocitas imprimitur ab A in corpus B toto tempore TV , & absque contactu actio impulsiva concipi non potest, ergo corpus A continuato contactu in C , dum promouet corpus B , vnà cum eo moueri cogitur perseverante tempore T , igitur corpus A cogitur moueri uersus G eadem velocitate qua corpus B promouetur, eo quod nunquam corpus A in dicto tempore TV separatur a consortio corporis B , igitur non poterit A tempore TZ moueri alia velocitate quam ea, qua fertur corpus B quæ est EI , quapropter corpus A ob impedimentum, & remoram corporis B omnino amisit pristinam eius velocitatem D , & tantummodo diminutam velocitatem ET in fine temporis TZ possidet, cumque per se gradus velocitatis E non possit augeri in ipsomet impellente corpore A , cum non adsit noua causa, quæ velocitatem amissam augere vel restituere possit, quandoquidem medium fluidum hoc efficere non potest, ut ostensum est, ergo est impossibile ut corpus impellens A in subsequenti tempore à se ipso maiorem gradum velocitatis acquirat quàm EI ; sed ex hypotesi in maiori tempore TX corpus B vnà cum impellente A acquisierunt maiorem velocitatem EH , & tandem in toto tempore TV peruenerunt ad maximam velocitatem EF , quod est absurdum. non igitur in tempore ab impellente A imprimitur in B velocitatis gradus EF , remanet ergo ut in instanti imprimatur.

*Ex 2. suppos.
huius cap.*

Cap. 3.

Secun-

*Fig. 20.
Tab. 1.*

*An prima par-
te huius prop.*

*Ex prima sup-
positione hu-
ius Cap.*

Secundo loco supponatur corpus A promoueri ab in-
trinseca & naturali ui motiua D, & occurrat corpori pē-
sili B ad motum indifferenti ad punctum C perpendicu-
lari & media incidentia, eique imprimatur velocitatis gra-
dum E F, sintque ambo corpora durissima & inflexibilia;
dico corpus B acquirere velocitatis gradum E F in vni-
co temporis instanti. ponatur corpus M æquale ipsi A,
cui ab aliqua externa causa proijciente imprimatur idem
gradus velocitatis D, & hoc impetu affectum corpus M
incidat in idem corpus B in puncto N, eique imprimatur
gradum velocitatis E F; quoniam corpus M est proiectū
moueturque à vi motiua D sibi impressa ab externa cau-
sa, tunc velocitas E F imprimitur ipsi B in instanti, vt
ostensum est; sed quando uis motiua D est intrinseca &
naturalis ipsius A non est inferioris ordinis & minoris
roboris & energiæ quam sit eadem uirtus motiua proie-
ctitia ipsius M, igitur non poterit debilius & tardius ope-
rari natiua vis motiua D ipsius A quam proiectitia vis
alterius M, cum subiectum mobile B idem sit equè indif-
ferens ad motum & equè retardans impetum proijcien-
tis, & effectus velocitatis impressæ E F idem quoque,
nec non vis motiua D sibi ipsi æqualis, igitur est impos-
sibile, vt vis proiectitia ipsius M operetur in instanti, &
ei æqualis uirtus intrinseca & natiua ipsius A tanto tar-
dius operetur nempe in tempore, quapropter in instanti
operabitur, quod erat, &c.

PROPOSITIO XXI.

Aliter idem ostendetur hac ratione.

*Fig. 19.
Tab. 1.*

Iisdem positis si enim in instanti non imprimatur ve-
loci-

locitas EF corpori indifferenti B ab impellente A, ergo in aliquo tempore TV; intelligatur corpus Y quod siue glutinis tenacitate quo subiecto plano adheret, siue vi motiua contraria resistat impulsui ipsius A & impressioni velocitatis EF, sitque talis resistantia ipsius Y tantæ energiae, vt ad eam superandam requiratur actio impulsivæ virtutis ipsius A impetu D perseverans toto tempore TV, quod profecto possibile est, cum prædicta resistantia augeri, & minui in infinitum possit, tunc æquè resistet potentia corporis Y ac corpus B indifferens ad motum, sed hoc est falsum, cum B quiescens amovibiliter ex propositione 17. nullam resistantiam habeat, ergo non in tempore, sed in instanti motus imprimitur.

Non me latet præclarissimum Gassendum, cum de impressione impetus agit, censere, dum ab impellente corpore movetur & vehitur proiectum, tyrocinio quodam assuescere & quasi addiscere motum exercere, unde fit, vt postmodum per se motum peragere absque adiumento projicientis possit. hinc fortasse quispiam dubitandi occasionem de firmitudine adductæ demonstrationis arripere posset, scilicet dicere posset proiectum B dum ab alio impellitur, & vehitur tempore TV moveri quidem, sed non virtute motiua inexistente sibi communicata ab impellente A, sed impulsu mere passivo permanente facultate motiua in ipso projiciente, à qua veluti pondus quoddam iners vehitur promoueturque, ex quo subsequitur, quod impetus non communicetur in instanti, licet in instanti motus projecti initium habeat.

Modus impressionis impetus à Gassendo excogitatus refellitur.

PROPOSITIO XXII.

Hoc autem falsum esse sic ostendetur.

Fig. 19. Si ab impellente A vehitur corpus B motu mere passiuo absque eo, quod sibi impressam vim motiuam possideat; tunc aut impetus E F sibi imprimitur in postrema parte temporis T V, aut in ultimo eius instanti; si in parte temporis T V postrema, sequitur absurdū primi casus propositionis vigesimæ; si in ultimo instanti, ergo velint nolint vis motiua & impetus integer in instanti imprimitur in illo nempe ultimo temporis T V post percussionem. præterea in hac hypotesi corpus B dum vehitur, agitur vero & reali motu, & transfertur, at realis motus & migratio concipi non potest absque velocitate seu impetu sine quo existeret non potest, ergo est impossibile ut corpus B tempore T V feratur impulsu mere passiuo destitutum proprio & præconcepto impetu. nec verum est pondus dum trahitur & vehitur omnino iners & passive se habere, nam re uera suam vim motiuam & impetum impressum possidet, hoc profecto latet ob impedimenta & propter asperitatem corporis uecti, & soli super quod incidit, cui propter energiam grauitatis adheret nec libere excurrere potest; secus autem contingit quando corpus uectum fuerit sphæricum, & planum subiectum perfectissime leuigatum, tunc enim licet tardissime uehatur, dummodo in fine tractionis non sistatur, & ad quietem non redigatur, post casum aliquantulum excurrit, & hic motus euidenter indicat impetum in eo impressum. id ipsum experimur in corporibus innatantibus, & æquilibratis, quæ ne minimum uehi possunt qua-

quacumque tarditate, quin subsequatur progressus aliquis, qui impetum in eo existentem manifestet. quare nulla tractio, uectio, seu migratio excogitari potest absque impetu impresso eidem corpori, quod mouetur, proindeque est impossibile ut corpus B, dum uehitur tempore TV impetu proprio destituatur & se habeat mere passiue.

PROPOSITIO XXIII.

Alia ratione id ipsum ostendetur.

Corpus A uelocitate DE, scilicet ui motiua R affectu perpendiculariter & per medium incidat super corpus B amouibiliter quiescens, & si fieri potest post incidentiam toto tempore G retineat impellens A integram uelocitatem DE, ut nimirum nulla eius pars diffundatur, nec communicetur corpori B, & quia corpus B amouibiliter quiescens nil resistit impulsui ipsius A eius uelocitatem non imminuet, ergo necesse est ut in toto tempore G corpus A uelocitate DE non imminuta excurrat, proindeque eadem uelocitate annexum corpus B antea excurreret promouebiturque, quare ab eadem uirtute motiua R impellentur duo corpora A, & B eadem uelocitate DE; sed in fine temporis G postquam portio impetus ipsius A communicata est ipsi B tunc duo corpora A & B ab eadem uirtute motiua R transferri debent diminuta uelocitate EF, ad quam integra uelocitas DE eandem proportionem habeat, quam duo corpora A & B simul ad A, & prius ambo mouebantur uelocitate integra DE, ergo eadem corpora A & B ab eadem uirtute motiua R inæqualibus uelocitatibus DE & FE mouen-

Fig. 17.
Tab. 1.

Prop. 15.

Corollarium
Prop. 19.

H

tur,

tur, quod est absurdum, non ergo post instantaneam percussionem tempore G corpus B dum mouetur virtute motiua destituitur, vnde constat non tyrocinio nec disciplina vel assuetudine impetum acquiri in tempore, sed diffundi in instanti.

Velocitas, quæ in corporibus flexibilibus & non omnino duris communicatur ab ictu percussivo, imprimitur non in unico, sed in pluribus instantibus temporis continenter succedentibus.

CAP. VIII.

HActenus supposuimus omnimodam duritiem & inflexibilitatem tam in corpore ictum inferente, quam in percusso, modo supponamus eadem duo corpora cedentia, & flexibilia esse, vt sunt omnia corpora concreta, quæ in rerum natura existunt; hæc autem aut constant ex partibus discretis, & omnino seiunctis, aut eorum partes simul connectuntur glutine, aut vinculis aliquibus, quæ aliquando maiorem, aliquando minorem tenacitatem habent, vnde fit, vt quotiescumque ab aliquo corpore duro premuntur, tunc quidem non omnes partes eiusdem corporis eodem motu, & celeritate vnà mouentur, sed possunt primæ particule, quæ ictum recipiunt, agitari reliquis quiescentibus, aut diuerso, & tardiori motu pristinam positionem deferentibus, & hinc confurgit aut mollities corporis, aut flexibilitas. Vt vero à notioribus initium sumamus,

PRO-

PROPOSITIO XXIV.

Percussio facta in congeriem corporum disiunctorum impetum in eam communicat continenter debilitatum, & in tempore.

Supponatur corpus concretum B C D conflatum ex particulis B, C, D inter se omnino discretis, quæ nullam resistantiam habeant, & indifferentes sint ad motum, percutiatur postea corpus concretum B D à duro corpore A impetu E, siue ab interno siue externo principio pendente, tunc quidem efficiet corpus A non vnicam, sed multiplicem percussione[m], quarum prima erit ea, quæ infligitur antè expositis corporibus B, quæ supponantur omnino dura, & eis imprimat velocitatem F G, quæ ex præcedentibus in instanti propagabitur; quia vero post primum ictum nondum aggregatum ex corporibus A, & B attingit subsequentes particulas C, ideo aliquantulum moueri debent vt ad contactum C perducantur, & propterea tempore aliquo intermedio motus à situ B ad C fieri debet, & postmodum effici poterit secunda percussio in C, quæ denuo eadem ratione instantanea erit, cumque tota velocitas F G, quæ in aggregato corporum A, & B diffusa fuerat, debeat postmodum magis rarefieri in tribus corporibus A, B, & C, igitur velocitas minuetur pro retardatione F H verbi gratia, quapropter relicta velocitas H G, qua mouetur corpus C cum sibi coniunctis corporibus A, & B, in instanti quoque procreatur, & demum tempore aliquo perducì debent ad contactum remotiorum particularum D, & postmodum celebrari debet postremus impulsus ab im-

Fig. 21.

Tab. I.

Prop. 20 21.

22. & 23.

petu GH trium corporum A, B, C , vt tandem fiat secunda retardatio HI , & postremus gradus vigentis velocitatis IG remaneat impressus tum particulis D , cum etiam vniuerso concreto corpori BD .

Hinc percipitur quod reuera velocitas IG imprimatur in corpus concretum BD in tempore non ratione percussione, scilicet non ex eo, quod partiales ictus, & partiales gradus velocitatis imprimantur in tempore, sed quia inter duas percussiones tempus intermediat, propterea quod distantia & intercapedines inter particulas B, C, D corporis concreti excurri debent in tempore; igitur ratio quare postremus gradus velocitatis IG in tempore imprimatur in corpus concretum BD est, quia non efficitur vnica percussio, sed multae continuato ordine, quarum vna post aliam ictum efficit instantaneum, sed inter praedictos ictus particulae quantae temporis semper intermediant.

Fig. 21.

Tab. 1.

His declaratis concipiatur iam corpus concretum BD conflare ex particulis partim discretis, partim vero mutuo connexis, vt sunt corpora fluida, & mollia, in ijs enim totalis & exquisitus contactus nullo pacto admitti potest, quandoquidem non possent impelli primae particulae B , quin etiam tota series subsequen-
In fluidis corporibus admitti debent aliqua spatiosa intermedia.
 tium particularum CD vnà mouerentur, & impellerentur, quod cū repugnet euidentiae sensus, eo quod videmus moueri primas particulas B , dum subsequentes C , & D omnino quiescunt, vt contingit in fluidis, & mollibus corporibus, igitur necessario admitti debent spatiola aliqua intermedia, à quibus particulae illae aliquantulum ab inuicem seiunguntur, eo quod primae particulae B moueri non possunt nisi in aliquo loci spatio, scilicet nisi distent aliquantisper à subsequentibus corporibus C , aliàs si

cor-

corpus B moueri posset versus C quando prædicta corpora se tangunt, & corpus C quiescit, tunc quidem duo corpora se mutuo penetrarent, quod est impossibile, igitur necessario aliqua intercapedo localis inter prædictas particulas admitti debet.

Sed licet prædictæ particulæ aliquo pacto seiungantur, non proinde concipi debent omnino segregatæ, & omnino indifferentes ad motum, sed aliquo pacto resistunt, quatenus ab irretientibus particulis collateralibus retinentur, vt non possint excurrere, & extricari, quin miris modis flectantur circumuoluantur, & varijs ictibus, & confricationibus impediuntur. hinc fit, vt ictus illatus à corpore duro A in instanti quidem velocitatis gradum aliquem imprimat in exposita corpuscula B, quæ ob impedimenta irretientium particularum violentiæ ipsius A aliquanto resistunt, & proinde debilitant aliquo pacto vim impellentis corporis A; hoc tamen non impedit quin prima percussio effectum suum instantaneum producat, impressionis scilicet alicuius velocitatis, vt superius adducta demonstratio euincit, sed concipi debet eo nomine impressionem velocitatis in anterioribus corporibus B in tempore fieri, quatenus corpora B vna cum irretientibus corporibus seriem quandam corporum mobilium componunt, in qua post primum ictum instantaneum particulæ insensibiles temporis mediant inter primum, & subsequentes ictus; idem dicendum est de subsequentibus ictibus in particulis C & D; & siquidem repetitæ resistantiæ particularum multiplicatæ extinguere omnino possent totalem velocitatem impellentis corporis A, tunc quidem quies eius subsequeretur, & extinctio impulsus, & motus.

Non secus in corporibus flexibilibus, vt sunt machinæ,

Particulæ fluidæ componentes motui resistunt, quatenus a collateralibus particulis impediuntur, & proinde impellentis vim motiuam aliquo pacto debilitant.

Efficitur impressio velocitatis in tempore quatenus plures percussiones continenter succedentes sunt.

In flexibilibus corporibus

percuſſio & im-
preſſio impe-
tus in tempo-
re fit, ne dum
quia ſingula-
res percuſſio-
nes tempora-
nea ſunt, ſed
quia inter eas
tēpus mediat
minuitur que
vis motiua ob
reſiſtentiā
earum.

næ, in quibus percuſſio non in tempore fit, ſcilicet ex continuatis impulſionibus, quarum quælibet tempora-nea ſit, & inter duas quaslibet ſemper inſenſilis tempo-
ris particula mediat, & in tali caſu corpus percuſſum nō habebit omnimodam indifferentiam ad motum, ſed potius reſiſtentiā poſitiuam; quandoquidem machina-
flecti non poteſt quin aliquo pacto partes laterales ver-
ſus conuexitatem corporis flexi exiſtentes violenter ab
inuicem diſtrahantur, & quodammodo diffriſcantur la-
cerenturque, at in prædictis fractionibus requiritur gra-
dus determinatus impulſionis, & propterea tantumdem
minuitur violentia impellentis; ſed hæc clariſus perci-
piuntur poſterius vbi de machinæ reſiſtitione agetur.

*Velocitas in proiecto impreſſa ex ſui natura eſt vniſormis,
& perpetuo duratura.*

CAP. IX.

QVoniam, vt dictum eſt, motus qui à proijciente
efficitur nil aliud eſt quam transitus in tempore
determinato factus, vel potius velocitas, quæ
ex ſui natura transitum, & migrationem dicit, manife-
ſtum eſt, ſi remoueantur omnes cauſæ externæ transi-
tum, & motum illum impediētes, & retardantes eſſe il-
lum perpetuo duraturum, quandoquidem effectus cu-
iuslibet cauſæ ex ſe ipſo deficere & languere non poteſt
niſi adſint cauſæ contrariæ à quibus debilitetur, aut de-
ſtruatur; ſic pariter nullus alius modus vel accidens ſpō-
te ſua, & per ſe deſtruitur, aut debilitatur, ſi nimirum
ſubiectum in quo exiſtit perſeueret, & nunquam deſinat
(cum lumine naturæ conſtet entia ſponte ſua in nihilum
abire

abire non posse, nisi deficiat, vel subtrahatur continuus influxus Dei ter maximi, quo entia creata indigere credimus) & insuper non adsint causæ internæ vel externæ eum destruentes, veluti figura trianguli lignei nunquam deficeret, si eius materia, lignum scilicet, in quo subiectatur æterna esse posset, nec ab alia causa externa vnquam destrueretur; sic quoque modus ille, quo corpora ab vno ad alium locum migrant, nunquam deficeret, si corpus in quo existit, & quod migrat æternum esse posset, atque à nulla causa contraria eius motus debilitaretur aut destrueretur.

De proportionem percussorum factarum in corpus

omnino stabile, vel amonibile.

C A P V T X.

Postquam de diffusionem, & propagationem impetus egimus qui ab impellente in corpus impulsus producit, inquirenda modo est vis, & energia ictus quæ premitur corpus impulsus; estque percussio actio quædam compressiva corporis impellentis excepta, & refræ- nata à corpore ictum recipiente; itaque in percussione, duo corpora requiruntur alterum agens, alterum vero patiens, seu actioni resistens; actio vero illius pendet nedum ab impetu seu gradu velocitatis eius, sed etiam ab alijs causis, de quibus modo agendum est in subsequentibus propositionibus hoc axioma præmisso.

*Percussionis
descriptio.*

AXIO-

A X I O M A IV.

Corpus quiescens aliud stabile corpus contingens ipsum non percutiet.

Hoc plane eulentissimum est, quia percussio actio est compressiua, quæ concipi non potest absque nisu & impetu motus localis.

P R O P O S I T I O XXV.

Si duo corpora æquali velocitate translata perpendiculariter incident in superficiem eiusdem corporis omnino immobilis duri, & inflexibilis, eorum percussiones eandem proportionem habebunt quam moles corporeæ eorundem incidentium corporum habent;

*Fig. 22.
Tab. 1.*

Prop. 12.

Duo quælibet corpora A, & B æqualibus velocitatibus V incident perpendiculariter super eiusdem corporis omnino fixi & stabilis C superficiem, sintque prædicta corpora omnino dura, & inflexibilia; dico vim, & energiam, qua corpus A percutit ipsum C ad percussione factam à corpore B eandem proportionem habere, quam moles corporea A ad molem corporis B. quoniam corpora A, & B æque velocia sunt, ergo moles corporea A ad corpoream molem ipsius B eandem proportionem habebit, quam motiua vis extensa in totam molem corpoream ipsius A ad vim motiuam extensam in corpus B; sed corpus omnino firmum C impellitur, & premitur perpendiculariter ab omnibus particulis corporum A, & B impulsis à totidem portiunculis virtutis impulsivæ, & eius-

eiusmodi impulsibus omnino resistit C sua quiete pertinaci eosque refrenat, ergo compressio, quam efficit corpus A ad eum impulsus, quem efficit corpus B eandem proportionem habebit, quam vniuersa vis motiua in corpus A expansa ad totam vim motiuam ipsius B, seu eandem, quam moles corporea A ad ipsius B molem corpoream, quod erat &c.

PROPOSITIO XXVI.

Si duo corpora inter se æqualia perpendiculariter incidant super alterius corporis omnino stabilis superficiem, fuerintque omnia corpora dura, & inflexibilia, vires percussionum proportionales erunt velocitatibus eorundem incidentium corporum.

Corpus A sit æquale ipsi B & ambo perpendiculariter incidant super idem corpus omnino stabile C, & V sit velocitas ipsius A, atque X sit velocitas alterius B, sintque prædicta corpora dura, & inflexibilia; dico vim percussionis, quam efficit corpus A ad percussionem quam efficit corpus B eandem proportionem habere, quam V velocitas ipsius A ad X velocitatem alterius B habet, quia corpora A & B æqualia sunt, ergo vis motiua ipsius A ad vim motiuam alterius B eandem proportionem habet quam V velocitas ipsius A ad X velocitatem B; sed corpus C impellitur, & comprimitur à robore virtutis motiue vniformiter diffusæ per duas moles æquales corporum A, & B, & eisdem omnino sua firmitudine resistit, & refrenat C, ergo vt vis motiua A ad vim motiuam alterius B, seu vt V velocitas ipsius A ad X velocitatem B, ita erit energia percussionis corporis A ad vim percussionis corporis B, quod erat &c.

Fig. 23.
Tab. 1.

Prop. 13.

PROPOSITIO XXVII.

Si duo corpora inæqualia velocitatibus inæqualibus incidant perpendiculariter super eiusdem corporis omnino quiescentis superficiem, sintque prædicta corpora dura, & inflexibilia, vires eorum percussionum proportionem compositam habebunt ex rationibus magnitudinum, & velocitatum.

Fig. 24.

Tab. 1.

Prop. 25.

Prop. 26.

Sint duo corpora inæqualia A, & B, & perpendiculariter incidant super corporis omnino stabilis C superficiem, A quidem velocitate D, B vero velocitate E; dico energiam percussionis, quam efficit corpus A super C ad eam, quam efficit corpus B compositam proportionem habere ex ratione corporeæ molis A ad corpoream molem B, & ex ratione velocitatis D ad velocitatem E: ponatur corpus F æquale ipsi B, quod moueatur velocitate D; & quia duo corpora A, & F eadem velocitate D mouentur, & perpendiculariter incidunt super corpus omnino stabile C, ergo vis percussionis, quam efficit A ad eam, quam efficit corpus F eandem proportionem habet, quam moles A ad F, seu ad B; postea quia duo corpora æqualia F, & B inæqualibus velocitatibus D, & E perpendiculariter incidunt super C, ergo energia percussionis, quam efficit corpus F ad eam, quam facit corpus B eandem proportionem habebit, quam velocitas D ad velocitatem E; proportio vero percussionis ipsius A ad percussionem postremæ B componitur ex ratione percussionis A ad percussionem corporis F, & ex ratione percussionis eiusdem F ad percussionem postremæ B, igitur vis percussionis ipsius A ad vim percussionis alterius

rius B habet proportionem compositam ex ratione molis A ad B, & ex ratione velocitatis B ad E, quod erat &c.

PROPOSITIO XXVIII.

Hinc constat si moles perpendiculariter incidentium corporum super idem corpus omnino stabile reciprocalè proportionales fuerint velocitatibus earum, esse vires percussionum æquales inter se.

Quod facile deducitur ex præcedenti propositione.

COROLLARIUM.

Patet etiam quod si corpus quodcumque perpendiculariter incidat super alterius corporis omnino stabilis superficiem, & ambo corpora fuerint dura, & inflexibilia, vis & energia percussionis mensurabitur nedum ab impetu, & velocitate incidentis corporis, sed etiam ab eiusdem mole corporea. quandoquidem vis motiua, qua impellitur, & comprimitur corpus fir-
mum ictum recipiens mensuratur nedum à gradu intensiuo impetus ipsius, sed etiam ab eiusdem extensione per vniuersam molem incidentis corporis, à qua vniuersæ particulæ eius eadem vi, & robore intensiuo propellunt corpus quiescens. quia vero impeditur à firmo corpore omnino progressus incidentis corporis, scilicet tota eius actio impulsiva retunditur, & refrænatur, ergo actio totalis mensuratur à totali velocitate percutientis, & ab eius mole.

Energia percussionis mensuratur nedum ab impetu incidentis corporis, sed etiam ab eiusdem mole corporea

P R O P O S I T I O XXIX.

Vis percussionis factæ super corpus quiescens amouibiler mensuratur à portione impetus percussiui, ad quam eandem proportionem habet, quam summa percipientis & percussi ad corpus percussum.

Fig. 25
Tab. 2.

Prop. 19.

Ex prop. 26.

Coroll. prop. 19.

Si vero corpus quiescens C ictum excipiens, licet quiescat, sit tamen indifferens ad motum, scilicet sit in quiete seu statione amouibili, tunc quidem vis, & energia percussionis, quam efficit corpus A perpendiculariter & per medium incidens super corpus C non mensuratur à totali impetu VX , quo corpus A id ipsum percutit, sed ab eius portione VZ , ad quam integra velocitas VX eandem proportionem habeat quam summa duorum corporum A , & C ad ipsum C . quoniam corpus A velocitate VX incidit perpendiculari & media incidentia super corporis C quiescentis amouibilis superficiem, igitur velocitas VX vniformiter post ictum spargitur in duobus corporibus A , & C , ergo velocitas VZ est retardatio, quæ infertur velocitati ipsius A ; modo si corpus C esset omnino immobile refrænaretur integra ipsius A velocitas VX , quia nulla eius portio imprimeretur constanti, & omnino immobili corpori C , at quia id ipsum C supponitur indifferens ad motum, & proinde ei imprimitur gradus aliquis velocitatis, puta XZ minus quàm VX , ope cuius cedit & obsequitur impulsui ipsius A , & hoc nomine ei non resistit, repugnat vero & renititur impulsui ipsius A pro mensura diminutionis velocitatis eius, quæ est VZ : sed tanta est energia percussionis quanta est resistentia, quæ impellenti infertur, ergo vis
&

& energia percussio-
nis ipsius super C mensuratur non
ab integro eius impetu V X, sed ab eius portione V Z,
quod erat &c.

*De varietate percussio-
num, quæ oritur ex motu, & positio-
ne corporum ictum recipientium.*

CAP. XI.

CUm eadem operatio quatenus ab efficiente diffun-
ditur actio apelletur, & quatenus in subiecto reci-
pitur passionis nomine donetur, non distinguuntur actio
& passio quoad energiam, sed tantummodo respectu
minorum, sic pariter vis percussio-
nis una, & eadem erit,
eiusdemque mensuræ & gradus, licet respectu impellen-
tis corporis, & quatenus ab eo fuit actio percussio-
nis vocetur, & respectu corporis ictum recipientis vocetur
passio percussio-
nis, & huius operatio dicitur resistentia,
sicuti operatio impellentis vocatur percussio. ex quo de-
ducitur quod resistentia corporis omnino quiescentis,
de quo egimus in superius adductis propositionibus,
commensuretur omnino percussio-
nibus, quæ ab eisdem
corporibus inferuntur. at quia propter alias causas va-
riatur vis & energia resistentiæ, proindeque vis percus-
sionis diuersificatur, propterea huiusmodi nouæ causæ
exponi debent, & primo.

PROPOSITIO XXX.

Si duo corpora moueantur æquali velocitate per eam-
dem rectam lineam ad easdem partes nulla resistentia
neque percussio efficietur.

Fe-

Fig. 26.

Tab. 2.

Ferantur corpora A, & B per eandem rectam lineam
 A B C D ad easdem partes æquali velocitate. dico nul-
 lam prorsus plagam vel percussione inferre A ipsi B,
 neque B penitus resistere impulsui ipsius A. supponan-
 tur A, & B sese tangere (nam absque contactu proculdu-
 bio nulla percussio efficietur) quia existentibus veloci-
 tatibus æqualibus, si in dato tempore corpus A percur-
 rit spatium A C, pariter B fugiendo pertransit spatium
 B D æquale ipsi A C, & ideo B non impedit neque retar-
 dat motum corporis A, quare ablato & non existente
 in natura corpore B, non percurreret A maius spatium
 quam A C eodem tempore, ergo æquale spatium
 percurratur ab A solitario ac ab A coniuncto cum B;
 ideoque perinde impeditur progressus ipsius A à corpo-
 re B quam à nihilo, & propterea progressus ipsius A nul-
 lo pacto impeditur, sed ubi prorsus non refrænatur pro-
 gressus ipsius A, ibi nulla percussio neque resistantia ip-
 sius B concipi potest, igitur A nullo pacto percutit ipsum
 B, neque hoc ei resistit, & propterea eadem placiditate
 A tanget corpus B, ac si ambo omnino quiescerent in eo-
 dem situ spatij mundani, quod &c.

C O R O L L A R I U M.

Hinc patet quod si motus fugientis corporis B velocior
 fuerit motu persequentis corporis A, tunc nullam fo-
 re percussione neque resistantiam, quandoquidem
 nunquam tardius corpus A ad contactum celerius fu-
 gientis B perueniet, ideoque nulla actio percussiva
 nec resistantia concipi potest.

Et hic est secundus modus prohibendi percussione,
 licet

licet enim A motu reali feratur in spatio mundano cum sua velocitate, & impetu, quia tamen deficit motus & impetus relatiuus ipsius A respectu B, percussio tamen non efficitur.

PROPOSITIO XXXI.

Si postea duo corpora omnino dura, & inflexibilia motibus contrarijs per eandem rectam lineam sibi mutuo occurrant perpendiculari & in media incidentia, percussio, quæ fieret super idem corpus tardius excurrens, si in quiete amouibili constitueretur, ad percussionem motibus contrarijs factam eandem proportionem habet, quam velocitas percutientis corporis ad duas eorum velocitates contrarias simul sumptas.

Moueantur duo corpora A, & B motibus contrarijs per eandem rectam lineam, ita vt sibi mutuo occurrant perpendiculari & media incidentia super vtriusque superficiem, sitque CD velocitas ipsius A, atque EF sit velocitas alterius B, & ductis rectis GC, & EI perpendicularibus ad CD, & EF, fiat GC ad EI vt moles corpora A ad molem B repræsentabunt huiusmodi perpendiculares moles ipsas corporeas A, & B, sicuti reliquæ CD & EF repræsentant velocitates eorum, compleanturque rectangula GD, & IF, quæ proportionem compositam habebunt ex rationibus velocitatum, & magnitudinum corporum A, & B, & propterea repræsentabunt prædicta rectangula vires motiuas eorundem corporum. fiat postea vt summa ex A, & B ad B ita CD ad CL erit diuidendo, & inuertendo B ad A vt CL ad LD, compleaturque rectangulum GL. similiter vt A simul cum B
ad

Fig. 27.
Tab. 2.

ad A, ita fiat velocitas F E ad E M, erit diuidendo B ad A
 vt F M ad M E, compleaturque rectangulum M I, atque
 super C D applicetur rectangulum C O æquale F I, &
 quia vt B ad A, ita est F M ad M E, nec non C L ad L D,
 seu productum F K ad I M, pariterque productum C P
 ad L O, & componendo productum F I ad M I erit vt C
 O ad L O, suntque antecedentia producta F I, & C O
 æqualia, igitur & consequentia I M, & L O æqualia
 erunt. fiat postea moles corporea R ad A vt velocitas C
 D ad E F. ostendendum est rectangulum G L ad L O si-
 ue ad I M eandem proportionem habere quam veloci-
 tas C D ad E F. quoniam rectangulum G D ad I F, seu ad
 C O compositam proportionem habet ex ratione laterū
 C D ad E F siue R ad A, quæ est ratio velocitatum, & ex
 ratione C G ad E I, seu corporis A ad B, & rectangulum
 C N ad N D est vt corpus B ad A, & rectangulum N
 D ad L O seu rectangulum C H ad C O vel ad I F
 vt R ad B; igitur proportio rectanguli C N ad L O
 componitur ex ijsdem rationibus B ad A, & R ad B, igitur
 ex æqualitate perturbata rectangulum G L ad L O
 erit vt R ad A, seu vt velocitas C D ad E F. debet modo
 ostendi rectangulum C N designare percussione[m] par-
 tialē ipsius A super B, at L O representare partialē re-
 percussione[m] quam efficit B super A, quia si B esset quie-
 scens amouibile, scilicet indifferens ad motum, tunc cor-
 pus A velocitate C D translatus efficeret super eum
 percussione[m] designatam à rectangulo C N, scilicet ab
 ea portione totius virtutis motiuæ C H, cui corpus B re-
 sistit, & propterea tantumdem refrænaretur vis motiua
 ipsius A, & è contra repercussio quæ efficeretur à corpo-
 re B translato velocitate E F contra corpus A stabile
 amouibile, seu indifferens ad motum mensuraretur à
 por-

Prop. 29.

Eadem.

portione IM seu LO totius eius virtutis motiuæ IF; manifestum est autem in mutuo occurſu corporum A, & B easdem contrarias percussiones effici, quapropter constat partialem percussionem ipsius A ad repercussionem ipsius corporis B eandem proportionem habere, quam velocitas CD ad EF, & vnam earum nempe partialem percussionem ipsius A super corpus quiescens amouibile B ad summam earundem habere eandem proportionem, quam velocitas CD ad duas velocitates simul sumptas, quod fuerat ostendendum.

Vt vero facilius id ipsum demonstraretur hæc propositio præmitti debet.

PROPOSITIO XXXII.

Si duo corpora contrarijs motibus per eandem rectam lineam sibi mutuo occurrant perpendiculari & media incidentia: impetus quo vnum ab altero impellitur equalis erit ei, quo eorum alterum velocitate æquali duabus contrarijs velocitatibus occurrit alteri corpori quiescenti amouibili.

Sint corporum A, & B velocitates CD, & FD contrariæ, quibus per eandem rectam lineam perpendiculari & media incidentia sibi mutuo occurrant in D, excurrēdo eodem tempore duo spatia CD & FD. dico impetum quo corpus A pellit corpus B in D contrario motu effectum, eundem omnino esse quam impetus quo idē corpus A velocitate CF æquali ambabus velocitatibus contrarijs percuteret corpus B quiescens amouibile in F; quoniam duo impetus compressiui eiusdem corporis A inæqualibus velocitatibus CF & CD excurrentis, qui

Fig. 28.
Tab. 2.

K

exer-

exercentur super id ipsum corpus B quiescens amouibile in F & D positum, eandem proportionem habent, quam eius velocitates CF & CD, & corpus B in D situm, non in quiete amouibili constituitur, sed afficitur velocitate contraria FD ac proinde non suscipit, nec patitur solummodo occursum compressiui velocitatis CD, sed insuper repellendo corpus A auget impetum quo sibi mutuo comprimuntur, tanta vi quanta est energia velocitatis FD, & vnica velocitas CF superat velocitatem CD, eodem excessu FD; igitur impetus compressiui qui inferuntur ab eodem corpore A eidem corpori B in F amouibiliter quiescenti, atque in D contraria velocitate FD ictum reperiunt æquales omnino inter se sunt, quod erat &c.

PROPOSITIO XXXIII.

Si duo corpora ad easdem partes per eandem rectam lineam moueantur, & sibi mutuo occurrant, impetus compressiui quo corpus tardius fugiendo impellitur æqualis est impetui compressiui facto in eius quiete amouibili velocitate differentiali.

Fig. 29.
Tab. 2.

Si postmodum corporum A, & B motus fiant ad easdem partes per eandem rectam lineam, & velocitas ipsius A sit CD, at velocitas ipsius B sit FD, & occurrant sibi mutuo perpendiculari & media incidentia in D; dico impetum compressiui quem patitur B ictum fugiendo in D æqualem esse impetui compressiui facto super idem corpus B in quiete amouibili constitutum in F ab eodem corpore A velocitate CF differentiali translato, ita nempe vt A pertranseat spatium CF eodem tempore quo

quo B spatium FD , & idem A spatium CD percurrerat. quoniam si corpus B quiescens amouibile ponatur in F & in D idem corpus A inæqualibus velocitatibus translatus efficiet super B duos impetus compressiuos eamdem proportionem habentes, quam habent velocitates CD , & CF inæquales inter se pro excessu velocitatis FD ; corpus autem B in D non ponitur quiescens amouibile, sed in motu constituitur ab F versus D , quo nimirum cedendo & ictum fugiendo plagam, & ictum persequentis corporis A debilitat pro mensura velocitatis, qua ictum frustratur, obsecundando nempe, non autem ei resistendo, igitur impetus compressiuus in D tantum debilitatur præcisè quanta est velocitas FD qua ictum effugit, proptereaque impetus compressiuus factus in fugiens corpus B æquatur præcisè differentia velocitatum CF scilicet æquatur impetui compressiuo facto super B quiescente amouibili in situ F facto ab A velocitate EF translato, quod erat &c.

His præmissis demonstrabitur superius adducta propositio hac ratione.

PROPOSITIO XXXIV.

Si duo corpora dura contrarijs motibus sibi mutuo occurrant perpendiculari & media incidentia, vis percussionis, quam efficit velocius corpus super reliquum quiescens amouibiliter ad percussionem quam id ipsum patitur contraria velocitate affectum ab eodem impellente, eandem proportionem habet quam singularis velocitas percutientis ad summam velocitatum contrariarum.

Fig. 28.
Tab. 2.

Moueatur A versus B velocitate CD, & B versus A velocitate FD, vt sibi occurrant perpendiculari, & media incidentia per eandem lineam rectam in D sintque ambo corpora dura; ostendendum est vim percussionis, quam efficit corpus A velocitate CD latū super B quiescens amouibiliter in D ad percussionem, quam patitur B contraria velocitate FD affectum ab eodem impellente A, eandem proportionem habere quam CD singularis velocitas ipsius A ad CF summam velocitatem contrariarum. Vt A simul cum B ad B, ita fiat FC ad CM, atque CD ad CL, quare permutando FC ad CD erit vt CM ad CL, constat impetum CL designare vim percussionis factæ à corpore A velocitate CD moto super corpus B quiescens amouibiliter in D, pariterque CM designabit vim percussionis illatæ à corpore A velocitate CF moto super corpus B amouibiliter quiescens in F. & quia reuera vnica percussio efficitur à velociori corpore super tardius, hæc autem fit ab actione compressiva corporis A super B, eiusque energia desumitur ex comparatione magnitudinum corporum A, & B, & ex vehementia impetus, quo sibi mutuò occurrunt, & moles corporea B eadem semper est, nec variatur, siue B quiescat, siue motu contrario agitetur, & impetus, quo B siue quiescens, siue motu contrario latum comprimitur ab A, non est semper idem, & ostensum est vim impetus, quo A comprimit B quiescens amouibile in F ictū opperians æqualem esse vi impetus, quo A comprimit B motu contrario in D ictum reperiētis, si re vera velocitas CF æqualis fuerit duabus contrarijs uelocitatibus CD, & FD; ergo energia percussionis, quam patitur B quiescens amouibile in F ab A translato velocitate CF æqualis est vi percussionis ab A uelocitate CD illatæ

Prop. 29.

Prop. 32.

illatæ corpori B contraria velocitate F D commoto : sed *Prop. 29.*
 C M designat vim percussiois illatæ ab A velocitate C
 F moto super B quiescens amouibile in F, igitur eadem
 C M designabit vim percussiois, quam patitur B con-
 trario motu affectum in D, sed C L indicat vim percuf-
 siois factæ ab A velocitate C D moto super B quie- *Prop. 29.*
 scens amouibile in D, ergo vt C L ad C M vel potius vt
 velocitas D C ad C F summam contrariarum velocita-
 tum, ita erit vis percussiois, quam patitur B quiescens
 amouibile in D ad vim percussiois, quam patitur B cō-
 trario motu agitatum in D ab impulsu eiusdem A velo-
 citate C D facto, quod fuerat ostendendum.

P R O P O S I T I O XXXV.

Si postea duo corpora inæqualibus velocitatibus ad eal-
 dem partes ferantur per eandem rectam lineam, vt fi-
 bi occurrant perpendiculari, & media incidentia, vis
 percussiois, quam patitur antecedens corpus, si in
 quiete amouibili constitueretur, ad eam percussioē,
 quam patitur, dum suo motu ictum fugit, eandem
 proportionem habet, quam velocitas persequentis
 corporis ad differentiam velocitatum eorumdem.

Ferantur corpora dura A, & B per eandem rectam li-
 neam ad eadem partes à C versus D, sitque C D ueloci-
 tas ipsius A persequentis, atque F D sit minor uelocitas
 fugientis corporis B, ut nimirum ex C & F digredien-
 tes eodem tempore in D sibi occurrant perpendiculari
 & media incidentia; dico quod energia ictus illati super
 corpus B, si in D poneretur amouibili statione ad vim
 ictus, quem ibidem patitur B in actu excursiois, & fuge
 eam-

Fig. 29.
Tab. 2.

eamdem proportionem habebit, quam $C D$ uelocitas ipsius A ad $C F$ differentiam uelocitatum earundem. fiat denuo, ut A simul cum B ad B , ita $F C$ ad $C M$, & ita $C D$ ad $C L$. ostendetur, ut prius dictum est, $C M$ designare uim percussionis illatæ ab A uelocitate $C F$ super B in statione amouibili situm in F , similiterque $C L$ indicabit uim percussionis factæ ab A uelocitate $C D$ super B in statione amouibili D , quoniam impetus, quo A uelocitate $C D$ occurrit ipsi B uelocitate $F D$ fugienti æqualis est impetui, quo idem A uelocitate $C F$ differentiali occurrit eidem B in statione amouibili in F constituti, siquidem uelocitas $C F$ æqualis est differentiæ uelocitatum $C D$, & $F D$, ergo energia percussionis, quam patitur B in statione amouibili F ab A uelocitate $C F$ lato æqualis est vi percussionis ab A uelocitate $C D$ illatæ corpori B fugienti uelocitate $F D$, igitur $C M$ designabit vim percussionis, quam patitur B in actu fugæ in D , proindeque vis percussionis, quam patitur corpus B in statione amouibili D ad eam percussionem, quam patitur, dum in D fugit ictum percutientis A eadē uelocitate $C D$ eamdem proportionem habebit, quam $C L$ ad $C M$, siue $C D$ uelocitas eiusdem percutientis A ad $C F$ differentiam uelocitatum eorundem corporum A , & B , quod fuerat &c.

Ex prop. 31.

Energia percussionis pendet nō ab impetu motus realis percutientis corporis, sed à motu respectiuo.

Hinc constat, quod vis, & energia percussionis pendet non ab impetu motus realis percutientis corporis in spatio mundano facti, sed à motu respectiuo, quo vnus reliquum excedit.

PROPOSITIO XXXVI.

Demum si duo corpora moueantur non per eamdem lineam, sed per lineas ad inuicem perpendiculares & sibi

sibi occurrant perpendiculari, & media incidentia, energia percussionis, quam patitur vnum eorum à reliquo, eadem est, quam ea, quæ efficitur in statione eius amouibili vel omnimoda.

Corpus A feratur per rectam lineam CD à C versus D quacumque velocitate CD, atque corpus B excurrat quacumque velocitate FD per rectam lineam FD perpendiculari ad CD, & precisè incidentia media, & perpendiculari corpus A incidat super corporis B superficiem in situ D, sintque pariter ambo corpora omnino dura, & inflexibilia; dico quod energia ictus, quem patitur corpus B in D æqualis omnino erit ei, quo comprimeretur, si B in D in statione amouibili vel omnimoda constitueretur; quoniam motus transfuersalis per FD nō auget, nec minuit impetum directum CD, propterea quod posito, siue ablato motu transfuersali FD, perinde corpus A eodem tempore vnicū spatium sibi ipsi æquale CD percurrere debet; at si impetus ipsius A non alteratur, atque corpus B non fugit ictum ipsius A ab eo recedendo, neque ei contra nititur motu opposito, perinde se habet respectu ictus ipsius A ac si B in D quiesceret, eo quod occurfus & ictus in instanti fieri debet: tunc sane, vel corpus B amoueri potest à linea sui motus FD, vel ibidem firma statione retinetur, in primo casu vis percussionis mensuratur ab impetu CE, ad quem CD eandem proportionem habeat, quam A simul cum B ad B: in statione firma & stabili ipsius B vis percussionis mensuratur ab integra velocitate CD percutientis corporis A, quod erat ostendendum.

Fig. 30.
Tab. 2.

Prop. 20.

Prop. 29.

*De percussionibus corporum obliquè incidentium
super planum stabile.*

CAP. XII.

HActenus supposuimus in omnibus percussionibus incidentiam perpendicularem super corporis ictum excipientis superficiem, modo explorari debent variæ situationes, & inclinationes incidentiarum, expendēdeque sunt varietates inde proueniētes; & primo.

PROPOSITIO XXVII.

Si corpus aliquod moueatur directo motu equidistanter superficiei alterius corporis stabilis, quam absque compressione contingat, siue non contingat, nulla percussio efficietur.

Fig. 31.

Tab. 2.

Corpus A feratur directo motu quacumque velocitate per lineam AD, sitque linea eius motus AD parallela superficiei BC corporis quiescentis, siue A contingat superficiem BC, siue non, dummodo A careat quocumque impulsu compressiuo versus planum BC. dico quod A nullam percussionem efficiet super planum BC; & siquidem A planum BC non tangit, neque in progressu eius motus aliquando id ipsum continget, propter equidistantiam motus AD, & plani subiecti BC, quare absque contactu percussio non efficietur, si postmodum corpus A tangit planum BC in B, quia supponitur simplex contactus absque compressione ulla, ergo similiter in toto progressu per AD æquidistanti ipsi BC efficietur
sim.

simplex contactus absque mutua compressione, sed percussio est conatus compressivus uehementia aliqua factus, cui à subiecto corpore resistitur, igitur cum hic defit omnino motus, & impetus compressivus, & resistentia plani subiecti, nulla percussio efficietur, quod erat &c.

Et hic notandum est, quod motus ipsius corporis A non est respectivus, sed realis, nedum respectu spatij mundani, sed etiam respectu plani subiecti B C, nam re uera corpus A successivis contactibus migrat ab uno loco ad alium spatij mundani, & subiecti plani B C & tamen, ut ostensum est, nulla percussio efficitur; prohibetur igitur percussio hoc tertio modo.

PROPOSITIO XXXVIII.

Si duo corpora moueantur super plana equidistantia ad easdem partes aut ad oppositas, uel transversè, licet sese contingant absque compressione, se mutuò non percutient.

Duo corpora A, & B quibuscumque uelocitatibus moueantur super plana A D, & B C ad inuicem æquidistantia, sintque viæ, seu directiones motuum A D, & B C ad easdem partes, vel ad oppositas, vel transversaliter sese interfecent, & sibi mutuo occurrant duo corpora A, & B sese tangendo absque vlla compressione; aio quod corpus A nullam percussione efficiet super corpus B, neque hoc vlllo pacto ei resistet. hoc patet ex eo quod in occurso quando mutuus contactus corporum celebratur, cum impetus perpetuò fiant in planis æquidistantibus, nunquam vnum eorum reliquum compri-

L

met,

Fig. 32.
Tab. 2.

met, neque hoc ei resistet, proindeque nulla percussio efficietur.

Hic pariter remanet motus realis utriusque corporis A & B in spatio mundano factus, licet non semper remaneat motus respectivus, & tamen percussio non efficietur, quapropter constat hoc quarto modo prohiberi percussione posse.

Pro sequentibus propositionibus usurpari sequens propositio debet, quæ licet passim ut pronuntiatum assumatur, constat posse demonstratione confirmari, ac proinde iure inter pronuntiata connumerari non debere.

P R O P O S I T I O XXXIX.

Si duæ potentiæ applicatæ in extremitatibus duorum æqualium radiorum eiusdem libræ inflexæ vna directè, altera obliquè trahens æquilibrium efficiant, potentia absoluta obliquè trahens ad eius momentum, vel ad potentiam absolutam directè trahentem eandem proportionem habebit, quam radius libræ ad distantiam directionis obliquæ à fulcimento.

Fig. 33.
Tab. 2.

In libra inflexa A B F sint duo radij A B, & B F æquales inter se constituentes angulum in B centro eius, applicenturque potentia D in A & G H in F, trahat vero D radium B A per directionem D A perpendicularem ad libræ radium B A, & reliqua potentia G H trahat libram per directionem obliquam F G parallelam ipsi A D, ut nimirum angulus directionis B F G sit acutus, vel obtusus, producatunque in directum A B quousque secet obliquam directionem F G in K, sintque momenta corporum D & G H æqualia; dico absolutam potentiam G H

ad

adeius momentum in situ obliquo, seu ad absolutam
 potentiam D eandem proportionem habere, quam li-
 bræ radius A B ad directionis distantiam B K. coniunga-
 tur recta linea A F, ducaturque ex B recta B O parallela
 ipsi K F, vel A D, quæ secet A F in O, & fiat A R æqua-
 lis F O, diuidaturque potentia G H, vt eius portio H ad
 G sit vt R O ad O F, quare componendo erit H G ad G vt
 R F, seu ei æqualis A O ad O F. & quia in libra A F dire-
 cta æquilibrata, & quiescente circa centrum O in termi-
 no scilicet lineæ B O perpendicularis ad horizontalem A
 B ex termino suspensionis Beductæ applicantur in eius
 extremitatibus duę potentiæ D, & G H æqualium mo-
 mentorum, igitur vt potentia absoluta G H ad potentiā
 absolutam D, ita reciprocè erit A O ad O F, sed prius
 erat potentia H G ad G, vt A O ad O F, ergo summa po-
 tentiarum G H eandem proportionem habet ad duas
 potentias D, & G, & ideo erunt inter se æquales; erat
 autem momentum ipsius G H æquale momento potentię
 D, ergo potentia absoluta G H ad eius momentum in ta-
 li situ obliquo, scilicet ad absolutam potentiam ipsius D,
 eandem proportionem habebit, quam A O ad O F, seu
 quam A B ad B K (propter parallelas B O K F) est vero
 B K distantia directionis obliquæ à fulcimento B, ergo
 patet propositum.

*Ex mechani-
cis.*

PROPOSITIO XXXX.

Si corpus aliquod moueatur directo motu, & æquabili
 inclinato ad superficiem alterius corporis omnino
 quiescentis, momentum impetus in plano inclinato
 ad totalem eius impetum eandem proportionem ha-
 bet, quam sinus complementi anguli incidentiæ ad si-
 num totum.

L 2

Mo-

Fig. 34.

Tab. 2.

Moueat corpus A per rectam lineam ABE, & incidat super planum firmum DBC angulo inclinationis acuto ABD, & ducatur CF perpendicularis super AE eam secans in E, fitque X impetus totalis ipsius A, & Z fit momentum impetus eiusdem corporis, quem exercet super planum inclinatum DC; dico Z ad X eandem proportionem habere, quam BE sinus anguli C complementi anguli ABD ad sinum totum BC. ducta ex Bre-cta BG perpendiculari ad DC, occurrens FC in G, fiat FG æqualis GB, atque in F ponatur corpus F æquale, & homogeneum ipsi A, cuius motus parallelus sit ipsi AB, & æquali impetu ac ipsum A feratur; quoniam A, siue B licet impellat per directionem BE, tamen propter plani inclinationem cogitur excurrere per rectam lineam BC, scilicet per tangentem circuli radio GB descripti, ergo corpus A in B perinde operatur, ac si impelleret obliquè radium libræ GB in centro G fulcræ, & quia duo corpora æqualia homogenea æquali virtute motiua affecta per directiones inter se parallelas, & perpendicularares ad FG impellunt terminos F, & B libræ inflexæ radiorum æqualium FGB, atque F quidem directè, & perpendiculariter, B vero obliquè per directionem BE, ergo impetus totalis ipsius F siue B, vel A ad momentum impetus in situ obliquo eiusdem B vel A eandem proportionem habet, quam FG, siue GB ad GE, vel eam, quam habet BC, ad BE; quare momentum impetus ipsius A prementis in B planum inclinatum BC ad totalem eius impetum eandem proportionem habebit, quàm BE ad BC. quod &c.

Prop. 39.

PRO-

PROPOSITIO XXXI.

Impetus motus æquabilis directi obliquè incidentis super planum aliquod omnino stabile æquale est potentia duabus æquabilibus velocitatibus eodem tempore peractis, ex quibus componitur, eius scilicet, quæ à perpendiculo mensuratur, & eius, quæ inter idem perpendiculum, & obliquam incidentiam intercipitur.

Corpus A excurrat per rectam lineam AB obliquè incidentem super planum firmum BC tempore X motu æquabili, & ducatur AC perpendicularis ad CB; dico motum per AB componi ex motibus per AC, & per CB exactis æquabili motu, eodemque tempore, eisque equari potestate, intelligatur aliud corpus mobile D in A, quod duplici motu æquabili feratur perpendiculariter, scilicet ad BC, & transuersè à C versus B, & habeat primus ad secundum motum eandem proportionem, quam AC ad CB, perficiaturque vterque transitus eodem tempore X. manifestum est motum ipsius D compositi ex perpendiculari, & transuersali effici per diagonalem AB eodem tempore X æquabili motu, ergo suppositus motus corporis A obliquus, & æquabilis per AB tempore X exactus idem est ac motus ipsius D, qui ex duobus dictis motibus componitur; hic vero non est æqualis longitudine, sed potentia tantum motibus AC & CB propter angulum rectum C, ergo etiam suppositus motus ipsius A obliquus per AB est æqualis potentia motibus eodemque tempore peractis per perpendicularem AC & per transuersalem CB, quod erat &c.

SCO.

SCHOLIUM.

Si vero motus per AC perpendicularis ad CB fuerit acceleratus, & motus transuersalis per rectam CB equalis eodem tempore peractus, tunc motus mixtus, & compositus AB erit difformis crescens in linea curua aliqua.

PROPOSITIO XXXII.

Si corpus aliquod impellatur inclinato motu ad superficiem alterius corporis omnino quiescentis, momentum resistentiæ eiusdem superficiiei obliquè ictum recipientis ad totalem eam resistentiam, quam exerceret contra ictum perpendicularem eiusdem corporis eodem impetu translatis, eandem proportionem habet, quam sinus anguli incidentiæ ad sinum totum.

Fig. 36. Corpus A feratur impetu sui motus per rectam AC
Tab. 2. obliquè incidentem super planum BD omnino stabile, ducaturque AH perpendicularis ad BC , erit AH sinus anguli incidentiæ ACB . & quia vis, qua planum BD resistit ictui corporis ipsum impellentis est potentia, qua in quiete retinetur, qua scilicet prohibetur motus plani BD (non quidem directus à D versus B , hic enim nec auget nec minuit resistentiam, sed potentia, qua prohibetur motus transuersalis eiusdem plani) si enim supponatur planum DB indifferens ad motum transuersalem, & à nulla vi in quiete retineri, cuilibet potentiæ impellenti cederet, & nil prorsus resisteret, in tali casu posita potentia F , quæ funiculo FC perpendiculari ad BD traheret

neret planum ipsum tanta vi, quanta est potentia impulsiva ipsius A, quando perpendiculariter planum subiectum premeret, profecto impulsus ipsius A perpendicularis super BD, perinde impediretur à potentia firmitudinis plani BD, ac à potentia F; hæc eadem postea otia-
retur, & nullam resistantiam exerceret, neque ipsius A progressum impediret, si linea motus eiusdem A in C constituti esset parallela plano BD, modo in situ obliquo ostendendum est, quod momentum resistantiæ plani BC, siue potentiæ F, contra vim impulsus eiusdem A per AC excurrentis ad totalem resistantiam, quam excerneret contra ictum perpendicularem eiusdem A eandem proportionem habet, quam AH ad AC. ducatur ex puncto incidentiæ C recta CE perpendicularis ad AC, & à quolibet puncto E rectæ CE ducatur EG perpendicularis ad CF, eam secans in G; & quoniam corpus A perinde suo motu & impetu per AC premit punctum C plani BD, ac si A esset affixum extremo termino C radij siue vectis EC conuertibilis circa fulcimentum E eoquod motus AC efficitur utrobique per tangentem circuli radio EC descripti propter angulum rectum ACE; & potentia F perinde operatur contra pressionem potentiæ A termino C vectis EC affixæ veluti planum BD resistit eidem pressioni potentiæ A per AC incidentis (propterea quod vis resistantiæ, & firmitudinis plani BD est æqualis potentiæ F retinentis idem planum BD in sua quiete, & firmitudine) ergo momentum potentiæ F obliquè trahentis radium EC ad eius absolutam facultatē eandem proportionem habebit, quam momentum resistantiæ plani BC contra ictum obliquum AC habet ad eius totalem resistantiam. sed momentum potentiæ F ad eius absolutam potentiam eandem proportionem habet,

Prop. 39.

bet, quam EG , ad EC , estque AH ad $A'C$ in eadem proportionem (eoquod ex rectis angulis FCH , & ECA ablato cōmuni angulo FCA remanent anguli $A'CH$, & ECG æquales, & anguli G , & H sunt recti) ergo momentum resistentiæ plani BD ad eius absolutam resistentiam, quam exercet contra vim perpendicularem pressionis corporis A eandem proportionem habet, quam AH sinus anguli incidentiæ ACB ad AC sinum totum, quod erat &c.

PROPOSITIO XXXXIII.

Aliter, & facilius idem demonstrabitur hac ratione.

- Fig. 37.* Quoniam directio motus corporis A obliquè incidit
Tab. 2. super planum BD , ergo impetus motus eius componitur
Prop. 41. ex duplici motu, & impetu, ex perpendiculari scilicet AH , & transfuersali HC , & his duobus æqualis est potestate, motui vero per HC & per ei parallelas nullo pacto resistit superficies quiescens BD , cui motus ille equidistat, at planum BD impulsus patitur, & compressionem factam per motum AH , qui cum sit perpendicularis ad superficiem BD plagam recipientem, hæc profecto resistet sua quiete, & stabilitate, & perpendiculari impulsui totali facto per AH , à qua mensuratur actio seu momentum resistentiæ plani BD contra obliquam pressionem per AC , cum aliunde si AC perpendicularis esset ad planum BD mensura eius resistentiæ esset AC , quapropter &c.

PROPOSITIO XXXIV.

Si corpus aliquod moueatur inclinato motu ad superficiem alterius corporis omnino quiescentis, vis & energia percussionis oblique ad absolutam percussionem perpendicularem eandem proportionem habet, quam sinus anguli incidentiæ ad sinum totum.

Corpus A feratur impetu sui motus æquabilis per A *Fig. 38.*
 B inclinatam super planum omnino stabile B C, ducto- *Tab. 2.*
 que perpendiculo A C erit is sinus anguli incidentiæ A
 B C, & B A erit sinus totus, postea per B ducatur aliud
 planum D E perpendiculare ad B A, quod itidem stabi-
 le omnino supponatur. dico quod vis percussionis obli-
 que corporis A super planum omnino immobile C B ad
 vim directæ percussionis, quam efficeret in incidentia
 perpendiculari super planum stabile D E, eandem pro-
 portionem habet, quam A C ad A B. quoniam impetus
 absolutus corporis A mensuratur à linea eius motus A B,
 pariterque resistentia plani D E perpendicularis ad li-
 neam motus A B ob illius stabilitatem firmam mensura-
 tur ab eadem linea impetus A B, cui omnino resistit, tã-
 demque percussio, quam patitur planum D E firmum,
 mensuratur ab eadem resistentia totali determinata ab
 eadem A B, quod si linea motus A B coextensa congruës,
 aut parallela esset plano D E, tunc profecto impetus A
 B integer, & illibatus remaneret, at resistentia plani D
 E per eandem directionem motus extensi esset absolute
 nulla, pariterque percussio æqualis esset nihilo. quæri-
 tur modo energia seu mensura gradus percussionis, quã
 patitur planum inclinatum B C; & quoniam planum B C

M

vim

Prop. 37. & 38.

Prop. 40.

Prop. 42.

vim patitur, non quia obsecundat, & obsequitur vi impetus ipsius A, sed quia eum impedit, & resistit progressui motus eius, obtemperat vero planum stabile BC non velocitati totali AB (cum AB, & BC non sint parallelæ) sed tantummodo obsecundat ei momento impetus, quæ in tali plano inclinato exercet corpus A, & hic plane mensuratur à BC, resistit vero id ipsum planum non impetui totali AB, cum BC non sit perpendicularis ad AB, sed tantummodo resistit partiali eius velocitati, ei scilicet quæ mensuratur ab AC, momento nempe resistentiæ eiusdem inclinati plani BC, & actio percussiva mensuratur ab impetu refrænato, & represso, cui resistitur, & cuius progressus impeditur, non vero à gradu impetus perseverante & vigente, qui non impeditur, ergo energia percussionis mensuratur à gradu resistentiæ AC, & hanc percussione patitur planum obliquum BC. quapropter vis percussionis quam patitur planum BC ad integram percussione perpendiculis incidentiæ super DE eandem proportionem habet, quam AC sinus anguli incidentiæ ABC ad AB sinum totum, quod erat &c.

PROPOSITIO XXXV.

Aliter idem demonstrare.

Fig. 38.

Tab. 2.

Prop. 41.

Quoniam motus corporis A oblique incidit super planum BC, ergo eius motus per AB componitur è duplici motu & impetu, ex perpendiculari scilicet AC & ex transversali CB, quibus illæ æqualis est potestate, & quia quamdiu corpus A planum CB non contingit nullam plane percussione efficiet, at quando ad eius contactum

tactum in B perducitur, tunc duplici impetu affectum actionem percussivam aggreditur transuersali nimirum impetu CB, & perpendiculari AC, sed transuersali impulsu æquidistanti plano CB nullo pacto id ipsum planum premit, ideoque nullam percussionem in eo efficiet, *Prop. 37. & 38* & perinde est ac si prædicto impetu transuersali careret; remanet igitur solummodo impetus perpendicularis, quo tantummodo comprimere, & impellere subiectum planum BC possit, atque ictum & plagam inferre queat, & ob eius firmam stabilitatem huic impulsui perpendiculari tanta vi resistit, quanta est energia impetus per AC; igitur vis percussionis factæ per obliquam incidentiã AB super BC ad energiam percussionis perpendicularis factæ super planum DE eandem proportionem habet, quam AC ad AB.

Ex hac propositione facili negotio demonstrabitur propositio, quæ primo aspectu incredibilis, & paradoxum videtur.

PROPOSITIO XXXXVI.

Si duo corpora equalia, & similia æque distiterint à plano subiecto omnino stabili, atque motu æquabili eodem tempore ad contactum plani subiecti perueniant vnum quidem perpendiculari transitu, alterum ad idem planum inclinato, eorum vires, & energię percussionum æquales erunt.

Sint duo corpora A, & B æqualia, & eiusdem figuræ, *Fig. 39. Tab. 2.* consistentiæ & duritiei, quæ æquè recedant à plano subiecto omnino stabili & consistenti CD, ita vt ab ijs perpendiculares BD & AE ductæ sint æquales inter se, &

M 2 eodem

eodem tempore motu æquabili corpus B percurrat lineam perpendicularem BD, at corpus A pertranseat lineam inclinatam AC. dico vires percussionum factarum in D & C æquales omnino inter se esse. per C ducatur planum FG equè stabile ac consistens perpendiculare ad lineam motus CA; & quia motu æquabili eodem tempore fiut motus AC & BD perpendiculariter super plana firma DE, & FG ictus excipientia, ergo impetus, & ideo corporum B, & A vires percussionum perpendicularem sunt vt impetus, siue vt lineæ motus BD, & AC. postea quia energia percussionis obliquæ corporis A super planum CE ad vim percussionis perpendiculis factæ super planum FG eandem proportionem habet, quam AE ad AC; habent vero duæ æquales BD, AE ad eandem AC proportionem eandem; igitur vires percussionum perpendiculis ipsius B, & inclinatæ ipsius A super planum stabile CD eandem proportionem habebunt ad energiam percussionis perpendiculis eiusdem corporis A super planum stabile FG; quapropter vis percussionis perpendiculis ipsius B super planum DC æqualis est energiam percussionis obliquæ corporis A super idem planum CD, quod fuerat ostendendum.

Licet vires motuæ, & motus reales sint inæquales, possunt effectus percussionum æquales esse.

Hinc deducitur, quod licet vires motuæ corporum A & B sint prorsus inæquales inter se, quādoquidē impetus ipsius A centies vel millies maior esse potest impetu alterius corporis B, nihilominus eorum effectus percussiu super idem planum stabile DC omnino æquales inter se sunt. sic pariter motus reales, & phisici, ij nimirum, qui in spatio mundano fiunt, possunt esse valde inæquales inter se, nec propterea effectus percussionum variantur: hoc quidem accidit ex eo quod ad operationem percussionis nedum vis, & facultas agentis considerari debet,

in hoc

et al.

sed

sed etiam corporis patientis resistantia quam exercet, quia vero corpus ictum excipiens pro diuersa situatione eius diuersimode impulsui illato resistit, hinc fit vt actio percussiva, quæ à passione non differt nisi respectu varietur pro diuersitate resistantiæ à situs variatione procreatæ, & hæc iam est tertia causa, à qua vis & energia impetus componitur, scilicet requiritur gradus impetus ipsius percutientis intensiuus, moles eius corporea iuxta cuius amplitudinem extensiuè augetur vis & energia percussiva, & tandem resistantia corporis ictum excipientis quæ diuersificatur prout in quiete, vel statione amouibili, vel in motu constituitur, & tandem à situ & positione eiusdem corporis, quod ictum excipere debet.

Gradus energiae percussionis resultat ex impetu percutientis intensiuo, & extensiuo, & ex resistantia percussi corporis prout in quiete vel statione amouibili vel in motu constituitur, & tandem à situ corporis percussi.

*De percussione corporum motibus obliquis sibi
occurrentium.*

CAP. XIII.

Sed vltcrius procedendo considerari debet motus corporis ictum excipientis quando fuerit obliquus ad lineam motus ipsius corporis impellentis, pro cuius intelligentia præmitti debet hæc propositio.

PROPOSITIO XXXVII.

Si duorum corporum super idem planum existentium, alterum in vno eius situ quiescat, reliquum vero motu æquabili ad id ipsum accedat, tunc siue planum cum annexis corporibus quiescat, siue moueatur, semper sibi ipsi æquidistando perinde corpus excurrente ad stabile accedet, ipsumque eodem impetu percutiet.

Pla-

Plano CD adhæreant duo corpora A , & B , quorum B semper quiescat in eodem situ C eiusdem plani, A vero æquabili motu à D versus C feratur. dico quod siue planum CD quiescat siue moueatur vnà cum adhærentibus corporibus A , & B transuersali motu versus E , vt nimirum planum CD semper sibi ipsi æquidistet dum transfertur, eadem vi & energia corpus B percutietur à reliquo corpore A . quoniam motus transuersalis à C versus E cum sit communis plano CD , & adhærentibus corporibus A , & B non alterat peculiarem motum factum in plano CD , scilicet A non mouetur citius neque tardius versus B , quando corpora vehuntur veluti à naui ab ipso plano subiecto quam si in statu quietis planum CD retineretur, quandoquidem siue in motu siue in quiete plani signum C est terminus ad quem, atque signum eiusdem plani D est terminus à quo motus illius peculiaris, pariterque spatium CD , in quo fit motus velut in naui semper in eadem recta linea CD existit neque variatur aut perturbatur ordo eorundem corporum aut dispositio in motu transuersali cōmuni ab eo, qui in quiete retinebatur, at peculiaris motus per DC efficit percussione super B determinata vi, igitur siue in motu siue in quiete, transuersali communi perinde percussio ipsius A super B efficitur motu, & impetu peculiari DC , proindeque eadem energia,

PROPOSITIO XXXXVIII.

Hoc præmissò. Si duo corpora ab eadem recta linea perpendiculari ad subiectum planum descendencia moueantur æquabili motu ad easdem partes, atque vnum eorum in plano subiecto feratur, in quo eius superficies

cies semper existat, reliquum vero motu obliquo perueniat ad alterius occursum, impetus percussiuus mobilis obliquè excurrentis efficitur eadem directione, & impetu designato in recta linea, in qua prædicta corpora motum incoauerant.

Sit recta linea CD perpendicularis ad planum subiectum CE , atque in C , & D ponantur duo corpora B , & A , quæ motu æquabili ferantur ad easdem partes, B quidem in plano subiecto CE , in quo semper existat superficies eiusdem B , nec ab eo diuelli possit, at A itinere obliquo DE quousque sibi occurrant in E , dico in ipso occursum corpus A efficere percussione super B impetu designato à transitu æquabilis motus DC æquè validè ac in quiete ipsius rectæ lineæ CD fieret. quia motus CE , & DE æquabiles supponuntur, & descendendo à terminis C , & D eodem instanti temporis perueniunt ad mutuum occursum in E pariter in vnico temporis instanti, ergo in quolibet instanti temporis intermedij ante occursum quando nimirum eadem corpora in F , & in G collocantur erit spatium DG ad CF vt DE ad CE , & ideo recta linea FG in quocumque temporis instanti intermedio parallela est rectæ lineæ CD ; constituuntur igitur duo corpora A , & B semper in eadem recta linea CD motu æquabili translata per CE semper existens sibi ipsi parallela, & secum transfert duo corpora A , & B , igitur impetus percussiuus, quo A incidit in B ad punctum E (ex præcedenti propositione) idem omnino erit ac ille, qui efficitur in quiete plani CD , sed in eius quiete impetus percussiuus determinatur à motu peculiari, & impetu DC , igitur vis percussione corporis A obliquè incidentis in E super corpus B ibidem translatum mensuratur

Fig. 40.
Tab. 2.

Prop. 26.

ratur præcisè ab impetu descensus per altitudinem DC .

PROPOSITIO XXXIX.

Aliter idem demonstrare.

Fig. 40.
Tab. 2.
Prop. 41.

Prop. 38.

Quoniam motus obliquus DE componitur ex motu perpendiculari DC , & transuersali CE , quibus ille potestate æquatur, & actio percussiva non efficitur ante occursum, & contactum in E , in prædicto vero contactu corpus A duplici impetu afficitur, perpendiculari scilicet DC , & transuersali CE , at corpus B in E vnicum tantummodo impetum habet nempe transuersalem, conueniunt ergo corpora A , & B in communi impetu transuersali CE , quo ambo afficiuntur; sed quoties duo corpora velocitatibus æquidistantibus feruntur, licet sese contingant, compressionem aut percussionem non efficient, igitur prædicti duo impetus transuersales æquales, & paralleli nil operantur quoad actum percussionis, perinde ac si non essent; remanet ergo reliquus impetus perpendicularis DC , quo A solummodo impellere, & comprimere potest corpus B ; quapropter corpus A motu obliquo DE translatum efficit percussionem super corpus B pariter transuersali motu latum tanta vi, quanta est energia percussionis factæ ab eodem corpore A simplici motu perpendiculari per DC , quod fuerat ostendendum.

In præcedenti propositione superficies BC corporis B excipiens percussionem perpendicularis erat ad rectam lineam plani translati CD , & ostensum fuit, quod vis percussionis determinabatur ab impetu casus corporis A per ipsam CD perpendicularem ad subiectum planum CE .

PRO-

PROPOSITIO XXXXX.

Iisdem positis, si superficies corporis ictum excipientis perpendicularis fuerit ad lineam motus obliqui ipsius percutientis, erit vis percussionis ad eam, quæ efficitur in plano subiecto, ut sinus anguli incidentiæ ad sinum totum; si vero eadem superficies corporis percussi perpendicularis fuerit ad subiectum planum nullam percussione[m] patietur.

Fig. 41.
Tab. 2.

Tab. 2.

Prop. 38.

linea HL perpendicularis ad FG , mox ostendetur angulum HEL equalem esse angulo CED , & ideo existente HE sinu toto erit HL sinus anguli incidentiæ E . quia ex præcedenti corpus A obliquo motu DE translatum duplici impetu fertur, perpendiculari nempe DC , & transuersali CE , & corpus B vnico tantum impetu fertur transuersali CE , quatenus vero corpora B , & A communi motu transuersali CE sibi ipsi parallelo feruntur se mutuo non percutiunt, & ideo perinde est ac si duo corpora A , & B prædicto transuersali motu CE carerent; remanet ergo tantummodo corpori A impetus perpendicularis DC , quo in situ E premere potest superficiem FG corporis B ibidem translati; igitur in ipso contactu in E corpus A premit per rectam lineam HE parallelam ipsi DC , vel perpendicularem ad subiectum planum CE , est vero FG inclinata ad planum subiectum CE , propterea quod perpendicularis ponitur ad lineam ED , igitur HE inclinata est ad superficiem FG angulo inclinationis GEH , qui equalis est angulo CED (propterea quod ab angulis rectis CEH , & DEG tollitur communis angulus DEH) est vero vis percussionis factæ impetu HE super firmum planum obliquum FG ad vim percussionis, quam efficeret super firmum planum subiectum CE , ut HL sinus anguli incidentiæ ad HE sinum totum, igitur patet propositum.

Prop. 44.

Fig. 41.
Tab. 2.

Prop. 30.

Secundo loco superficies BC eiusdem corporis B translati in E firmam positionem NH retineat; dico quod in tali positione corpus B nullam percussionem patietur. quia propter communem motum transuersalem, ut dictum est, corpus A nullam percussionem efficit super planum NH , quia æquali impetu superficies NH ipsius

ipsius B fugit ictum ipsius A per eandem directionem parallelam ipsi B E cum persequentis, igitur tantummodo perpendiculari ictu H E premere potest superficiem N H eiusdem corporis B; hæc vero directio impetus parallela est plano N H eiusdem corporis B, igitur ipsum non percutiet, quapropter corpus B in tali situ nullam percussione[m] patietur. *Prop. 38.*

Constat ergo, quod si duo corpora A, & B ab eadem linea perpendiculari C D discedant, & ad mutuum contactum perueniant in E, ibi maxima, & validior percussio est ea, quæ efficitur super superficiem corporis B coextensa in ipso subiecto plano, scilicet eadem prorsus esset, quæ efficeretur in quiete transversali horum corporum, at quando eiusdem B superficies F G excipit perpendiculariter ictum motus realis maximi D E in spatio mundano facti, tunc nedum non augetur vis percussione[m], sed potius minuitur, ut demonstratum est, & tandem in situ N H omnino extinguatur vis percussione[m].

Quando vero corpus B non mouetur transversaliter, sed omnino quiescit in eodem situ E plani subiecti, tunc quidem oppositum contingit, scilicet quando eius superficies situationem F G acquirit perpendicularem ad lineam motus realis D E eiusdem corporis A, tunc quidem eius percussio est maxima, mensuraturque ab impetu D E; at si eius superficies æquidistans fuerit plano subiecto C E, eius percussio mensuratur ab impetu motus perpendicularis D C perinde ac in motu transversali eiusdem corporis B, & tandem vis percussione[m], quam patitur superficies N H mensuratur à sinu complementi anguli incidentiæ, scilicet à C E. valde igitur differunt huiusmodi percussiones, posito nimirum corpore B in quiete, vel in motu, & solummodo conveniunt, atque

eēdem sunt, quando superficies ictum excipiens parallela fuerit plano subiecto C E.

Hinc tandem deducitur, quod si fuerint tria corpora æqualia mole, figura, positione, consistentia, & duritie eque remota à plano subiecto, quorum vnum simplici motu perpendiculari ad planum subiectum moueatur, duo vero reliqua motu obliquo, sed omnia motu æquali ferantur, ita vt vnum postremorum obliquè incidat super planum subiectum stabile, & firmum, reliquum vero incidat super planum id ipsum subiectum sed agitatū siue ad easdem partes siue non, erunt prædictæ tres percussiones eiusdem prorsus energiæ, quandoquidem omnes mensurantur ab impetu perpendiculari, qui idem est in his tribus.

Prop. 41. & 48

De varietate percussionum ab impetu motus curuilinei, atque accelerati factarum.

CAP. XIV.

HActenus de rectilineo motu æquali, eiusque impetu, atque energia percussionis satis superque egimus, modo considerari debet impetus motus accelerati per lineam curuam percussione efficientis; & licet huiusmodi motus quamplurimas varietates patiatur, tamen quatenus ad percussione negotium faciunt, possunt vniuersè considerari quatenus ex duobus motibus componuntur, ex descensiuo nimirum, & transuersali; & sicuti superius dictum est, motus obliquus rectilineus æqualisque componitur ex duobus motibus pariter rectilineis, & æqualibus, ex descensiuo nempe, & transuersali, quibus motus obliquus æqualis est non lō-

gitu-

gitudine, sed potentia, sic si tantummodo transfuersalis est æquabilis, at descensiuus sit acceleratus, tunc profecto motus mixtus est quoque acceleratus, & per lineam curuam efficitur. vt si fuerit descensiuus motus factus per lineam AC , transfuersalis vero per lineam DB perpendiculararem ad AC , & per reliquas parallelas eidem DB , sitque descensus BA ad AC in minori proportionem, quàm transitus DB ad CE , & ponatur diminutio huiusmodi propositionis vniformis, verbi gratia BA ad AC eandem proportionem habeat, quam quadratum DB ad quadratum EC , tunc manifestum est, quod fluxus motus transfuersalis factus per puncta ADE curuus est in parabola in casu nostro, eritque eius impetus non vniformis, sed acceleratus, huius vero motus mixti accelerati vis percussione inquirenda est, his tamen præmissis.

Fig. 42.
Tab. 2.

PROPOSITIO XXXXI.

Dato impetu transfuersali æquabili, & angulo incidentiæ impetus obliqui, & transfuersalis reperire impetum obliquum & descensiuum.

Intelligatur recta linea AB repræsentans impetum transfuersalem æquabilem, linea vero CA repræsentet impetum obliquum, quo mobile incidit super planum subiectum AB in A , sitque CAB angulus incidentiæ. à termino B eleuetur BC perpendicularis ad BA occurrens ipsi AC in C ; quoniam impetus motus obliqui æquatur potentia duabus velocitatibus motus transfuersalis & descensiuus, designabunt hi tres motus, seu velocitates triangulum rectangulum vt est ABC , in hoc vero datur vnicum latus AB cum angulo CAB compræ-

Fig. 43.
Tab. 2.

hen-

henso ab eodem latere, & hypotenuſa, igitur datur ſpecies trianguli ABC , & proinde innotefcet proportio lateris AB ad BC , nec non ad hypotenuſam AC ; quapropter dantur longitudine impetus obliquus AC , & deſcenſiuus CB .

PROPOSITIO XXXXII.

Infuper dato impetu tranſuerſali, & deſcenſiuo reperire impetum obliquum, & angulum incidentiæ impetus obliqui ſuper tranſuerſalem.

Fig. 43.
Tab. 2.
Prop. 41.

Denuo recta AB repræſentet impetum tranſuerſalem æquabilem, & recta BC normalis repræſentet impetum deſcenſiuum, patet his duobus æquari poteſtate impetum obliquum; quia vero datur proportio impetus tranſuerſalis AB ad impetum deſcenſiuum BC , ergo datur ſpecie triangulum rectangulum ABC , & proinde datur impetus obliquus AC vñ cum angulo inclinationis incidentiæ CAB .

PROPOSITIO LIII.

Id ipſum contingere demonſtratur, quando impetus eſt vniformiter acceleratus.

Fig. 44.
Tab. 2.

Intelligatur poſtea idem mobile à D deſcedere duabus velocitatibus affectum tranſuerſali æquabili BA , & vniformiter accelerato deſcenſiuo, cuius impetus continuo creſcens perueniat ad contactum ſubiecti plani AB cum impetu eius maximo acquiſito in prædicto deſcenſu; vis ergo extrema huiusmodi motus deſcenſiui eſt illa,

illa, qua incidit mobile in A, at quia ei commiscetur impetus transfuersalis BA, igitur in actu incidentiæ in A fertur impetu obliquo, qui potentia æqualis est tum impetu transfuersali AB, cum maximo impetu descensiuo in B, seu A. præterea ob curuitatem itineris DA eius incidentia super planum subiectum AB efficitur ea inclinatione, qua postremo prædicto plano occurrit, sed prædicta postrema inclinatio mensuratur ab inclinatione rectæ lineæ AC tangentis curuam AD in A, igitur inclinatio eiusdem incidentiæ mensuratur ab angulo CAB, perinde ergo percutit mobile planum ipsum subiectum AB curuo itinere delatum ac si directè per tangentem CA ferretur motu æquabili. quoniã vero sunt duo impetus ad inuicem perpendiculares transfuersalis æqualis BA, & descensiuus per DB, qui in actu incidentiæ in A maximus est præcedentium omnium continenter crescentium velocitatum, mensureturque à recta BC, ipsæque duobus æquatur potestate impetus obliquus, & hic pariter innotescet vna cum angulo incidentiæ CAB. *Prop. 52.*

PROPOSITIO LIV.

Energia obliquæ percussionis mensuratur ab eodem sinu anguli incidentiæ.

His declaratis, quia impetus curuus DA efficit cum subiecto plano AB angulum incidentiæ CAB, estque eius impetus mixtus ex transfuersali vniformi AB, & postremo maximo gradu velocitatis incidentis motus perpendiculariter super id ipsum planum subiectum, ergo vis, & energia percussionis, quæ efficeretur super planum stabile perpendiculariter excipiens ictum AC ad obliquam *Fig. 44. Tab. 2. Prop. 53. Prop. 44. & 45*

quam percussione[m] super planum AB eandem proportionem habebit, quam hypotenusam AC ad perpendicularum CB, seu eandem, quam habet sinus totus ad sinum anguli incidentiæ; efficit vero motus mixtus curuus percussione[m] incidentia obliqua anguli CAB, igitur energia eius obliquæ percussione[m] mensurabitur ab eadem CB sinu anguli incidentiæ.

Ex his deducitur, quod projecta horizontali directione ei aculata excurrunt quodam motu mixto, composito scilicet ex horizontali motu æquabili eiusdemque semper impetus, atque ex motu descensiuo vniuniformiter accelerato, quo nimirum graua decidunt, vt experientia constat, & quia descensus eiusdem grauis supra omnem sensus subtilitatem fiunt per lineas æquidistantes BC propter maximam distantiam à centro telluris, & nimiam exiguitatem descensus eiusdem projecti fit, vt motus mixtus per parabolam transfigatur.

*Gal. mot. loc.
lib. 3. prop. 1.*

PROPOSITIO LV.

Hoc supposito dico, quod idem corpus quacumque velocitate impellatur horizontaliter efficiet in incidentia eius obliqua super planum subiectum horizontale percussiones semper æquè validas, & eiusdem energiae.

*Fig. 44.
Tab. 2.*

Sit idem corpus D, quod à quacumque motiua virtute impellatur horizontaliter, scilicet per directionem æquidistantem plano subiecto horizontali BA, erit huiusmodi impetus transuersalis à proijciente communicatus vnus & idem proindeque æquabilis, sed post ictum transuersalem à proijciente illatum incipit subito operatio

tio descensus eiusdem corporis à nativa eius gravitate pendens, qui vniformiter acceleratus est, igitur ex mixtione eorundem motuum confurgit motus obliquus D A in parabola, quæ maioris, aut minoris amplitudinis erit prout velocitas æquabilis à proijciente impressa maior vel minor fuerit, semper tamen eadem altitudo seu axis parabole DB permanebit, & proinde impetus postremus in fine descensus acquisitus idem omnino erit siue in ampliori siue strictiori parabola, qui nimirum impetus mensuratur à motu æquabili facto per rectam CB duplam altitudinis parabole DB, & proinde erit CA tangens parabolam, quæ inclinationem incidentiæ designabit, atque hypotenusæ AC ostendet impetum eiusdem corporis in actu incidentiæ. quia vero proiectum incidit oblique in A duplici impetu affectum, horizontali nempe AB, & perpendiculari CB, eo scilicet quo in fine casus in B acquisiuit, & impetus transversalis incidentis proiecti nullam percussione efficit super planum subiectum BA, propterea quod directio eius motus parallela est plano subiecto AB, remanet ergo reliquus impetus perpendicularis qui percussione effecere potest; igitur energia percussione obliquæ corporis proiecti per lineam curuam DA præcisè mensuratur à sinu anguli incidentiæ, scilicet à CB seu ab impetu casus eius, scilicet qui in extremo cōfinio descensus acquisitus fuerat; & quia qualiscumque sit parabole amplitudo semper eadem altitudo eius DB manet, erit quoque in quacumque parabole amplitudine idem impetus in fine descensus, & proinde quacumque velocitate proiectum horizontaliter impellatur semper eadem energia percussiet subiectum planum AB, quod fuerat ostendendum.

Mirabile profecto videtur quod à velocitatibus tam

O

diuer-

Gal. ibidem,

Ibidem.

Prop. 37.

Idem proie-
ctum horizon-

taliter inaequalibus velocitatibus eadem percussione efficit in planum subiectum horizontale.

Prop. 44. & 45

diuersis, & inaequalibus vt sunt illæ quibus idem proiectum impelli potest semper tamen idem effectus percussione producat, sed si quis animaduertat inclinationem incidentiæ semper imminui, quo magis impulsus proiectus augetur, plane percipiet remanere semper eiusdem mensuræ sinum anguli incidentiæ, à quo nimirum validitas percussione mensuratur. si igitur quacumque machina siue bellico tormento explodatur pila ferrea ab eodem loco horizontaliter, semper eadem energia subiectum planum percutiet, ita vt si eadem pila incidens naturali descensu à summo termino D perpendiculariter super laminam vitream AB horizontis plano coextensam, eam non frangat disrumpatque, resistet quoque eadem vitrea lamina horizontalis vehementissimo ictui eiusdem pilæ à tormento bellico ope ignis explosæ horizontaliter ab eodem termino D, quod profecto paradoxum censeripotest, nisi ab adducta demonstratione persuaderemur. oportet nihilominus vt planum subiectum excipiens ictum transversalem non sit molle, vel flexibile, sed omnino durum, alias in ipsa incidentia obliqua fieret aliqua penetratio ipsius pilæ, & abrasio materiæ mollis seu flexio, ex qua nimirum alteraretur planities excipiens ictum, & proinde non esset parallela horizonti AB, quando vero planum aliquo pacto flectitur tunc quidem recipit ictum non eadem inclinatione, sed magis ad perpendicularem incidentiam accedente, & proinde vis percussiva augeretur prout sinus illius incidentiæ aucte cresceret.

Sed si planum subiectum molle & flexibile fuerit tunc vis percussione horizontalis variationem patitur.

PROPOSITIO LVI.

Si postea idem impetus eiusdem proiecti transversalis excipiat ab aliquo plano A E perpendiculari ad horizontem, tunc profecto energia percussionis factæ super planum A E quomodocumque augeatur vel minuat eius distantia à termino projectionis semper est eadem eiusdemque validitatis.

Hoc pariter facile suadet, quia impetus mixtus ipsius proiecti componitur ex impetu descensiuo per altitudinem D B, & ex eodem impetu transversali B A qui cum sit æquabilis semper eiusdem roboris est, in quacunque distantia à perpendiculari D B sumatur, & motus descensiuus cum sit parallelus plano E A nullam percussionem in eo efficiet, remanet ergo solummodo motus transversalis qui percussionem efficere valet super planum E A, est vero huiusmodi transversalis motus æquabilis, & ideo quolibet tempore sibi ipsi æquè velox est. igitur siue planum E A proximum sit principio motus D, siue maxime ab eo remoueat, semper eadem validitate percutietur ab eodem corpore D eodem impetu translato.

Fig. 44.
Tab. 2.

Prop. 37.

PROPOSITIO LVII.

Energia percussionis factæ super planum translatum una cum percutiente semper in eadem linea perpendiculari ad horizontem cum eo constituti mensuratur ab impetu casus eiusdem mobilis.

Et hætenus planum subiectum stabile suppositum.

O 2

est;

Fig. 44.

Tab. 2.

Prop. 41.

Prop. 37.

Prop. 45.

Prop. 44.

Prop. 48. & 49

est; quod si vna moueretur cum proiecto D ita vt sibi mutuo occurrerent in puncto A tum multo clarius constat quod energia percussionis mēsuratur ab impetu perpendiculari ad subiectum planum. quia nimirum plano B translato in A occurrit corpus D duplici motu, & impetu affectum perpendiculari scilicet, & transuersali, sed motu transuersali mouetur simul cum plano subiecto motu æquidistanti, & eadem velocitatē per eandem directionem B A translato, ergo huiusmodi transuersalis impetus corporis D nullam percussionem efficit super planum B vna cum eo translato transuersaliter. remanet ergo tantummodo impetus descensiuus, & hoc solummodo percussionem efficere potest super planum prædictum translato, mensuraturque energia prædictæ percussionis ab impetu eius perpendiculari CB, seu eius quem acquisiuit in infimo termino descensus B. igitur euidēs est quod energia percussionis factæ super planum translato vna cum percutiente semper in eadem linea perpendiculari ad horizontem cum eo constituti non mensuratur ab impetu physico, & absoluto obliquo CA, siue ab impetu acquisito ad terminum curui itineris DA, sed ab impetu casus eiusdem mobilis, & hic quoque verificantur varietates omnes quæ superius expositæ sunt.

Examen opinionum de linea motus mixti ex transuersali circulari æquabili, & ex descensu accelerato versus centrum eiusdem circuli, ostendit

Occasio postulat, vt aliquid innuamus de motu mixto ex transuersali circulari æquabili, & ex perpendiculari descensiuo vniformiter accelerato versus centrum eiusdem circuli, qui motus neque per circuli peripheriam fit, neque per parabolam, neque per helicam peculiarem eius naturæ, quam aliqui recentiores putarunt. Sit circulus AB cuius centrum C, moueatur vero corpus A impetu transuersali circulari per AB, sed æquabili descen-

descendat simul versus centrum C motu vniformiter accelerato, efficiet quidem transitum curuum A G H, quem circula- rem non esse præcise facile demonstrari potest, quia descensus haberent eandem proportionem, quam habent sinus versi semissium arcuum excursorum, & ideo haberent proportionem minorem quam duplicatam tēporum, quod est falsum; similiter non esse parabolam, perspicuum est; remanet postrema sententia existiman- tium esse helicam non difformem ab archimedeā, nisi tā- tummodo in motu accelerato versus centrum, putant igitur temporibus æqualibus circa centrum C pertransi- ri angulos æquales A C G, & G C H, quibus æqualibus temporibus percurruntur spatia A D, & D E, quæ sunt in ratione vnus ad 3. Sed prædicti auctores non anima- duerunt se in hypothesi assumpta non persistere, sup- ponunt enim eodem impetu transversali mobile A mo- ueri & siquidem graue A perpetuo permaneret in peri- pheria A B profecto temporibus æqualibus percurreret spatia equalia subtendentia angulos æquales ad centrū, at quia mobile perducitur ad circumferentias circulorū continenter decrecentium fit vt spatia illa inter se equa- lia quæ ab impetu perseverante eiusdem roboris percur- runtur subtendant successiue angulos maiores ad cen- trum; quare si primo tempore mobile excurrit spatium D G secundo tempore ei equali percurreret spatium I H æquale ipsi D G, at quia huiusmodi spatia æqualia men- surantur non in eodem, sed in diuersis circulis, inæquali- bus fit vt angulus A C G minor sit angulo G C H, & proinde anguli prædicti successiue crescunt prout distan- tiæ à centro C diminuuntur nō tamen eadem proportio- ne vt facile ostendi posset, vnde constat curuam lineam A G H non esse regularem.

*diturque non
esse circularē,
neque parabo-
licam, neque
peculiarem
helicam.*

Fig. 45.

Tab. 2.

PRO-

P R O P O S I T I O LVIII.

Validitates percussionum obliquarum mensurantur non ab impetu physico & reali factò per viam obliquam, sed à simplici impetu casus.

Fig. 45. Sed qualiscumque sit natura huius lineæ absoluemus
Tab. 2. ea quæ ad negotium percussionis pertinent, præcipue in eo casu, quando planum percussionem excipiens eadem velocitate transuersali circa centrum C perducitur cum mobili A, & quæritur tantummodo validitas percussionis factæ in G, scilicet in fine primi temporis, & in H post finem secundi temporis priori æqualis, & hic pariter demonstrabitur quod validitates percussionum obliquarum mensurari debent non ab impetu physico, & reali factò per viam obliquam A G H, sed à simplici impetu casus per A D, & per A E. quoniam sunt duo corpora A, & D quæ transferuntur semper vna cum semidiametro C A, atque corpus A duplici impetu fertur descensiuo, nempe A D & transuersali æquabili D G, subiectum vero corpus D fertur tantummodo motu æquabili D G eodem tempore, igitur in occurſu eorundem corporum in G graue A virtute motus transuersalis non efficit percussionem super D, propterea quod ambo corpora æquidistanti motu & ferè æque veloci mouentur, igitur remanet tantummodo impetus descēsiuus, quo corpus A percutere valet subiectum corpus D, & propterea energia percussionis factæ in G mensuratur non ab impetu reali per obliquam viam A G, sed tantummodo ab impetu casus per A D. pari ratione validitas percussionis factæ in H super corpus E ibidem translati vna cum A mensurari

Prop. 37.

Prop. 49. & 55

rari debet non ab impetu obliquo, sed ab impetu descensus per A E.

Hinc facile resolui potest ratiocinium, quod nomine demonstrationis, & euidentiæ physico-mathematicæ nuper editum est, cuius propositum, & finis eo tendit, ut decernat atque euincat, an motus vniformiter acceleratus alicuius corporis versus centrum circuli sit simplex, an vero ei immisceatur motus circularis æquabilis in circumferentia eiusdem circuli factus. ut in circulo A B cuius centrū C fieri potest ut mobile A simplici motu descensus versus centrū C impetu vniformiter accelerato moueatur, ut nimirū spatia A D, & D E æqualibus temporibus excurfa sint ut numeri impares ab vnitate incipientes, poterit etiam mobile A nedom prædicto motu descensus transferri, sed simul motu trasuersali æquabili per circumferentiam A B, non secus ac in naui potest à summitate mali A demitti corpus graue A nedom quando naus in portu quiescit, sed etiam quando velocissime excurrit per maris superficiem, & in primo casu graue A simpliciter descenderet per lineam A D E perpendicularem ad horizontem H E, secundo vero casu efficeretur motus mixtus per lineam curuam A G H, quando ergo dubitatur an naus quiescat in portu vel velocissime trāsferratur, tunc iuxta hanc sententiam validitas percussio-
*Refellitur ratiociniū præclaris aucto-
 ris.*

nis factæ à graui cadente à summitate mali indicabit, & docebit an naus in portu quiescat, vel per maris superficiem spatietur, scilicet quotiescumque percussiones factæ à graui A cadente in D & E eandem proportionem habuerint quam impetus simplicis descensus, hoc erit criterium quo euidētia physico-mathematica certissimè euincitur nauim non moueri, sed in eodem loco persistere. estque eius ratiocinium huiusmodi: *si semidiame-*

ter C A una cum corpore graui A descendente transferretur uniformi & aquabili velocitate circa centrum C necessario corpus graue ab A uniformiter accelerato motu descendendo excurreret motu mixto ex descensu, & transuersali per curuam viam AGH , & siquidem motu transuersali percurreret pedes 1700 vno minuto secundo horario, atque descendendo primo per AD eodem tempore percurreret pedes 15, postea in subsequente minuto secundo per DE pedes 45. necessario motus mixtus realis AGH esset uniformis, & aquabilis absque vlla sensibili acceleratione, & consequenter non efficeret validiorem percussione in H quam in G , igitur quotiescumque hoc falsum reperitur, scilicet quando reperitur percussio facta in E validior quam in D proculdubio falsum erit quod semidiameter AC una cum graui cadente circa centrum C circumducatur.

Quapropter quotiescumque graue à summitate mali A efficiet percussiones in D , & E eque validas ac sunt impetus eorundem descensuum habebimus euentiam physico-mathematicam quod naus nō excurrit per maris superficiem, sed omnino in portu sistitur, & quiescit.

Fig. eadem. Et hic primo mirari licet considerari tantummodo æquabilitatem sensibilem motus obliqui, non autem eius ineffabilem velocitatem; si enim validitas percussionis mensurari debet ab impetu physico, & reali per AG , & per GH , quia impetus AG in exposito casu maior est impetu simplicis casus per AD plus quam centies & terdecies, igitur tantumdem validior erit percussio impetus obliqui in G quā impetus casus in D ; igitur si saxi à summitate mali cadentis validitates percussionum mensurentur à perpendicularibus AD , & DE , necessario naus quiescet.

Sed non minus hoc argumentum quam præcedens fallax

lax est, quando quidem falsum est quod hîc assumitur vt consequens maioris propositionis, scilicet quod validitas percussione mensurari debeat ab impetu obliquo A G, vel G H, profecto hoc verum esset si planum ictum excipiens esset firmum, & stabile in eodem situ spatij mundani, scilicet expectaret in G, & in H aduentum corporis A obliquè translatis, & insuper oporteret vt planum subiectum immobile perpendiculariter exciperet ictum in G, & H, & tunc proculdubio vires percussionum factæ à physicis, & realibus velocitatibus obliquis essent nedum æquales inter se, sed etiam validissimæ, prout impetus per A G, & G H ineffabili velocitate excurrunt. at in casu nostro planum excipiens ictum, horizonti equidistat, & ideo non perpendiculariter, sed obliquè ictum recipit, & insuper id ipsum planum subiectum vna transfertur in eodem semidiametro A C cum corpore graui A, & sibi occurrunt G, ergo (vt demonstratum est) validitas percussione factæ à graui A super planum D translatum in G necessario mensurari debet ab impetu perpendicularis casus A D non autem ab impetu physico, & obliquo A G, similiter energia percussione factæ super planum subiectum E translatum in H mensurari debet non ab impetu physico obliquo A H, sed à simplici impetu descensus per A E; vnde manifestè patet defectus prædicti ratiocinii.

*Patet hoc ex
prop. 44. 45. 46
49. & 50.*

*Prop. 44. 45.
55. & 57.*

De reflexione, quæ ad corporum percussione consequitur.

CAP. XV.

Motum reflexum quem videmus diuersum esse à motu incidentiæ eiusdem corporis nonnulli putant,

tant, propterea quod aliquæ reflexiones fiunt per eamdem rectam lineam incidentiæ, quando scilicet illa est perpendicularis ad subiectum planum, quod eius progressum impedit, & in tali casu termini motus à quo, & ad quem, quos distinctos, & oppositos esse debere putant in vno, & eodem motu coniuncti sunt in ipsomet puncto incidentiæ, ac subinde putant priorem motum incidentiæ omnino destrui à resistantia, & firmitudine plani subiecti, & postmodum de nouo creari motum contrarium reflexionis; at quænam causa sit huius noui motus non facile est reperire, nam medium fluidum acreum scilicet neque hunc neque præcedentem motum efficere posse supra ostensum est, ergo necessario obstaculum corporis duri causa est huius noui motus reflexiui, obstaculum vero aut omnino firmum, & quiescens est, aut aliququaliter concutitur, & tremit, si stabile fuerit & omnino motu priuatum, est impossibile vt motum & impetum producat agitando, & propellendo aliud corpus vt retrocedere, & resilire valeat. recurrere postea ad parietis marmorei tremorem ridiculum prorsus videtur, cum is tremoris motus sit debilissimus, proindeque ineptus ad tantam velocitatem procreandam. insuper corpora magis flexibilia ampliolem prolixiolemque tremorem efficientia vehementius repellerent corpora dura in ea incidentia quam scopulus alpinus, quod est falsum, & contra sensus euidentiam; igitur fatendum est quod idem impetus motus incidentiæ perseuerat, & tantummodo impedito transitu, & progressu ab obice itineris directionem aliorsum dirigit. quod autem hæc sit naturæ familiaris consuetudo constat ex penduli illa proprietate, quam nuper detexi, si enim agitato fune-pendulo apponatur clauus in medio longitudinis fili, atque in linea per-

Cap. 3. prop. 8.

Motus reflexiui non igitur de nouo vel à medio fluido aut à tremore parietis concussus

Causa motus reflexiui est impetus motus incidentiæ vnum eundemque motum efficiens.

de medicorū theor. 1. cap. 11.

perpendiculari ad horizontem, tunc quidem circumductio penduli fieri cogitur per circumferentiam minoris circuli, scilicet impetus præcedens iter commutat, excurritque itinere curuiori, & nihilominus spatium transactum eodem tempore æquale est ad vnguem ei quod in ampliori circulo transigebat. insuper reflexiones factæ ad angulos valde obliquos super aliquod planum, vel excursus factus in superficie aliqua curua manifestè euincunt reflexiones illas minimas effici ex continua actione eiusdem motus, in quo tantummodo prior directio aliquo pacto contorquetur à curuitate superficiei in qua corpus excurrit aut impingit; constat ergo ab eadè virtute motiua impelli corpus incidens super aliquod corpus durum, à qua postea fertur necessitate naturæ brevissima via reflectendo.

Sed licet resistentia corporis duri & quiescentis omnino non destruat impetum corporis in eum incidentis, quod profecto ab ipsa reflexione euincitur, quæ post incidentiam efficitur, dubitari saltem potest, an impetum eiusdem incidentis corporis debilitet, & aliquo pacto imminuat, quod minime fieri posse operepretium erit demonstrare.

P R O P O S I T I O L I X.

Vis motiua incidentis corporis non debilitatur neque imminuitur à resistentia corporis firmi, & duri.

Corpus A obliquè incidat super planum firmum CD per rectam lineam AB, sintque ambo corpora dura, & inflexibilia, ducaturque perpendicularis AC super planum subiectum, seceturque BD equalis CB, & eleue-

Fig. 46.
Tab. 2.

Prop. 41.

Prop. 37.

tur D E itidem ad subiectum planum perpendicularis, quæ equalis fiat ipsi A C, iungaturque recta linea B E. manifestum est in triangulis rectangulis A C B, & E D B ob laterum æqualitatem circa rectos angulos esse angulos A B C, & E B D æquales inter se. & quoniam corpus A obliquè incidit super planum B C, ergo eius motus per A B componitur ex duplici motu & impetu: ex perpendiculari scilicet A C, & ex transversali C B, quibus ille æqualis est potestate; & propterea incidit corpus A in B duplici impetu affectum, sed transversali impulsu æquidistanti plano C B nullo pacto id ipsum planum premit, aut percutiet, proindeque subiectum planum nil ei resistet perinde ac si prædicto impetu transversali careret. remanet igitur solummodo impetus perpendicularis quo comprimere, & impellere subiectum planum B C valeat, & huic impulsui planum subiectum omnino stabile resistere debet, impedireque eius directam progressionem potest, hinc fit vt motus perpendicularis tantummodo resiltionem patiatur. ostendendum modo est quod motus huiusmodi resiltionis non imminuitur nec debilitatur. si enim fieri potest à resiltentia firmi corporis C D imminuatur debiliteturque in reflexione impetus ipsius A, perpendicularis nempe, qui impediri potest, quare existente motu equabili temporibus æqualibus percurrerentur spatia æqualia transversalia C B, & B D, cum is motus nullam alterationem ac imminutionem patiatur, at motu resiltionis perpendiculari percurreret spatium D F minus quam D E, vel A C, propterea quod impetus perpendicularis supponitur imminutus debilitatusque, proindeque eodem tempore percurreret spatium D F minus quam A C. & quia hoc in toto progressu resiltionis contingit, fit vt huius motus progressus

fus designet lineam obliquam BF, non autem BE, quare angulus reflexionis FBD minor erit angulo incidentiæ ABC, hoc autem est falsum, & contra sensus evidentiam, quandoquidem perpetuo huiusmodi anguli sunt æquales inter se. igitur vis motiua incidentis corporis non debilitatur, neque imminuitur à resistantia corporis firmi & duri, quod fuerat ostendendum.

His præmissis quia in occurſu duorum corporum fit resilitio aliquando vnius, aliquando amborum, videndū est qua lege, & qua velocitate fieri debeant.

PROPOSITIO LX.

Et primo si corpus aliquod durum quacumque velocitate percutiat corpus aliquod itidem durum omnino immobile atque inflexibile, illud reflectetur eadem prorsus velocitate, qua in ipsum inciderat.

Quoniam vis motiua inexiſtens alicui corpori ex ſui natura motum migrationemque localem determinata, velocitate procreare apta nata eſt, & quando directe curſum inceptum proſequi non poteſt, tunc regreditur, aut curſum reuoluit prout neceſſitas cogit, ſed firmitudo, & durties obicis impedit eius progreſſum directionemque eius motus, nec deſtruit, aut debilitat vim & facultatem eius motuam, igitur eadem vis motiua vigenſ curſum & directionem tantummodo permutabit, & ideo equali velocitate regredietur, & reflectetur. *Prop. 52.*

PROPOSITIO LXI.

Si poſtea corpus iſtum recipiens perpendiculari & media incidentia in quiete amouibili fuerit conſtitutum, fue-

fuerintque ambo corpora dura, & inflexibilia, nulla reflexio efficitur, sed ambo corpora simul ad easdem partes excurrent.

Fig. 47.
Tab. 2.

Prop. 17.

Prop. 20. & 21

Corpus A velocitate D E percutiat perpendiculari, & media incidētia corpus B in C, sitque B quiescēs amouibile scilicet indifferēs ad motū, atque ambo corpora sint omnino dura, & inflexibilia. dico corpus A non reflecti, sed coniunctum cum B excurrere anterieus. fiat velocitas D E ad D F vt A simul cum B ad A, & quoniam supponitur corpus B in quiete amouibili constitutum, igitur nil omnino resistit impulsui ipsius A, & proinde libentissime obsecundat impulsui, nec ei prorsus reluctatur, quare in instanti imprimitur augeturque velocitatis gradus in B, diffunditurque per vniuersam eius molem ad summam vehementiam, ad quam peruenire potest, ad quam tunc profecto pertingit corpus B, quando cessat excessus vehementiæ impellentis corporis A, scilicet quando ambo corpora A, & B eundem gradum velocitatis F D possident, tunc vero ambo corpora A, & B coniuncta equè velociter ad easdem partes G excurrere possunt, ac proinde anterieus corpus B non impedit progressum ipsius A, neque eum retundit, aut retardat, sed quando impetus ipsius A non impeditur, est impossibile vt corpus A retrorsum reflectatur, ergo patet propositum.

PROPOSITIO LXII.

Si corpus quiescens remoueri quidem possit è suo loco, sed cum aliqua resistentia, quæ superari possit à vehementia alicuius corporis, si illud minus fuerit quam corpus

corpus quiescens, retrorsum reflectetur post incidentiam perpendicularem, & mediam.

Si vero corpus quiescens B remoueri quidem possit è *Fig. 48.*
 suo loco sed cum aliqua resistentia, quæ superari possit à *Tab. 2.*
 vehementia ipsius A, tunc quidem si corpus A minus fuerit quam B, retrorsum reflectetur post incidentiam perpendicularem & mediam. Quoniam supponitur corpus B quiescens non omnimoda stabilitate nec indifferentia, sed aliquo pacto resistens, igitur aliquis gradus impetus ipsius A communicari, & imprimi potest in B, quo moueri potest versus G, at quia interim reluctando resistit vehementiæ impellentis A, fit vt pars aliqua impetus ipsius A impedita retrorsum reflecti possit, si nimirum robur antecedentis corporis B maius fuerit robore impellentis A, scilicet si moles corporea ipsius A minor fuerit mole corporea ipsius B; at si è contra A superet molem ipsius B, tunc quidem robur virtutis motiue superabit resistentiam languidiorem ipsius B prout extensius impetus diffusus in A superat vim motiuam ipsius B, quare poterit insequendo celerius propellere corpus B, quod omnino non potest tanta pertinacia progressum ipsius A impedire, vt eum cogat retrorsum se conuertere.

Id ipsum pariter continget, quando corpora A, & B non sunt omnino dura, & inflexibilia, ita vt percussio sit temporanea, quæ minime absque resistentia fieri potest, vt suo loco ostendemus.

PROPOSITIO LXIII.

Præterea si duo corpora contrarijs motibus per eandem rectam linem translata reciprocè proportionalia fuerint suis velocitatibus, ac se mutuo perpendiculari, & media incidentia percutiant, sintque ambo corpora dura, & inflexibilia, reflectentur ad partes oppositas ijsdem velocitatibus, quibus ante occursum ferebantur.

*Fig. 49.
Tab. 2.*

*Conuer. prop.
35.*

Sint duo corpora dura, & inflexibilia A, & B, moveanturque contrarijs motionibus per eandem lineam rectam, A quidem velocitate DE, B vero velocitate H, sitque velocitas DE ad H reciprocè, vt moles corporis B ad molem ipsius A, & se mutuo percutiant perpendiculari, & media incidentia in C. dico A resilire à C versus A eadem velocitate DE, atque B reflecti à C versus G velocitate H. quoniam vires impulsuæ corporum A, & B æquales sunt inter se (cum eorum magnitudines & velocitates sint reciprocè proportionales) ergo vtrumque corpus equali energia impellit, & repulsam patitur à reliquo, quare resistentiæ robur corporis B præcise æquatur impulsui ipsius A, & ideo à vi firmitudinis, seu resistentiæ ipsius B omnino impeditur progressus directus corporis A versus G, & aliunde cum vis motiua ipsius A non destruatur, sed vigeat, necesse est vt eo modo quo potest migrationem prosequatur, proindeque reflectetur retrorsum à C versus A eadem velocitate DE vigente. non dissimili ratione corpus B reflectetur versus G eadem velocitate H, quod fuerat &c.

PRO-

PROPOSITIO LXIV.

Si vero duorum corporum contrarijs motibus sibi ipsis occurrentium perpendiculari & media incidentia vis motiua vnius maior fuerit robore motiuo alterius fuerintque ambo dura & inflexibilia, semper corpus minori virtute motiua præditum reflectetur aucta velocitate, corpus vero maiorem vim motiuam habens non reflectetur si maius fuerit, nec semper si minus.

Habeat primo maius corpus A ad B maiorem proportionem quam reciproce habet velocitas H ipsius B ad velocitatem DE alterius A, sintque prædicta corpora dura, & inflexibilia & motibus contrarijs sibi mutuo occurrant perpendiculari & media incidentia in C. dico maius corpus A non resilire, sed tantummodo languidiori velocitate pristinum cursum continuare, at minus corpus B reflecti versus G maiori velocitate quam H. quoniam moles corporea A ad B maiorem proportionem habet quam reciproce velocitas H ad DE, igitur vis motiua ipsius A composita ex intensiuo impetu DE, & extensa per vniuersam molem A maior est robore virtutis motiue ipsius B velocitate H affecti, sed vis motiua maior non poterit omnino refrenari à minori virtute, imo è contra hæc ab illa superabitur, quare est impossibile, vt directus progressus corporis A versus G omnino impediatur ab occurso languidioris corporis B, sed licet excursus validioris corporis A non prohibeatur omnino, non prosequetur tamen motum eadem velocitate DE, quandoquidem percussio contraria ipsius B remoram, & impedimentum ei affert pro mensura virtu-

Fig. 49.

Tab. 2.

Deducitur ex
prop. 15.

tis motiue eius, igitur corpus A non reflectetur, sed languidiori impetu inceptum cursum prosequetur. sed longe diuersa ratione minus corpus B post occursum operatur; nam progressus debilioris virtutis motiue B omnino sistitur, & refrenatur à validiori energia occurrentis corporis A, & quia interim vis motiua ipsius B non extinguitur licet directio eius motus impediatur, igitur hac de causa reflectetur retrorsum integra velocitate H, & insuper quia vrgetur à vehementia validiori ipsius A dum excurrit versus G, igitur corpus B separabitur à contactu persequentis A reflecteturque versus G impetu maiori quam H, quod fuerat &c.

*Fig. 50.
Tab. 2.*

Secundo iisdem manentibus sit moles corporea A minor quam B, atque vis motiua ipsius A maior virtute motiua alterius B. aio quod maius corpus B resiliet maiori impetu quam H, at minus corpus A non semper resiliet, & quotiescumque reflectitur, tunc minori impetu quam D E retrorsum feretur, quoniam progressus directus ipsius B refrenatur omnino à maiori vi motiua ipsius A, & interim illius impetus non languet, nec destruitur, igitur excurreret retrorsum versus G nedum velocitate H, sed etiam impetu acquisito ab impulsu validioris virtutis motiue ipsius A; at diuersa est conditio minoris corporis A, fieri enim potest vt impetus eius tanto excessu superet uelocitatem ipsius B, ut post diminutionem adhuc impetum reflexiuum ipsius B superet, cumque tardius fugiat B versus G quam infectetur ab A, sit ut tarditas fugientis obstaculi officium prestat, & proinde uelocitas ipsius A uigens cum antierius uersus G excurrere, nequeat retrorsum reflectetur uelocitate tamen debilitata ut dictum est; at si post occursum residua uelocitas ipsius A uersus G minor fuerit uelocitate aucta, qua reflecti-

reflectitur B uersus G, proculdubio excursus directus ipsius A diminutus non impedietur, & proinde minime retrorsum reflectetur, quæ omnia ostendenda fuerant.

Facili negotio ex demonstratis percipi possunt varietates reflexionum, quæ iisdem corporibus contingunt in incidentijs obliquis, propterea in his diutius immorandum non est.

Quomodo impetus debilitetur, & extinguatur

in proiectis.

CAPVT XVI.

Nemo est qui non percipiat extinctionem atque motus mortem esse eius quietem, quando nimirum migratio ab vno ad alium locum alicuius corporis omnino cessat sistiturque in eodem situ spatij mundani, pariterque lumine naturæ notum est eiusdem motus debilitationem ac languorem, quæ proprio nomine retardatio dicitur nulla alia ratione fieri nisi per aliqualem quietis admixtionem, aut participationem, ita vt idem motus quo magis de quiete participat magis tardus censeferi soleat. His positis satis probabile, & plausibile videtur vt eæ causæ motum alicuius corporis extinguere, & destruere possint, quæ quietem, & stabilitatem in ipso producere possent, hoc autem aptissimè fieri posse videtur à corporibus omnimodam quietem possidentibus, à quibus destrui omnino deberet impetus illius corporis in ipsū incidentis, hoc tamen est euidenter falsum, quandoquidem post incidentiam in corpus omnino stabile, & firmum consequitur non quidem quies, sed motus resili-
tionis tanto impetu præcise factus, quanta fuerat veloci-

*Impetus im-
pressus nō ex-
tinguitur à
quiete corpo-
rum transitū
impedientū.*

tas incidentiæ, cumque motus incidentiæ & reflexionis idem omnino sit ab eadem vi motiua procreatus, qui directionem, & iter tantummodo commutat, igitur quies & firmitudo obstaculi nedum non destruit motum incidentis corporis, sed neque ipsum minimum debilitat, cum eiusdem prorsus velocitatis remaneat; igitur mors, & destructio motus pendere non potest à quiete contraposti corporis.

Videndum modo est, an motus alicuius corporis destrui ac debilitari possit à motu alterius corporis, & à qua motus specie.

Prop. 36.

Triplici enim modo variari potest relatio motuum duorum corporum, aut enim ambo fiunt per eandem rectam lineam ad easdem partes, vel ad oppositas, aut prædicti motus sese transversaliter intersecant, & ut à posteriori initium sumamus, manifestum est quod transversalis motus alicuius corporis respectu motus alterius corporis in ipsum incidentis non differt à quiete, propterea quod nec iuvat nec nocet motui incidentiæ, nō enim eum impedit aut retardat magis quam corpus omnino quiescens, igitur eadem vehementia incidens corpus resiliet à corpore moto ac faceret à corpore quiescente, quapropter manifestum est, à transversali motu obicis impetum incidentis corporis prorsus non debilitari nec extinguī, quoad vero motum ad easdem partes factum, proculdubio corpus antecedens ictum subsequētis fugiens, aut excurrit minori, vel æquali, vel maiori velocitate quam insectetur subsequens corpus, sed si equali velocitate antè corpus fugit quam insectetur subsequens corpus, manifestum est impetum posterioris & subsequētis nullo pacto debilitari, quandoquidem nulla percussio, & renitentia, neque repulsio ibi excogitari

Prop. 37.

tari potest, at si corpus antèrius maiori velocitate fugiat quam insequitur posterius multo minus fiet contactus, imò semper magis ab inuicem separabuntur, & proinde impetum insequentis corporis nullo pacto debilitabit, aut exstinguet. Vltimo loco si motus fugientis corporis tardior fuerit insequenti impetu, tunc profecto velocitas persequentis retardatur, sed non propria, & vera retardatione, quandoquidem vna pars eius virtutis motiuæ communicatur, & diffunditur in molem corpoream anterioris corporis, & tunc eadem vis atque velocitas remanet, sed ampliata & communicata corpori anteriori, ex quo fit vt deinceps antèrius corpus maiori celeritate fugiat, quæ aucta est tantumdem ac diminuta fuerat velocitas insequentis corporis; sed vt dicebam huiusmodi imminutio, & retardatio non est illa, de qua loquimur, agimus enim de vera, & reali diminutione, & extinctionione motus, & virtutis motiuæ, de ea scilicet quæ non migrat de subiecto in subiectum, sed verè exstinguitur, & desinit esse.

Prop. 35.

Impetus percutientis nec à motu trāsuersali corporis percussī, nec à motu per eādem lineam rectā ad easdem partes celeriori, tardiori, vel equā veloci extinguitur.

PROPOSITIO LXV.

Pergo iam ad postremum modum, quando scilicet duo corpora omnino dura, & inflexibilia per eandem rectam lineam motibus contrarijs se mutuo perpendiculari & media incidentia percutiunt, & tunc aio quod absolutè vnus motus contrarius percussiuus impressum motum in reliquo corpore non debilitat neque exstinguit, quod planum fiet hac ratione.

Sint primo duorum corporum A, & B vires motiuæ contrariæ inter se æquales, siue corpora A, & B sint

Fig. 49.
Tab. 2.

æqua-

Prop. 63.

æqualia siue non, dummodo eorum velocitates reciproce proportionales sint ipsis corporibus omnino duris, & inflexilibus. patet vt dictum est quod in eorum occurſu perpendiculari, & media incidentia cessat quidem motus directus vtriusque corporis, non tamen eorum virtutes motiue extinguuntur, quando quidem motu reflexo à puncto cōtactus vterque retrocedit, igitur à motu contrario percussio impetus impressus alterius corporis non extinguitur.

Intelligantur postea vires motiue eorundem corporum inæquales inter se, & contrarijs motibus per eandem rectam lineam se mutuo percutiant. manifestum est maiorem virtutem motiuam languidiorem superare, & ideo eam propellere, at quia aliunde reluctantem impetum promouet, ita vt celeriori impetu ipsum cogat retrocedere, nouo scilicet impulsu superueniente, fit vt portio impetus validioris diffundatur communiceturque in corpus illius progressum impediens: ex hac autem diffusione, & imminutione impetus sequitur quidem imminutio velocitatis validioris corporis, at hæc non est vera imminutio, & retardatio, non enim extinguitur gradus ille velocitatis communicatus, sed perseverat in alio subiecto translatus.

Motus percussius potest in corpus pensile impetum imprimere, at non potest contraria percussione eundem motum debilitare, aut extinguere.

Constat ergo energiam ictus motum & impetum in corpus pensile procreare posse, at non ei licere alia contraria percussione eundem motum hactenus impressum debilitare, aut extinguere, & siquidem neque à quiescente corpore, neque percutiente motus & impetus destruitur, reliquum est vt aut motum semel impressum nunquam deleri perpetuoque vigere asseueremus, aut ab alia causa longe diuersa extinguere concedamus; & cū aliunde certum, ac euidentis sit impetum & motum impressum

pressum nedum debilitari sed ad quietem reduci, videmus enim omnia proiecta impetum tandem amittere, & aliquo in loco sisti ac permanere, igitur reliquum est ut causam realis extinctionis motus inquiramus.

Ad hanc autem manuducet nos alia consimilis nature operatio, quæ est actio compressiva grauitatis corporum naturalium; enimvero energia compressiva grauitatis alicuius corporis ab extremo radio libræ pendentis duplici modo imminui extinguique posse perspicuum est, aut per continuam imminutionem subtractionemque molis corporeæ eius quousque ad nihilum redigatur, aut per additionem tantumdem ponderis in opposito libræ termino suspensi, & tunc factò æquilibrio illud nil prorsus grauitat non secus ac si incorporeum omnino esset, pari ratione motum & impetum impressum duplici modo extingui posse naturæ lumine docemur, aut vera & reali imminutione, & destructione impetus, aut appositione, & additione alterius motus contrarij æqualis primo in eodem subiecto. exemplum primi casus verificari videtur quotiescumque projectum incidit in acervum arenæ, aut in corpus fluidum molle ac cedens, tunc profecto videmus impetum eius prorsus extingui; id ipsum experimur quotiescumque projectum dum excurrit manu apprehenditur, firmiterque in eodem loco retinetur, ac proinde vniuersè tum à corpore quiescente cū à percutiente quies in projecto induci potest dummodo adsit causa, quæ reflexionem eius impediat siue projectum ipsum amplexetur, stringatque veluti forceps, aut coclea, vel quomodocumque effectum reflexionis retundat impediatque.

Impetus impressus à quiescente corpore debilitari ac destrui potest dummodo adsit causa, quæ reflexionem eius impediat.

Secundus vero modus magis proprius, & naturæ cōsentaneus est is, qui efficitur ab appositione motus contrarij,

Potest pariter à motu contrario extingui

*modo percus-
sio remouea-
tur.*

trarij, cuius euidentissimum exemplum suppetit nauis à fluente translata, in qua si pila æquali velocitate contraria à prora ad puppim proijciatur, proculdubio pila duabus contrarijs velocitatibus verè afficitur, possidetque ambos impetus, ex quorum mixtione confurgit vera & realis quies in spatio mundano, ita vt si à puppis extremitate pila duplici motu affecta in fluuium decidat, perinde ad horizontem perpendiculariter casura sit, ac si ab extremo ramo arboris in ripa enascentis demitteretur, eiusdemque rei innumera penè exempla passim suppetunt.

PROPOSITIO LXVI.

Nec videtur huiusmodi operatio naturæ ingenio refragari, quandoquidem quodlibet corpus pensile, & equilibratum siue in motu siue in quiete constitutum suscipere potest quemcumque impetum qui ab externo impellente ei inferatur.

*Fig. 51.
Tab. 2.*

Concipiatur pila A in plano horinzontali quiescens, eique primum communicetur impetus aliquis ab ictu alterius corporis, quo excurrere valeat ab A ad B, dumque perseuerat motus pilæ æquabilis superueniat secundus impulsus ad easdem partes per eandem rectam lineam vsque ad C, proculdubio pilæ velocitas augebitur, quandoquidem priori velocitatis gradui indelebiter perseueranti nouus gradus impetus superadditur. porrò superueniat tertius impulsus transfuersè eam promouens à C versus D, is profecto non imminuet, nec augebit cursum directum eiusdem pilæ à C versus F, sed tantummodo transfuersalem motum ei superaddet, vt subinde
non

non incepto cursu directo per C F neque transuerso per CD progrediatur sed obliquo motu per C E ex vtrisque participante, proindeque imbuta erit pila omnibus prædictis impetibus vigentibus ac perseverantibus. demum superueniat quartus impulsus priori oppositus per lineam E G parallelam ipsi A F, hunc quoque impetum pila suscipiet, & subinde intermedia via E I ex vtrisque participante excurreret, vnde constat perseverare in eodẽ subiecto omnes velocitates impressas, & hoc quidem ratum perspectumque est, vt sensus euidentia docet. tandem si denuo pila dum excurrit impresso gradu velocitatis ab E versus I impellatur motu contrario per eandẽ rectam lineam ab I versus E, quis quæso persuadebitur eandem pilam quæ tot diuersos impetus susceperat absque vlla repugnantia modo abhorrere respuereque novum superuenientem impetum contrarium? est plane, pila equè indifferens ad quemcumque motum horizontalem, igitur sicuti prius suscepit, ac retinuit tot diuersos impetus, qui indelebiter perseverarunt, neque ob cõmistionem reliquorum validitates eorumdem imminutæ fuerunt, sic pariter impetus prorsus inter se contrarij imprimi, & perseverare posse in eodem subiecto naturæ lumine suademur, ita vt ambobus vigentibus, ac perseverantibus, quotiescumque ad æqualitatem peruenerint, tunc plane quies consequatur, si vero ipsorum alter prævaluerit his pro mensura eius excessus supra reliquum impetum motum, & migrationem procreabit.

Sed licet hoc verissimum sit negotium tamen faceffit resilitio, quæ à motibus contrarijs percussivis procreatur; hæc autem rem totam turbare videtur, nam contraria impulsio percussiva unius corporis impedit sane directam progressionem alterius non autem vim eius motivam.

*Actio percussiva
sua absque
impulsu intel-
ligi non potest
at è conuerso
effici potest im-
pulsio absque
percussione.*

destruit, aut contrariam uirtutem ei imprimit, aliàs illud non reflecteretur. sed hoc non impedit quin impetus contrarius eidem proiecto imprimi possit, quandoquidem non est necesse ut semper impulsus percussione fiat, scilicet non est una & eadem operatio impulsus & percussio, ita ut una sine altera esse nequeat, proculdubio actio percussiva absque impulsu intelligi non potest, at è conuerso impulsus planè persistere & effici potest absque percussione, ita ut sit impulsus non percussiuus & absque ictu.

PROPOSITIO LXVII.

Ab hoc itaque impetu non percussiuo motum contrarium procreari hac ratione suadebimus.

*Fig. 52.
Tab. 3.*

Sit pila A quæ impetu impresso æquabili feratur per rectam lineam A F ab A uersus F impetu G H eique occurrat manus aut reticulum uel batillum lusorium D E perpendiculariter excipiens aduenientem pilam in C, oportet autem ut manus E non omnimoda stabilitate & firmitudine retineat pilam in C, sed ei cedendo eiusque motum obsecundando sensim retrocedat retrahatque batillum uersus F, dum uero ictum effugit, reagat continenter contraria ui pilam repellendo uersus A (non enim concipi potest resistentia, & retardatio motus pilæ facta à batillo D E, quin manus uim inferat pilæ eam propellendo à C uersus A) sed necesse est ut uis repulsiua manus atque batilli sit exigua, & minima, atque oportet quoque ut continenter renouetur, & exerceatur eadem actio repulsiua. & hic patet nullam percussionem inferri nec resiliationem effici posse, nempe quia batillum per-

perseueranter tangit pilam nec aliquando eam deferit, sed vna secū transcurrit à C versus F. supponamus igitur quod in minima temporis particula manus exerceat impetum repulsiuum minimum H I qui communicetur pilæ A, & in secunda temporis particula à vi manus vigente, & continenter operante eidem communicetur contrarius impetus I K & sic in tertia, quarta & omnibus subsequētib; temporis particulis; & quia præcedentes gradus impetus licet exigui non delentur, fit vt successiue impetus contrarius H L O impressus eidem pilæ A incrementum suscipiat quousque fiat æqualis velocitati G H, quæ ab initio pilæ A impressa fuerat, & tunc profecto æquatis velocitatibus contrarijs necesse est vt progressus & motus pilæ omnino deficiat, & ad quietem redigatur, quando quidem tanta velocitate antè excurrit quanta retrorsum repellitur, ideoque in eodem situ spatij mundani persistet, non secus ac si motu omnino priuata esset.

Non dissimilis operatio ab ipsa natura efficitur cuius euidētia licet ex inferius dicendis pendeat nihilominus non erit ab instituto nostro alienum eam paucis innuere, proijciatur pila grauis sursum perpendiculariter ad horizontis superficiem proculdubio à vi proiecctitia imprimatur pilæ impetus equabilis quo sursum promouetur, at in progressu motus eius vis natiuæ grauitatis contrario impetu absque percussione & resilitione eandem pilam deorsum repellit, atque huiusmodi contrarius impetus continenter crescendo tandem efficitur æqualis velocitati contrariæ à proijciente eidem corpori impressæ, & tunc æquatis velocitatibus oppositis quies subsequitur, & extinctio motus.

Et hæc videtur vera & germana causa extinctionis

Causa extinctionis impet-

*Impetus proiecti est
impetus con-
trarius insen-
sibiliter cre-
scens absque
percussione im-
pressus ceden-
do.*

tus, & impetus proiecti eiusque virtutis motiuæ, scilicet quotiescumque imprimitur eidem proiecto impetus contrarius, & æqualis priori absque vlla percussione & proinde absque reflexione vt nimirum motus contrarij simul in eodem subiecto persistant vigeant exerceanturque & mutuam societatem ineant, ut unus alterius progressum nullo pacto impediat.

Quapropter constat quod motus & impetus non destruitur à quiete alterius corporis ut dictum est, neque ab eius tarditate, quatenus de quiete participat, similiterque neque à resistentia & tenacitate qua corpora uniuntur, & uinciuntur, nam hæc ad tarditatem & ad quietem reducuntur, sed tantummodo à motu contrario absque percussione, & resilitione facto ut propositum fuerat.

*Impetus cuiuslibet corpori impressus debilitari imminuique
quidem potest in instanti ob sui diffusionem, at
deleri omnino ac destrui non potest nisi in
tempore, licet suspicari possimus motum
neque exortui neque interitui
obnoxium esse.*

CAP. XVII.

Prop. 20. 21.

Notum perspectumque est ex ijs quæ superius demonstraui-
mus impetum à percutiente corpore
imprimi in corpus percussum communicarique non in
tempore sed in instanti, hocque uerificari in corporibus
omnino duris & inflexibilibus, in eodem igitur instanti
in quo fit contactus & percussio diffunditur quoque à
percutiente ueluti à fonte quodam pars aliqua eius uir-
tutis

tutis motiuæ, atque impetus qui spargitur communica-
turque per uniuersam molem corporis ictum patientis,
unde fit ut ex huiusmodi uirtutis motiuæ, & impetus mi- *Prop. 19.*
gratione imminuatur impetus percutientis, quæ imminu-
tio fieri non potest sensim, & in tempore, sed in eodem
instanti, in quo diffunditur communicaturque in ipsum
corpus percussum. verum nunquam contingit ut uniuersa
vis motiua, & impetus percutientis omnino absuma-
tur, & prorsus transferatur in aliud corpus ictum patiens,
quandoquidem si id ipsum quiescens amouibiliter sup-
ponatur, scilicet nil prorsus resistens, aut reluctans ad-
uenienti impetui, tunc profecto gradum omnium maxi-
mum uelocitatis corpus percussum suscipiet, & tamen is
partialis erit neque vnquam æquabitur uelocitati percu- *Prop. 29.*
tientis corporis ut ostensum est; quare est impossibile ut
in instantanea diffusionē impetus facta in actu percussio-
nis absumatur omnino deleaturque impetus percutien-
tis, sed tantummodo imminutionem patietur.

Si postea ictus multoties repetatur ut nimirum idem
corpus percutiens ordinem plurium corpusculorum
amouibiliter quiescentium offendat, tunc profecto fient
continenter aliæ & aliæ impetus eius imminutiones sin- *Prop. 24.*
gulæ instantaneæ, sed fieri non poterit ut omnino impe-
tus percutientis absumatur, quia licet ob continuatam
imminutionem ad exilissimam, & languidam uelocita-
tem redigatur, tamen nunquam ille minimus postremus
gradus impetus in postremo eius ictu absumentur, quia
scilicet semper migratione facta alicuius portionis eius
pars altera residua ei remanet, quia nimirum quanti na-
tura hæc est ut licet in infinitum diminuatur nunquam
prorsus absumatur.

Sed licet huiusmodi imminutio impetus temporanea
cense-

censeri possit eo nomine quod inter unam, & alteram percussiuunculam tempus intercedēs subintelligi debeat, non perinde fit vt percutientis impetus imminutio non sit instantanea, constabit enim ex pluribus instantaneis imminutionibus, & hoc sufficit ad ostendendum migrationem, & diffusionem impetus in actu percussionis factam instantaneam fore, ut nimirum sicuti in instanti diffunditur, sic quoque imminutio impetus percutientis instantanea censeatur.

Sed alia longe diuersa ratione efficitur imminutio destructioque impetus in ijs corporibus, quæ euidenter constat ad quietem & omnimodam firmitudinem reduci, in ijs enim impetus retunditur debilitaturque uera & reali imminutione, quatenus ab obstaculo aliquo absque motu percussiuo imprimitur eidem mobili impetus contrarius, qui cum minime totus simul communicari possit sed per incrementa minima & insensibilia fit ut necessario destructio impetus aduenientis mobilis in tempore non in instanti fiat, si enim motus contrarius integer communicari deberet hoc profecto fieri non posset absque percussione in qua, * vt ostensum est, non imprimeretur impetus contrarius sed tantummodo progressus aduenientis impediretur non deleta neque debilitata eius virtute motiua, proindeque resilitio vtriusque corporis subsequeretur non autem motus extinctio. quare necesse est vt absque percussione successiuè non vnica sed innumeris impulsionibus imprimatur motus contrarius in corpus adueniens, proindeque successione quadam temporanea eius motus extinguatur necesse est.

Prop. 67.

Vera, & realis imminutio impetus atque destructio in tempore fit quatenus motus contrarius absque percussione communi- catur per incrementa minima successione quadam temporanea.

**Prop. 65.*

Ex superius dictis conijcitur motum neque de nouo gi-

Hoc loco suspicari licet motum neque de nouo gigni in natura neque vnquam destrui posse quod profecto mirum, & paradoxum videtur. si enim consideretur diffusio

fusio impetus quę in percussione efficitur, tunc illum minime pati imminutionem aut destructionem perspicuum est, cum impetus ab vno in aliud subiectum transeat, & migret, ibidem ex sui natura perpetuo duraturus, & licet subdiuisione, & dispersione quadam distribueretur, non proinde langueret vnquam, aut destrueretur, veluti aqua putei in guttulas innumeras subdiuisa minime destructa censerı debet. itaque ex hoc capite minime impetum interitum habere videtur. quoad vero causam eius productiuam constat deueniendum tandem esse ad vim motiuam animalium, vel ignis, vel alterius corporis se mouentis, quę cum ex sui natura perpetua & non interrupta agitatione moueantur, sit vt motus percussiuus ab ijs principijs dependens nō sit quid de nouo productum in natura sed motum ipsum principiorum translatum, & diffusum in ipsis corporibus proiectis atque percussis.

*gni in natura,
neque vnquā
destrui posse.*

Præp. 65. & 19

Ex cap. 9.

Si vero consideretur actio illa quę vera destructio motus appellatur profecto in ea nil omnino destruitur, sed tantummodo imprimitur motus contrarius, ita vt postmodum in eodem subiecto duo impetus & motus contrarij vigentes, & perseuerantes apparentiam quietis pariant, & sic videantur ambo destructi, cum tamen vtrumque vigere, ac existere in natura non videatur improbabile, & vniuerse quotiescumque corpus aliquod post eius motum quiescere conspicitur tunc dicendum est ab obstaculo, vel impedimento eidem impressum fuisse gradum impetus contrarium omnino equalem ei quo prius ferebatur. & hoc nedum in proiectis verificari videtur, sed etiam in corporibus ab intrinseco, & naturali principio motis, veluti sunt grauiā & animalia; si enim considero saxum decidens id proculdubio in descensu

scensu impetum continue auget quousque obstaculum inueniat non percussuum à quo ei imprimatur contrarius impetus æqualis ei, quem in descensu acquisierat, & hæc est causa quare saxum quiescit, & non vltius mouetur, remoto postea obstaculo incipit nouus eius motus non quidem ab illo impetu acquisito, qui à contrario impetu obstaculi ei æquali ad quietem redactus fuerat; sed à principio intrinseco grauitatis quod perpetuo operatur. idem omnino dicendum est de motu animalium; flectitur quidem brachium verbi gratia à vi, & energia spirituum seu facultatis motiue existentis in musculis brachij flexorijs, sistitur vero, & frenatur brachij motus atque impulsus à resistentia, seu contraria actione eiusdem facultatis motiue operantis in musculis elatoribus brachij, vt nimirum brachium ut corpus graue suscipiat impetum contrarium, & æqualem priori; atque ambo- bus vigentibus quietis apparentiam referat, idemque dicendum de omnibus alijs motionibus quæ in natura fiunt vt subinde concludere liceat motum neque gigni de nouo, neque destrui in natura. hoc autem nec asseueranter, nec vt certe creditum me protulisse quis sibi persuadeat, sed tantummodo suspicando, vt doctiores suam sententiam proferant.

Quomodo in flexilibus corporibus impetus impressus retardetur aut extinguatur.

CAP. XVIII.

Q Vicumque naturæ ingenium nouerit, quæ similes operationes eodem modo perpetuo exequitur simplicissima ac facillima via, ac methodo
nec

nec varietate delectatur, facile persuadebitur non secus impetum in corporibus flexibilibus extingui ac destrui-
tur in corporibus omnino duris ac inflexibilibus, proindeque non inutilis erit theoria superius tradita. ut vero negotium quanta maiori fieri potest perspicuitate expediatur prius natura & proprietates corporum flexibilium declarari debent, quæ profecto pendent ex instrumentis aliquibus mechanicis satis vulgatis ut est vectis, cuneus, & alia huius generis. atque ut à faciliori initium sumamus.

PROPOSITIO LXVIII.

Si alterum vectis extremum à virtute motiua impellatur, ut resistantiam glutinis vel comprimētis corporis reliquo vectis extremo appositam superare valeat, non secus resistantia operatur contra impellentem vim, ac opposita vis motiua absque percussione resistens.

A. Esto vectis *CD* cuius fulcimentum sit *E*, atque in termino *D* apponatur quælibet resistantia *B* siue ea sit pondus, siue gluten aut quælibet alia tenacitas quæ discindi ac disrumpi debeat, è contra terminus vectis *C* impellatur ab energia seu virtute motiua corporis *A* velocitate *V* excurrentis. constat ex mechanicis quod si momentum virtutis motiue ipsius *A* æquale fuerit momento resistantiæ ipsius *B* tunc profecto æquilibrium effici, scilicet æquatis viribus neque corpus *A* propellere terminum vectis *C*, nec è contra repelli ab energia resistantiæ ipsius *B*. si postea momentum ipsius *A* maius fuerit momento resistantiæ, *B* tunc quidem terminus *C* vectis propelletur à potentia *A*, atque resistantia *B* superabitur expelle-

Fig. 53.
Tab. 3.

Prop. 67.

pelleturque seu diffringetur. videndum modo est, quæ ratione resistentia B operetur; & sane actio eius resistentiæ motus contrarius censeretur potest; si enim amota resistentia B eius loco substituatur aliud corpus M, quod motu contrario ipsi A & æquali momento siue virtute motiua contraponatur impulsui eiusdem A tunc proculdubio æquatis viribus duorum corporum A, & M contrarijs motibus se mutuo impellentium absque percussione consequitur amborum quies, atque extinctio impetus vtriusque corporis, perinde ergo frenatur ac extinguitur impetus ipsius A à resistentia B in termino vectis D operante, ac ab impellente virtute corporis M directo, & contrario motu propulsante occursum ipsius A, si igitur potentiæ B, & M eundem effectum extinctionis motus ipsius A pariunt, erunt nedum vires motiue æque valide, sed insuper eodem modo operabuntur, ambo enim reperiuntur, & refrenant excursionem impetus ipsius A, igitur resistentia corporis B, licet in eis videatur, habet nihilominus, atque exercet energiam motiuam, qua nimirum contraria vi, & impetu excursioni corporis A versus C contraponitur.

P R O P O S I T I O LXIX.

In columna parieti affixa cuius extremum à virtute motiua impellatur, tunc resistentia ad eius diffractionem in eius basi parieti contigua collocatur in extremo nempe vectis inflexi, pariterque resistentia operatur, quatenus repellit impulsu contrarium.

*Fig. 54.
Tab. 3.*

Si postea supponatur columna aliqua CED parieti RS affixa, quæ à virtute motiua ipsius A uelocitate V im-

impellatur in termino extremo eius C, tunc concipi quoque debet uectis inflexus FED cuius centrum erit terminus E à parietis consistentia fulctum, resistentia uero erit gluten, uel qualiscumque alia tenacitas qua partes eiusdem columnę colligantur cum reliquis contiguis suis partibus intra parietem affixis, huiusmodi uero tenacitas distribuitur per totam superficiem basis DE eritque pariter huiusmodi tenacitas resistentia quædam quę in centro suę basis DE suam energiam exercet contra iſtum corporis A. & hic pariter huiusmodi tenacitatis resistentia reagit contra impulsus ipsius A motu, & impetu quodam contrario, eatenus enim resistit quatenus repellit impulsus directum ipsius corporis A, & sic in occurſu ad terminum C aut extinguitur aut retardatur impetus propellentis corporis A.

PROPOSITIO LXX.

In uirga flexibili eodem modo resistentia ad eius diffractionem diffunditur per totam eius longitudinem, atque resistentia glutinis eius impetu contrario reagit reperiendo propulſionem oppositam.

Demum si supponatur uirga CED flexibilis parieti RS affixa, patet quod in occurſu corporis A ad terminum C flectitur & curuatur uirga ut nimirum superficies infima FE coangustetur curuitate concaua, & superficies DC dilatetur curuitate conuexa, in huiusmodi autem flexione concipi debent innumerę fibrę æquidistantes ipsi DE quę coangustantur ad partes FE, dilatantur uero uersus CD, & in hisce omnibus resistentia concipi debet per totam fibrarum longitudinem, uti dictum est de

Fig. 55.
Tab. 3.

resistentia ipsius *DE*, & sic actio impulsiva ipsius *A* non agit tantummodo contra unicam resistantiam *ED*, sed contra innumerabiles resistantias omnium fibrarum æquidistantium ipsi *DE*, quæ per totam longitudinem uirgæ *CD* dilatari, & dissociari debent à suis contiguis fibris, discrimen ergo inter uirgam flexibilem, & columnam rigidam est hoc, quod nimirum in rigida columna unica tantum resistantia glutinis *DE* reagit impetu contrario contra impulsu corporis *A*, in uirga uero flexibili tot resistantiæ quot sunt fibræ aut simul aut successiue reagentur reperiendo impetum ipsius *A*.

PROPOSITIO LXXI.

Si resistantiæ segregatæ superari debeant uectæ ab eadē uirtute impulsiva retardabitur impetus impulsivus tēpore aliquo, at si absque percussione impulsio fiat reatibus diminutionibus continenter retardabitur.

Fig. 56.
Tab. 3.

Vtque prædictæ actiones dictarum resistantiarum clarius percipiantur denuo uectis *CD* intelligatur, in quo apponatur ad terminum *D* non unica tantum resistantia *B*, sed plures *B*, *K*, *L*, &c. distinctæ & segregatæ inter se fit nimirum ut in occurfu corporis *A* ad terminum *C* primo quidem superari debeat resistantia *B*, & postea resistantia ipsius *K*, & deinde resistantia ipsius *L*, & sic de reliquis sequentibus, hoc autem perinde est ac retardari impetum excurrentis corporis *A* primo pro mensura energix contrarij impetus ipsius *B*, secundo ipsius *K*, postea subsequenter *L*, & sic de reliquis, & si quidem particule istæ *B*, *K*, *L* &c. supponantur duræ, & inflexibiles, constat retardationes omnes seu imminutiones impetus ipsius

ipsius A instantaneas fore, si impulsus sine percussione, non fiunt vt dictum est, & eo nomine totalem percussio- nem, seu seriem omnium ictuum & proinde retardatio- num ipsius A in tempore aliquo quanto effici, propterea quod inter vnum, & alterum ictum particula aliqua tem- poris intercedit, & sic vniuersa retardatio impellentis A temporanea cenferi debet, at si impulsus & repulsiones absque percussione fiant, constat singulas retardationes esse veras & reales, & in tempore fieri.

His declaratis singillatim exquirendi sunt modi om- nes, quibus impetus impressus alicui corpori extingui potest.

Et primo concipiatur in spatio vacuo quodlibet cor- pus durum excurrere quacumque velocitate, adsint po- stea in eodem spatio particulae corporeae pariter durae, quae discriminatim in diuersis locis eiusdem spatij inna- tent, sed quiete amouibili, profecto dum excurrit maius corpus sua velocitate secum transfert obstantia corpus- cula, sed non sine imminutione pristinae impellentis ve- locitatis, quandoquidem communicari debet pars aliqua sui impetus atque migrare in praedicta corpora, à qua nimirum translata virtute corpuscula illa vna secum mo- ueantur; & quia in progressu alia, & alia corpuscula sibi occurrunt continenter, quae secum transferuntur si per- pendiculariter percutiat, vel dissilient ad latera sit vt in progressu huius motus imminuatur semper magis ac magis impetus corporis propellentis, nunquam autem omnino extinguetur, quandoquidem quanti natura est vt licet in infinitum eadem proportionem imminuatur nunquam totaliter absumatur.

Secundo loco supponantur praedicta corpuscula in spatio vacuo existentia moueri quidem aut omnes ad eas-

A particulis corporeis in vacuo innatis, quibus amouibilibiter quiescentibus impetus percutientis corporis debilitari potest in tempore, quatenus transferatur impetus e proprio in alienum subiectum, & ideo non omnino extinguetur impetus percutientis.

Si praedicta corpuscula in spatio vacuo

moueantur nō efficietur vera retardatio incidētis corporis, nisi motus sint contrarij absque percussione.

Prop 36.

Cap. 17.

At si eadem particula corporea aliquo pacto connexa vel propter figuras, vel quia non possunt libere circumuolui resistēt, & tarditate inferēt proijcienti corpori eū absque percussione ipsum repellant, &

easdem partes motus impellentis, aut transuersaliter aut motu contrario, aut ex his omnibus motionibus. quoad motus transuersales pertinet si ictus perpendiculariter excipiant ad directionem suorum motuum, patet non differre à corporibus in statione amouibili constitutis, & ideo eandem impetus imminutionem producent in corpus impellens. si vero ad easdem partes moueantur vel ad contrarias impetu percussiuo, patet ex superius declaratis quamminima diffusio impetus impulsui efficiatur. remanent tandem motus contrarij absque percussione, resistentes qui efficient veram, & realem retardationem, & imminutionem impetus impellentis corporis, quandoquidem hæc est natura motus contrarij absque percussione vt dictum est, & sic in progressu motus fieri potest vt tandem impetus in proiecto impressus omnino extinguatur; at si omnes supradicti motus in iisdem corpusculis supponantur, patitur impetus proiecti nedum imminutionem propter eius diffusionem in corporibus non reluctantibus, sed etiam propter veram, & realem retardationem quam ei inferunt corpora contrarijs motibus ei reluctantia.

Tertio loco supponantur in eodem spatio particulae corporeæ non omnino dissociatæ, & distinctæ, sed aliquo pacto colligatæ, & concatenatæ inter se, siue propter varias figuras hamatas, siue quia anguli vnius corpusculi intra sinuosas cavitates alterius insinuati nō possunt libere excurrere absque circumstantium corpusculorum motione, aut reuolutione, ita vt concipi debeant veluti vectes, qui ex vna parte impelluntur à proiecto, & ex altera parte adherent resistentiæ, quæ contrario nisu resistit impulsui ipsius proiecti, & tunc quidē licet particulae illæ corporeæ in spatio vacuo, siue fluido quiescant nihilo-

hilominus resistentiam & retardationem impetus proiecti pariunt ; propterea quod resistentiæ collaterales partium colligatarum aut coherentium sunt totidem potentia quæ actione contraria absque percussione repellunt corpus projectum proindeque eius impetum successiue retardant , quousque tandem eum prorsus extinguant .

Quarto supponantur particulae corporeæ pariter diuisæ sed coherentes , & sese tangentes vt est acervus arenæ aut cuiusvis eiusmodi materiæ quæ dura , & infrangibilis supponatur , tunc quidem projectum occurrens prædicto acervus debet quidem expellere à loco anteriori arenæ particulas ibi degentes , conatus vero expulsiuus fit impellendo directè anteriores arenulas , quæ progredi non possunt nisi alias obstantes arenulas eijciant è suo loco , & illæ alias , & sic vltcrius , & siquidem arenulæ prædictæ nedum essent durissimæ vt suppositum est , sed etiam earum figuræ omnino suis angulis locum impleant , non possent ne minimum moueri , nisi tota arenæ aggeries è suo loco dimoueretur , & tunc si tota prædicta aggeries est in quiete amouibili subsequitur promotio , & impulsus , verum si prædictæ particulae non omnino spatium compleant , sintque talis figuræ , & leuitatis , vt possit vna earum inter alias excurrere , & contorqueri , tunc quidem propulsæ arenulæ insinuantur inter alias collaterales , exerceturque actio instrumenti mechanici cunei nuncupati , quæ impelluntur inter alias particulas pariter resistentes quæ eodem modo quò supra expositum fuit impetum projecti retardant , & huius naturæ sunt omnia fluida corpora , lubrica , mollia , & cedentia . si postmodum supponantur arenulæ siue integra corpora coherentia frangibilia , constat quod non parum resistentiæ quæ projecto inferitur , pendet ex glutine quo colligantur

successiue retardant.

Si vero eadē particula diuisæ sese tangant vt acervus arena frangibilis impetui proiecti retardant , vt sunt fluida , & lubrica corpora

gantur prædicta corpora, atque vis fractioni resistens est illa, quæ retardationem infert velocitati ipsius proiecti.

*At si corporeæ
particulæ co-
herentes fle-
xibiles fuerint
pariter proj-
cientis impe-
tus vere retar-
datur in tem-
pore.*

Quinto supponantur iam prædictæ particulæ vel corpora coherencia flexibilia ut sint aggeries tot machinularum qualis forsan est aeris constitutio, patet quidem quod projectum suo impetu nedum dimouere debet prædictas machinulas sed etiam inflectere, in inflexione autem earum peculiare illæ resistentiæ superius expositæ continenter imminuunt vim impulsuam projecti, eamque retardant quousque eam prorsus extinguant, & hi sunt omnes, aut præcipui modi quibus impetus motiuus debilitari, & tandem extinguui potest, fitque retardatio tardius aut citius prout plures resistendi modi simul concurrunt in eodem subiecto, à quibus omnibus semper contraria reactione & repulsu absque percussione, vis & energia ictus & impetus debilitatur extinguiturque, & in hisce omnibus mirum non est retardationem in tempore fieri, cum constet ex innumeris peculiaribus retardatiunculis, quæ continenter vna post alteram efficiuntur.

*Qua ratione in corporibus flexibilibus resilientibus
motus contrarij se mutuo destruant,
renouenturque.*

C A P V T XIX.

Satis superque constat ex superius dictis quod duo corpora contrarijs motibus sibi mutuo occurrentia aliquando impetus amittunt atque omnino ad quietem rediguntur, aliquando remanent eædem velocitates omni-

omnino inalteratę eiusdemque roboris . at videtur plane repugnare , vt in eorumdem corporum occurſu impetus debilitentur aut extinguantur & poſtmodum reuiuifcant , quandoquidem vna & eadem cauſa ſcilicet repulſio motus contrarij non poteſt quietem & motum in eodem ſubieſto procreare . at hoc fieri perſpicuum eſt in corporibus flexibilibus & reſilientibus , vt ſunt machinę & alia corpora eandem naturam participantia . conſtat enim pilam luſoriam reticulo flexibili prius retardari & demum vehementiſſime propelli , pariterque pila aere inflata ſeu folliculus , qui ſimiliter vt ceterę machinę ſtringitur dilataturque nō ſecus prius retardatur & poſtmodum vehementiſſime impellitur ; in hiſce omnibus experimur vno duorum corporum quieſcente , aut illud ſit pila vel batillum luſorium , quod poſt quietem determinata velocitas communicatur vel directe excurrens quando nimirum pila quieſcens percutitur aut impetu reflexo , quando ſcilicet pila reticulum quieſcens offendit , tuncque procreatur motus reflexus . verum ſi tum pila cum reticulum motibus contrarijs ſibi mutuo occurrant , tunc poſt tarditatem vel extinctionem motus efficitur tanto validior percuffio , quanto duę velocitates pilę & reticuli ſingularem vnus eorum impetum ſuperant . id ipſum fieri patet in ſimilibus machinis ; erit igitur operępretium huius effectus cauſam inquirere , & explanare .

Conſtat experientia in machinis flexibilibus & reſilientibus impuſis deſtrui impetum impellentis , & in reſiſtione machina de nouo produci .

PROPOSITIO LXXII.

Virga flexibilis ſubieſto plano affixa normaliter , ſi ab aliquo corpore tranſuerſè impellatur dum flectitur

T

extin-

extinguet impetum percussuum, eumque denuo gignet in eius resilitione.

Fig. 57.
Tab. 3.

Sit igitur virga flexibilis EB solo RS affixa in E ; hæc profecto naturali instinctu sponte quiescit in situ perpendiculari ad horizontem, quatenus à duabus potentijs æqualibus æquilibratur, scilicet à suis fibris æquidistantibus basi FE , quarum quælibet vectis officium explet, & ad inuicem fulciuntur, itaut vtrinque laterali flexioni versus G , aut I resistent, non tamen admodum, arctè fibræ vniuntur, & colligantur, sed lubrica quadam connexionione, vt subinde cuilibet impulsui cedere possint. si postea virga EB à situ perpendiculari EB remoueatur versus G , resistet quidem huic remotioni quo magis à situ C recedit, nec huiusmodi resistentia mere passiuæ, & iners est qualis est illa, quæ reperitur in corporibus vectis asportatisque, quæ vbicumque reponantur quiescunt, neque nituntur regredi ad priorem situm, oppositum enim contingit in virga EB semper enim maiori, & maiori energia nititur se restituere ad locum C quo magis ab eo remouetur versus G , estque huiusmodi nisus tantæ energiæ, vt nedum auiditas regrediendi non expleatur ex eius restitutione ad situm perpendicularem in C , sed insuper vltèrius promoueatur, excurrèdo vltra perpendiculum per arcum CI . His positis intelligatur corpus proiectum A quod velocitate D excurrat ab A versus C , & ibidem offendat virgæ apicem B , efficietur igitur prima percussio in C expelleturque virga versus G , & quia post primum occursum dum remouetur virga à situ perpendiculari incipit eius actio regressiua, qua resistit velocitati impulsuæ ipsius A fit vt magis imminuatur impetus D continueturque progressus huius im-

mi-

minutionis semper maiori excessu quo magis virga EB vna cum A recedit à suo perpendiculari, quare demum velocitas D extinguetur vt in G , proindeque corpus A in situ G perductum vna cum B vniuersum eius impetum D amississe comperitur, at virga EB in G constituta non æque impetu, & virtute motiua priuatur, sed tanta energia conatur ad suum perpendicularum se restituere quanta est velocitas D , scilicet quanta est præcisè vis à qua expulsa fuit à suo perpendiculari situ. huiusmodi vero energia tanta est, vt EG regredi possit eadem periodo qua expulsa fuit continuatis impulsibus repellendo corpus ei annexum A eidemque restituendo seu potius de nouo procreando gradum velocitatis equalem ipsi D , quem in accessu consumpserat. igitur in situ perpendiculari C corpus A imbuitur eodem gradu velocitatis D quo huc accesserat, ergo necessario resiliet reflecteturque contrario motu à C versus A eadem velocitate, qua ibidem peruenerat.

PROPOSITIO LXXIII.

Si virga resiliendo contrario motu occurrat corpori impellenti, extinguetur huius impetus eique postea imprimetur maior gradus velocitatis, æqualis nempe duabus velocitatibus simul sumptis ei scilicet qua virga flectebatur, & ei qua impellebatur.

Si postea supponantur corpus A , & virga BE manu translata in G sibi mutuo occurrere in C contrarijs motibus affecta; scilicet virga EB manu translata in G excurrente à G versus C velocitate L occurrat corpori A velocitate D contraria translato in C , tum manifestum

Fig. 57.
Tab. 3.

Prop. 34.

Prop. 32.

est duplicari vim percussione fierique æqualem ambabus velocitatibus D, & L simul sumptis, & quia virga E B cuilibet impulsui cedit, vt flexilium natura exigit, cum sit indifferens ad motum lateralem, fit vt ex duplicata percussione in C duplicato impetu expellatur, flectaturque vltra terminum G vsque ad H, at ex maiori flexione virgæ E B consequitur nisus validior regrediendi, igitur licet corpus A in situ H reperiatur omni velocitate destitutum, & priuatum, poterit nihilominus repelli à virga E B tanto maiori nisu dum regreditur ab H versus C, vt ei imprimatur gradus velocitatis multo maior quam D, scilicet æqualis duobus impetibus D, & L simul sumptis, & cum hisce corpus A resiliet à C versus A.

P R O P O S I T I O LXXIV.

Id ipsum effici debere in pila lusoria & in reliquis machinis demonstratur.

Prop. 32.

Id ipsum in reliquis machinis contingit, si enim pila lusoria, seu folliculus, vel arcus, aut quælibet flexibilis machina contra parietem, vel contra batillum lusorium firmum impellatur, comprimetur profecto flecteturque pro mensura impetus, & percussione. proijciatur denuo folliculus vehementiori impetu, duplicato scilicet, constat machinæ compressionem, flexionemque augeri duplicarique, prout compressio percussiva duplicata est, sed perinde impetus percussione duplicatur, si batillum lusorium ictum pilæ excipiens contrario, & æquali motu occurrat eidem pilæ, efficietur nempe contractio inflexioque eiusdem duplicata, quatenus à duabus viribus contrarijs veluti à torculari stringitur comprimiturque,

que, facta vero huiusmodi duplicata constrictione, & inflexione machinæ necessario duplicata vi dilatabitur, prout machinæ natura exigit, in illa autem dilatatione, dum parieti, vel batillo luforio innititur machina folliculi retrorsum resiliet nedum propria virtute, sed etiam ratione impulsus eiusdem batilli repellentis, quare huiusmodi machina necessario retrorsum reflectetur duplicato impetu dependente ex percussione energia duplicata, proindeque duplo longius reflectetur à contrarietate impulsuum, quod quidem pendet ex machinæ natura, non autem à contrarietate motuum, à qua impetus potius destrueretur, vt hætenus ostensum est.

Hic quoque omittendum non est percussione quietem & resiliationem folliculi, & cuiuslibet alterius machinæ non in instanti, sed in tempore absolui, quatenus in ipsa compressione, & restrictione machinæ concipi debēt innumerabiles compressiones continēter factæ ab innumeris impulsibus refrænatis à resistentijs machinularum seu vectium longo ordine sese consequentium iuxta positionem suarum fibrarum, quæ omnes repulsiones vna cum morulis interceptis durationem temporaneam componunt, quod profecto consentaneum est naturali necessitate, qua persuademur impetus destructionem temporaneam esse debere, vt hætenus demonstratum est.

Percussio, quies, & resilitio machinæ non in instanti sed in tempore absolvitur.

De impetus fluxu eiusque mensura.

CAP. XX.

HActenus de impetu corporis proiecti in genere, atque de eius affectionibus disseruimus, nunc de impetu ab interno principio prodeunte agendum est, hoc

hoc autem exigit vt accuratiori inquisitione de impetus fluxu atque mensuris & proprietatibus differamus. igitur impetus aut idem semper permanet eiusdem mensuræ itaut nec crescat, nec imminuatur, vel potius impetus gradus continenter augetur vel minuitur. insuper huiusmodi crescēs impetus augeri potest similari & vni-formi augmento, vel difformi & inæquali. de his omnibus accurate & distincte agendum est, nec non de coherētia connexionēque impetus fluentis cum motu in mundano spatio peracto.

*Velocitas lō-
gitudini linea-
rī analogā cē-
seri potest.*

Primo ergo animaduertendum est quod quilibet gra-
dus velocitatis qui aliquo temporis instanti viget quan-
titas permanens cenferi debet, propterea quod diuidi, &
subdiuidi potest prout magis vel minus retardatur; non
erit igitur gradus velocitatis quid momentaneum, & in-
diuisibile, quandoquidem non est initium velocitatis, sed
velocitas ipsamet ad gradum aliquem determinatum
perducta, & quia gignitur ex fluxu momenti eius indiui-
sibilis non incongrue simplici longitudini lineari analo-
ga velocitas ipsa cenferi potest.

*Fluxus conti-
nuus eiusdem
gradus veloci-
tatis producit
quantitatem
plano analo-
gā licet fluen-
sens.*

Fluxus vero continuus eiusdem gradus linearis velo-
citatis in aliquo tempore determinato factus producit
quantitatem alterius generis nempe plano analogam;
quia propter fluxum continuum eiusdem impetus in tē-
pore exactum, fit vt toties repetatur linearis ille gradus
velocitatis, quot instantia in excursu tempore numerari
vel assignari possunt. & sicut fluxus lineæ transuersalis
continuus gignit superficiem planam rectangulam, sic
quoque fluxus eiusdem impetus linearis planam aliquā
extensionem gignet; discrimen vero inter hanc & illam
planitiem intercedens est, quod illa permanētem & exi-
stentem quantitatem rectangulam efficit, hæc vero suc-
cessi-

cessiuam, quandoquidem non coexistunt repetiti gradus velocitatis, cuanescent enim præteriti vna cum tempore exacto, nec existit nisi singularis gradus velocitatis vna cum temporis instanti cum quo coexistit. idem fluxus eiusdem gradus velocitatis linearis determinat quoque excursum seu motum localem corporis prædicta velocitate translati, propterea quod in quolibet temporis instanti idem velocitatis gradus conatum siue momentaneam motionem aliquam efficit prædicto gradui velocitatis competentem. igitur motus prædictus ab eodem gradu velocitatis fluente genitus æquabilis nuncupatur correspondetque plano rectangulo genito ex fluxu vnius, & eiusdem gradus velocitatis.

Fluxus eiusdem gradus velocitatis determinat excursū, seu motum localem corporis eadem velocitate translati.

Si postmodum gradus uelocitatis dum fluit augetur vel minuitur intensiue, tunc profecto in eius fluxu concipi debent tot gradus velocitatis inæquales scilicet crescentes, aut decrescientes quot sunt instantia exacti temporis. & sicuti ex fluxu transversali alicuius lineæ crescentis procreatur superficies plana semper magis ac magis dilatata, ut est trapezium, vel si ab indivisibili puncto linea crescens transversè fluat efficietur triangularis quædam figura, rectilinea nempe si incrementa lineæ fluentis semper æqualia fuerint, aliàs procreabitur triangulum curvilineum aliquod, sic pariter in fluxu impetus si à momento indivisibili initium sumat successiue crescendo dum fluit gignet planum triangulare, & si quidem incrementa impetus æqualia fuerint temporibus æqualibus efficient triangulum rectilineum aliàs curvilineum, his declaratis de motionibus æquabilibus primas & simpliciores passiones declarabo præmissis hisce pronuntiatis.

At si gradus velocitatis dum fluit continenter augetur intensiue procreatur superficies plana crescens ut trapezium, vel triangularis si ab indivisibili gradu crescens transversè fluat.

Et si incrementa impetus æqualia fuerint temporibus æqualibus efficiant triangulum rectilineum, aliàs erit curvilineum.

AXIO-

A X I O M A V.

Planum genitum ex fluxu eiusdem velocitatis gradus longiori tempore maius est eo, quod breuiori tempore excurritur.

A X I O M A VI.

Et è cōuerso tempus, quo proluxius spatium à fluxu eiusdem gradus gignitur, maius est tempore, quo breuius spatium planum progignitur.

D E F I N I T I O II.

Breuitatis gratia vocetur spatium planum à fluxu impetus procreati planum impetus aut velocitatis.

P R O P O S I T I O LXXV.

Si duo mobilia quibuscumque velocitatibus, sed æqualibus temporibus motu æquabili ferantur, erunt plana velocitatum, vt spatia transacta.

*Fig. 58.
Tab. 3.*

Duo mobilia A, & C æquabili motu ferantur temporibus A B, & C D equalibus inter se, & A quidem eadē velocitate E A fluente tempore A B pertranseat spatium R, atque C velocitate F C, tempore vero C D æquali tēpori A B percurrat spatium S, patet ex fluxu uelocitatis E A effici planum impetus rectangulum A G, eo quod in omnibus instantibus indiuisibilibus temporis A B ab eadem uelocitate E A quæ linearis quantitas est fluendo
sibi

sibi ipsi superadduntur coaceruanturque totidem uelocitatis gradus, ex quibus componitur tandem rectangulum AG ; sic pariter fluxus velocitatis FC tempore CD gignit impetus planum rectangulum CH . dico quod planum impetus AG ad impetus planum CH eandem proportionem habet quam spatium excursus R ad spatium S . quoniam tempora AB & CD equalia sunt tot instantia erunt in vno, quot in altero, at in quolibet instanti exercetur vtraque velocitas EA , & FC , ergo quā proportionem habet vna velocitas EA ad vnam FC eādem habebunt omnes velocitates, quę exercentur in plano impetus AG ad omnes velocitates quę exercentur in plano impetus CH . sed vt singularis velocitas EA ad FC ita est spatium R ad S (propterea quod temporibus æqualibus æquabili motu percurruntur) ergo vt planum impetus AG ad planum impetus CH , ita erit spatium tranfactum R ad S .

*Ex methodo
indivisibilium
Cavalieri.*

*Gal. mot. loc.
lib. pr. prop. 2.*

PROPOSITIO LXXVI.

Si idem mobile eadem velocitate, æquabili motu, sed temporibus inæqualibus percurrat duo spatia, erunt plana velocitatum vt spatia.

Idem mobile A eadem velocitate AD tempore AB pertranseat æquabili motu spatium EF , atque tempore AC & eadem velocitate AD percurrat spatium EG ; constat vt prius dictum est ex fluxu eiusdem velocitatis gradus AD tempore AB gigni planum rectangulum impetus AI , atque tempore AC planum rectangulum impetus AH procreari. dico planum impetus AI ad planum impetus AH eandem proportionem habere quam

*Fig. 59.
Tab. 3.*

V

spa-

*Gal. mot. loc.
lib. 1. prop. 1.*

tium EF ad EG . quoniam planum rectangulum AI ad AH (cum sint eiusdem altitudinis, eiusdem scilicet linearis impetus DA) eandem proportionem habet quā tempus BA ad AC , & in motu æquabili eadem velocitate factō ut tempus BA ad AC ita est spatium FE ad EG , igitur planum impetus AI ad planum impetus AH eandem proportionem habet quam spatium EF ad EG .

PROPOSITIO LXXVII.

Ex his duabus propositionibus facili negotio ostēdetur, quod si duo mobilia inæqualibus velocitatibus, temporibus quoque inæqualibus motu æquabili ferantur, tunc planum impetus vnus ad planum impetus alterius erit ut spatium transcursum ab vno eorum ad spatium excursum ab altero mobili. pariterque prædicta plana velocitatum proportionem compositam habent ex ratione velocitatum, & ex ratione temporum, pariterque proportio spatiorum componitur ex iisdem duabus rationibus. vnde constat, quod si velocitates fuerint temporibus proportionales, tunc plana velocitatum seu spatia exacta duplicatam proportionem habebunt rationis temporum, vel velocitatum.

PROPOSITIO LXXVIII.

Si postea duo mobilia æqualibus temporibus æquabili motu ferantur, primum semper eadem velocitate, secundum inæqualibus velocitatibus in partibus eiusdem temporis æqualiter diuisi, plana velocitatum
geni-

genita eandem proportionem habebunt quam spatia exacta.

Mobile A motu equabili tempore AB velocitate E A *Fig. 60. Tab. 3.* percurrat spatium OR efficiatque planum impetus E B; sit postea mobile C, quod tempore CD æquali ipsi AB diuiso in partes æquales CF, FG, GD moueatur quidem semper motu equabili velocitate quidem CH tempore CF percurrat spatium ST, & tempore FG uelocitate IF percurrat spatium TV; atque tempore GD uelocitate GK percurrat spatium VX, sintque plana uelocitatum ipsidem temporibus genita HF, IG, & KD. dico planum impetus E B ad summam planorum HF, IG, & KD eandem proportionem habere quam spatium OR ad spatium SX. secetur tempus AB in totidem partes æquales AL, LM, & MB, in quot subdiuisum fuerat tempus CD, seceturque planum impetus A B in totidem æqualia plana EL, LN, & NB, pariterque spatium OR in totidem partes æquales OP, PQ, & QR. quia tria spatia ST, TV, VX æquabili motu percurruntur temporibus æqualibus CF, FG, & GD, igitur spatia ipsa ST, TV, VX proportionalia sunt uelocitatibus CH, FI, & GK, sed ut eadem uelocitates ita sunt spatia rectangula uelocitatum HF, IG, & KD (eo quod eorum bases CF, FG, GD æquales sunt) quare componendo & inuertendo planum impetus HF ad summam planorum HF, IG, & KD eandem proportionem habebit quam spatium ST ad summam omnium spatiorum scilicet ad SX; prius autem planum impetus E B æque multiplex erat plani EL quam spatium RO multiplex est spatij OP; estque planum impetus EL ad planum impetus HF ut spatium exactum OP ad ST (propterea *Prop. 75.* *Gal. ibid. prop. 2.* *Prop 75.* *quod*

quod motu æquabili, & tēporibus æqualibus AL & CF percurruntur) igitur ex æqualitate ordinata planum impetus EB ad summam planorum velocitatum HF , IG , KD eandem proportionem habebit quam spatium OR ad spatium SX . quod erat ostendendum.

Deinde pro sequenti propositione præmitti debet hoc Lemma.

LEMMA.

Si duo corpora eodem tempore ferantur, primum motu æquabili, secundum motu accelerato, atque semper in quolibet instanti exacti temporis vnus velocitas maior fuerit alterius velocitate, spatium ab illo excursus maius erit spatio à reliquo exacto.

*Fig. 61.
Tab. 3.*

Ex Gal. ibidē

Tempore AB duo corpora ferantur, vnum motu æquabili velocitate AC percurrat spatium R , reliquum vero motum incoet velocitate eadem AC , sed successiue acceleretur, ita vt in quolibet instanti temporis reperiatur vigens impetus acceleratus IL maior impetu inalterabili velocitatis IG uel AC , percurratque spatium S . dico spatium S maius esse quam R . quia in toto progressu tēporis AB & in singulis eius partibus semper velocitas AC minor est velocitate crescente, & ut uelocitas ad uelocitatem, ita est spatium ad spatium eodem tempore exactum, ergo in toto progressu temporis AB , & in singulis eius partibus spatium R ab eadem uelocitate AC exactum minus erit spatio S à uelocitate crescente percursum.

PRO-

PROPOSITIO LXXIX.

Si duo mobilia eodem tempore ferantur, primum motu à quiete successiue accelerato, secundum vero motu æquabili; planum triangulare impetus illius ad planum rectangulum impetus huius eandem proportionem habebit quam spatia ab eis peracta habent.

Corpus A tempore A B accelerato motu scilicet ve- Fig 62.
locitatibus à quiete successiue crescentibus iuxta mensu- Tab. 3.
ram linearum inter rectam A B, & aliam siue curuam siue
rectam A I interceptarum, & equidistantium ipsi B I per-
currat spatium R, ita vt planum impetus efficiat triangu-
larem figuram A I B; aliud vero corpus C tempore C D
æquale ipsi A B, atque motu æquabili vnica & eadem
velocitate F C percurrat spatium S, ita vt planum impe-
tus eius sit rectangulum F D, dico planum impetus A I
B ad planum impetus F D eandem proportionem habe-
re quam spatium R ad S. figuræ A B I in apicem A defi-
nenti adscribantur more geometrico duæ figuræ gra-
datæ ex rectangulis æque altis compositæ circumscriptæ
quidem A K L M N I B, inscripta vero Y E O G P H Q
B, ita vt earum excessus vel defectus à figura trilinea A
I B minor sit quacumque magnitudine data, & applice-
tur ad rectam A V rectangulum A T æquale rectangulo
Y O. patet figuram ex rectangulis A T, V P, B H com-
positam æqualem esse inscriptæ figuræ, proindeque mi-
norem triangulo A I B; tandem intelligantur duæ figuræ,
circumscripta, & illa quæ æqualis facta est inscriptæ tri-
angulo A I B esse plana velocitatum inæqualium, à quibus
æqualibus temporibus motu æquabili percurruntur spa-

tia

Lem. prac.

Prop. 78.

*Nostri Eucl.
æstet lib. 3.
prop. 24.*

tia X quidem à circumscripta, & Z ab inscripta figura, & quia eodem tempore A B exercentur impetus designati à figura circumscripta, qui maiores sunt impetibus designatis à triangulo A I B, erit spatium X à primis peractū maius spatio R transacto à secundis; similiter spatium Z transactum eodem tempore A B ab impetibus designatis à figura inscripta seu ab ei æquali A T, V P, H B minus erit spatio R exacto ab impetibus trianguli A I B. postea quia duo corpora A, & C æqualibus temporibus A B, & C D æquabili motu percurrunt spatia X, & S primum inæqualibus velocitatibus A K, Y L, V M, N secundum vero eadem semper velocitate C F, igitur planum impetus figuræ circumscriptæ triangulo A I B ad planum impetus F D eandem proportionem habet quam spatium X ad S, sed maius spatiū X ad S maiorem proportionem habet quam minus spatium R ad idem spatium S; ergo planum impetus figuræ circumscriptæ ad planum F D maiorem proportionem habet quam R ad S. non secus ostendetur quod plana impetus figuræ inscriptæ triangulo A I B minorem proportionem habent ad planum impetus F D quam R ad S; excedit vero circumscripta figura triangulum A I B, inscripta vero ab eadem deficit defectu, & illa excessu minori quocumque dato, igitur planum impetus triangulare A I B ad planum impetus rectangulum F D eandem proportionem habebit quam R ad S. quod &c.

Hinc constat quod si planum impetus triangulare A I B æquale fuerit plano impetus rectangulo F D, tunc fore spatia R & S exacta æqualibus temporibus æqualia inter se. & tunc omnes gradus velocitatis fluentis successive crescentes in plano impetus A I B æquales sunt gradibus omnium velocitatum planum impetus F D constituentium, & in tali casu

DE-

DEFINITIO III.

Vocetur impetus vniformis CF medius arithmetice inter inæquales impetus crescentes in plano AIB , & hic quidem compensatis defectibus cū excessibus designabit singularem velocitatem fluentem, à qua procreatur planum triangulare AIB , & à qua tempore A B percurritur spatium R .

Hinc fit si impetu successiue crescente inæqualibus temporibus duo spatia excurrantur, tunc profecto vt plana uelocitatum ijsdem temporibus designata ita erunt spatia transcurfa.

Cumque prædicta plana uelocitatum compositā proportionem habeant ex ratione temporum, & ex ratione uelocitatum mediarum arithmetice inter inæquales impetus, propterea quod si plana triangula ad rectangula reducantur, tunc profecto plana rectangula compositam proportionem habebunt ex duabus rationibus basium & altitudinum, scilicet uelocitatum, & temporum, & eandem quoque rationem compositam habebunt spatia exacta.

Constat quoque quod si impetus fluens crescat æqualibus incrementis, efficietur planum impetus triangulare rectilineum, si vero incrementa non sint æqualia, sed difformia, tunc planum impetus erit triangulum curuilineum diuersæ naturæ pro uario impetus augmento.

*Corpora se mouentia æquabili velocitate nunquam
delebili agitantur.*

C A P V T XXI.

*Præter corpo-
ra inertia, &
quiescētia ad-
mitti debent
in rerum na-
tura alia cor-
pora spiritosa,
& viuida, quæ
ex se ipsis mo-
ueri possūt na-
turali virtute
eis à Deo cō-
municata, e-
ritque talis
motus æquabi-
lis.*

Satis superque euicimus non omnia corpora à distin-
cto separatoque motore promoueri, sed deuenien-
dum tandem esse ad mouēs, quod à se moueatur. & pro-
fecto incredibile videtur non potuisse à Deo creatore
impetum sui motuum aliquibus corporibus imprimi
quando primo ea creauit, cum hoc permissum sit cuili-
bet corpori proiecto, quod occurrens cuilibet corpori
pensili & in quiete amouibili constituto potest ei impri-
mere gradum aliquem impetus, cuius virtute deinceps
motu locali agitari possit. igitur licet in rerum natura
supponantur corpora omnino inertia, & quiescentia,
admitti quoque debent corpora aliqua spiritosa, & vi-
uida, quæ ex se ipsis moueri possint à connaturali virtute
eis à Deo communicata; huiusmodi autem motus spiri-
tuum æquabilis esse videtur, nam eorum vis motiua mo-
tum affectat quatenus motus est, unde sequitur quod fine
& desiderio naturæ expleto, scilicet consequuto motu ea
velocitate, quam naturalis eius uis exigit, necessario
cessat conatus ad ulteriorem motum uehementiorem,
proindeque non accelerabitur, at si huiusmodi motus
ab obstaculo aliquo retardetur, aut sistatur, tunc mini-
me uim motiuam debilitatam aut deletam esse censen-
dum est, quandoquidem uis illa motiua nunquam otia-
tur nec funerata est, sed semper eodem conatu obstacu-
lum impellit: & sicuti in naui à fluminis cursu translata
motus nautæ à prora ad puppim eque uelox ac nauis ip-
sa non

sa non destruitur à motu contrario nauis, licet nauta effectum sui motus, scilicet migrationem in spatio mundano non assèquatur propterea quod, semper uiget exerceturque motus nautæ, sed ex commistione cum opposito motu nauis quodammodo obuelatur tegiturque motus nautæ, atque postmodum amoto obstaculo motus contrarij conspicuus efficitur & obseruabilis motus nautæ; unde constat ei deesse transitum non motum, non secus si corpus, quod à se mouetur, occurrat obstaculo firmo, tunc quidem non efficitur contactus iners, & mortuus, sed cum continua pugna & reluctancia, unde uires æquilibratæ efficiunt tonicam quamdam actionem, & motionem, remoto postea obstaculo eandem uim quam in lucta illa æquilibrij exercebat postea liberè in spatio mundano excurrando exequitur, & manifestat.

Nec quispiam putet gradum illum uelocitatis acquiri posse ab ijsdem spiritibus à simplici percussione externa alterius corporis moti, quæ pariter impressa uelocitas ex sui natura esset perpetua & indelebilis; hoc enim uidetur impossibile, cū uelocitas proiectitia semel amissa per se reparari & restitui non possit, nisi denuo noua causa externa impellens impetum renouet ac de nouo creet, hoc posito huiusmodi absurditas consequeretur, impediretur nempe successiua & perpetua operationum naturæ continuatio, unde naturæ opera sopirentur, & funerarentur. constat ergo omnino necessarium esse ponere in rerum natura corpora, quæ inditam habeant uim, & principium se mouendi, sine quo rerum natura eiusque uicissitudines consistere non possent.

*Qua ratione procreari possit motus
acceleratus.*

CAP. XXII.

Cap. 20.

Prop. 77.

Consect. prop.
79.

*Impetus geni-
tus crescere
potest, nō quia
vis motiua in-
tensius auge-
tur, sed quia
extensius suā
operationem
multiplicat
repetendo ictus.*

Cap. 9.

Constat ex superius adductis ab impetu successiue crescente motum acceleratum procreari, & ex fluxu huiusmodi impetus crescentis effici planum impetus triangularem figuram exhibens, vnde spatia transcurfa temporibus inæqualibus eandem proportionem habebunt quam plana ipsa velocitatum, & proinde spatia transacta maiorem proportionem habebunt quam tempora excursionum, scilicet proportionem compositam habent ex ratione temporum, & ex ratione velocitatum arithmetice mediarum inter inæquales impetus. modo quæritur, quomodo, & qua necessitate impetus semper crescere & augeri possit. & profecto impetus gignitur ab impulsu alicuius corporis motiua vi affecti, vt vero impetus genitus crescat, non est necesse, vt vis motiua impellentis corporis intensius augeatur, sufficit enim vt vna & eadem eiusdemque roboris manente extensius tantummodo suam operationem impulsuam multiplicet, scilicet repetat continenter eosdem ictus in corpus mobile; vt verbi gratia eadem facultas motiua malleoli eodem impetu lati producere potest in aliud corpus impetum successiue crescentem non ex eo quod vis motiua malleoli aut eius impetus intensius augeatur, sed repetendo tantummodo eosdē ictus, quia præcedentes impetus impressi in mobile corpus à malleolo nō delentur, quandoquidem vt ostensum est quilibet impetus impressus sponte sua non languet, neque aliquando perit aut desinit

nit esse, sed perpetuo duraturus propagatur sublati omnibus impedimentis, igitur vigentibus & perseverantibus præcedentibus impetibus à malleolo illatis, ij qui de nouo superueniunt eius impetum continenter augment atque multiplicant, & quia interim impetus fluit, gignitur planum impetus triangulare, quod spatij transactis commensuratur, proindeque eius motus successiue augetur & acceleratur.

*Consect. prop.
79.*

Huiusmodi augmentum atque multiplicatio impetus duplici modo fieri potest.

PROPOSITIO LXXX.

Et primo si idem mobile ab externo impellente moueatur, quod repetat ictus ab indiuisibili momento incoatos semper æque validos, scilicet æque veloces gignet motum acceleratum, sed non vniformiter crescentem, immo diminutis incrementis quousque tandem acceleratione desinente ad æquabilitatem motus perducatur.

Sit idem mobile A, quod eadem vi motiua perseverante, & eodem impetu CF successiue impellat corpus B toto tempore DE, atque primo tempore DG incipiendo ab indiuisibili momento ei imprimat gradum velocitatis GL qui æqualis sit impetui FI, igitur deinceps corpus A nequit impellere corpus B integra eius velocitate CF. quandoquidem corpus B fugit ictum velocitate GL, igitur nequit corpus A impellere B post tempus DG, nisi velocitate CI, qua nimirum excedit impetum fugientis B, in tempore igitur sequenti GH æquali DG impetus minor relatiuus CI eiusdem A languidiorem effectum

*Fig. 63.
Tab. 3.*

Ex prop. 33.

Cap. 9.

Ex prop 30.

producet, ideoque superaddet tantummodo impetum OM, quod sit æquale IK, & quia præcedens impetus impressus LG perseverat, ergo in fine temporis GH erit HO æqualis LG vna cum OM impetus integer impressus corpori B, in subsequenti vero tempore HE æquali eidem DG corpus A non poterit impellere id ipsum B nisi impetu eius relatiuo CK, scilicet excessu persequentis velocitatis CF supra fugientis impetum MH, quare diminutus impetus CK adhuc minorem effectum producet, scilicet NP æqualem ipsi CK. perseverat vero præcedens impetus MH æqualis PE, igitur in fine temporis DE integer gradus velocitatis impressus NE æqualis est totali velocitati impellentis CF, proindeque deinceps nullus alius gradus velocitatis de nouo imprimitur ab impellente A, quandoquidem corpus B fugit eadem velocitate, qua ab impellente persequitur, & ideo exacto tempore DE motus corporis B erit æquabilis; at in præcedenti tempore DE velocitas impressa ab indiuisibili impetu aucta semper est non autem equalibus incrementis, quandoquidem MO minor est quam LG, & NP minor quam MO, ideoque planum impetus triangulare DNE non erit rectilineum, sed mixtum ex recta ED, & curua DN, ideoque proportio plani impetus DLG ad planum impetus DMH seu spatij transacti tempore DG ad spatium excursum tempore DH minor erit quam duplicata temporis GD ad DH.

PROPOSITIO LXXXI.

Si postea idem corpus promoueatur ab impellente virtute secum vecta, quæ scilicet nunquam deferat corpus impellendum, sed communi motu veluti in naui qua-

quadam deferantur atque impellens repetat successive ictus ab indivisibili momento initium fumendo semper æque validos, & æque veloces; motus ab impresso impetu exactus erit vniformiter acceleratus, eritque in duplicata proportionem temporum.

Sit denuo corpus A, quod velocitate CF impellat *Fig. 64.*
 corpus B, sed A & B vno & eodem motu ferantur, velu- *Tab. 3.*
 ti si B naus esset vehens A, & in prima temporis particu-
 la D G incipiendo ab indivisibili momento imprimatur
 corpori B velocitas L G æqualis I F. & quia ex hypothe-
 si nunquam corpus A deserit ipsum B quocumque ierit,
 igitur licet B fugiat ictum velocitate L G impellenti A
 eadem quoque velocitas F I superaddetur scilicet velo-
 citati præcedenti CF; quandoquidem quilibet motus
 factus à corpore B fieri quoque debet ab impellente A,
 cum vna vehantur ex hypothesi, & semper coniuncta
 sint. quare in sequenti tempore G H æquali D G corpus
 A impellit ipsum B fugiens, non quidem velocitate CF,
 sed aucta velocitate C I, & proinde energia eius ictus *Ex prop. 33.*
 mensuratur ab excessu impetus C I supra L G, scilicet à
 pristina impellentis velocitate CF, & proinde equalem
 effectum priori producet, scilicet superaddita velocitas
 M O æqualis erit impressæ velocitati L G, seu perseue-
 ranti O H, & proinde sicuti tempus D H duplum est tem-
 poris D G, ita quoque integra velocitas M H acquisita,
 dupla erit velocitatis simplæ L G. demum quia nunquã
 A deserit ipsum B, ergo ei superradditur velocitas F K
 æqualis M H, & proinde impulsus fiet excessu ipsius C K
 supra M H, scilicet pristino impellentis impetu CF, qui
 proinde gignet de nouo effectum velocitatis N P æqua-
 lem præcedentibus M O vel L G tempore H E æquali D
 G,

G, & is cum perseveranti velocitate MH vel PE efficiet integram velocitatem genitam in fine temporis DE triplam velocitatis LG, sicut tempus ED triplum est temporis DG. constat igitur, quod planum impetus DNE est triangulum rectilineum, & proinde triangulum DMH ad planum impetus DLG, seu spatium exactum tempore DH ad spatium excursum tempore DG duplicatam proportionem habebit rationis temporis HD ad DG, seu velocitatis MH ad LG, eruntque spatia vt quadrata temporum HD & DG veluti quadrata velocitatum.

His declaratis difficultas incrementi motus uniformiter accelerati eo redacta est, vt explanetur modus quomodo corpus impellens veluti malleus vna cum naui moueatur & vehatur, atque ab ipsa naui deferatur vbi-cumque ierit, atque secum arundinem seu stimulum deferat; sed negotium facessit præconcepta vulgaris opinio, quod nimirum nullum corpus valeat aliud impellere, nisi illud innitatur firmo ac stabili fulcimento, sicuti animalium progressus & motus minime fieri potest, nisi adsit firmum solum, cui animal innitatur, aliàs resilire, aut moveri non poterit, hoc autem à qua causa, & qua ratione fiat operepretium est declarare, vt exinde veritas nostræ propositionis eluceat.

PROPOSITIO LXXXII.

Machina intra nauim quiescentem resiliens licet percutiat anteriorem eius tabulatum nequaquam impellet integram nauim.

Fig. 65.
Tab. 3.

Sit ergo nauis GH quiescens & pensilis, vt à quolibet impulsu moueri possit, apponatur intra nauim machina.

AB

ABC, quæ vehementer constricta resilire ex se possit, innitatur vero terminus machinæ A nauigij tabulato DA, porrò compressa & constricta machina vt latus BC approximetur lateri BA, atque machina derelicta vt sui iuris fiat, profecto naturali energia vehementissime resiliat, & quia nedum latus BC, sed etiam oppositum BA nititur se dilatare, fit vt vehementissime premat tabulatum DA super quod innititur, hoc autem cum cedere non possit ob eius firmitudinem, fit vt tota machina ABC resiliat, atque vehementissime percutiat contrapositū tabulatum EF. quæritur modo, an percussio illata super tabulatum EF valeat propellere integram nauim GH versus H, & proculdubio nullus motus nauis efficietur, quandoquidem equali vi ab innixu lateris BA impellitur nauis uersus G ac post resiliationem repellitur nauis à latere BC machinæ versus H, cum igitur impulsus anterior versus H æqualis sit ei qui prius efficiebatur versus G, sequitur vt compensatis viribus contrariorum impulsuum nauis in eodem situ sistatur. patet igitur, quod actio machinæ est quædam dilatio, seu rarefactio, qua mediante æquali vi puppim & proram propellit contrarijs motibus, & huius naturæ sunt impulsus omnes, qui fiunt siue ab animalibus, siue ab alio corpore, quæ maximam, & validam rarefactionem patiuntur, vt est illa, quæ à puluere pyrio accenso efficitur, in his enim omnibus fit innixus ex vna parte tabulati DA, & æqualis propulsio ad partem oppositam EF, vnde necessitate naturæ nauis ab ictu interno resiliationis siue machinæ, siue alterius similis mouentis propelli non potest, sed necessario in eodem situ quiescet.

At si in eadem machina simul stare possunt coniunctæ duæ vires motiuæ contrariæ, quid vetat quo minus vni-

*Possibile est
malleū à naui
asportatū ab-
sque eo quod
innitatur mo-
tu directo ut
avis in vacuo
volans tabu-
lato percui-
at, repetat-
que ictus, &
tūc naui im-
pulsā continē-
ter maiore im-
petu mouebi-
tur.*

ca tantum ex his virtutibus motiuis in vno, & eodem corpore commorari & inherere possit? non enim est impossibile ut malleus liberè absque eo quod sustentetur, & innitatur veluti avis in vacuo volans motu & impetu directo à G versus H excurrente occurrat tabulato E F. tunc profecto si malleus intra nauim ponatur necessario ab eius ictu nauis in quiete amouibili posita propelletur versus H. si postea malleus prædictus repetat percussiones absque eo quod aliquando innitatur tabulato D A à regione posito, necessario consequetur multiplicatio impetus in naui semper eadem validitate renouatus, quandoquidem malleus vehitur eadem nauis velocitate, & proinde eius impetus relatiuus, qui continenter exercetur & renouatur est excessus, quo mallei impetus nauis velocitatem superat; oportet ergo ut malleus communi nauis velocitate vectus exercent suum proprium & physicum impetum, quo impellat continenter atque percutiat nauim, dummodo in actu impulsus non fulciatur, nec naui innitatur, sed libere directo motu eam repetitis ictibus ad easdem partes propellat, & hic est vnicus, & adæquatus modus procreandi velocitatem vniformiter acceleratam, cuius nedum euidencia & perspicuitas, sed etiam necessitas vnicuique patet.

*De facultate naturali motina
grauitatis.*

C A P V T XXIII.

Postquam theoremata uniuersalia adducta sunt, quæ ad explorandam motus grauium compositionem, eiusque causas utilia sunt, modo ad rem ipsam accedamus,

mus, & prius phœnomena aliqua eiusdem motus præcipua, quæ sensus euidentiâ ostendit considerabimus, scilicet.

Graue semper eodem impetu tendit deorsum siue à quiete descensus initium sumat siue à quocumque motu sursum deorsum aut transuersali.

PHŒNOMENON I.

Si unum graue corpus impellatur horizontaliter, aliud uero simplici descensu feratur, excurrent eodem tempore spatia perpendicularia ad horizontem æqualia.

Sit quodlibet corpus graue B quod tempore T à quiete in A libero descensu pertranseat spatium A C, postea id ipsum corpus B impellatur transuersali motu per rectam lineam D E parallelam horizonti, atque eodem tempore T perueniat idem graue ad terminū F, quia vero eodē tēpore T exercentur duę virtutes motiuę, altera externa, qua proijcitur corpus B horizontaliter per rectam D E, altera propria, & naturalis, qua sponte descendit perpendiculariter ad horizontem, ex qua mixtione motuum confurgit iter obliquum D F, ducta uero E F perpendiculari ad E D, constat à uirtute proijciente impelli id ipsum corpus per rectam D E & à ui motiua grauitatis excurrere longitudinem perpendicularis E F, hæc profecto si corpus B insignis grauitatis specificę fuerit & in spatijs exiguis, in quibus impedimenta aeris uitantur, uel minima sunt, reperitur prorsus æqualis spatium A B quod prius libero descensu à quiete in A pertransierat.

Fig. 66.
Tab. 3.

P H O E N O M E N O N II.

Si vero tertium corpus sursum oblique eodem impetu
proijciatur eodemque tempore, percurreret spatium di-
rectum æquale transuerso horizontali pariterque spa-
tium perpendiculare æquale prioribus.

*Fig. 67.
Tab. 3.*

Impellatur postea graue B motu obliquo sursum in-
clinato scilicet ad planum horizontis, & denuo eodem
tempore T percurrit spatium G H æquale ei quod in ho-
rizontali mensurabat scilicet D E quod profecto con-
sentaneum est æqualitati virtutis impulsivæ eiusdem
proijcientis. pariterque reperitur descensivus motus H I
ad horizontem perpendicularis transactus eodem tem-
pore T æquale præcise descensui A C à quiete incipien-
ti.

P H O E N O M E N O N III.

Et si quantum corpus eodem impetu proijciatur deor-
sum perpendiculariter ad horizontem eodem tempo-
re excurreret spatium æquale horizontali, & descen-
sui.

*Fig. 68.
Tab. 3.*

Tertio loco ab eadem virtute externa impulsiva pro-
ijciatur graue B deorsum perpendiculariter ad hori-
zontem, tunc profecto excurritur spatium directum K L M
eodem tempore T quod est æquale præcise duobus spa-
tijs simul sumptis horizontali D E, siue G H, & descen-
sui perpendicularis E F siue H I, cumque vis proijcien-
tis semper eadem supponatur, necessario producet eum-
dem effectum proiectitium, proindeque portio descen-
sus

fus K L pertinet ad virtutem externam impulsivam, reliqua vero eius pars L M efficietur à vi nativa gravitatis, reperiturque descensus L M æqualis præcisè spatio A C descensus liberi à quiete incoato.

P H O E N O M E N. IV.

Si tandem quintum corpus eadem vi proijciatur sursum perpendiculariter ad horizontem, pertransibit eodem tempore spatium æquale differentiae horizontalis motionis, & descensuæ.

Tandem idem graue B ab eadem virtute proijciente impellatur sursum perpendiculariter ad horizontem à termino infimo N, & perducatur vsque ad P, & quia virtus externa impulsiva semper eadem supponitur, pertransibit eodem tempore T id ipsum spatium N O æquale K L vel G H aut D E, reperiturque spatium transitus apparentis N P æquale differentiae eiusdem transitus impulsivi N O, & descensus O P æqualis eidem A C à quiete incepto, quare manifestum est motum descensus eiusdem gravis eodem tempore T nunquam alterari, scilicet non augeri neque minui, ex eo quod graue B quocunque motu afficiatur siue horizontali siue obliquo siue perpendiculari sursum aut deorsum, sed semper eiusdem mensuræ esse & æqualem descensui libero à quiete incoato.

Fig. 69.
Tab. 3.

Porro modus facilis quo hæc omnia experimento comprobavi talis fuit; in rota A B C D parieti affixa clauo E circa quem eadem conuertebatur in plano perpendiculari ad horizontem, atque ex eadem proeminebat lignea regula C, & ductis diametris A C & D B adinuicem perpendicularibus connexæ erant in terminis D, A, B tres

Fig. 71.
Tab. 4.

Exponitur
modus facilis
experiri præ
dicta phæno-
mena.

fistulæ quarum latera rotæ peripheriam tangebant, earumque orificia ad easdem partes conuertebantur, & in infimo loco aderat clauus F parieti fixus ut vertigo rotæ sisti posset quando diameter D B horizonti æquidistabat. his præparatis translato infimo rotæ termino C ad situm B posui in cavitatibus fistularum tres pilas plumbeas R, R, R inter se æquales, aderat postea socius qui quartam pilam R sustinebat in situ F, postmodum reuoluta vehementer rota eius terminus C à puncto B ad F impulsus fuit, & ibidem ob clauum F impedimentum tres projectiones per rectas lineas circulum D A B tangentes eodem temporis instanti exactæ fuerunt perpendicularis sursum D G horizontalis A H, & perpendicularis deorsum B K, atque simul socius pilam demittens à termino quietis F pertransijt ea ad terminum M, & factæ fuerunt data opera projectiones exiguæ ut aeris occurfus insensibiliter retardarent impedirentque transitus earum & eodem tempore descensus F M quo tres projectiones exactæ fuerunt, ducta postea horizontali A I, & ad eam perpendiculari I H, & secta B L æquali A I, & facta D O æquali eidem A I, reperi descensum B K æqualem summe horizontalis projectionis A I & descensus I H, fuitque descensus à quiete F M æqualis descensui I H, vel L K, atque eleuatio perpendicularis D G æqualis adinuenta est differentia earundem A I, & I H præcise ut præuideram. hic uero ob rotæ consistentiam & motum projectionum non percussuum in eodem temporis instanti inchoatum idem gradus impetus tribus pilis R, R, R, impressus fuit, & ideo si grauitate caruissent eodem tempore spatia æqualia D O, A I, B L excurrere debuissent, at quia in prædicto tempore uis grauitatis otiosa non fuit, impulit eadem corpora deorsum efficiendo descensus O G,

G, IH, LK. ex quo experimento euidenter constat quod semper corpus graue æqualibus temporibus pertransit descendendo æqualia spatia (abstrahendo ab impedimento aeris) siue à quiete initium sumat siue moueatur sursum, aut deorsum, uel transuersaliter. præterea euincitur quod duo motus proiectitijs & naturalis perseuerant inalterati efficiunturque ab eodem corpore eodem tempore percurrento semper æqualia spatia, siue motus sint contrarij, uel quomodolibet commixti, neque aliquando se mutuo destruunt ac debilitant.

PROPOSITIO LXXXIII.

His positis dico primo quod finis à natura intentus in motu grauium non est motus, scilicet uis & facultas grauitatis non peragit motum quatenus motus est, seu motio illa quæ efficitur à corpore graui non est proprius eius effectus primario intentus, sed potius accidentarius, per se enim conatus grauitatis est destinatus ad quietem eiusdem grauis in centro terræ aut in æquilibrio cum reliquis grauibz corporibus circa idem centrum.

Quoniam motus nil aliud est quam transitus à loco ad locum in aliquo determinato tempore factus, huiusmodi autem transitus sine uelocitate esse non potest, igitur corpus graue in eius descensu uelocitate aliqua afficitur, & quia per huiusmodi motum atque uelocitatem nedum graue in debito situ à natura intento non perducitur, ut potius ab eo remoueatur & expellatur ut patet in funependulo AB in eius descensu per arcum CB, à tali enim *Fig. 70.* motu, & transitu non sistitur nec firmatur, in perpendi- *Tab. 3.*
cula-

culari situ A B, sed è contra violenter à tali positione naturali expellitur proijciturque sursum per arcum B D vsque ad D. hic iam si natura intenderet motum descensus per C B vt motus & transitus est, scilicet si effectus virtutis grauitatis primarius & per se esset motus cum à tali motu expellatur graue à debita & naturali constitutione in perpendiculari situ A B, primo deduceretur, naturam perturbatam constitutionem corporum naturalium intendere, secundo operaretur frustra, nam post expulsionem per arcum B D denuo decidit deorsum, & regreditur per eandem viam, & insuper efficeret operationes contrarias, & sibi ipsi repugnantes, quæ omnia sunt absurda, igitur appetitus, & instinctus naturalis grauium non est ad motum scilicet eius effectus primarius & per se non est motus, quatenus talis est.

P R O P O S I T I O LXXXIV.

Dico secundo quod finis à natura intentus in motu grauium non est appropinquatio ad centrum telluris quatenus accessio est.

Quoniam naturæ operationes ordinantur ad finem determinatum, ac certum, & ad conseruationem rerum, non vero tendit ad vagas & sibi repugnantes operationes, sed finis certus vtilis ad conseruationem corporum vniuersi est constitutio in debitis locis vbi conseruantur, estque debitus locus corporum grauium centrum telluris, aut situs in eius ambitu vbi æquilibrantur cum reliquis grauibz quod aliunde euident est ex eo quod perpetuo in tali constitutione quiescunt sponte sua iuxta naturæ ingenium, cuius operationes sunt perpetuæ atque per-

permanentes, igitur finis naturæ in grauium descensu est non accessio & appropinquatio vt talis est, sed debita collocatio, & permanſio in ipſa terra vt ibidem perpetuo quieſcant, quia vero huiusmodi finis minime acquiri poteſt quando graue praue conſtitutum eſt remotum ſcilicet à ſuo toto & à debito loco ſui conſeruatiuo niſi mediante motu, igitur motus quo ad debitum ſitum perducitur eſt medium ſine quo ſuum finem aſſequi non poteſt, nimirum eſt veluti pharmacum quod infirmo propinatur vt ad debitam conſtitutionem ſanitatis perducatur, & ſicuti pharmacum multoties noxium, & venenum eſt, & ideo abominabile, adhibetur tamen vt medium, quouſque ad ſanitatem perueniatur, ſic pariter motus quo graue ad debitum ſitum æquilibrij perducitur nocet quidem quatenus ob eius violentiam dum graue ad debitum ſitum perducitur id ipſum vltius transportat ſurſum ſcilicet contra eius naturam. quapropter conſtat motum non primario & per ſe adhiberi à natura nec eſſe eius proprium effectum, ſed tantummodo adhiberi vt medium ad finem aſſequendum.

Confirmatur quia ſi motus grauium verſus centrum eſſet finis à natura primario & per ſe intentus quando tali motu graue afficitur, ſcilicet quando graue impellitur violenter deorſum directe vel oblique, tunc proſecto fine naturæ acquiſito & expleto naturali appetitu dum graue actu mouetur deorſum ceſſaret omnino, aut ſaltem debilitari deberet conatus & appetitus eiſdem finis, quapropter debiliori ſaltem molimine feretur deorſum, ideoque tardius deſcenderet quam feretur ſpōtaneo motu abſque violento impulſu: ſed hoc eſt falſum

Ex phenom. 3

pul-

pulsus non est ad motum primario intentum.

E' contra quando motu contrario impellitur graue sursum recedendo à terre centro, tunc quidem multo magis recedit à fine præintento, sed quo magis naturalia corpora suo fine frustrantur maiori vi & molimine conantur ad finem præoptatum peruenire, quod ex consuetis naturæ operandi modis confirmatur, non enim mouemur ad cibum post saturitatem, sed è contra si præcesserit inedia, igitur vehementiori impulsu & veloci-

Ex phenom. 4 ri tunc graue deorsum tenderet, sed hoc est falsum, quia præcise ijsdem temporibus percurrit spatia perpendicularia æqualia ijs, quæ transiguntur in libero descensu à quiete incepto, igitur falsum est naturam appetere primario motum grauium.

His declaratis inquirenda iam est causa accelerationis motus grauium. & primo

PROPOSITIO LXXXV.

Dico causam accelerationis motus grauium non esse urgentiam aeris à tergo prementis exprimentisque corpora descendencia.

Phenom. 2.

Quia in superius exposita proiectione obliqua sursum alicuius corporis grauis dum graue sursum mouetur, urgentia & expressio aeris fieri deberet in eius parte infima non in suprema, scilicet versus terram, à qua motus initium sumit, at quia ponitur huiusmodi aeris, urgentia accelerationis causa, deberet sane accelerari motus ascensus eiusdem grauis, & proinde descensus acceleratio nedum debilitari, sed tolli omnino deberet, sed hoc est falsum, nam æquè velociter descendit per iam dictam per-

Ibidem.

pen-

pendicularem ad superficiem terræ ac si libero descensu caderet, igitur falsum est quod causa accelerationis motus grauium sit vrgentia aeris postice mobile exprimentis.

PROPOSITIO LXXXVI.

Secundo loco dico causam accelerationis motus grauium non esse attractionem à facultate magnetica telluris factam.

Præclarus & eruditissimus Gassendus huius sententiæ assertor supponit vt axioma indubitatum, quod character motus naturalis à vi nimirum intrinseca geniti, quo distinguitur à violentis motibus, sit æquabilitas & vni-
formitas, vt nimirum ea, quæ à naturali & intrinseco principio mouentur, semper æquabili, & vni-
formi velocitate ferantur, quia vero grauia euidentissime motu accelerato descendunt, non veretur asserere ea uiolenter impelli ab externo motore, huiusmodi uero principium externum impellens deorsum corpora grauia ait esse effluuia magnetica, quæ à tellure undique diffunduntur, uerum non parum laborat ut uerisimilem rationem huius operationis tradat. sed si licet amore ueritatis id quod sentio libere proferre uidetur omnino incomprehensibilis modus huiusmodi operationis, quia effluuia magnetica à terra diffusa uel trahere uel pellere deberent graue dum descendit, nullus enim alius modus præter hos excogitari potest, sed utroque modo tractione scilicet uel impulsu effluuia moueri deberent uel impellendo, uel trahendo corpus graue uersus terram, quidquid enim Cap. 2. impellit aliqua uelocitate moueri debet ad hoc ut im-

Z

pelle-

pellere ualeat, siquidem si omnino quiesceret proculdubio non impelleret, quia impulsus est uiolenta motio rei impulse, quæ concipi non potest absque sociali motu impellentis, huiusmodi vero motus regressus ad terram contrarius est omnino motui diffusionis eorundem effluuiorum qui fit ad extra, modo licet talis motus effluuiorum uersus terram scilicet retrocessio admittatur, non proinde attractio aut pulsio grauium fieri potest, quia impellens esset externum non intrinsecum ipsi graui, huiusmodi uero externum principium impellens aut æquabili uelocitate ad terram regreditur aut motu accelerato, si admittatur in effluuijs magneticis naturalis motus acceleratus ab interno principio, ergo falsum est, quod quæcumque accelerato motu mouentur, non à naturali & intrinseco principio, sed ab externo & uiolento promouentur, quod est contra hypotesim eius; si uero effluuia magnetica dum ad terram redeunt æquabili motu feruntur, profecto huiusmodi causa externa impulsiva non posset impellere corpus graue deorsum præcise secundum proportionem duplicatam temporum ut supra demonstratum est, hoc autem est falsum in motu grauium & contra experientiam, quandoquidem spatia peracta à grauibus sunt in proportionem duplicatam temporum, igitur non est uirtus externa attractionis magnetica illa, quæ grauia pellit deorsum.

Prop. 80.

PROPOSITIO LXXXVII.

Præterea dico, quod causa accelerationis motus grauium non est accessus & approximatio ad terram.

Hoc enim si uerum esset in motu obliquo sursum corporis grauis impulsæ dum successiue magis ac magis graue à

ut à terra recedit, conatus & impetus tendendi deorsum non augetur, quandoquidem ablata causa accelerationis quæ est supposita approximatio ad terram, tolleretur quoque eius effectus : sed hoc est falsum, quandoquidẽ *Phanom. 2.* licet graue sursum pellatur eodem tempore percurrit, deorsum spatium perpendiculare ad horizontem æquale ei quod in libero descensu transigitur, igitur causa accelerationis motus grauium non est accessus neque approximatio ad centrum terræ.

Exclusis falsitatibus reliquum est, vt vera causa accelerationis grauium pro viribus detegatur, & profecto duobus modis accelerationem motus grauiũ effici posse videtur, primo supponendo quod intra porositates cuiuslibet corporis grauis inhæreat multitudo corpusculorum se mouentium, & spirituosorum, quæ naturali ingenio perpetuo agitentur, & commoueantur, cumque sint contracta veluti in carceribus porulorum corporis grauis inertis, oportet vt nifus & agitationes illorũ spirituum semper eodem impetu & eodem tenore percutiant parietes eorundem pororum terram respicientes, & licet corpus materiale actu moueatur in spatio mundano quacumque velocitate semper secum deferet tanquam in naui impulsuam illam virtutem spiritus inclusi eodẽ tenore ac vi parietes pororum impellendo essetque tanquam ventus intestinus perpetuus graue ipsum concomitans, à quo corpus graue propelleretur ad easdem partes, qui cum sit semper eiusdem roboris, eundem semper effectum producat, velocitatem scilicet eiusdem gradus de nouo procreabit, cumque præteriti impetus in ipso graui hætenus impressi non deleantur, sed perpetuo vigeant, fit vt in progressu temporis coaceruentur in eodem graui tot impulsus momentanei æque validi quot

Primus modus conficiendi accelerationem motus grauium.

Cap. 9.

Prob. 81.

Que difficultates aliquas habet.

instantia temporis effluxerunt, unde postea subsequitur motus acceleratus in duplicata proportionem temporum, ut superius demonstratum est.

Huiusmodi vero hypothesis licet sua verisimilitudine non careat, habet tamen suas difficultates. quia nimirum magis materialia corpora compactiora & densiora, ut sunt ferrum & aurum, magis ponderant quam corpora minus constipata, sed ea quæ in minori spatio maiorem materie copiam stringunt, pauciores & minores porositates habere debent quam corpora magis rara, verum ubi desunt porositates & abundat materia, deficit quoque copia spirituum impellentium seu grauitantium, nam spiritus cum sint corporei collocari non possunt in iisdem locis à corporea materia repletis, nisi quis velit ob angustiam loculorum spiritus validius impellere, quod non videtur verisimile.

Si ergo vis impulsiva qua graua continuatis ictibus deorsum pelluntur pendet à copia spirituum intra porositates corporum intercepta, plane densiora corpora minori nisu premerent deorsum grauitando (non loquor de eorum motu, sed de pondere compressiuo) sed hoc est falsum, quia corpora densiora ut aurum maiori vi comprimunt deorsum grauitando. quare causa effectiva descensus grauium non videtur copia spirituum in eorum porositatibus inclusa, à qua graua tanquam à vento intestino perpetuo deorsum pellantur.

Secundus modus conficiendi accelerati accelerationem grauium verisimilior exponitur supponendo partes terræ esse semouentes.

Secundus vero modus verisimilior conficiendi acceleratum grauium descensum est huiusmodi. supponatur ut consentaneum est omnes partes terræ esse se mouentes, nisi quis velit spiritus implantatos in ipsis materialibus partibus terræ ad instar formæ indita vi se ipsos & materiam informatam agitare & mouere, & sic quodlibet

libet graue semper secum deferret impellentem causam, quæ cum semper vigeat dum graue ab ipsa terra & equilibrio semota est semper eodem modo operabitur ob hanc solummodo necessitatem, quia scilicet mouens causa semper est coniuncta, & eodem motu cum graui defertur. & profecto si certissimum imò necessarium est aliqua corpora per se & à se moueri, & aliunde perspicuum sit graua non ab alio externo impulsore moueri, quid vetat an corpora se mouentia sint spiritus, an ipsamet materia corporea grauis, an vtraque simul coniuncta? ambo enim corpora sunt atque accelerato motu moueri debent, ergo eadem vi motiua vtrumque affici potest, & sic vitantur omnes difficultates, nec erit absurdum admittere in particulis materialibus id quod in corporeis spiritibus conceditur. supponenda ergo est in corporibus grauib. vis & potentia non ad motum quatenus talis est, sed ad debitam positionem & æquilibrium cum tota terra, & licet actu graue descendat, tamen in debito situ æquilibrij non consistit, propterea necesse est vt semper eodem conatu propellatur, donec in suo toto æquilibratum quiescat; quandiu enim caret suo fine, & recedit à suo toto, licet transitum & motum possideat semper tamen naturæ indigentia expleri debet, sicuti fune-pendulum semper nititur descendere, quousque ad infimum situm æquilibrij perueniat, neque ex eo quod in itinere moueatur expletur eius conatus & appetitus descendendi & se æquilibrandi. sic in corporibus grauib. semper viget causa propter quam conatus naturæ exerceri debet ideoque impetus grauitatis non secus in motu quam in eius quiete exerceri debet.

Nec obstat, quod actio ponderis in quiete, non autem in motu exerceatur, & conspicua fiat, veluti contingit cum

Ex cap. 3. & prop. 86.

Atque vis motiua earū non ordinatur ad motum vt talis est sed ad debitam positionē & æquilibrium cum tota terra.

Remouetur difficultas ostensum

*diturque cor-
pus graue ne-
dum in quiete
sed etiam in
eius motu de-
scensus exer-
cere conatus
compressiuos.*

cum manus supposita pilæ ferreæ æquali velocitate de-
orsum pilam fugiat qua ipsa descendit, tunc manus mi-
nime à pondere pilæ premitur. hoc inquam non obstat
quia actio ponderis qua nititur ad suum totum firmum
accedere & secum ipso colligari nunquam cessat, neque
extinguitur, viget enim perpetuo actio illa compressiua,
quandoquidem in quiete eius contactus cum fulcimen-
to non est iners, ac mortuus, sed viuus perseverante
actione, qua complectitur suum fulcimentum energia
quadam; & dicitur grauitare, & actionem grauitatis ex-
ercere quatenus requiritur contraria resistentia æque
grauis ac est corpus premens efficiens cum illo æquili-
brium, quod profecto non contingit nisi in quiete vtri-
usque corporis equilibrati. in motu autem corporis gra-
uis cessat quidem ac deficit modus mensurandi ac explo-
randi grauitatem corporis prementis, non autem abest
deleturque actio compressiua eiusdem corporis grauis;
itaque ignorabimus quanta præcise est grauitas illius
corporis, quandoquidem ad trutinam quiescentem solū-
modo expendi potest; verum non desunt alij modi ex-
pendendi vim incessanter perpetuoque prementem gra-
uitatis eiusdem corporis dum actu descendit; si nimirum
consideretur eius effectus, qui sunt motus successiuus ac-
celeratus & vis percussiois, quæ in corpus ei resistens
infligitur, ex quibus euidenter deducitur, quod corpus
graue nedum in quiete, sed etiam in eius motu descensus
incessanter exercet æquales conatus compressiuos geni-
tos ab eodem corpore graui quatenus habet vim se mo-
uendi, & quatenus huiusmodi vis transfertur vna cum
subiecto graui deorsum, & quia huiusmodi conatus ne-
cessario suum effectum producere debet, qui est ictus seu
impetus, igitur in quolibet temporis instanti vis motiua
natu-

naturalis cuiuslibet corporis grauis nouum ictum, seu impetum creat. at quia præcedentes impetus ab eo producti pèrseuerant indelebiles, ergo successiue augetur æqualibus incrementis impetus eiusdem grauis dum descendit. verum ab impetu continenter crescente æqualibus incrementis effici debet motus vniformiter acceleratus vt ostensum est; igitur necessario descensus grauiũ erit vniformiter acceleratus, scilicet habebunt spatia pèrfecta proportionem duplicatam temporum, atque equalibus temporibus eadem spatia crescunt secundum seriẽ imparium numerorum ab vnitatem initium sumentium, quod fuerat &c.

Cap. 9.

Prop. 31.

Vis impetus grauium cadentium minor est quacumque vi impulsua à proiecto impressa.

C A P V T XXIV.

Licet descensus grauium gignatur ab ictibus & impulsionibus factis à uirtute motiua interna eiusdem grauis, tamen mirum quantum differt huiusmodi interna percussio ab ea quæ in proiectis diffunditur, nec eo nomine tantum quod vis proiectitia semel tantum ab initio ictum infert, & deinceps otatur cum vis grauitatis semper vigeat, & semper de nouo ictũ inferat, vnde postmodum motus acceleratio consequitur, sed insuper alia admirabiliore ratione ab inuicem discriminantur. vis enim proiectum impellens creat in vnico instanti gradum determinatum impetus in ipso proiecto, qui impetus non indiuisibilis, sed quantus est extensionem quamdam linearem habens, at virtus grauitatis in instanti non creat impetum quantum, sed prorsus indiuisibilem, qui postea mul-

Prop. 20. & 21

Cap. 20.

Vis proiectum percutiẽs creat in vnico instanti gradum impetus

petus quantū,
& lineare, at
vis grauitaris
creat impetū
indivisibilem

multiplicati pro multitudine ineffabili instantium tem-
poris exacti componunt tandem velocitatem quantam
& linearem.

PROPOSITIO LXXXVIII.

Sed æquè mirabile videbitur impetum grauium caden-
tium fore minorem quocumque impetu in proiectum
impresso.

Fig. 72.
Tab. 4.

prop. 81.

Sit corpus A proiectum, quod moueatur velocitate
impressa D, sit postea quodlibet graue B, quod in eius de-
scensu in fine temporis T acquisierit gradum velocitatis
C, reperiri debet particula temporis elapsi in cuius dura-
tione idem graue B descendendo acquisiuit velocitatem
minorem proiectio impetu D. sumatur velocitas E mi-
nor velocitate D, & quam proportionem habet veloci-
tas C ad E talem habeat tempus T ad tempus V. manife-
stum est in fine temporis V graue B motu vniformiter
accelerato à quiete descendendo acquisiuisse gradum
velocitatis E (eo quod in motu vniformiter accelerato
velocitates acquisitæ proportionales sunt temporibus
exactis) sed quia motus proiecti A est æquabilis, ergo
in quolibet tempore eadem semper velocitate mouebi-
tur, ac proinde proiectum A tempore V mouebitur ea-
dem velocitate D, estque velocitas E minor quam D,
igitur impetus E acquisitus in descēsu corporis B à quie-
te in fine temporis V minor erit velocitate æquabili ip-
sius A, & propterea impetus grauis B minor erit quacū-
que velocitate, qua corpus proiectum moueri potest;
accidit tamen vt huiusmodi minimus motus grauis ca-
dentis ratione continui incrementi, seu suæ multiplica-
tionis

tionis fiat postmodum maior æquabili motu cuiuslibet proiecti, quapropter si impetus grauis descendens non omnino indiuisibilis, & non quantus est saltem diminutus, & minimus, supra omnem sensus, & imaginationis subtilitatem concedendus est.

Hinc constat, quod ad conficiendas minimas & languidissimas impulsiones, à quibus corpus graue impellitur in suo descensu, sufficit quælibet motiuncula interna spiritus aut alterius corporis agitantis: quod vero huiusmodi minime internæ motiones in ipsis corporibus terrenis admitti debeant, satis suadetur ab illa interna motione fermentatiua qua alterantur, corrumpuntur, & senescunt corpora concreta, ac proinde euincitur inter particulas inertes cuiuslibet corporis concreti reperiri viuiores vel spiritus. ab hisce ergo seu consimilibus gigni posse languidissimam, & ferè indiuisibilem grauitatis impulsione manifestum est.

Deducitur quod ad conficiendas minimas impulsiones à quibus graue mouetur in descensu sufficit quælibet exilissima motio interna spirituum aut alterius corporis agitantis, quæ facile admitti potest.

Digressio de ratione, qua Magnes ferrum attrahit.

CAP. XXV.

QUoniam ex doctrina superius tradita de causa & modo descensus grauium deduci potest nedum noua, sed forsan non incongrua ratio attractionis ferri à magnete, visum est paulisper ab incepto tramite digredi & tentare, an huiusmodi admirabilis problematis aliqua verisimilis ratio afferri possit.

Omnes vulgo censent fatenturque magnetem mediante aliqua virtute ferrum ad se attrahere, at hi qui magis physicè philosophantur & non acquiescunt nominibus

A a

non

non perceptis aut nil significantibus, aiunt, quod mediāte aliqua effusione seu afflatu corporeo continenter expanso à magnetico corpore nedum alliciatur ferrum, sed insuper vi quadam retrahatur aut impulsu aut tractione. qui tamen mire cruciantur vt modum expediant atque declarent, quomodo huiusmodi tractio perficiatur, comminiscuntur aliqui catenulas quasdam ex athomis vinctis, & hamatis, sed non possunt expedire quemadmodum, & à qua causa catenulæ retrahantur, & secum apprehensum ferrum versus magnetem referant. alij vero commententi sunt vertiginem quamdam, seu viam curuam à prædictis diffusionibus magneticis peractam vt ferrum impellant versus magnetem. quæ omnes absurdissimæ hypotheses merito reijciuntur.

Qui opinantur ferrum à magnetem attrahi mediante effusione quodam corporeo non docent quare, & quemadmodum talis operatio fiat.

Actionem magneticam esse communem ferri, & magnetis.

Porro vt aliquid verisimilius afferamus, supponendū est primo actionem magneticam non esse solius magnetis, sed esse communem, & mutuam, vt nimirum ferrum ad magnetem propria virtute impellatur, pariterque magnes ad ferrum sponte sua promoueat, & accedat. hoc profecto experientia ipsa suadere videtur, si enim magnes, & ferrum subere vel ligno superposita innatent super aquam, videmus profecto ferrum ad magnetem currere pariterque magnetem ad ferrum appropinquari, & siquidem ferrum fuerit pusillum velocissimo motu fertur ad magnetem, & tunc latet nec facile obseruabilis est tardissimus motus vasti corporis magnetici, at si quis huius rei euidentiam cupit manibus in eodem loco fixè retento pusillo ferro patebit translatio corporis vasti magnetici quousque ad ferri contactum perducatur. id ipsū conuerso ordine obseruabis si particula minima magnetis prope ingentem ferri globum apponatur.

Modus huiusmodi operis.

Expendi modo debet qua ratione prædicta duo corpora

pora sese promoueant, & primo supponendum est in magnete adesse nedum dispositionem pororum, & foraminum secundum directionem axis magnetici extensorum, sed insuper eodem ordine diffundere halitus versus polos, & præterea internæ particulæ viuaciores seu spiritus continuo nisu impellunt, & promouentur versus eosdem polos.

tionis cōmunis exponitur.

Porro in ferro supponi debent innumeræ porositates intra quas occlusæ contineantur innumerabiles particulæ magneticæ viuidiores & spirituosæ, sed ordine perturbatissimo dispositæ & miris modis secum implicitæ, itaut non omnes poli boreales earundem particularum ad easdem partes tendant & dirigantur, sed confusissime misceantur vt contingit in minutissimo puluere conflato ex magnete contuso. nec difficilis & noua huiusmodi partium confusio censeretur debet, cum ab actione ignis & aliorum corporum, à quibus quodammodo actione fermentatiua commouentur, facile possint commisceri contorqueri & diuersimode colligari.

Concipi postea debet, quando ferrum magneti approxinatur, atque intra spheram eius actiuitatis continetur, actio illa pendens ab effluuio halituum magnetis à qua veluti fermento quodam agitantur & reuoluuntur particulæ illæ magneticæ intra ferri poros contentæ, quæ solutæ & in libertatē vindicatæ veluti totidem acus pixidum magnete affectarum dirigunt suos polos debito ordine versus magnetis polum, ex qua ordinata directione prædictæ particulæ seu acus pixidum minimarum suā vim motiuam exercere possunt. non dissimilis commotio accidit in miscella spiritus calcanthi, & olei tartari in qua efficitur quædam ebullitio & partium agitatio, sic pariter effluuium ex magnete eductum ebullitionem,

quamdam creat intra ferri porositates , atque similis ebullitio efficitur intra porositates magnetis, vnde fit, vt prædictæ particulæ spiritosæ, & se mouentes repetitis ictibus propellant parietes hinc magnetis illinc ferri cōtrarijs motibus per eandem lineam rectam, vnde sequitur propulsio interna vtriusque corporis non dissimilis ei quæ in grauib. cadentibus hactenus exposita fuit, ex qua subinde subsequatur promotio & approximatō mutua vtriusque corporis. & hæc videtur ni fallor verisimilior ratio huius arcanæ operationis.

Sed rem turbare videtur operatio oppositi poli magnetis qui propellere & exturbare ferrum solet, sed huius varietatis ratio facile afferri potest, quod scilicet reuera non sit expulsio, sed conuersio & reuolutio tum ferri cum magnetis, nempe dum conantur duo corpora sese debito situ disponere non potest hoc consequi quin polus aduersus propellatur, ex qua postmodum propulsione consequitur accessus poli amici.

Ex hac theoria facile possunt saluari phænomena omnia quæ in magneticis operationibus experimur, & aliunde euitantur illæ inextricabiles difficultates, quæ in aliorum doctrina reperiuntur.

*Corpora omnia concreta non omnino dura, sed
aut fluxilia aut mollia aut flexi-
bilia esse.*

CAP. XXVI.

PAssiones admirabiles percussionis, quæ postremo loco declarari ac demonstrari debent, exigunt cognitionem structuræ corporum concretorum, de qua in præ-

presenti agendum est. corporum eorum quę nostris sensibus subiiciuntur maior & præcipua pars fluida est vt aer, aqua, ignis, hydrargirum, & innumera alia; hæc nullam consistentiam ac duritiem habere manifestum est, quandoquidem à quolibet corpore possunt scindi ac penetrari, & licet prima corpora ex quibus fluida componuntur sint omnino dura & inflexibilia vt ratio suadere videtur, nihilominus massa & aggregatum eorum, quæ fluidum corpus componunt omnino diuisa & dissecta est in particulas, quæ nullo negotio excurrere & moueri possunt, habent tamen aliquam resistentiam non quidem ad diuisionem, sed ad motum, quatenus enim grauiasunt, resistunt alicui prementi corpori subingredienti, quatenus subleuari debent sursum è proprio loco cui subleuationi resistunt vi intrinseca suæ grauitatis. pariter resistunt expulsionì laterali, quatenus à sua quiete & æquilibrio remoueri debent atque pellere circumstantes partes eiusdem fluidi, vt locum cedant sibi ipsis & subintranti corpori impellenti, debentque pariter eedem particulę dum intra alias quiescentes insinuari, & excurrere debent confricari simul atque resistentias vectium lateralium particularum superare. & quia in huiusmodi corporibus fluidis immiscentur quamplurimę particulę etherogeneę & figurę irregularis, vt sunt particulę terreę, quæ in aere, & aqua commiscentur, fit, vt ab ijs augeatur resistentia motus lateralis. adsunt postea corpora mollia vt lutum, mel, & cera, atque metalla excalefacta; hæc quoque resistunt quatenus fluidi naturam participant, & præterea quatenus particulas crassiores asperioresequę continent, quæ proinde difficilìus ab inuicem extricantur, quoties inter partes reliquas immotas excurrere debent atque promouere obuiantes particulas easque

casque insinuare inter collaterales; fitque propterea ut ex huiusmodi omnibus causis augeatur eorum resistentia, quotiescumque debent impelli aut ab aliquo corpore duro scindi & penetrari. quæ difficultas eo maior est quo maiori glutine aut tenacitate partes colligatæ aut irretitæ sunt ut contingit in metallis, quæ mollitiem aliquam præferunt cum ictui mallei cedunt. dantur corpora aliqua fissilia ut sunt ligna quæ ex fibris directis ad inuicem coniunctis, & vinculo aut glutine aliquo colligatis constant, vnde diuisioni resistunt, sed multo magis si fibræ truncari debeant quam si tantummodo dissociandæ sint. tandem dantur corpora flexilia quæ ad instar machine denuo sponte diriguntur post flexionem & hæc quidem resistunt virtute vectium quæ æquidistanter disponantur per totam longitudinem flexibilis corporis, & licet eius particulæ stringantur & dilatentur ab inuicem, nihilominus non omnino expelluntur è suis locis ut in mollibus corporibus contingit; dantur tandem corpora quæ vulgò dura censentur ut lapides, quæ tamen non habent resistentiam insuperabilem, possunt enim scindi ac disrumpi, vnde aliqua friabilia sunt, alia vero tenaciori glutine cōstricta non omnino in minimas partiūculas dissiliunt. vniuerse tamen in omnibus cōcretis corporibus concedenda est cōpressibilis quædā affectio in qua eius partes nedum flectuntur, sed etiam a iquo pacto cōstringuntur condensantur dilatanturque, quod nedum ex eorum contusione & diffractione complanatione & leuigatione deducitur, sed etiam ex sono quem producunt in percussione facta à quocumque impetu motiuo, sonus enim effici non potest absque aeris tremore nec tremor in acre gigni potest nisi ex repetitis ictibus corporis trementis & vndulantis, huiusmodi vero tremorē nedum

Concreta corpora compressibilia, & flexibilia sunt & aliquo pacto dilatari possunt quod constat ex tremore corporum, quæ dura vulgò censentur.

nedum in parvis corporibus experimur, sed etiam in vastis edificijs & in ipsis alpinis montibus, si enim quis in profunda cauerna montis degat percusso externe monte sonus infra cauernæ cavitatem persentitur, quod euidentissime euincit tremore quodam agitari ingentem illam montis molem. si igitur euidentissimum est corpora omnia licet durissima videantur edere sonum post percussionem ei illatam, necessario fatendum est corpora omnia quæ dura vulgo censentur hinc inde flecti, & tremore concuti, nec possunt flecti nisi partes ex vna parte adinuicem constringantur ex altera dilatentur, nec potest huiusmodi constrictio, & condensatio concipi quin in eis poruli admittantur in quibus particulæ insinuentur. poterunt ergo partes cuiuslibet corporis duri ex vna parte comprimi & ad inuicem constringi dum reliquæ partes uicem constringi dum reliquæ partes nullo pacto constringuntur & condensantur. hinc facile colligitur id quod prius insinuauimus, quod nimirum impossibile sit in vno & eodem instanti in quo extremitas cuiuslibet concreti corporis percutitur moueantur simul omnes eius partes vsque ad oppositum extremumque eius confinium, propterea quod partes illæ percussionem excipientes flectuntur & condensatione quadam ad inuicem stringuntur, vnde fit, vt successione quadam vna particula post aliam ictum excipiat, proindeque series continentium percussionum extensionem aliquam temporis componat,

*Impossibile est
ut in eodē instanti in quo
extremitas
cuiuslibet concreti corporis
percutitur simul
agitantur omnes eius
partes.*

*De comparatione energiae percussionis cum vi
compressiva grauitatis.*

C A P V T XXVII.

QUæ hæcenus dicta sunt nedum per se scitu' iucunda, sed etiam perutilia sunt pro solutione admirabilis problematis de vi & energia infinita percussionis, de qua modo agendum est.

A pondere subleuato vulgo censetur mensurari posse vim percussionis.

Natura dictante adhibere solemus notissimam mensuram cum quantitatem aliquam explorare volumus, vt pro temporis mensura vtimur motu solis spatioque lucis diurnæ ac tenebræ noctis, vtimur longitudine pedis ac passus pro mensura motus, palmis ac digitis pro mensura longitudinis, nempe quia huiusmodi mensuræ semper ante oculos positæ satis perspectæ & exploratæ sunt ad quas relatæ reliquæ ignotæ quantitates earum mensuram dignoscimus, sic corporum pondera quæ commode dignosci possunt in libra vsurpari apte posse vulgo putant pro mensura energiae percussionis, hoc vero duplici modo fieri potest, primo si vires percussionis & ponderis comparentur ad aliquod tertium, lumine enim naturæ notum est vires quæ sunt æquales vni tertio esse quoque æquales inter se, secundo vero modo fiet comparando vim percussiuam immediatè cum energia ponderis.

At tertia quantitas ad quam referemus vires percussiuas & grauitatis erit effectus communis qui nimirum ab utraque uirtute efficitur. huiusmodi uero effectus erit cunei uel clauis fixio in ligno uel in quolibet alio corpore duro, & profecto manifestum est clauum figi posse ad deter-

determinatam profunditatem, tum à vi compressiua alicuius ingentis ponderis, cum ab ictu alicuius mallei, & in hac actione comparari debent inter se vis illa comprimens clauum, & resistentia corporis duri, in quo clauus figendus est, & talis resistentia pendet vt dixi ex illa tenacitate seu glutine, qua partes corporis duri inter se colligantur & vinciuntur, cumque debeant scindi, è suis locis dimoueri, dilatarique, & expellere collaterales particulas sibi contiguas, ad hoc, vt cuneus siue clauus subingredi possit, fit, vt corpus prædictum resistat fixioni clauui his omnibus de causis & insuper eo motu, quo agitari debent iuxta leges mechanici instrumenti cunei dicti. huiusmodi resistentia vel omnino superatur quando saxum vel lignum in duas partes hinc inde profilientes discinditur, & tunc cessante percussione cessat omnino resistentia; si vero clauus adhuc non superauit resistentiam ipsius corporis, id ipsum reaget quidem resistendo vltiori penetrationi eiusdem clauui, & hoc quidem accidit in corporibus scissilibus vt sunt lapides, aut secabilibus vt sunt metalla, sed in fixilibus remanet quædam resistentia vicens, qua nimirum constringitur clauus vtrunque veluti à forcipe, vel coclea quadam, à qua extrorsum clauus expelleretur, si asperitas eius superficie non obstitaret. sic videmus immisso clauo ligneo intra aquam vel hydrargirum cessante impulsu compressiuo subito resilire, & expelli, vt prunorum nuclei à digitis compressis exprimuntur, in reliquis vero corporibus scissilibus vt sunt lapides efficitur non tanta energia expressio illa lateralis ad modum coclee, propterea quod cuneus immissus dilatando vehementer partes saxi ipsū tandem scindit in duas partes.

His declaratis comparari debet vis compressiua cum

Bb

resi-

resistentia corporis, in quo clauus figi debet: & siquidem potentia comprimens clauum maior fuerit resistentia subiecti corporis, tunc ab excessu potentie impulsivæ figitur clauus, & quia quo altius immittitur, resistentia semper subiecti corporis crescit, prout plures partes subiecti corporis simul moueri è proprijs locis expelli, & longius ab inuicem repelli debent. & quo magis crescit resistentia subiecti corporis, semper deficit successiue excessus virtutis comprimētis supra resistentiam, & proinde penetratio clauī tardiori semper motu efficitur quousque æquatis omnino viribus impellentis & resistentiæ, factoque æquilibrio clauus quiescit nec ulterius penetrat. & hic notandum est, quod in corporibus duris facta clauī immessione à determinato pondere, licet cesset pressio ponderis amoueaturque clauus, nihilominus non resilit, propterea quod vt dixi vtrinque constringitur veluti à forcipe, nec expelli potest ob eius superficieī asperitatem; si postea denuo reponatur idem pondus supra clauum, & repetatur millies huiusmodi impositio simplex absque motu nunquam altius clauus figetur, sed semper in eodem loco sistet, propterea quod perseverat eadem causa, à qua progressus prioris fixationis terminatus fuerat, scilicet remanet eadem resistentia subiecti corporis vicens, quæ æqualis fuerat compressivæ facultati prædicti ponderis, igitur sicuti prius, sic modo vires contrariæ æquantur & propterea eadem vis eiusdē ponderis non poterit maiorem effectum producere scilicet altio rem penetrationem clauī.

Accedamus modo ad actionem malleī percutientis clauum: manifestum est quod à pondere pusillo malleī motu impulsivo agitati figi potest idem clauus ad eandē prorsus profunditatem ad quam vis simplicis ponderis
eum

eum insinuauerat, quia vero effectus fixionis est idem, superatur nimirum eadem resistantia subiecti corporis, ergo duæ virtutes illius magni ponderis librarum 100 verbi gratia, & percussionis malleoli vnus libræ æquilibrantur eidem resistantiæ; quapropter fatendum est vires motiuas vasti ponderis lib. 100 & malleoli impetu affecti esse æquales inter se. & sicuti vis motiua ponderis semper est eadem, licet millies, & millies repetatur, ita energia ictus eiusdem malleoli erit quoque vnica & eadem, neque vnquam augebitur aut maior se ipsa erit, & aliunde energia resistantiæ soli est quoque vna & eadem & perseverans; igitur si denuo repetatur secundus ictus eiusdem malleoli, vires quoque contrarię percussionis & resistantiæ erunt quoque æquales & æquilibratę, ac proinde non poterit secundus ictus maiorem effectum producere, scilicet altius clauum figere sicut millies repetita superpositio illius vasti ponderis nunquam profundius clauum insinuat.

Sed contra huiusmodi ratiocinium res ipsa clamat, nā secundus malleoli ictus eodem impetu factus profundius clauum figit; si quis vero velit adhibito maiori pondere ad eandem profunditatem clauum immittere ad quam secundus ictus malleoli eum impresserat, adhibenda est grauitas maior quam dupla prioris scilicet pluriū quam lib. 200. & quia effectus eiusdem profundioris insinuationis clauī à duabus causis producitur, nempe à secundo ictu malleoli & à pressione ponderis plusquam dupli, igitur hæ duæ virtutes compressiue æquales erunt inter se, ac proinde energia eiusdem ictus malleoli, quæ prius æqualis fuerat vi lib. 100. modo æquabitur energiæ plusquam lib. 200. si tertio postea repetatur eadem malleoli percussio eadem omnino velocitate, qua prius

Videtur quod secundus malleoli ictus eodem impetu illatus non possit clauum altius figere.

Hoc autem repugnat experientie requiriturque maius pondus ut insinuetur clauus æque ac figitur à secundo ictu mallei

adhuc altius figetur clauus ad quam perueniri non poterit, nisi adhibito pōdere plusquam triplo, igitur vis eiusdem ictus malleoli æquatur energiæ compressiue pluriū quam lib. 300. & quia pariter quarta & omnes subsequentes percussiones eiusdem malleoli eodem impetu incidentis semper aliquantisper clauum profundius figunt, quæ insinuationes non possent prosequi à simplici grauitate, nisi moles corporea augeretur semper magis ac magis in infinitum, igitur energia ictus eiusdem malleoli æquatur hisce omnibus ponderibus, & ptopterea vis ictus eiusdem malleoli eodem impetu lati maior erit virtute compressiua cuiuscumque ponderis assignabilis, ideoque vis ictus videtur infinitatem quamdam habere.

Deducitur quod energia percussionis eiusdem mallei æquatur potētia cuiuslibet ponderis, ideoque illam infinitam virtutē habebit.

Enodatio superioris difficultatis, & vera causa huius effectus admirabilis inquisitio.

C A P V T XXVIII.

Cap. 5.

Licet in adducto experimento aliquid pro infinitate virtutis percussiuæ colligi possit, vt suo loco ostendetur; nihilominus ratiocinij inefficaciam detegere erit operæpretium; vt autem hoc perspicuum fiat, repetenda est proprietas percussionis quam superius innuimus, diximus enim quod vis motiua cuiuslibet corporis componitur ex vehementia seu intensiua eius vi, atque ex dilatatione seu extensione eius per vniuersam molem corpoream, ita vt nulla particula eiusdem corporis assignari possit quæ eodem impetu æquè veloci non afficiatur, & proinde eandem virtutem motiuam vndique diffusam per eius corpoream molem habet. hoc posito intelligantur duo malleoli æquales pondere, & æquè veloces, nemo est qui non percipiat efficere duas percussiones omnino

nino æquales in incidentia media & perpendiculari super idem corpus, patet quoque quod ambæ percussiones simul sumptæ duplæ sunt singularis percussione ab vnicō malleolo factæ, scilicet duplum effectum produciunt siue is sit diffraçtio, siue compressio, siue impulsio, certum est quod energia percussione duplicatur prout malleoli duplices sunt. si postea augeatur numerus eorundem malleolorum omnesque eadem velocitate ictū inferant eidem corpori, patet quod energia omnium percussionum simul sumptarum tam multiplex est vnus singularis percussione quam multiplex est aggregatum omnium malleolorum vnus malleoli, & hoc quidem. euidentissimum est ex eo, quod plagæ illatæ toties multiplicantur; & hæc est ratio quare ingens trabs qua parietes arietantur, licet languido motu impellatur, tures marmoreas disijcit atque conterit, quia nimirum machina illa est aggregatum totidem malleolorum quorum quilibet eodem impetu cum ariete parietem simul percutit.

Et hæc similiter est ratio, quare ingens nauigiū n, motu licet languido excurrat, conterit tamen & dissilit machinas contrapostas, imo aliquando scopulos disrumpit, cum è contra parua ratis eadem velocitate mota minimam percussione machinæ obstanti inferat, quia nimirum vis percussiuæ augetur non solummodo aucta velocitate intensiue, sed etiam quando extensiue propagatur per vastitatem corporis percutientis.

Et sicuti multiplicatur energia percussione à plurimis malleolis in eodem instanti corpus aliquod percutientibus, sic quoque percussione energia multiplicari potest, si ictus eiusdem malleoli successiue vnus post aliū æquè multiplicentur, quandoquidem quilibet eorum

Plures mallei eodem impetu percutientes augēt vim percussione iuxta multitudinē malleorum.

Hinc pendet vis illa, qua parietes ab ingenti trabe languido motu percutiente cōcutiātur & corruant, quia trabs æquatur aggregato plurimū malleorum.

Non secus percussiones repetitæ eiusdem mallei eundē effectum producere possūt, quā innumeri

suum

mallei simul percutientes suum effectum compressionis producit, qui si non delentur, sed remanent quando reliqui ictus superueniunt, profecto coaceruatis compressionibus efficitur summa eorum, quæ omnino equalis erit ei, quæ hætenus creabatur à totidem malleolis vna percutientibus, quare perinde est si multiplicentur malleoli ac si multiplicentur ictus eiusdem malleoli successiue sese consequentes, quorum effectus permanentes sint, proptereaque repetiti ictus æquivalent multiplicatæ multitudini malleolorum. quapropter necesse est vt infinitæ percussiones eiusdem malleoli eodem impetu lati æquivalent infinitis malleolis, scilicet malleo infinite graui eadem velocitate affecto, & ambo effectum infinitum producere debent, scilicet superare resistantiam infiniti ponderis, vel tenacitatis aut glutinis quo corpora concreta separationi & discissioni resistunt.

Infinitæ percussiones eiusdem mallei eodem impetu æquivalent percussioni mallei infinite grauitatis æquæ veloci & ambobus resistantiam infiniti ponderis superabunt.

Quod vero vis motiua infinita siue ob corporis extensionem, siue propter impetus infiniti extensionem producat effectum infinitum mirum alicui videri non debet, ni fallor.

Hinc patet clauum non figi à singulari ictu eiusdem mallei, sed à malleo immense vastitatis toties multiplicato quot sunt ictus ideo

His positis, redeo iam ad superius adductam difficultatem. successiue figitur magis ac magis clauus & ibidē permanet, prout percussiones eiusdem malleoli equæ veloces repetuntur, sed ictus malleoli repetiti æquivalent malleolo toties multiplicato, igitur re uera clauus non figitur à singulari ictu, nec à singulari eius virtute motiua, sed insinuatur à malleo immensæ vastitatis tam multiplici vnus quot sunt ictus, & proinde mirum non est tam enormem effectum insinuationis clauī procreare. hoc autem mirabile non videtur à maiori scilicet virtute motiua quæ componitur ex impetu mallei extensiuè in immensum multiplicato maiorem effectum produci. igitur

tur

tur falsū est, quod energia ictus singularis malleoli equi- *que effectum,*
ualeat cuilibet ponderi assignabili, cum potius hoc de- *grandem pro-*
pendeat ex multiplicatione eiusdem percussione exten- *ducere.*
sua.

Sed vt euidentiū causa huius effectus pateat, iterum
differentia operationum grauitatis & percussione per-
pendere iuuat.

Proculdubio energia grauitatis, postquam clauum ad
illam determinatam profunditatē fixit, nil preterea ope-
ratur, licet grauitas ipsa perseueret in sua actione com-
pressiua: ratio vero propter quam clauus profundius nō
insinuatur à perseuerante pressione corporis grauis est,
quia vires contrariæ æquatæ sunt, resistentia scilicet soli,
& vis prementis grauitatis; at in fixatione eiusdem clauī à
vi percussione procreata cessat pariter vltior & pro-
fundior insinuatio clauī sed alia diuersa ratione, non
quia vires contrariæ æquatæ sunt, sed quia in fine illius
insinuationis cessat operatio percutientis, propterea
quod impetus energia omnino consumpta est. itaque
resistentia plani subiecti æquatur non virtuti motiue per-
cutientis, sed exercitio actionis eius factæ in illo tempo-
re quo clauus insinuatur: extinctio autem & diminutio
virtutis percussiuæ efficitur eodem tempore, sed difformi
imminutione. hinc percipitur quod si vis percutientis
non minueretur, sed retineret perpetuo eundem gra-
dum roboris, profecto in quolibet temporis instanti vim
aliquam in clauum imprimeret, non autem vim indiuisi-
bilem, quæ non destrueretur ex sui natura, sed perseue-
raret; cumque in quolibet pusillo tempore sint infinita
instantia, necessario in fine cuiuslibet temporis deberent
coaceruari infiniti impetus non indiuisibiles, sed quanti,
proindeque efficerent impetum infinitæ energiæ. & hoc
nomi-

*Cessat clauī
insinuatio ab
ictu mallei fa-
cta non quia
vires contra-
riæ æquantur,
vt in compres-
sione ponderis
contingit, sed
quia vis im-
petus continē-
ter debilita-
tur, & tandē
destruitur.*

nomine energia percussionis mallei cenferi posset infinita, quatenus si perseveraret eiusdem tenoris absque imminutione proculdubio superaret vim compressivam cuiuslibet finitæ gravitatis.

*Energiam percussionis maiorem esse vi compressiva
cuiuslibet finiti corporis gravis.*

C A P V T XXIX.

QVoniam experimentum superius adductum propter aliquas circumstantias non adhuc detectas non perducit nos ad veritatis inquisitionem, propterea operæpretium erit alia via evidentiori tentare, an eam assequi & comprehendere valeamus; sed præmittere prius oportet hanc propositionem.

P R O P O S I T I O LXXXIX.

Si duorum corporum æque consistentium & durorum gravitates reciprocè proportionales fuerint velocitatibus eorum, vires percussionum ab iisdem factarum perpendiculari & media incidentia super idem corpus durum æquales erunt inter se.

*Fig. 73.
Tab. 4.*

Sint duo corpora A, & B æque dura & consistentia ac est planum FK subiecti corporis super quod cadant perpendiculari & media incidentia corpus A impetu D, sed corpus B incidat velocitate C, atque ut moles corporea seu ut pondus A ad B ita reciprocè sit impetus C ad D. dico quod energię siue momenta percussionum factarum super idem planum FK æqualia sunt inter se. quoniam
mo-

momentum compressiui ipsius corporis A ad momentum compressiui alterius B habet compositam proportionem ex ratione corporeę molis A ad corpoream molem B seu grauitatis ipsius A ad grauitatem alterius B, atque ex ratione impetus D ad impetum C (comprimunt enim nedum mole corporea, seu grauitate, sed etiam impetu quo feruntur) sed ex hypotesi corpus seu pondus A ad B est reciproce vt impetus C ad D & duę eędem proportionem reciproce rationem æqualitatis component, igitur momenta compressiua corporum A, & B æqualia sunt inter se. sed vires percussionum perpendiculari & media incidentia factarum mensurantur à momentum seu viribus compressiuis corporum incidentium, igitur corpus A velocitate D latum efficit percussionem super planum F K æque validam ei quam infert corpus B velocitate C.

Prop. 27.

Coroll. prop. 28.

Si postea loco plani subiecti F K supponantur duo clauis æquales F, & K, qui figi debeant super idem corpus F K æquę cedens vel potius termini F, & K ictus excipientes sint extremitates librę radiorum æqualium in G fulcæ; aut eadem corpora A & B suspendantur & trahant terminos librę R & S in eius intermedio puncto X fulcæ; siquidem incidentiæ in eodem instanti fiant, manifestum est in eodem instanti fieri duas percussiones æquę validas, quę æquę figent clauos F & K, & æquę impellent & trahent terminos librarum, & proinde eę non flectentur, sed consistent in eodem situ parallelo horizonti, propterea quod vires percussiuę & percussiones ipsę ostensę fuerunt omnino æquales, & æquę validę, & hoc continget in illo singulari instanti temporis, in quo ambę percussiones fiunt licet postea extinctis velocitatibus

Cc. maior

Prop. 20. & 21

Veritas superioris propositionis experimēto comprobatur.

Fig. 74.
Tab. 4.

Prop. 81.

maior grauitas ipsius A libram flectat . hoc autem ad negotium percussione non pertinet, cum percussio sit actio composita ex virtute grauitatis & impetus , quæ actio in hisce corporibus duris & inflexibilibus in vnico instanti temporis fieri debere ex superius demonstratis satis superque constat .

Et quamuis huiusmodi propositio ab adducta demonstratione confirmata sit, si quis tamen optaret aliquo experimēto eam explorare, vti poterit huiusmodi artificio. sumat duo fune-pendula A B, & C D quorum longitudines sint æquales inter se, globus vero ferreus B maior sit quam D, suspendanturque in eadem horizontali linea A C, atque in eodem plano verticali A C G apponatur libra æqualium radiorum E F conuertibilis horizontaliter circa centrum G ; remoueantur postea pendula B, D à plano verticali A C G inæqualiter vt nimirum sublimitas globuli D ab infimo termino F ad sublimitatem globuli B ab infimo termino E duplicatam proportionē habeat eius, quam reciproce habet pōdus B ad D, & quia spatia descensuum sunt in duplicata ratione velocitatū in fine eorundem descensuum acquisitarum, sit vt impetus acquisitus à graui D in fine descensus per arcum D F ad impetū acquisitū à graui B in fine descensus per arcū B E eandem proportionē habeat quam habet reciproce corpus B ad D, ac proinde momenta percussionum quæ in eodem instanti fiunt super terminos libræ E F æqualia prorsus inter se erunt, & ideo libra radiorum æqualium non flectetur. huiusmodi fune-pendula æqualia inter se commoda sunt eo nomine quod efficiunt trāsitus per arcum B E & arcum D F æqui temporaneos, & ideo si in eodem instanti demittantur à terminis B & D, efficientur quoque percussiones in E, & F in vnico quoque instanti,

ti, & hac ratione si libuerit, poterit veritas superioris demonstrationis comprobari.

Non puto denuo inculcare oportere percussiones æqualium momentorum non perseverare per aliquod tempus, sed verificari tantummodo in illo vnico instanti in quo percussiones fiunt, quandoquidem post ictum vtriusque corporis cessat operatio eius impetus & remanent tantummodo pressiones inæquales à vi grauitatis dependentes. pariter omittendum non est iterumque repetendum propositionem verificari si modo percutientia corpora & percussione perpendicularem & mediā excipientia fuerint omnino dura & inflexibilia, at si aliquo pacto constringi & comprimi possunt, tunc quidem in tempore subsequenti post primum instans incidentiæ subsequentes continuatæ percussiunculæ, dum corpora stringuntur & condensantur, possunt, insignem varietatem producere quoad energiam, & quoad durationem.

His declaratis deuenio ad propositionem principalem, quod nimirum

PROPOSITIO XC.

Vis & energia cuiuslibet percussione maior est quacumque potentia finita, quæ absque motu locali solummodo virtute grauitatis premat.

Supponatur quodcumque immensum corpus graue *Fig. 75.*
A suspensum in termino *R* libræ *RS* radiorum æqualiū *Tab. 4.*
 cuius centrum *X*, sustineatur postea corpus *A* à duritie
 plani subiecti *FK*. manifestum est libram nullam vim
 pati ab ipso corpore *A* & perinde quiescere ac si à nihilo
 traheretur, eo quod duæ potentiæ contrariæ inter se,
 prorsus æquales grauitatis nempe prementis ipsius *A*,
 atque resistentiæ & firmitudinis plani subiecti *FK* se mu-

tuo destruunt, seu potius prohibetur exercitium pressio-
 nis eiusdem corporis A, quapropter libra à nihilo seu à
 nulla potentia minime flectetur. ponatur iam quodlibet
 exiguum corpus B suspensum ab extremo termino libræ
 S attamen in quiete, & absque vlllo motu descensus.
 tunc plane tantumdem detrahitur à pondere ipsius A
 quanta est grauitas corporis B, quare libra R S non fle-
 ctetur versus S, eo quod remanet excessus grauitatis A
 supra B, & huiusmodi excessus substatinetur à plano subie-
 cto; id ergo quod acquiritur in tali casu est imminutio
 pressiois corporis A supra planum F K quod minorem
 resistantiam exercet quam prius. Si postea quodlibet
 minimum pondus B termino S libræ non in quiete, sed
 cum aliquo impetu descensus applicetur, vt proinde
 percussione effecere valeat, ostendendum est quod vis
 compressionis & percussiois perpendiculari & media
 incidentia corporis B super idem planum F K superat
 energiam simplicis grauitatis cuiuslibet vasti corporis
 A absque vlllo motu locali comprimantis planum subie-
 ctum. intelligatur graue A descendere per spatium R Z,
 vt nimirum impetus D postremo acquisitus in dicto de-
 scensu eandem proportionem habeat ad impetum C ac-
 quisitum in descensu ipsius B per S L quam reciproce
 habet grauitas ipsius B ad grauitatem A, igitur corpora A
 & B efficient super idem planum durum F K percussio-
 nes æque validas & æqualium momentorum, & quia
 euidentissimum est vim compressiuam simplicis graui-
 tatis à motu & impetu augeri & in immensum vires ac-
 quirere prout eius motus magis acceleratur, & hac de
 causa vis compressiua componitur ex vi grauitatis & ex
 virtute motus seu impetus, ergo vis compressiua corpo-
 ris A translati velocitate D maior est vi compressiua
 eius-

Prop. 89.

eiufdem corporis A velocitate omnino carentis, & in quiete constituti, & ideo energia percussionis quam super planum FK efficit corpus A excurrens velocitate D maior erit vi, qua idem corpus A quiescens & impetu priuatum comprimit idem planum, sed energia percussionis quam super idem planum efficit corpus B translatum velocitate C æqualis est vi percussionis quam efficit corpus A latum velocitate D, igitur energia percussionis quam efficit super planum FK corpus B excurrens velocitate C maior erit vi, qua corpus A quiescens, & omnino motu priuatum comprimit idem planum. quare in actu percussionis instantaneæ libra necessario flectetur, soleuabiturque terminus R libræ, proindeque, subleuabitur remouebiturque corpus A à contactu plani subiecti, ideoque vis & momentum percussionis ipsius B superabit potentiam simplicis vastæ grauitatis A quiescentis, quod fuerat, &c. *Prop. 89.*

Animaduertendum tamen est quod eleuatio corporis A valde exigua est, quia actus percussionis ipsius B est instantaneus in corporibus omnino duris, & postea subito extinguitur eius momentum, quia subito post impulsus incipit depressio eiufdem corporis A pendens à naturali eius grauitate, quæ fit accelerato motu dum expulsio sursum æquabilis est; hinc fit vt parua sit eleuatio corporis A à subiecto plano, non tamen est tam exigua, vt omnino sensum effugiat si modo corpora non fuerint admodum flexibilia, at si fuerint rigida vt libra ferrea, & vnus brachij extremitas clauo fulciatur, vt vastum corpus in eo appensum in quiete retineatur, atque extremitas alterius brachij libræ malleolo aliquo percutiatur, vel super ipsum incidat parua pila ferrea à quacumque altitudine demissa, obseruabitur in vnoquoque ictu cō-

Prop. 20. & 21
Eleuatio ponderis ingentis à percussione pusilli corporis multoties ob eius exiguitatem inobseruabilis est, & quare.

Experimento in statera facto constat ab ictu exigui corporis pondus licet vastum, aliquantisper concuti ac subleuari.

tra-

trapositum vastum pondus à sua quiete euidenter subleuari ac concuti, atque hoc percipi tum ipso tactu, tum visu, tum auditu, ex sono scilicet facto in resilitione, aut casu eiusdē machinæ ferreæ. sic pariter percusso vno extremo prælongæ trabis reliquum extremum concutitur subleuaturque, si tamen admodum flexibilis non fuerit.

At si corpora percussa valde flexibilia fuerint tunc in temporanea percussione occultatur eius eleuatio.

Si postea corpora fuerint valde flexibilia, tunc percussio efficitur tempore satis sensibili, & ideo interim vis grauitatis vasti corporis premendo occultat atque obnubilat effectum subleuationis eiusdem ponderis, & tantūmodo efficitur quædam dilatatio, & rarefactio partium ipsius corporis vasti quiescentis, non autem integra subleuatio totius corporis, vt si fuerit spira aliqua flexibilissima vel coagmentum aut globus lanæ aut alterius similis materiæ dilatabilis, tunc profecto si sursum trahatur faccus vel inuolucrum lanæ, non subleuabitur globus integer lanæ, sed dilatatur per aliquod tempus, & interea impetus percussioneis extinguitur nec perseuerat quousque tota moles globi lanei suspendatur. id ipsum contingit in virga flexibili aut in qualibet alia consimili materia. sed non proinde debilitatur vis demonstrationis superius adductæ. Ex qua admirabilis vis motus & impetus deducitur, quando quidem ab impetu motus cuiuslibet corpusculi quælibet vasta resistantia corporea moueri & impelli potest, dummodo in quiete consistat & motu omnino priuetur; & hoc nedum verificatur quando vasta moles corporea pensilis omnino est & in quiete amouibili constituta, scilicet quando omnino iners est, sed etiam quando intrinsecam & naturalem vim motiuā habet, qualis est virtus grauitatis quæ nunquam otiosa est, sed perpetuo exercet suam impulsionem compressiuam, & hæc quotiescumque motu locali priuatur, superari

Hinc patet ingens vis percussioneis.

rari potest ac impelli à quacumque percussione minimi corpusculi.

Et hinc percipitur, quare ictus exiguarum particularū nitri, dum pulvis pyrius accenditur in tormentis bellicis, vel in cuniculis, potest popellere disrumpere ac projicere moles ingentis grauitatis, quod quidem pendet ab energia motus & ictus quæ infinitæ virtutis est. Et in hac operatione insuper animaduertendum est, quod non subito post instantaneam percussione agitatio illa parietis aut tormenti bellici extinguitur aut desinit esse, sed promouetur continuatur augeturque ex eo, quod non efficitur vnica percussio, sed innumerabiles continenter sese subsequentes in tempore quo accensio pulueris pyrij perseverat, & quia impetus à primis ictibus procreati non delentur ex sui natura fit, vt succedentes impetus prioribus superadditi componant tandem impetum vehementissimum & perseverantem, huiusmodi operatio minime ab inflammatione & ab igne quatenus talis est pendere potest, quandoquidem ferrum ignitum & carbones accensi minime propelluntur, licet ab igne feruentissimo calefiant inflammenturque, sed pendent ex vehementissima illa agitatione particularum nitri, quæ in actu accensionis ingenti vi & celeritate diffiliunt atque percutiunt circumobstantia corpora dura.

Vim superius adducti ratiocinii infirmare videtur id quod in nobismetipsis experimur; nemo profecto est qui ictum lapilli aut malleoli libentius non tolleraret, quam compressionem turris humeris incumbentis, quæ contusionem carnis, artuum luxationem, fibrarum tendinumque rupturam, ossiumque diffractionem intollerabili dolore efficeret, ex quibus proinde quilibet persuaderetur energiam ponderis prementis nedum æquare, sed longe

Et constat etiā quare ictus particularum nitri in tormentis bellicis aut in cuniculis superare potest resistentiā ingentis grauitatis.

Cap. 9.

Obici potest quod ictus lapilli facilius tollerari potest quam compressio ingentis ponderis humeris incumbentis.

pre-

*Respondetur
huic difficul-
tati.*

præterea superare vim percussionis: verum enim verò hoc certitudinem firmitatemque nostræ demonstratio-
nis minime tollere debilitareque censendum est, cum ab aliqua circumstantia non animaduersa prædicta effectuum
varietas prodire possit. ratum perspectumque est percus-
sionem exigui malleoli trabem ingentem aut rupem cō-
mouere, concutere, tremoremque ei inferre, hoc autem
minime fieri posse à minori virtute perspicuum est, igitur
necessario vis percussionis malleoli maior erit vi cō-
pressiua prædicti vasti ponderis. obseruamus præterea
lateres & massam glebosam ab ictu exigui malleoli dis-
rumpi, conteri, & in puluerem redigi; at ab ingenti pon-
dere quiescente turris, aut rupis incumbētis minime
diffringi aut conteri infimos lateres aut glebas videmus,
quare vis compressiua ponderis ingētis minor erit ener-
gia percussionis exigui malleoli. insuper animaduersione
dignum est turres & ædificia, quorum fundamenta
arenosa aliqua ex parte corrosa sunt nō subito corruere,
sed aliquanto post, quando scilicet ab agitatione seu cō-
cussione aeris venti vel alterius impellentis corporis
commouetur, & siquidem ædificij ruina penderet ab
energia ponderis quiescentis, subito ruere deberet, cum-
que hoc non contingat nisi adueniente motu locali &
nouo impetu, censendum est vim grauitatis per se lapsus
ædificij causam non esse.

*Diuersimode
operare pon-
dus & percus-
sionem, quia
illius actio
eiusdem teno-
ris, & roboris
huius vero de-
bilitatur ac
destruitur.*

Vt vero causa & origo diuersitatis operationum pon-
deris & ictus in corporibus animalium plagas inferen-
tium patefiat perpendendum est discrimen inter opera-
tiones earundem virtutum, quarum vna perseverans
& eiusdem tenoris, & roboris, reliqua vero continenter
debilitatur, & tandem destruitur, & profecto vis per-
cussionis perseverans non est, quandoquidem post pri-
mum

mum instans occurfus debilitatur extinguiturque à resistentia contraria lentè & successiuè cedendo, & reluctando, è contra vis compressiua ponderis perennis est eiusdemque roboris, nec aliquando minuitur vis eius grauitatis, licet præcedat cessio corporis, cui aliud corpus incumbit, sed vis eius ponderis semper æquabili energia, compressionem exercet, hinc deducitur quod in hisce operationibus adhibentur causæ diuersimode operantes, vna quidem licet minoris roboris sit eodem tamen tenore eademque energia perseuerat in sua actione compressiua, reliqua vero licet maioris roboris continenter decrescit, languet, & cito extinguitur. huius naturæ est vis percussionis malleoli, qui licet vehementi motu ad contactum animalis deferatur, in ipso tamen cōtactu parum aut nil prorsus lædit, quia nimirum non firmum & rigidum obstaculum offendit, sed molle, flexibile & cedens, & proinde vis ictus frustratur, in progressu vero temporis sequentis continenter imminuitur destruiturque vis illa percussiva ab eadem mollitie & flexibilitate partium animalis dum cedunt ac retrocedunt, & proinde minimam noxam infert. è contra ingens pondus nedum in actu contactus, sed in toto progressu compressionis semper æquilibrari debet ac sustineri ab æquali virtute contraria, cuius compressio, si supponatur talis, ac tantæ energiæ esse, vt contusionem aut luxationem inferre valeat, nonne aperte percipimus quod vis percussiva malleoli licet maior quantocumque excessu illam superans supponatur possit plane destrui, antequam eandem contusionem, & luxationem efficere valeat? ergo mirum non est ab ictu non valde celeri exigui malleoli minorem contusionem effici quam à compressione ingentis ponderis.

Vis ictus malleoli debilitatur ac destruitur à flexibilitate ac mollitie partium animalis, & proinde parum lædit.

Vis ponderis semper æquilibrari debet, & ideo contusionem efficere valet.

Dd

Sed

*Sed precipua
causa alluci-
nationis est,
quia ingēs pō-
dus nunquam
in quiete, sed
cū aliquo mo-
tu animalis
dorsū premit,
& ideo cum
aliquo impetu,
quare quodā-
modo percus-
sionem efficit.*

Sed præterea alia est longe diuersa causa allucinatio-
nis, quia nempe non manemus in assumpta hypothesi,
supponimus enim saxum ingens applicari & superponi
posse super animalis dorsum absque vlllo impetu in om-
nimoda quiete constituto, hoc autem impossibile esse
evidenter constat. finge enim quantacumque solertia &
dexteritate ingentem saxum applicari & imponi dorso
animalis, profecto euitari non potest compressio, & con-
strictio partiū eiusdē saxi, cum in natura reperiri nequeat
corpus omnino durum & consistens, sed insuper ob fle-
xibilitatem artuum & mollitiem carnis, tendinum cutis
& pinguedinis aliqua cessio & constrictio eorundem
fieri debet, sed percipi non potest cessio aut constrictio
carnium absque motu locali comprimentis corporis in-
cumbentis, igitur non applicatur lapidea moles ponde-
rosa iners & quiescens, sed motu aliquo affecta, scilicet
cum aliquo impetu; componitur vero vis compressiua
nedum ex impetu intensiuo, sed etiam ex mole corporea
in qua extensiuè impetus propagatur, & siquidem vt fa-
cile contingere potest impetus quo ingens saxum appli-
catur ad impetum malleoli maiorem proportionem ha-
buerint, quam reciprocè moles mallei ad ingentem mo-
lem incumbentis saxi, necessario eius vis compressiua
maior erit compressiua vi malleoli, & ideo illa contusio-
nem luxationem & reliquas noxas animali inferet, non
autem ictus malleoli, & hoc precipue nobis imponit.
manet igitur inconcussa veritas & certitudo nostræ pro-
positionis, in qua demonstrauius energiam impetus &
percussionis maiorem esse vi compressiua cuiuslibet va-
sti corporis grauis quiescentis & omnino impetu locali
priuati.

De Corporum tremore.

CAP. XXX.

FRequentissima operatio à percussione pendens est undulatio & tremor, qui in corporibus efficitur, alibi enim de tremore animalium agemus, qui profecto nō differt ab illa oscillatione quæ in fune-pendulis observatur, igitur vt tremoris natura rite percipiatur perpendenda est operatio fune-penduli, quæ omnino tremori assimilatur.

PROPOSITIO XCI.

Causa vibrationis fune-penduli ostenditur.

Sit igitur fune-pendulum *AB* clauo *A* alligatum, patet in situ perpendiculari ad horizontem id ipsum sponte quiescere, propterea quod naturalis nifus corporis grauis *B* propellendo via breuissima versus centrū telluris ipsū dirigit per rectam lineam *AB* ad horizontem perpendicularem, sic enim propius accedit ad centrum terræ quo naturali instinctu tendit, cumque à virtute contraria tenacitatis fili retineatur prohibeaturque eius descēsus, fit, vt in tali situ perpendiculari pendulum quiescat, igitur in tali situ æquilibrij & quietis pendulo *B* constituto superueniat vis percussiva, quæ ipsū horizontaliter impellat versus *C*, patet à virtute impulsus corpus æquilibratū *B* propelli debere vniformi & æquabili motu, at fili tenacitas cogit excursionem fieri non per horizontalem lineam, sed ascendendo per arcum circuli *BC* radio *AB*

Fig. 70.
Tab. 3.

Dd 2 descri-

descripti, in ipso vero ascensu naturalis grauitas deorsū pellendo continēter impetum impressum debilitat quousque in supremo termino ascensus C omnino extinguatur, deletō vero impetu impresso remanet pila in C sui iuris, proindeque naturali vi descendit eo modo quo potest per arcum CB, quandoquidem fili tenacitas prohibet excursū perpendicularem ad horizontem, cumque descensus à C versus B fiat motu accelerato, vt grauitatis natura exigit, igitur continenter acquirit nouos gradus impetus, & cum hisce omnibus permanentibus perducitur ad infimum situm B, vbi spōte sua quiesceret, si impetu transuersali priuatus esset, at quia afficitur impetu in descensu præconcepto non consistet in situ B, sed vltērius pelletur per equalem arcum BD & eodem tempore, & denuo eadem ratione ex D decidet versus B, & hinc ascēdet versus C, & sic repetet ictus ac reditus equitemporaneos quousque impedimenta externa successiue excursions retardando impetum omnino extinguant.

Altera penduli proprietas animaduertenda in casu nostro hac est.

P R O P O S I T I O X C I I .

Si fuerint duo pēdula inæqualia, tempora oscillationum sunt in proportionē subduplicata longitudinum eorundem pendulorum.

*Fig. 76.
Tab. 4.*

Sint duo pendula inæqualia AB & EF. ostendendum est tempus vibrationis ipsius AB per arcum CD ad tempus oscillationis penduli EF per arcum GH similem ipsi CD subduplicatam proportionem habere radij AB ad EF, ita vt si fiat AI media proportionalis inter AB & EF,

po-

ponaturque AB tempus oscillationis per arcum CD, erit AI tempus oscillationis per arcum GH. quia vt radius AB ad EF ita est arcus CD ad ei similem GH, seu eorum semisses CB ad GF, suntque CB & GF spatia quæ motu locali transiguntur ab iisdem pendulis corporibus B & F, igitur spatia transacta ab iisdem pendulis B & F eandem proportionem habent quam radij AB & EF, *Prop. 81.* sed spatia motu locali vniformiter accelerato transacta duplicatam proportionem habent tēporum, quibus prædicta spatia transiguntur, igitur tempora quibus excurruntur arcus CB & GF subduplicatam proportionem habebunt eius quam radij AB & EF habent, proindeque erunt inter se vt AB ad AI, ponitur vero AB tempus oscillationis penduli B per arcum CB, ergo AI erit tempus vibrationis penduli EF per arcum G, quod propositum fuerat.

Patet igitur quod nulla alia ratione potest motus oscillationis citius & frequentius fieri quam diminuendo longitudinem ipsius penduli, oportet ergo vt frequentissimæ illæ vibrationes quæ in tremore percipiuntur fiant à pendulis exilissimæ longitudinis.

PROPOSITIO XCIII.

Virga flexibilis parieti affixa & percussa ad instar funis penduli efficiet vibrationes hinc inde.

His declaratis sit virga flexilis ABC solo vel parieti *Fig. 77.*
AC affixa, hæc quidem sponte sua quiescet in situ perpē- *Tab. 4.*
diculari super planum AC, quando quidem equilibratur hinc inde ab vniformi connexionē partium æque resistentium; superueniat postea percussio lateralis, à qua pellatur eius extremitas B vsque ad D, patet virgam curvari

uari, vt nimirum eius superficies BC fiat conuexa, opposita vero superficies AB efficiatur concaua, quia vero axis intermedius permanet eiusdem longitudinis fit, vt exterior conuexa BC amplior & longior fiat, & è contra opposita BA decurtetur, quare necesse est vt partes superficiei BC ab inuicem dilatentur, & è contra partes AB strictius vniantur & constipentur; cumque naturalis dispositio partium virgæ exigat vniformem & mediocrẽ constitutionem quam in situ directo habebat, igitur resistent violentiæ qua illæ dilatantur, hæ vero contra naturæ exigentiam stringuntur, ex quo fit, vt partes BC nitantur sese ad naturalem restrictionem reducere, & partes BA nitantur se ad pristinam dilatationem restituere, hoc autem effici non potest nisi virga redeat ad primẽuã eius rectitudinem. igitur à situ inflexo AD nituntur partes ipsius virgæ versus AB sese restituere, cum aliunde impetus percussione præcedentis extinctus sit à continuata resistentia virgæ dum fledebatur versus D . demum quia in motu reditus à D vsque ad B acquiritur nouus impetus, cum motus impulsuius partium virgæ dum impellitur versus B ex sui natura indelebilis sit, sicuti impetus quilibet proiectitiu, igitur quando virga ad situm directum perducitur in B imbuta est impetu acquisito ex præcedenti motu DB , igitur virga non consistet, sed impelletur à prædicto impetu impresso tantumdem vsque ad E quousque impetus ille extinguatur, & tunc præualet denuo vis repulsiua partium flexarum, & ideo denuo repellitur versus B , nec ibi quiescet propter impetum acquisitum in motu EB , sed vltius excurrat versus D , & sic continenter repetentur plures itus ac reditus ea velocitate ac frequentia, quæ longitudini eiusdem virgæ conuenit; & hic animaduertendum est virgam AB hẽdum

Cap. 9.

dum vicem penduli, sed etiam proprietatem habere.

PROPOSITIO XCIV.

Armilla flexibilis & resiliens percussa pariter adinstar fune-penduli efficiet plures compressiones & dilatationes.

Sit postea circulus ligneus, vel ferreus $A B C D$ cuius termini è diametro oppositi A & C comprimantur à qua-
Fig. 78.
Tab. 4.
 cumque vi percussiva, manifestum est diametrum $A C$ imminui, & reliquum $B D$ ipsi perpendicularem elongari. tunc extincto impetu à vi, qua partes oppositæ $A C$ nituntur se dilatare, & reliquæ $B D$ nituntur sese constringere iuxta naturalem pristinam earum dispositionem fit, vt in regressu, quando partes $A C$ se dilatant & $B D$ stringuntur, huiusmodi nisus imprimant novos gradus impetus, quibus neque diameter $A C$ neque $B D$ sistitur in naturali & pristina constitutione, sed vltcrius promouentur, ita vt diameter $A C$ ab impetu impresso multo magis dilatetur, & è contra $B D$ violenter stringatur vltra terminum naturalis constitutionis: & hinc denuo eadem ratione resiliendo efficientur plures itus ac reditus ea velocitate ac frequentia, quæ competit amplitudini circuli $A B C$.

PROPOSITIO XCV.

Et si eadem armilla à pondere compressa insuper percutiatur similiter adinstar penduli efficiet plures itus ac reditus sursum, & deorsum.

In-

Fig. 79.
Tab. 4.

Intelligatur postea corpus graue D superpositum circulo ferreo A B C E, qui fulciatur à solo stabili R S, patet circulum comprimi à pondere D quousque facto equilibrio ponderis D & resistentiæ circuli subiecti quies fiat, æquatis nimirum viribus contrarijs, & tunc profecto neque graue D vllam grauitatis energiam habebit nec circulus A B E poterit resiliendo repellere corpus comprimens; existentibus igitur æquilibratis hisce corporibus superueniat percussio in F cuiuslibet corporis quantocumque impetu agitati, proculdubio vis percussionis factæ supra corpora æquilibrata & propterea indifferencia superabit resistentiam circuli subiecti & propterea multo magis inflectetur coangustabiturque diameter circuli A C, & in actu resistentiæ extinguitur impetus illius percussionis, sed interim in motu nouæ constrictionis diametri A C acquiritur nouus impetus, quo nimirum corpus D atque circulus descēdunt infra equilibrium pristinum quousque nouus impetus extinguatur, & tunc præualente energia resistentiæ circuli denuo dilatabitur repellendo sursum graue D, atque in huiusmodi motu præterea acquiritur nouus impetus, quo ultra terminum æquilibrij pristini sursum propellitur; hinc sequitur vt denuo graue D suspensum decidendo repetat eandem excursionem, & sic multoties repetitis oscillationibus fiet vndulatio ea celeritate ac frequentia, quæ competit altitudini circuli prædicti.

PROPOSITIO XCVI.

Si vero intra fistulam apponantur innumeri circelli flexibiles, laminae, virgæ, & aliæ machinulae, quæ ab incumbente pondere & noua percussione comprimantur,

tur, pariter efficientur plures itus ac reditus sursum,
& deorsum adinstar penduli.

Ultimo loco intelligatur fistula durissima A B C D, in- *Fig. 80.*
tra cuius cauitatem apponantur innumerī circelli flexi- *Tab 4.*
biles, laminæ, virgæ, & aliæ consimiles machinulæ E,
hisque omnibus superponatur operculum F G graue at-
que durum, quod commoueri & agitari possit sursum at-
que deorsum. constat primo à pondere F G comprimi
aliquantulum machinulas E quousque æquilibrium effi-
ciatur inter earum resistantiam & pondus F G; tunc su-
perueniat percussio in H, profecto superabitur machinu-
larum E resistantia, quæ æquilibrata fuerat, & ideo mul-
to magis comprimentur, & interim sua resistantia extin-
guunt impetum illum percussiuum, igitur necesse est vt
maior vis resistantiæ machinularum E ultra æquilibrij
leges compressarum repellat sursum graue F G, & eadē
ratione repetentur descensus, & ascensus multoties ad-
instar penduli vt dictum est; & quia machinulæ E sunt
exilissimæ, ideo frequentissimas & citissimas resilitiones
efficient; & hæc est illa oscillatio, quæ tremoris corporum
propria est.

PROPOSITIO XCVII.

Quodlibet corpus cōcretum esse veluti aceruum earum-
dem machinularum, & proinde à percussione efficien-
tur innumere compressiones, & dilatationes, quæ tre-
morem conficiunt.

Concipi modo debet quodlibet corpus concretum. *Fig. eadem.*
esse aceruum earumdem machinularum E, quæ non om-

E c

nino

nino discrete ab inuicem sint, sed aliqua ex parte simul colligentur & vinciantur, & nihilominus possint compressionem pati ac se denuo dilatare. igitur acruus machinularum E corporearum à proprio & nativo pondere & ab alio superaddito comprimi potest, hinc fit vt percussio perpendiculariter vno extremo huius aggregati stringantur & constipentur machinulæ E, inde sequatur earum dilatatio & alia constrictio continenter, & frequentissime, & sic fiat tremor resiltionis; si vero percussio lateraliter infligatur vt in columna alicubi fulcra vel parieti affixa pariter eius internæ machinulæ E stringuntur ex vna parte, & dilatantur ex altera, vnde efficitur tremor frequens vel tardus pro maiori vel minori distantia columnæ à fulcramento, seu loco affixionis eius.

Hinc patet, quare quælibet turris, vastum ædificium, aut mons marmoreus à qualibet percussione concussus tremorem efficiat. quia nimirum huiusmodi corpora nō sunt omnino dura, sed sunt congeries machinularum non omni ex parte coherentium, ac proinde aliquantisper constringi dilatarique possunt, estque aliunde tota moles æquilibrata pondere proprio, igitur cuilibet impulsui percussiuo cedere potest scilicet eius machinulæ internæ aliquantisper constipari possunt & denuo dilatari, vnde tremor necessario consequi debet.

Accuratior inquisitio Cause tremorena

efficientis.

CAP. XXXI.

SVpposuius in præcedenti corpora omnia concreta, quæ dura & rigida censentur, constari ex innumeris par-

particulis flexibilibus, quarum aliquæ vectis officiū ex-
plent, aliæ cunei, aliquæ ad modum laminę extensę sūt,
aliæ vero veluti armillæ circumflectuntur, & hæ non
sunt omniquaque connexę & colligatę, sed intercipiunt
innumeras porositates & spatiola, in quibus stringi & fle-
cti possunt, & inde ad modum machinæ resilire, & hinc
sequitur compressio & subinde dilatatio, quæ in eorum
tremore euidentissime obseruatur. & causa initium tre-
moris efficiens proculdubio est vis, & energia percussio-
nis, quæ cum superet quamcumque immensam resistantiam
corporis quiescentis, necessario primam agitationem aut
compressionem eius efficiet, at arduum omnino est ac
difficile assignare causam efficientem resilitio-
nis & regressus eiusdem vastę molis tremantis, quandoquidem
licet machinulæ rupem aut montem componentes com-
primi possint à vi percussio-
nis, non videntur habere pos-
se immensam vim motiuam qua contrario motu repelle-
re possint eandem ingentem montis molem, quod vt
perspicuè declaretur, demonstrabimus primo loco.

*Causa initium
tremoris effi-
ciens est ener-
gia percussio-
nis, at nõ equè
facile assigna-
ri potest effi-
ciens causa re-
silitio-
nis va-
sta molis tre-
mantis.*

PROPOSITIO XCVIII.

Si fuerint plures armillæ flexibiles ac resilientes æqualis
roboris, atque idem pōdus comprimat modo vnicam
armillam modo plures horizontaliter supra planum
dispositas, compressio quam patitur singularis armilla
ad eam quam patitur vnaqueque ex eis, quæ simul idē
pondus substinent, eandem proportionem habebit
quam reciproce omnes coniunctim operantes armil-
læ ad illam singularem.

Sint quotcumque armillæ æquales eiusdemque robo-
ris

Ec 2

ris

Fig 81.
Tab.4.

ris, ferreæ verbi gratia, AB, CD, EF, GH , quæ fulciantur ab eodem plano firmo VX , & primo idem pondus R comprimat tres priores armillas AB, CD, EF horizontaliter coextensas, & æquidistantes, secundo comprimat singularem armillam GH . Dico compressionem, quam patitur armilla GH ad eam compressionem, quam patitur vnaquæque ex coniunctis armillis AB vel CD , aut EF eandem proportionem habere quam multitudo armillarum coniunctim resistentium ponderi R ad singularem armillam GH ; quoniam armillæ AB, CD, EF supponuntur æquales æquè distitæ & æque robustæ & hæ omnes à contraria potentia R comprimuntur, ergo æque ei resistunt; quare vniuersa potentia ipsius R non exercetur contra vnâ tantummodo ex prædictis armillis, sed contra omnes; igitur pondus ipsius R intelligi debet in totidem partes diuisum quot sunt armillæ ipsâ substantes, & vna quæque ex prædictis partibus ponderis ab vnica armilla substatetur, quapropter si fuerint tres armillæ, quælibet earum AB tertiam partem ponderis R substatet, proindeque comprimitur non ab integro pondere R , sed à tertia eius parte; è contra armilla singularis GH comprimitur ab integro pondere R ei superposito, quare compressio quam patitur armilla GH tripla erit compressionis ipsius AB , prout multitudo armillarum coniunctim resistentium tripla est singularis armillæ GH . idemque dicendum est de qualibet alia armillarum multitudine, quare patet propositum.

PROPOSITIO IC.

Idem positis si idem pondus comprimens ab aliquo externo corpore æquali energia percutiatur vltius cōpri-

primuntur eadem proportionē reciproca multitudi-
nes armillarum, & insuper resilitio singularis armillæ
tam multiplex erit resilitio cuiuslibet coniunctarū
quam reciproce illæ multiplices sunt huius.

Iisdem suppositis percutiatur idem corpus sub-*Fig. eadem,*
stantum R ab eodem corpore Z & eodem impetu; manife-
stum est quod eadem percussio Z æquivaleret ponderi su-
peraddito, cumque duæ percussiones Z Z æque validæ
supponantur, perinde comprimunt armillas subiectas ac
si ponderibus æqualibus R R superponerentur duo alia
æqualia pondera Z Z, quare nova compressio facta in ar-*Prop. 98.*
millâ G H tam multiplex erit novæ compressionis factæ
in qualibet ex coniunctis armillis A B quam multiplices
sunt armillæ coniunctim operantes armillæ singularis
G H. postmodum quia omnes armillæ supponuntur
æqualis roboris, igitur energiæ, qua post compressionem
resilire possunt, sunt æquales inter se, & quo magis armil-
la G H compressa est quam quælibet ex coniunctis A B,
eo validius & altius resiliet, & quoniam post percussio-
nem impetus Z Z extinguuntur, poterunt armillæ resilire
iuxta mensuram earum compressionum, & inflexionum
repellendo residua pondera R R, quare necesse est ut ar-
millâ G H efficiat prolixiorem reflexionem & propulsio-
nem ponderis R quam quælibet ex coniunctis armillis
A B præcisè ea mensura reciproce, qua armillæ coniun-
ctæ multiplices sunt singularis armillæ.

Sed longe diuersa ratione hæ armillæ comprimuntur
ac resiliunt, quando vna super alteram incumbens om-
nes ab eodem pondere comprimuntur.

P R O P O S I T I O C.

Si plures armillæ flexibiles ac resilientes, sed æqualis roboris sibi perpendiculariter incumbentes comprimantur ab eodem corpore graui; quælibet earum eandem compressionem patitur quam idem pondus efficeret, si tantummodo vnicam armillam comprimeret.

Fig. 82.
Tab. 4.

Sint plures armillæ ferreæ, verbi gratia AB, CD, E
 F, GH eiusdem roboris fulcæ à plano VX omnino duro & inflexibili, intelliganturque armillæ nullius ponderis, & tum prioribus perpendiculariter sibi incumbētibus cum postremæ superponantur corpora grauia R, R æqualia inter se, proculdubio omnes prædictæ armillæ inflectentur comprimanturque. dico quod quælibet earum æque comprimitur ac singularis armilla GH ab eodem corpore superincumbente R . quoniam à pondere superincumbente R comprimitur ac stringitur nedum armilla AB , sed etiam subsequentes omnes, fit vt infimus terminus B supremæ armillæ AB fulciatur à supremo termino C subsequēntis armillæ CD illi resistendo tanta validitate ac resistit planum stabile VX , eo quod terminus C armillæ CD sua quiete & firmitudine officium supplet plani stabilis & firmi, ac proinde vis compressiua ponderis R eque agit contra resistantiam armillæ AB ac si immediate à plano VX fulciretur, pari ratione subsequens armilla CD fulcitur à termino E subsequēntis armillæ EF pariter quiescente, & superius comprimitur à pondere R , igitur æque comprimitur fulciturque ac armilla AB . postremo armilla EF fulcitur à solo stabili VX &

X & comprimitur in E ab eodem pondere R, igitur æque flectitur (cum superiores armillæ supponantur nullius ponderis) igitur manifestum est, quod quælibet earum æque flectitur ac si reliquæ armillæ non adessent, & proinde æque flectitur ac armilla G H.

Animaduertendum tamen est, quod licet plures armillæ æque ab eodem pondere flectantur ac si vnica earum à prædicto pondere comprimeretur, nihilominus depressio ponderis R maior est ea depressione, quæ efficeretur in casu superpositionis super vnicam & singularem armillam, scilicet tam multiplex esset illa huius depressionis quam omnes armillæ multiplices sunt singularis armillæ.

PROPOSITIO CI.

Iisdem positis si idem pondus comprimens ab aliquo externo corpore percutiatur vltius; omnes armillæ æquè comprimuntur, & insuper quælibet earum æquali vi resiliendo repellet sursum pondus comprimens ac repelleret vnica singularis armilla ab eadem percussione inflexa.

Iisdem positis superueniat percussio in Z Z eiusdem energię, patet à vi huius percussione non secus ac à nouo pondere vltius comprimi ac flecti omnes armillas, eruntque prædictæ nouæ flexiones æquales tum inter se tum ei, quæ efficeretur super vnica armilla G H compressa & percussa ab iisdem potentijs (quod ostendetur eadē *Prop. 100.* ratione, qua supra vti sumus) & quia omnes armillæ supponuntur similes & æqualis roboris, & ideo æque resiliētes, igitur postquam energia percussione extincta
est

Fig. eadem.

est, quælibet earum æquali vi resiliendo repellat fursum corpus premens R; & quia dilatatio seu resilitio armillæ AB fit contra duplicem potentiam vtrunque eam comprimantem, scilicet contra obstaculum termini C inferioris armillæ CD, & contra pondus R, & terminus C subiectæ armillæ dum æquali energia fursum repellit terminum B superstantis armillæ officium soli stabilis VX supplet, eo quod duæ vires contrariæ C & B sibi mutuo impellentes se mutuo non superant cum sint inter se æquales, ergo armilla AB, dum dilatatur tantummodo repellit corpus comprimens R, quod eleuatur non secus ac ab armilla singulari GH, quousque consumpto excessu potentiae armillæ resilientis supra potentiam ponderis R fiat potentiarum æquilibrium. eadem ratione subsequens armilla CD dum nititur se dilatare propellit fursum terminum B superioris armillæ, & deorsum terminum E subterpositæ, quia vero vtrunque à contrarijs viribus sibi æqualibus E & B stringitur, fit vt terminus E suppleat munus plani subiecti quiescentis VX, & propterea propellat fursum terminum B, qui cum minime propelli possit nisi tota armilla AB expellatur vna cum superincumbente pondere R, ergo armilla CD, quæ æquè compressa fuerat & ideo æquali energia resilit ac armilla AB, tantumdem pondus R eleuabit antequam potentiarum æquilibrium fiat, at spatium, quo pondus R eleuatur, mensurabitur ab vtraque dilatatione, scilicet ipsius AB atque CD. idem dicendum est de dilatatione & resilitione postremæ armillæ EF. quare patet, quod quælibet earum æquali energia resistantiam R superat eamque repellit non minus quam facit armilla singularis GH.

Hinc patet, quam diuersa sit operatio armillarum sibi incumbentium, ab ea quam efficiunt eadem armillæ horizon-

horizontaliter idem pondus sustinentes, in primo enim casu pondus comprimens R æque valide sustinetur ac repellitur in reflexione ab vnica armilla tantummodo ac ab innumeris mutuo se comprimantibus, nec quia plures armillæ sunt simul operantes contra eandem resistentiam corporis R propterea minuitur aut subdiuiditur conatus earum, sed eodem molimine agunt & operantur ac si vnica singularis armilla operaretur, quod profecto paradoxum censeretur posset, nisi ab adducta demonstratione persuasi fuisset.

Hic pariter notandum est, quod multitudo armillarum sibi incumbantium perpendiculariter non efficit validiorem repulsionem ponderis R, sed tantummodo prolixius altius & celerius ipsum propellit, prout multiplicantur armillæ ipse.

PROPOSITIO CII.

Quodlibet vastum pondus, cum sit veluti aggregatum ex innumeris armillis compressibilibus, & resilientibus, comprimetur quidem à percussione adueniente, & postea sponte dilatabitur subleuabiturque à robore, & consilientia infimarum armillarum.

His declaratis concipiatur aggregatum ex armillis A B, C D & E F vna cum pondere superposito R esse columnam vel rupem vel quodlibet aliud corpus concretum, quod compressionem ac resiliationem patiat, huiusmodi moles percutiatur in Z ab aliquo externo corpore, ut nimirum omnes armillæ sibi incumbentes comprimantur & inflectantur, extincto vero impetu percussoris manifestum est, quod infima armilla E F tanta energia d-

Fig. eadem.

Ff

latari

latari & resilire debet, vt sit sufficiens ad repellendam
vniuersam molem superincumbentem R D, hoc autem

Robur, & cō- videtur absurdum & incredibile, vt nimirum vis, robur,
sistentia infi- & consistentia, qua infima armilla E F se dilatando resili-
marum par- re potest, propellere valeat vastissimam molem R D, quā-
rum vasta co- do quidem tanta durties & vis repulsiua requiritur, quā-
lumne post per- ta præcise est energia grauitatis totius montis prementis.
cussionem im- hoc autem licet incredibile videatur, tamen negari non
pellere valet potest, nisi ipsam experientiam & demonstrationem ne-
uniuersum pō- gare velimus, nam quælibet vasta moles dura & percuf-
duſ incumbēs fa tremorem & agitationem patitur, minime vero con-
quod experi- cipi potest tremor cuiuslibet corporis absque frequen-
mento compro- tissima compressione & sui dilatatione aut laterali vel
batur, cū ea- perpendiculari, & tunc necessario admitti debent itus &
dē moles per- reditus, scilicet depressiones & subleuationes eiusdem
cussa tremore vasti ponderis, qui cum sint motus contrarij, necessario à
agitetur, ac contrarijs impulsionebus fieri debent, cumque excogi-
proinde vim tari non possit aliud extrinsecum impellēs fursum, neces-
habet repellē- sario recurrendum est ad illam vim & energiam, qua
di pondus to- corpora flexibilia resiliunt. nec obstat exiguitas machi-
rus columnæ næ propellentis, cum euidentissimè pateat in ipso aere,

Nec obstat qui aliunde nullam consistentiam habere videtur, non
exiguitas in- dissimilis vis & energia resiltionis. videmus enim in fi-
finarum ma- stulis metallicis aqueductuum valde consistentibus ac
chinularum duris aerem in eis coacervatum tanta vi dilatari, vt præ-
repellentium dictæ fistulæ metallicæ disrumpantur, & diffiliant, &
cum pateat in profecto si quis eandem metallicam fistulam à vi pon-
aere consimi- deris incumbentis adhibito nimirum cuneo disrumpere
lis vis resili- tentet, non sufficerent aliqua librarum millena, igitur
tionis quando energia, qua ibidem aer se dilatando vim facit, superat
fistulas aneas vim ponderis tot millium librarum. & profecto stupen-
disrumpit cu- da huiusmodi operatio esse videtur, quando quidem licet
ius vis superat
aliquot millia
librarū, licet
eius operatio
efficiatur aro-
bore extima-
rum machinæ

tota aeris substantia componatur ex spiris seu machinulis resiliens, tamen operatio resilitationis, qua fistulam æneam dirumpit, mensurari non debet à tota mole aeris ibidem inclusa, & constricta, scilicet tam potens & valide disruptio efficitur à robore, duritie & rigiditate extimarum machinularum aerem componentium dum resiliunt, quæ immediate internam fistulæ superficiem impellunt, reliquæ enim aeris particulæ non augent vim & energiam resilitationis, sed velocitatem tantummodo ut ostensum est, quandoquidem omnes machinæ sibi incumbentes æqualem vim resilitationis faciunt ac exercet subtilissima illa pleura particularum aeris, quæ quidem subtilior est quacumque papiro, itaque fistula illa æneæ cuius resistentia superat vim tot millium librarum superatur dirumpiturque à robore pleuræ illius aeris resiliens quacumque papiro subtilioris, quod profecto admirabile & incredibile quisque existimaret.

Id ipsum experimur in catapulta pneumatica nuper inuenta, à qua pila ferrea tanta vi eijcitur, ut tabulam mediocris latitudinis terebret, quod si quis pondere superposito tentet eandem tabulam eadem pila perforare, forsitan non sufficient aliqua librarum millena, igitur aer compressus in eadem catapulta tanta vi resiliendo se dilatat, ut vim prædicti immensi ponderis adæquet, idemque proculdubio incumbens impelleret subleuaretque. & hic pariter notandum est quod non tota moles aeris ibi inclusa metitur vim huius operationis, sed tantummodo subtilissima eius pleura, quæ pondus immediate contingit atque propellit, æque enim impelleretur ab eadem subtilissima membrana aeris quam à tota massa ibi inclusa ut dictum est. nec tamen dubitandum est in solidiori catapulta à maiori vi compressiva multo magis ibi-

*larum aerem
inclusum com-
ponentium.*

*Id ipsum
in catapulis
pneumaticis
experitur.*

dem aerem comprimi potuisse & proinde multo maior censeari potest vis, qua resiliendo sese dilataffet.

*Desideratur
tamen cogni-
tio cause effi-
cientis resili-
tionem machi-
nae flexibilis.*

Sed huiusmodi exempla licet veritatem effectus ostendant, non tamen eius causam docent; latet enim semper causa efficiens resilitationis cuiuslibet machinae flexibilis. huius vero verisimilem causam Gassendus se reperiisse suadet, putat enim reflexionem esse continuationem eiusdem motus projectionis, veluti cum pila vehementer projicitur supra parietem, ea retrorsum reflectitur, atque huius motus causa eadem est ac vis à projiciente communicata, quæ in ipso occurso in parietem non extinguitur, sed tantummodo commutato itinere retrorsum regreditur, sic quoque putat cum flectitur virga, tunc impelli ait fibras transuersales virgæ, quæ vectis officiū supplēt, & postea cum virga resilit, easdē fibras motu reflexiuo regredi non secus ac contingit in pila post percussionem supra parietem factam; sed hoc pace tanti viri videtur omnino impossibile, quia motus cuiuslibet proiecti semel extinctus sponte sua non reuiuiscit, sed motus ille impressus in prædictis fibris transuersalibus virgæ omnino extinguitur quotiescumque in termino eius inflexionis quies inferatur, scilicet ibidem per aliquod tempus virga sistatur, tunc proculdubio impetus præcedens omnino extinctus censeari debet: sicuti pila post percussionem in ipso contactu parietis si aliquantisper fixè ibidem retineretur in quiete profecto extincto impetu incidentiæ nullam reflexionem efficere, igitur simili modo in virga extincto per quietem subsequētem impetu incidentiæ nullo pacto fibræ transuersales eius & proinde ipsa virga resilire deberet, hoc autem est falsum & contra sensus euidentiam, igitur resilitio virgæ non efficitur ab eodem impetu projectionis, quo transuersales fibræ inflexæ fuerant.

*Non videtur
sufficiens cau-
sa resilitationis
quæ à Gassen-
do excogitata
fuit.*

Non

Non sic contingit in fune-pendulo, quod licet motu impulsivo feratur vltra perpendiculum & ibidem impetus proiectitius extingatur, tamen semper viget interna & naturalis eius facultas grauitatis, qua denuo regredi versus infimum perpendiculi situm & reflexionem efficere potest, quod non efficeret, si huiusmodi naturali vi motiua careret. idem obseruamus in libra illa versoria horologij, quæ facta semiuertigine horizontali minime retrorsum reflecteretur, nisi adesset vis motiua machinæ aut ponderis prementis, qua retrorsum perducitur.

Sic pariter immerso ligneo cuneo intra aquâ, licet ibidem aliquantisper sistatur, tamen à vi natiua grauitatis aquæ cuneus expellitur, vnde eius vibratio consequitur; at si idem cuneus horizontali motu inter globulos super mensam iacentes insinuaretur, patet quod post cunei quietem globuli pariter quiescentes non repellerent cuneum neque vibrationem efficerent, quia nimirum eorû impetus extinctus esset, nec adesset alia vis motiua, quæ contrariam repulsionem efficere posset.

Cum igitur alia longe diuersa ratione corpora flexibilia reflectantur ab ea quam Gassendus excogitauit, videamus an verisimiliorem huius effectus causam reperire possimus.

Sed prius perpendenda est operatio ipsa inflexionis, seu quid potissimum inflexio in ipsis corporibus producat; & primo notum est corpora mollia & cedentia, vt cera, plumbum & alia huius generis, contorqueri & flecti non minus quam corpora resilientia, vt lamina vitrea vel chalybea, sed cõstat quoque mollia corpora non resilire, scilicet post inflexionem non reduci sponte sua ad pristinam rectitudinem, sed retinere curuitatem acquisitam; & quoniam intelligi non potest flexio alicuius corporis

poris absque partium motu & transpositione, vt scilicet aliquæ ab inuicem separentur secundum totum aut ex parte, aliæ vero vniantur & strictius se amplexentur. videndum ergo est quomodo partes mollium corporum in actu inflexionis transportentur, & quam ratione mutant situm in corporibus resilientibus.

PROPOSITIO CIII.

In lamina plumbea inflexa eius partes transpositionem patiuntur, & propterea ad pristinam reſtitutionem non redit.

*Fig. 83.
Tab. 4.*

Intelligatur lamina plumbea cuius crassities vel sectio perpendicularis ad eius superficiem sit $ABCEF$ comprehensa à superficiebus æquidistantibus BC & EF bifariam secta à plano imaginario per rectam AD ducto. manifestum est ob similem plumbi naturam in spatijs æqualibus $ABCD$, & $A FED$ contineri æquales moles corporeas æque constipatas, & vniſormi spissitudine & configuratione dispositas, ac proinde particulæ plumbeæ $IGHK$ æquales erunt particulis $ILMK$; inflectatur postea eadem lamina à potentia compressiua X , vt nimirum acquirat curuam dispositionem $NCEP$, eiusque axis AD intermedius traducetur in DRO , qui æqualis erit longitudini AD , at conuexa superficies NSC maior effecta erit quam OD seu BC , è contra concaua superficies PQE imminuta erit, & proinde spatium corporeum $PODE$ minus erit medietate totius laminæ, atque moles corporea $ONCD$ maior eadem medietate erit, cumque post inflexionem partes laminæ eiusdem densitatis vniſormis remaneant, sintque pariter homogeneæ,

nec, ergo necesse est, ut aliqua particulæ plumbeæ ex situ QR expressæ & translatae sint ultra axim in situ RS , atque ex huiusmodi partium migratione & transpositione sequitur perseverantia curvitudinis, quandoquidem sublata, & amota potentia premente X non resilit lamina nec regreditur ad priorem rectitudinem, quia nimirum facta est totalis illa partium translatio earumque ordinata dispositio efficiens consistentiam similem & homogeneam ei, quæ in directa lamina inerat.

PROPOSITIO CIV.

In lamina vitrea inflexa porositates versus partem concavam ampliores fiunt, oppositæ vero ad partes concavitudinis coangustantur, sed licet partes solide situm omnino non mutant, ut in plumbo contingit, tamen partialis aliqua agitatio & transpositio admitti debet.

Representet postea eadem sectio $BCEF$ crassitiem laminulæ vitreæ vel calibeæ fixe retentæ vel firmatæ in C & E , sintque pariter oppositæ superficies BC & FE æquidistantes, & æquè remotæ ab intermedio axe AD , inflectatur iam lamina à pondere X quousque curvitudinem $NCEP$ acquirat, erit denuo axis OD æqualis eidem AD , sed superficies convexa NSC maior facta erit quam BC , & è contra concava PQE imminuta erit, unde spatium OPE D miuus erit medietate spatij totius laminæ, & multo minus spatium NCD O, non tamen ut in molli-
bus corporibus imminuta erit substantia corporea $ODEP$, neque opposita penitus aucta, sed permanet eadem quam prius, scilicet tantumdem molis corporeæ existit in semilamina curva $ODEP$ quam in semilamina recta AD . Fig. eadem.

*Partes solidæ
corporum fle-
xibilia nec-
essario ali-
quam trans-
positionem pa-
tiuntur in ip-
sa flexione.*

A D E F, sed solummodo restrictionem, & constipationem aliquam passa est, scilicet eius porositates **Q R** minute & restrictæ sunt, è contra sub maiori mole **O N C D** continetur precisè altera medietas totius laminæ **A B C D**, sed magis rarefacta & dilatata, scilicet eius porositates **R S** crescunt atque ingentiores ampullulas constituunt, & quia porositates uitri chalybis aut cuiuslibet concretæ corporis duri non solummodo bullæ sphericæ sunt, sed etiam oblongæ diuersimode incuruatae uariarumque figurarum, nec sunt undique clausæ, & obstructæ, sed miris modis perforatæ; hinc fit, ut in parte conuexa laminæ inflexæ **R S** bullæ & foraminula amplientur iuxta exigentiam earum figurarum, è contra ad partes concavitatis **R Q** foraminula diuersimode stringantur & quam plurima ostiola omnino claudantur. non igitur censendum est partes solidas & plenas **Q R** migrasse ad locum **R S**, sed in eodem situ permanuisse; idemque dicendum de partibus solidis ac plenis **R S**, sed non proinde omnino immotæ eandem situationem retinentes prædictæ solidæ & plenæ partes concipi possunt, quandoquidem aliqua partialis agitatio & transpositio solidarum particularum admitti debet, sine qua restrictio & ampliatio pororum effici non posset; in his enim particule solidæ una super aliam excurrente, & fluendo spatia pororum constringere, & ampliare possunt, si enim omnino fixæ & quiescentes supponerentur, proculdubio capacitates pororum neque augeri neque minui possent; ut uero huiusmodi agitatiunculæ percipiuntur inspicienda est bullarum aquearum inflatio, quæ à pueris fieri solet, ibi enim flatu immisso intra aquæ guttulam uidemus eam ad ingentem magnitudinem redigi, sed non sine aquæ expansione in maiorem ambitum dum bullæ parietes aqueæ

ex-

expansione in maiorem ambitum dum bullæ parietes aqueæ ad insignem gracilitatem reducuntur, quod fieri non posset si minimæ aquæ particulæ nullatenus locum commutarent. hoc autem euidentissimo experimento confirmari potest, si scilicet bulla aquea leuiter hinc inde atramento alijsque coloribus inficiatur, & postea spiritu immisso infletur, dum augetur bulla eiusque parietes ad insignem illam gracilitatem reducuntur, videbimus partes aqueas coloratas miris modis à se inuicem distrahi dissociarique excurrando sursum deorsum & transuersè. non secus in officinis vitrarijs videmus vitri candentem massam densam insuflato aere ingētem phialam, efformare quod pariter effici nō posset, nisi vitri partes varijs motionibus ab inuicem excurrando separarentur. id ipsum necessario concedendum est in nostra lamina chalybea seu vitrea, cuius materia licet rigida & dura videatur, nihilominus recta ratio suadet non dissimili partium commotione constringi & ampliari eius porositates, quandoquidem si omnino quiescerent, & nullo pacto excurrerent nec ab inuicem separarentur, esset omnino impossibilis ampliatio vel constrictio pororum, & hoc consentaneum est constitutioni corporum concretorum, in quibus vt dictū est reperiri nō potest durities, & rigiditas omnimoda & insuperabilis, proindeque partes solidæ & plenę seu vitri seu chalybis aliqua ex parte flecti, commoueri, & excurrere possunt.

Quod vero prædicta dilatatio pororum in parte conuexa R S reuera fiat, constat ex eo quod tandem post nimiam inflexionem virga ipsa disrumpitur ad partes conuexitatis S, quod euidentissime conspicitur in laminis ligneis, in quibus disruptio successiua in aliquo tempore fit, atque obseruabilis est locus in quo ruptura incoat,

Fig. eadē.

G g

quæ

quæ sensu ipso constat fieri in parte conuexa.

Prædictus motus quo partes solidæ & plenæ agitantur, & priorem situm derelinquunt, proculdubio efficitur à violentia ponderis prementis X, tunc enim cessat inflexio virgæ, quando præcise potentia comprimens X æquilibratur resistentiæ ad vltiorem separationem earundem partium solidarum virgæ. Sed quia postquam separatio, & qualiscumque segregatio partium ab inflexione facta iam est, scilicet partes corporeæ ex sui natura inertes postquam semel ab inuicem dissociatæ sunt nō

*Partes solide
corporis inflexi
minime se
restituere pos-
se videtur ad
pristinam di-
rectionem nisi
habuerint
propriam vim
motiuam qua
moueri queant.*

videntur sponte sua restitui posse ad pristinam situationem, quam in situ directo laminæ habebant, propterea quod hoc effici nō posset absq. motu locali, neque corpus vllum absque vi motiua propria vel ei communicata ab vno ad alium locum ferri potest; igitur sublato & amoto pondere comprimente X, deberet lamina perseuerare in eadem inflexione, neque posset per se motu spontaneo denuo dirigi, quandoquidem naturæ lumine constat corpora quælibet è suis locis remota & alibi translata minime ad pristina loca restitui, quando non adest vis motiua, quæ transferre ea possit; igitur difficultas præcipua & maxima huius negotij eo reducitur, vt reperiatur causa motiua, quæ partes solidas translatas eiusdem virgæ inflexæ referat, atque ad pristina loca restituat.

Tentabimus ergo pro viribus huius arcanæ operationis naturæ rationem verisimilem innuere.

Videtur impossibile partes cuiuslibet concreti corporis sensum, & inclinationem habere se reducere ad pristina loca

Et primo loco si quis supponere audet partes cuiuslibet corporis concreti sensum, vel appetitum, aut naturalem instinctum & inclinationem habere sese reducere in eadem positione quam prius habebant, vt scilicet in virga inflexa particulæ H S nimium dilatatæ haberent inclinationem & vim motiuam sese vniendi, atque particulæ

ticulæ oppositæ Q sese dilatandi, & huiusmodi motus contrarij non essent dissimiles ijs, qui in magnete & ferro obseruantur, facile saluari posset effectus resilitiois; nec deessent huius rei exempla, videmus enim particulas guttæ aquæ pendulæ seu alterius fluidi magis confitentis ac viscosi, postquam violenter seu à pondere maioris molis fluidi, seu à vi ictus, aut tractionis elongantur, denuo sese sursum reducere, & recolligere, ac cum reliquis partibus eiusdem fluidi vniri, easque amplexari. sed id ipsum in virga flexibili admittere rationabile non videtur, cum causa vnionis fluidi aliunde pendeat vt suo loco ostendetur, nec admitti possit consimilis operatio sensata & prouida, aut magnetica in virga flexibili, nisi ad miracula, & machinas recurrere velimus.

Vt autem aliquid probabiliter afferamus vsurpanda hoc loco sunt aliqua, quæ posterius ostendenda sunt, & quæ pendent ex demonstratis ab Archimede in libro de ijs quæ in fluido mouentur. igitur supponendum est fluida corpora terram ambientia, vt est aqua & aer, naturalem vim seu grauitatem habere sese vniendi cum tota terra, quæ actio fit nisu & compressione quadam, nec alia ratione quiescunt circa terram nisi quatenus ad equilibrium redacta sunt, hinc fit vt quoties intra fluidum ponatur aliud corpus minus graue specie vt pila seu phiala aere plena infra aquam tunc ab ipso fluido aqueo vt pote grauiori pila aere plena expellitur stringiturque vndique ab aqua. id ipsum in aere contingit, si moles aliqua minus grauis specie quam sit aer ibidem innatet comprimetur ab aere grauiori expelleturque sursum, sed in casu nostro sufficit illa compressio, qua fluidum comprimit corpus minus graue, atque vndique ipsum stringit, ut si follis undique clausus uiolenter dilatetur,

ca, nisi quis vim magneti-
cam in eis cō-
cedat, quod
verisimile nō
est.

Fig. eadem.

Fluida corpo-
ra terrā am-
biētia vt aer,
& aqua natu-
ralē vim ha-
bent sese vni-
endi, & com-
pressionem ef-
ficere, & hinc
cōsequitur cō-
pressio quam
patiuntur cor-
pora minus
grauia specie
vt follis infra
aquam.

is proculdubio in aere uel infra aquam ab eius pondere comprimeretur stringereturque, & multo magis id contingeret, si follis dilatatus non contineret intra se aerem, sed esset prorsus uacuum, tunc proculdubio à compressione ambientis fluidi follis constriingeretur.

PROPOSITIO CV.

Vitrea phiala intra calidam aquam immersa ab occursum ignearum exhalationum veluti à totidem cuneolis ampliatur eius capacitas, & è contra in immersione intra gelidam aquam eiusdem capacitas imminuitur propter eorundem cuneulorum defectum.

*Fig. 84.
Tab. 4.*

Postea expendenda est admirabilis vitree phialae proprietas, quam primus omnium obseruauit nunquam satis laudatus Serenissimus Princeps Leopoldus ab Etruria, cuius ego subito causam necessariam reperi; est experimentum tale. fiat phiala vitrea A B C eiusque fistula tenuissima A B, impleaturque aqua, vel quolibet alio fluido usque ad terminum D, si postea eadem phiala immergatur intra vas E F G H aqua calida plenum, subito aqua deprimitur à signo D usque ad O, & è contra si immergatur intra aquam glaciale subito, aqua subleuatur usque ad signum I. huius effectus ratio hæc est, in actu immersionis in aquam calidam exhalationes, seu corpuscula ignea in extimam superficiem vitri penetrantia non secus ac totidem cunei uitri amplitudinem augent, & proinde interna uasis capacitas crescit quæ maior erit quam ut impleri possit ab eadem aquæ mole, & propterea descendit à D usque ad O ut nimirum recurrat ad implendum spatium internum uasis auctum, è contra

quan-

quando vas immergitur intra gelidam aquam deficientem continua insinuatione igniculorum in aere existentium constringitur ac condensatur extima vitri superficies, proindeque interna eius capacitas coangustatur. aqua vero DC maioris molis est quam ut implere possit restrictum spatium, ideoque sursum usque ad I eleuatur. hoc autem contingit citissime in actu ipso immersionis, nam si diu intra calidam aquam retineatur vas corpora ignea penetrando uniuersam uitri crassitiem perducuntur ad aquam usque, & sic eius molem ampliando denovo ab infimo signo O eleuatur aqua supra signum D, oppositum uero accidit in immersione intra gelidam aquam, ueritatem huius mei ratiocinii postea comprobata fuit innumeris alijs experimentis de quibus alibi prolixius tractabimus; sed interim hæc sufficient pro inquisitione causæ resiliationis corporum flexibilium assumendo ut certum & indubitatum quod ignis particulæ minimæ incredibili celeritate insinuantur per porositates omnium corporum etiam rigidorum.

Perspicuum est particulas igneas ineffabili celeritate insinuari per porositates corporum etiam rigidorum.

Insuper experientia quoque comprobatum est quod in qualibet lamina uitrea curua, si eius conuexa superficies aqua uel panno calido tangatur, confriceturque, subito magis incuruatur, & è contra si eodem modo calefiat concaua superficies, statim eius curuitas imminuitur, atque aliquantisper explanatur, unde euidenter colligitur quod ab insinuatione corpusculorum igneorum ueluti à totidem cuneolis superficies à calido corpore tacta ampliatur dilataturque dum contraposita superficies non adhuc calefacta obtemperat uiolentiæ cuneolorum igneorum in aduersa superficie insinuatorum; & in hisce laminis uitreis supponi debent porositates eque dilatatæ, quia nimirum degunt in eodem medio aereo undi-

Et ab insinuatione eorumdem igniculorum ueluti à totidem cuneolis superficies à calido corpore tacta uolenter ampliat

quitur infle-
xiototius la-
mine.

undique eque ex calefacto, quando postea aduenit maior caliditas ex una parte quam ex alia, tunc facile percipitur, quod cuneoli calidi uiolenter dilatant contiguas uitri porositates, dum contrapositæ flexioni ipsius uitri obediunt, & proinde stringuntur, hoc autem perseuerat, & tandiu perdurat quousque corpuscula illa calida uniuersam uitri crassitiem superauerint, & tunc denuo eandem curuitatem lamina acquirit quam prius habebat.

Corpuscula
igneae adue-
nientia faci-
lius insinuari
possunt per po-
rositates dila-
tatas uitri ab
inflexione,
quâ per coan-
gustatas super-
ficie eius con-
caue.

Ignem cuneoli
eque velociter
excurrentes
debiliori ictu
insinuantur &
facilius per po-
rositates am-
pliatas excur-
runt quam per
restrictas. &
ideo parum
minus dilatant
foramina ha-
stenus amplia-
ta quam re-
stricta.

Concipiatur modo lamina uitrea plana uiolenter inflexa à ui externa, tunc necesse est, ut hætenus insinuauimus, ut porositates conuexę superficie dilatentur, & è contra porositates concauę superficie stringantur, & quam plurimæ claudantur; hoc posito si lamina undique ambiatur ab aqua æque calida, manifestum est corpuscula ignea facilius insinuari posse per orificia, & porositates ampliatas in conuexa superficie, quam per porositates restrictas clausasque superficie concauæ; sed cuneoli ignei eadem uelocitate occurrentes minori energia, & debiliori ictu insinuantur per easdem amplas porositates quam per restrictas clausasque, propterea quod illæ minus resistunt quam istæ, & eadem uis impulsiva cunei languidius; & ideo parum dilatant foramina hætenus ampliatas & minus resistentia quam illa quæ sua angustia magis ictu resistunt, igitur ictus eorundem cuneolorum igneorum summa ui & pertinacia nitentur dilatare porositates uitri coangustatas; quod præterea confirmatur ex eo quod corpora fluida motu locali agitata semper tardiori impetu excurrunt per canales dilatatos, & amplos quam per restrictos, eo quod eadem copia fluidi cogitur per angustias transire, & proinde natura dictante cogitur motum accelerare, ex quo fit ut energia ictus

qua

qua terebrare nititur ignea uis porositates illas coangustatas vehementiorem & validiorem effectum producat, scilicet dilatabit easdem porositates, & proinde vitri inflexio superabitur reducetisque ad pristinam eius figuram. & hæc omnia naturali quadam necessitate contingere manifestum est.

Id quod in corpusculis igneis experientia & recta ratio suadere videtur, admitti quoque debere constat in reliquis corpusculis fluentibus, quæ certo constat in rerum natura existere, nemo enim dubitat effluvia magnetis, quo ferrum allicit mouetque, halitus corporeos esse semouentes, qui per porositates reliquorum corporum summa celeritate percurrunt, quandoquidem si inter ferrum & magnetem tabula lignea, lapidea, aurea vel cuiuslibet alterius materiae interponatur, allicitur nihilominus ferrum è regione positum, quod fieri non posset nisi halitus illi corporei per porositates intermediæ tabulæ traderentur, cumque prædicta effluvia magnetica corporea sint, oportet ut cunei actionem exerant quotiescumque porositates angustiores repererint, & proinde eiusdem tabulæ dilatationem efficiant. non desunt postea alia effluvia in reliquis corporibus, quæ ex vno in alium locum migrantia, sepe coguntur cunei actionem exercere, ut sunt partes illæ viuidae & spiritosæ, quæ in omnibus corporibus reperiuntur & natiua vi agitantur.

Id ipsum efficere possunt effluvia magnetica corporea, pariterque reliqua effluvia corporea natiua vi agitata.

PROPOSITIO CVI.

In armilla chalybea rigida à pondere incumbente inflexa, vel percussione, particulæ eius solidæ utcunque, è suis locis digresse vim non habent sese reducendi ad pristinam positionem, licet ob fulcimentum, & æquilibrium

librium resistantiam compressiuam quælibet vis motiua superare posset.

Fig. 85.
Tab. 4.

His præmissis sit armilla chalybea $A K C M$, quæ fulciatur à plano solidissimo & firmo $N O$ in C , eique incumbat vastum pondus R à quo flectetur armilla, quousque fiat æquilibrium inter resistantiam ipsius armillæ & potentiam prementem R . adueniat postea impetus percussionis Z , manifestum est eo magis armillam inflecti, ut nimirum diameter $A C$ multo magis imminuatur atque transversalis diameter $D B$ deducatur; & in hac actione constat ex superius dictis, quod porositates in spatijs $B F$ & $H D$ dilatantur, & è contra porositates $F K$, & $M H$ coangustantur, id ipsum quoque contingit in suprema & infima parte armillæ, sed contrario ordine; & hic constat ex superius dictis quod partes solidæ & plene $B F K$, & $M H D$ è suis locis dimouentur transferunturque, quântum præcisè requiritur ad dilatationem constrictionemque pororum, & quia prædictæ partes solidæ ex sui natura inertes sunt nec habent vim motiuam, qua sponte sua reduci possint ad pristina loca, hinc fit ut extincto impetu percussionis Z , licet vis compressiua ponderis R minor sit quam vis cõpressionis aggregati ex pondere R & vi percussionis Z , non tamé percipi potest quod à nulla vi ipsius armillæ repelli fursû possit pōdus R , quia scilicet supponuntur partes solidæ in locis $B K$ & $M D$ nullam vim motiuam habere qua sese ad pristina loca restitui possint; & licet immensum pondus R sustineatur à firmitudine armillæ, ac proinde æquilibratum nullam grauitatem habeat, ut scilicet huiusmodi pondus æquilibratum non differat à nihilo, existit enim in omnimoda quiete, sed non perinde armilla resilire potest & se dilatare,

tare, vt nimirum corpus R æquilibratum expellat, quia
ut dixi nullam uirtutem motiuam habent partes armillæ
è suis locis digressæ & translatae, requiritur igitur aliqua
noua causa impellens quæ armillam resilire faciat, & su-
binde pondus R eleuet. & hic animaduertendum est *Ex prop. 90.*
quod ad superandam resistantiam cuiuscumque ponde-
ris uasti R æquilibrati, & quiescentis, sufficit quælibet
uis percussionis cuiuslibet pusilli, & exilissimi corporis.

P R O P O S I T I O C V I I.

Vis compressiua ambientis fluidi, aeris scilicet uel aquæ,
constringere potest porositates ampliatas armillæ
compressæ & superare vim incumbentis ponderis, &
proinde resiliationem efficere ualet.

Modo duæ causæ efficientes resiliationem armillæ assi-
gnari possunt, quæ semper præsto sunt semperque ope-
rantur ac uigent. prima erit actio illa fluidi ambientis,
scilicet aeris aut aque aut alterius tenuioris corporis, qua
corpora minus grauiab eo comprimuntur stringuntur-
que, & huiusmodi sunt spatiola BF, HD, EI, & LG,
quæ summopere ampliata aut omnino uacua sunt, aut
maxime raram materiam cōtinent. huiusmodi uero bul-
læ rarissimæ, & proinde minus graues quam sit fluidum
ambiens necessario comprimi debent à naturali ui gra-
uitatis eiusdem fluidi. hoc autem euidenter constat, quia
partes solidæ & plenæ bullas illas comprehendentes re-
spectu fluidi ambiētis nil prorsus ponderant priuantur-
que grauitate, propterea quod uniuersa massa una cum
armilla æquilibratur fulciturque à soli stabilitate NO;
& propterea remanent bullæ illæ raræ comprehensæ à
Hh cor-

Fig. eadem.

corpore solido non graui seu æquilibrato, agit uero aer uel fluidum ambiens sua ui compressiua, ergo necessario undique ueluti à torculari seu cochlea quadam, comprimuntur stringenturque, sed constringi illæ non possunt, nisi circuitus solidarum partium è suis locis digredientium sibi mutuo occurrant, nec possunt partes solidæ constringi, quin armilla deferat maximam illam curuaturam inflexionemque, & proinde partes oppositæ A, C ab inuicem se dilatando sursum propellant pondus R, quem motum minime impedire potest prædictum pondus R, quia in æquilibrio & quiete aut motu non contrario constituitur, & proinde cedere debet impulsui motiuo compressionis fluidi prementis, cumque post primum istum compressionis ambientis fluidi denuo pondus R æquibretur, priueturque motu descensiuo, igitur denuo à secundo istu pressionis eiusdem fluidi eius nulla resistentia superari potest, & sic ulterius.

Prop 90.

PROPOSITIO CVIII.

Adest postea secunda causa, quæ per se tantum eundem effectum producere potest, quæ talis est.

Fig. eadem. Porositates eorumque orificia ad partes B, D & I, L dilatatae sunt ut ostendimus, è contra orificia pororum K, M & A, C ualde restricta & clausa sunt. non desunt postea corpuscula innumera se mouentia, siue ignea, siue luminosa siue magnetica siue spiritus implantati, siue ab alijs corporibus concreti & expirati. hæc inquam in perpetuo motu constituta ueluti totidem cuneoli per porositates ampliatas facile & absque resistentia penetrare possunt, at dum offendunt orificia atque porositates

Corpuscula ignea, seu quælibet alia se mouentia dilatari possunt porositates constrictas armillæ compressionis, & superari non incumben-

tes restrictas, ibi uehementissime incidendo ictumque inferendo, possunt easdem porositates dilatare, quia comparatur vis percussiois eorundem corpusculorum cum resistentia ponderis vasti R omnino quiescentis ob equilibrium iam dictum, sed vt demonstratum est, quælibet exilissima percussio cuiuslibet minimi corpusculi superare potest resistentiam cuiuslibet immensi ponderis quiescentis, igitur necessario percussiones illatæ ab iisdem cuneolis perforare, & terebrare possunt easdem restrictas porositates, ac proinde eas dilatare possunt, sed minime possunt prædictæ porositates dilatari, quin flexio armillæ imminuatur, scilicet minor fiat transversalis diameter K M, igitur necessario fiet resilitio eiusdem armillæ per augmentum diametri perpendicularis A C, quare necesse est vt pondus R sursum propellatur. & licet ab initio prædicta propulsio ponderis R sit omnino exigua, & insensibilis, quia tamen subsequentes ictus eorundem cuneolorum continenter novas propulsiones pariunt vna cum ijs, quæ efficiuntur ab ambientis fluidi compressione in porulis rarefactis, fit vt successiuis ictibus continuato motu pondus R semper motu contrario carens & ideo nullius ponderis ob motum sursum vel ob æquilibrium resistentiæ armillæ sursum expellatur; & quia ictus continuati energiam impetus ex sui natura augent, fit vt ultra equilibrium pondus R aliquantulum promoueri possit, & subinde præualente energia ponderis R denuo noua inflexio eiusdem armillæ incipiat quousque extinguatur eius excessus, & sic eodem ordine itus ac reditus multoties continuari possunt: & hæc ni fallor est vera causa resilitiois & tremoris, quæ in corporibus concretis excercetur.

Licet ergo armilla supponatur cuiuscumque exigui-
 H h 2 tatis

vis ponderis,
 & proinde re-
 silitioem ef-
 ficere valent.

Prop. 90.

Armilla quæ-
 tumvis exigua

*resilire poterit
licet ab immē
so corpore quē
scēte compri-
matur.*

Prop. 30.

tatis proculdubio poterit resiltionem efficere, licet à vasto & immenso corpore æquilibrato idest non graui cōprimatur; quapropter mirum non erit in corporibus concretis compositis nimirum ex innumeris machinulis fieri posse resiltionem atque tremorem ab energia qua resilire possunt machinulæ omnium infimæ, & reliquis subterpositæ, cum semper vis & energia ictus superare possit quamcumque grauitatem superpositam in quiete constitutam vel motu non contrario affectam, vt demonstratum est.

Facile ex dictis constat quod si virga flexilis horizontaliter constituatur, vel in supremo loco figatur, tunc pariter à vi ictus flexio & tremor effici potest, quandoquidem grauitas ipsius virgæ semper æquilibratur ab illa tenacitate & vinculo, quo partes eiusdem virgæ colligantur & vinciuntur, & proinde in quiete constituuntur, & sic à vi, & energia ictus dictorum cuneolorum seu halituum se mouentium, & à fluidi ambientis compressione resiltentia eiusdem ponderis quiescentis superari poterit, ideoque efficietur inflexio & resiltio, & subinde tremor, quod fuerat ostendendum.

*Exilissima vis motiua corporis alicuius motu tardo imprimere & augere potest in corpus vastum
velocitatem maiorem ea qua impellens mouetur.*

CAP. XXXII.

P Rosecto si ageretur de simplici motu patet quod vasta moles corporea posset moueri tardiori motu à quolibet exiguo corpusculo celerius impellente vt dictum

Atum est, pariterque si ageretur de impulsu quo tremor *Prop. 89.*
 procreatur posset quoque æquali velocitate commoueri *Prop. 108.*
 corpus impulsu ac impellens mouetur; at asserere,
 quod corpus motu tardo impellens valeat velocius cor-
 pus aliquod promouere, videtur omnino impossibile,
 quandoquidem nulla causa producere potest effectum
 se ipsa maiorem, ideoque tardus motus impellentis pro-
 creare non posse videtur velocissimum motum in corpus
 percussu. hoc non obstante ostendetur hoc effici posse
 iisdem principijs superius adductis, scilicet ex eo quod
 vehementior, & velocior vis producere potest languid-
 iorem & tardio rem motum, sequitur quod languidior,
 & tardior impellens procreare possit velociorem impe-
 tum, quod profecto paradoxum videtur.

Sed prius supponendum est vt ratum & perspectum
 quod quælibet vis motiua quantumuis exigua & tarda
 poterit mouere quodlibet corpus in quiete amouibili *Prop. 16.*
 constitutum vt demonstratum est.

Secundo suppono quod si duo corpora simul moueā-
 tur semper inter se coniuncta, veluti si veherētur ab ali- *Ex prop. 30.*
 qua naui, tunc perinde se habet fugiens corpus respectu *Cor. 81.*
 persequentis, ac si illud quiesceret omnino, quandoqui-
 dem semper sese tangerent, non secus ac in illius quiete
 contingit, potestque appellari illa quies respectiua, hæc
 vero absoluta.

PROPOSITIO CIX.

Exigua vis motiua grauitatis producere potest effectum
 se ipsa maiorem, scilicet impetum quo propelli po-
 test graue in progressu sui descensus.

Primo ergo consideretur vis motiua intrinseca, & na-
 tu-

*Ex prop. 81.**Prop. 16.*

turalis, qua graua descendunt, quæ licet ab exilissima vi motiua continenter impellente promoueantur, tamen quia ambo simul vehuntur, veluti in naui corpus ipsum motum respectu impellentis virtutis secum vectæ in quiete respectiua consistere censendum est. & quia in quiete amouibili quælibet vis exigua impellentis promouere potest quamlibet vastam molem corpoream, igitur vis illa exigua motiua grauitatis mouere potest corpus graue in quo inexistit constitutum in respectiua quiete amouibili, & quia vis motiua grauitatis semper uiget, fit ut continenter repetat ictus & proinde continenter creet nouos impulsus, qui omnes cum sint indelebiles efficiunt velocissimum impetum, quo tandem graue fertur agiturque, igitur pusilla & exigua vis motiua grauitatis producere potest effectum se ipsa maiorem, scilicet maiorem impetum quo propelli potest graue in progressu sui descensus.

P R O P O S I T I O CX.

In fune-pendulis percussio tarda exigui corpusculi imprimere potest in corpus uastum celeriores impetus.

Id ipsum ostendemus fieri posse à vi impellente externa. intelligatur quælibet immensa moles corporea fune aliquo suspensa ad modum penduli, tunc in æquilibrio sui, scilicet in situ perpendiculari ad horizontem à quolibet minimo impulsu laterali proculdubio è suo loco dimoueri potest, efficietur ergo à primo impulsu languidissima & tardissima, & fere inobseruabilis vibratio eiusdem vasti penduli; repetat postea ictum eadem vis
exi-

exigua impulsiva non in actu regressus penduli, sed in fine regressus, scilicet in illo statu quietis, seu potius termino accessus eiusdem, tunc secundus impulsus vna cum præcedenti indelebili duplicabit impetum penduli; id ipsum tertio, & quarto, & sic deinceps fiat, manifestum est quod ex his omnibus impulsionibus exiguis multiplicatis procreabitur tandem velocissima & vehementissima oscillatio in eodem vasto pēdulo, & hoc fieri posse manifestum est, quando quidem quælibet impulsio imprimitur in corpus dum quiescit, seu dum motu caret in illo termino accessus, sed quælibet vis quantumvis exigua & tarda potest gradum impetus imprimere in corpus pensile, & amouibile, igitur verum est quod exigua vis in tali casu procreare potest effectum se ipsa maiorem scilicet superantem & enormem velocitatem. *Prop. 16.*

P R O P O S I T I O C X I.

Hinc demonstratur, quare aeris tremor languidissimus, qui à timpani vel tubæ sono procreatur concutere potest vastum templum eique tremorem inducere, & hæc est causa saltem adiuuans terrę-motus.

Hinc facile deducitur, quare languidissimus aeris tremor qui à timpani vel tubę sono procreatur concutere potest vastum templum, eique tremorem inducere, quia nimirum repetitæ illæ percussionculæ aeris vndulantis offendunt pendulum quod tremore agitari potest ob rationes superius adductas tanta frequentia, quanta aeris vndulationes sparguntur & dissipantur. eadem potest esse causa si non totalis, saltem adiuuans terrę-motus, seu agitationis vehementissimæ qua terra concutitur, quia, *Aeris tremor potest esse causa saltem adiuuans motus,*
nimi-

¶ *tremoris
terra, & qua-
re.*

*Prop. 107. &
108.*

*Experimentū
mirabile ad
persuadēdum
telluris cōcus-
sionem ab ae-
ris tremore
effici posse.*

nimirum aer vehementissime crispatus frequentissimas percussiunculas inferendo tremorem nedum in edificijs turribus ac templis creare potest, sed etiam in solidissimis montibus, quandoquidem ex demonstratis quęlibet vis percussiua potest tremorem procreare, & siquidem vnica tantummodo percussio efficeretur, essent oscillationes illius montis omnino imperceptibiles ob sui exiguitatē, at si superueniat secundus ictus in termino regressus tremētis montis adinstar penduli, duplicari potest illa vis impulsiva, ideoque augetur resilitio tremētis montis, si postea id ipsū fiat tertio, & quarto, & sic deinceps innumeris vicibus, ex innumerabilibus illis percussiūculis coaceruari tandē potest impetus grandis & conspicuus, qui vulgo terræ-motus nūcupari solet. non tamen mordicus sustinere audeo omnes terræ-motus fieri ex huiusmodi aeris vndulatione, sed saltem ab hac causa adiuuari, & augeri posse; quod quidē certissima & euidentissima experiētia mihi persuasit. Aderā Tauromenij Sicilię, quādo Æthna mons eruptionem quandam effecerat prope Ennam urbem fere 30 milliari à Tauromenio distantem, tunc vicibus interpolatis eruptiones ingentes ignis vorago efficiebat grandi sonu & strepitu, & tunc omnia Tauromenij edificiā tremore concutiebantur, in quo circumstantiam notatu dignissimam obseruaui, scilicet quod domus & edificiā quę directē exposita erant prospectui eiusdem voraginis vehementissime concutiebantur, reliquę vero domus quę conspectu voraginis priuabantur, satis lente, & leniter tremorem efficiebant. profecto si huiusmodi tremor factus fuisset à concussione & resilitione soli tauromenitani omnes domus equē concussę fuissent, & æquali tremore agitatę, ita vt non posset conspectus voraginis tam insignem & euidentem

inæ-

inæqualitatem tremoris procreare, igitur necessario à tremore eiusdem aeris incussi in parietibus domorum libere percussiones excipientium agitatio illa efficiebatur.

Impetus percussionis mensurari non potest ab energia simplicis gravitatis.

CAP. XXXIII.

FInem huic libro imposueram cum in locum præclarissimi Gassendi incidi, in quo redarguit Petrum Cazreum asserentem ab impetu descensus pilæ grauis ab altitudine equali vni eius diametro subleuari in trutina duplum ponderis eiusdem pilæ, vnde colligebat prædictum impetum equalem præcise esse vi gravitatis eiusdem pilæ, & præterea impetum acquisitum in descensu duarum diametrorum æquari duplo ponderis eiusdem pilæ cadentis, sic pariter à tripla altitudine impetum acquisitum æquari triplo ponderis eius, & hinc inferebat contra Galileum incrementa velocitatum eandem proportionem habere quam spatia exacta in descensu eiusdem corporis grauis: cumque hæc sententia Gassendo non arrideret accuratiori experientia falsitatem eius patefecit, sed nihilominus in eadem persuasione permansit, quod nēpe à determinato impetu eleuari possit in trutina certum pondus & non maius: ait igitur se obseruasse demissa pilæ plumbea vnius vnciæ ex altitudine diametri eiusdem pilæ subleuari pondus vnciarum septem cum besse in opposita lance pendentium, & ex altitudine diametrorum quatuor subleuari vncias quatuordecim cum dimidia, ex altitudine vero nouem diametrorum subleuari

Gassendus opē naturā à determinato impetu eleuari posse in trutina certum pōdus, & non, maius refertque obseruasse pōdera eleuata eādem proportionem habere quam impetus.

unicas 24, atque ex altitudine diametrorum 16 subleuari uncias 28, & quia ex Galileo spatia exacta in descensu eiusdem pilæ sunt ut quadrata velocitatum, colligit impetus acquisitos post descensum eiusdem pilæ proportionales esse ponderibus eleuatis, nimirum duplus impetus subleuare pondus duplum, & impetus triplus eleuare pondus triplum & sic ulterius.

Id ipsū se obseruasse ait Merfennus reflexionum.

Id ipsum se obseruasse ait Merfennus reflexionum physico-mathematicarum cap.8. demissa pila ænea uncia-
li ab altitudine vnius diametri eius ut lancem trutinæ percuteret eleuauit oppositam lancem 8 vncijs onustam, ut autem duplum pondus 16 vnciarum tollatur debet globus non ex dupla altitudine, sed ex quadruplo suæ diametri cadere, nonoque altius ut triplum seu 24 vncias eleuet, adeo ut altitudines ex quibus cadit globus esse debeant in duplicata proportionem ictuum.

Alius autor ait pondera eleuata ad eādem altitudinem eamdem proportionem habere, quam descensus eiusdem corporis percutientis.

Vidi postea apud auctorem recentiore valde eruditum longe diuersa ratione eandem rem experimento exploratam fuisse, ait enim in libra artificiose elaborata, quæ erat virga in eius puncto intermedio fulcra, & in vnius radij extremitate capsulam appositam habebat ad pondera excipienda, in reliqua vero extremitate lamina ferrea ad ictus recipiendos accomodata erat, tunc facto æquilibrio & demissa pila lignea sesquiunciæ ab altitudine duorum pedum, & vndecim vnciarum, scilicet ab altitudine vnciarum 35 pedis romani, ait se obseruasse pondus vnciarum 5 eleuari vsque ad altitudinem vnius digiti in latum, & ab altitudine vnciarum 140 pedis romani, scilicet à quadrupla altitudine eleuari pondus vnciarum 20 ad eandem altitudinem digiti vnius, scilicet quadruplum ponderis prioris; postea pila cadens ab altitudine vnciarum pedis 315 tantumdem eleuari pondus

duc vnciarum 45 & tandem ab altitudine vnciarū pedis 560, scilicet à sedecupla altitudine eleuari ad eandem sublimitatē pondus vnciarū 80. igitur pondera ad eandē sublimitatem eleuata eandē proportionem habuisse constat ex hoc experimento, quā habēt spatia descēsus eiusdē pilæ lignæ, & proinde pōdera eleuata duplicatā proportionem habebunt eius quam habent impetus in fine, descensuum acquisiti, cum è contra Gassendus & Mersennus referant se expertos fuisse pondera eleuata non duplicatam proportionem, scilicet non esse vt quadrata velocitatum, sed præcise in eadem ratione, quam impetus habent.

Porro cum veritas vna sit, nec duę oppositæ observationes eiusdem rei verę esse possint, suspicari licet ab vno vel ab vtrisque, licet accuratis & perspicacissimis viris aliquid in obseruando non fuisse animaduersum, aut instrumenta non idonea eis imposuisse, igitur cum hoc ad doctrinam energie percussionis pertinere uideatur, non erit ab instituto nostro alienum huiusmodi sententias ad examen uocare, ut ueritas pro uiribus eluceat.

Et primo loco animaduertendum est quod licet impetus, & simplex grauitas, seu pondus quantitatis naturam fortiantur, & longitudini analogæ censerī possint, nihilominus non uidentur esse quantitates inter se comparabiles, scilicet non continentur sub eodem genere, subalterno ut uulgo dici solet, dicuntur enim quantitates eiusdem generis, quæ multiplicatæ possunt sese mutuo superare, ut lineę sunt inter se comparatæ, at quia linea quantumuis multiplicata nunquam æquare nec superare potest superficiem aut corpus, sic pondus quantumlibet multiplicatum vim impetus non superabit, propterea hæ quantitates non habere inter se proportionem, &

*Pondus esse
non potest mē-
sura impetus
cum sint quā-
titates diuer-
sorum generū.*

prop. 90.

non eiusdem generis censentur; hoc autem ex superius demonstratis facile ostendetur hac ratione.

Quoniam quilibet impetus in quolibet corpusculo inexistens superat energiam grauitatis quiescentis & impetu omnino priuati, propterea quod ipsum impellere & eleuare potest, ut ostensum est, igitur quantumuis au-geatur multipliceturque simplex grauitas absque motu locali nunquam superabit, immo nec equabit uim impetus, & ideo simplex grauitas & impetus non erunt quantitates eiusdem generis, & propterea comparatio inter eas institui non potest, nec ullam proportionem inter se habere possunt, sed nulla quantitas potest esse mē-sura quantitatis alterius generis, sicuti linea esse non potest mensura soni aut ponderis, igitur pondus simplex eleuatum non potest esse mensura impetus percutientis. hoc autem euincitur ex eo quod absque discrimine omnia corpora graua quiescentia ab eodem impetu percussiuo impelli & eleuari possunt.

*Maior impe-
tus non leuat
ponderosiora
corpora si con-
sideretur sim-
plex eleuatio
non uero pro-
iectio eius.*

Hinc deducitur uerum non esse, quod impetus sit ueluti quaedam grauitas fluens, nec uerum est quod à maiori impetu ponderosiora corpora eleuentur, si loquamur de simplici eleuatione; quandoquidem uidemus commoueri, & cōcuti, agitarique quodlibet corpus graue à quolibet percussione licet exigua, si uero loquamur de eleuatione ponderis ad certam & determinatam altitudinē, hoc sane ab impetu percussiuo fieri potest, sed non inde sequitur uim impetus æquari energiæ simplicis grauitatis, nec uicissim una mensura alterius erit, quod ut ritè percipiatur præmitti debent aliquæ propositiones.

PROPOSITIO CXII.

Et primo ostendetur quod duo motus contrarij æquabilis & acceleratus in eodem corpore eodem tempore existere & exerceri possunt.

Hoc euidentissimum est, si enim nauta à prora ad puppim nauis uniformiter accelerato motu transferatur, & interim nauis à cursu fluentis motu contrario equabili transportetur, manifestum est nautam una cum naui in qua inexistit æquabili motu impelli, & simul motu contrario accelerato propria uirtute migrare, quapropter nedum uires motiuæ contrariæ actu uigentes & operantes eodem tempore in eodem corpore nautæ inexistunt, sed insuper operationes ipsæ, scilicet motus contrarij absque percussione in eodem nauta proculdubio exercentur. uerum tamen est quod ex dicta mixtione motuum contrariorum resultat transitus in spatio mundano, aut retardatus, aut nullus, sed hoc nō impedit existentiam contrariorum motuum; fingamus postea nauim sursum proijci motu æquabili dum saxum accelerato motu à summo ad imum nauis locum decidit, nonne constat saxum externa ui, & motu proiectio agitari propellique sursum una cum naui & simul naturali grauitate descendere? & quid differt an saxum una cum naui an absque naui sursum proijciatur? profecto duabus uiribus motiuis contrarijs in utroque casu afficitur à quibus agitatur aut impellitur absque percussione. ueritas huius propositionis comprobatur experimēto relato ad caput 23. tres enim pilæ R, R, R projectæ ex A, & D, B eodem gradu impetus quo uniuersa rota AB

CD

Fig. 71.
Tab. 4.

*Propositionis
veritas expe-
rimento com-
probatur.*

CD circumducitur, debent (remoto aeris impedimen-
to) eodem tempore excurrere spatia æqualia inter se,
pariterque casus eodem tempore exacti æquales erunt,
cumque in motu descensiuo BK duo impetus proiectionis,
& grauitatis ad easdem partes tendentes efficiant
transitum BK æqualem summæ transitus horizontalis AI,
& descensiuui IH, vel FM à quiete incoato, igitur ex
eo quod ascensus DG æqualis est differentiæ motuum
AI, & FM aperte constat vtrumque motum in D exer-
ceri, scilicet ascensum proiectionis DO æqualem AI vel
BL & casum OG æqualem eidem FM, quare patet pro-
positum.

PROPOSITIO CXIII.

Quodlibet graue sursum proiectum à qualibet vi per-
cussiuua necessario per aliquod spatium quantum sur-
sum eleuabitur.

*Fig. 86.
Tab. 4.*

Ex cap. 20.

Corpus graue A proijciatur sursum perpendiculariter
ad horizontem BA à qualibet vi percussiuua quæ quan-
tumuis exigua fingatur semper impetum quantum, non
vero indiuisibilem imprimet corpori A, sit talis impetus
AB, qui fluendo tempore AC creet planum impetus
rectangulum BC, quod porro spatium excursum desi-
gnabit, at quia post instans percussio-
nis vis naturalis descensiuua grauitatis ab indiuisibili termino auget
gradus impetus equalibus incrementis in omnibus sequentis
temporis AC instantibus, ergo posito quod tempore AC
impetus à grauitate naturali pendens fluendo, & cre-
scendo creet planum impetus triangulare & rectilineum
ADC id designabit spatium descensus eius dum
graue

graue transfertur veluti à naui fursum ab impetu BA; *Prop. 88.*
 suntque gradus impetus initiales à vi grauitatis procrea-
 ti semper minores proiectio impetu BA, quousque in
 fine temporis AC maximum gradum velocitatis DC
 acquirat æqualem velocitati AB, igitur toto tempore A
 C impetus maior BA vehementius impellet fursum cor-
 pus A, & ascendendo maius spatium percurrent quam ab
 impetu grauitatis deorsum repellatur, & ideo impetus
 proiectitiu BA vincet renitentiam impetus grauitatis
 pro mensura excessus velocitatis proiectitiæ BA semper
 eiusdem gradus permanentis supra impetus grauitatis
 crescentes, quare eousque corpus A eleuabitur quous-
 que impetus grauitatis crescendo vsque ad DC ad æqua-
 litatem impetus BA redigatur, quando scilicet tantun-
 dem promouetur fursum quanto retrocedit deorsum, &
 hoc erat ostendendum.

PROPOSITIO CXIV.

Si corpus graue fursum perpendiculariter ad horizontē
 impellatur motu equabili, vt dato tempore percurrere
 valeat determinatum spatium, in medio puncto eius
 ascensus eleuatio proiecti terminabitur.

Si postea corpus graue A impellatur fursum perpen- *Fig 87.*
 diculariter ad horizontem motu equabili impetu D, vt *Tab. 4.*
 tempore T percurrere valeat spatium GF, dico in inter-
 medio eius puncto C terminari eius ascensum. quia vi-
 res motiuæ contrariæ se mutuo non destruunt, sed vigen- *Ex prop. 112.*
 tes ambo perseuerant producendo peculiare suos effe-
 ctus, scilicet vis motiua æquabilis perinde promouet
 corpus A impetu D ac si non adesset contraria vis graui-
 tatis

tatis, propterea quod lucta fit absque percussione, pariterque vis motiua accelerata grauitatis perinde impellit corpus A ac si obice careret, igitur tam impetus proiectitius, quam impetus grauitatis suam peculiarem promotionem efficit, non secus ac nauta accelerato motu excurrento à prora ad puppim nauis à contrario cursu fluentis translate; verum respectu spatij mundani suum finem non assequuntur, nam corpus A retardato motu fertur sursum ob excessum validioris impetus D supra minimos initiales impetus grauitatis, & tandem ad finem ascensus reducitur, quando scilicet impetus grauitatis E successiue crescendo pertingit ad equalitatem impetus D, hoc autem in puncto intermedio C contingere sic ostendetur. producat FG infra G , seceturque GH æqualis FC , & posito quod graue A accelerato motu à termino quietis G descendendo percurrat tempore T spatium GH in cuius fine acquirat gradum velocitatis E , si postea idem graue A discedat à termino G duplici impetu affectum, equabili quo tempore T ascendere potest vsque ad F , & simul accelerato contrario quo excurrere potest spatium GH , patet in tali casu quod terminus à quo descensus initium sumit, scilicet G non est stabilis, & in eodem situ permanens, sed fertur motu æquabili vsque ad F & interim graue A descendendo pertingit ad C . quare impetus E acquisitus accelerato motu ascendendo, siue descendendo eodem tempore idem omnino est; hic autem si vniformiter & equabili motu migrationem prosequeretur excurrere posset, spatium duplum ipsius CF exactum motu vniformiter accelerato, estque GF duplum ipsius CF , ergo impetus E equalis est impetui D , eo quod ambo eodem tempore T motu equabili excurrere possunt idem spatium GF , verum

quan-

Ex prop. 113.

Ex cap. 20.

*Ex Gal. de
motu locali
lib. 1. prop. 2.*

quando impetus contrarij ad equalitatem redacti sunt quietem apparentem & finem motus in spatio mundano producant. igitur in puncto intermedio C sistitur ascensus nec ulterius progreditur, quod erat &c.

In hisce duobus propositionibus, sicut in reliquis factum est, remoueri debet aeris impedimentum qui mire perturbat progressum pilæ in eius ascensu atque descensu, eiusque impetum debilitat, quod euidenter confirmatur ex hoc experimento. sagitta vel pila lignea ad insignem altitudinem balista vel catapulta perpendiculariter ad horizontem impulsæ percurrit spatium maius, scilicet fere duplum ascendendo, quàm pertranseat descendendo æqualibus temporibus; insuper impetus eius initio ascensus maior est impetu in fine descensus acquisito, quod profecto fieri non posset nisi impetus proiectitius continenter in ascensu debilitaretur, & in descensu impetus grauitatis imminutis incrementis crederetur, & tandem æquabilis redderetur.

Pila A proijciatur sursum per A C perpendiculariter ad horizontem impetu B A, proculdubio in ascensu continenter talis impetus proiectitius ab aeris resistentia imminuetur, vt nimirum in fine temporis A E sit E F equalis maximo gradu impetus grauitatis successiue crescentis, manifestum est ab impetu proiectitio decrescēte creari spatium impetus trapezium A B F E, & quia planum impetus triangulare A E F designat descensum seu renitentiam grauis corporis A dum sursum propellitur, igitur spatium triangulare A F B designabit longitudinem ascensus tempore A E transcursum, quando nimirum ad terminum supremum ascensus proiectum perducitur; postea quia in sequenti tempore E C æquali E A eadem pila deorsum descendit tunc quoque exer-

*Sagitta fursū
excussa per-
currit spatiū
duplum ascē-
dendo, quàm
pertranseat
descendendo
æqualibus tē-
poribus, & im-
petus eius ini-
tio ascensus
maior est im-
petu acquisito
in fine descen-
sus quod ori-
tur ob aeris re-
sistentiam.*

*Fig. 86.
Tab. 4.*

centur duo impetus proiectitius sursum æquabili motu ab impetu F E, qui procreabit spatium impetus rectangulum G E, propterea quod dum pila descendit aeris consistentia non obstat neque retardat impetum sursum impellentem, at quia interim naturalis impetus gravitatis tempore E C creat spatium impetus trapetium E F D C hoc totum certe non designabit spatium descensus quandoquidem impetus contrarius proiectitius ab eo subtrahit planum impetus rectangulum G E; quare planum impetus qui exercetur in pilæ descensu erit triangulum F D G quod æquale esset triangulo A E F, si in descensu corpulentia aeris non imminueret gradus impetus naturalis gravitatis; ex quo proinde fit ut triangulum F D G minus sit triangulo A E F & multo minus triangulo F A B; quare spatium decursum in descensu designatum à triangulo F D G minus erit spatium ascensus æquali tempore exacto designato, à triangulo F A B; præterea quia duo triangula F A B, & F D G æque alta eandem proportionem habent quam bases, erit D G scilicet postremus impetus in fine descensus acquisitus minor impetu B A proiectitio, quo pila ascensum incoauerat.

Remoto vero impedimento aeris spatia ascensus & descensus, atque impetus æquales sunt ut experientia comprobatur.

Si postea remoueat omnino aeris impedimentum, esset planum impetus A B F E rectangulum æquale plano impetus rectangulo E G, atque triangulum F D G æquale esset triangulo F A B, & proinde spatia ascensus, atque descensus æqualibus temporibus æqualia essent, atque initialis impetus proiectitius A B æqualis præcise esset postremo gradu imperus descensiui D G.

Veritas huius theoriæ comprobatur ab experientia; proiecta enim sursum pila grauissima plumbea A languendo impetu, ut minima sit aeris resistentia, reperiuntur spatia ascensus, & descensus æqualibus temporibus

exa-

exacta æqualia inter se, pariterque impetus in principio ascensus & in fine descensus æquales inter se. nec dicas requiri prolixas eleuationes vt differentia inter ascensum, & descensum eiusdem pilæ proiectæ distinguatur, nam transitus ascensus duplus descensui latere non posset adhibito exiguo fune-pendulo pro exacta mensura temporum æqualium.

PROPOSITIO CXV.

In projectione ad horizontem inclinata pariter ad medietatem eleuationis, quæ motu æquabili fieri posset, subleuabitur proiectum excurretque itinere parabolico.

Non secus contingit in motu sursum inclinato ad horizontem, si enim corpus graue A impellatur sursum oblique ad horizontem motu æquabili impetu D, vt nimirum tempore T percurrere valeat inclinatum spatium directum GF & eleuari queat perpendiculariter spatio GH supra planum horizontale, dico in puncto I intermedio eiusdem altitudinis terminari eleuationem & deinceps deprimi itinere curuo parabolico.

Diuidatur recta linea FG in quotcūque partes æquales in punctis B, C, K & ab eis cadant perpendiculares ad planum subiectum FH vt sunt BL, CM, KN, & GI, quæ successiue crescant in eadem proportionem quam habent quadrata ipsarum FB, FC, FK &c. sitque GI semissis altitudinis GH; & quia corpus A impellitur motu æquabili impetu D per directionem inclinatam FG, ergo temporibus æqualibus percurrit spatia æqualia FB, BC, CK &c. quæ proinde metientur tempora excursio-

Fig. 88.
Tab. 4.

num, & quia A post discessum eius à quiete in F exercet vim suę gravitatis, quia impetus æqualiter crescentes temporibus equalibus acquirit, & proinde dū excurrit per G F descendet transigetque spatia perpēdicularia ad planū horizontale duplicatam proportionem habentia temporum excursum. ergo si tempore FB deprimitur per B L necessario tempore FC descendet per CM & tempore FK descendet vsque ad N, & sic ulterius, quare iter proiecti afficietur per curuam F L N I, quam esse parabolam sic ostendemus. ducta FR parallela ipsis GI, KN &c. atque à punctis L, M, N, & I ducantur rectę æquidistantes ipsi FG, quę occurrat ipsi FR in punctis O, P, QR manifestum est spatia BO, CP, & GR parallelogramma esse & ideo eorum opposita latera æqualia inter se erunt scilicet OF ipsi RL & OL ipsi AB & sic reliqua, quare abscissa OF ad FP duplicatam proportionem habebit eius quam habet ordinatim applicata OL ad PM, igitur puncta F, L, M &c. sunt in parabola. postea productis rectis FG, FH in directum fiat GX æqualis FG & HS æqualis FH iungaturque XS, patet in triangulo FXS esse XS duplam ipsius GH, sed ex hypothesi GH bifariam in I secatur, ergo XS quadrupla est ipsius GI. ideo XS ad GI duplicatam proportionem habebit eius, quam habet spatium seu tempus FX ad spatium seu ad tempus FG & proinde punctum S in eadem parabola FI erit, cumque IH sit eius diameter æquidistans diametro FR atque ab ipsa GH bifariam & ad angulos rectos diuiditur applicata FS in H, ergo HI est axis parabolę ad quem ordinatim applicata erit FH, & est axis portio GI extra sectionem æqualis IH ergo FG tangens erit & I terminus axis & sublimius punctum parabolę erit; quare terminus ascensus proiecti A per parabolam excurrentis non

*Ex conicis
Apollonij.*

non ultra verticem I scilicet non ultra medietatem totius eleuationis G H subleuabitur & exacto termino I deprimetur descendetque deorsum, quod propositum fuerat.

PROPOSITIO CXVI.

Si postea duo corpora grauia impellantur sursum perpendiculariter ad horizontem duabus velocitatibus; eleuationes apparentes duplicatam proportionem habebunt eius, quam habent impetus vel tempora.

Corpus graue A impetu D & tempore T impulsum perpendiculariter ad horizontem per lineam CF perueniat ad supremum terminum I suæ eleuationis nec ulterius progrediatur, patet eodem tempore motu æquabili impetu D percursurum spatium CF duplum eleuationis eius CI. pariterque corpus graue B impetu E & tempore V impulsum similiter perpendiculariter ad horizontem attingat terminum L maxime eius eleuationis, erit GL semillis spatij GH quod æquabili motu impetu E & tempore V percurreret. dico spatium CI ad GL duplicatam proportionem habere eius quam habet tempus T ad V, vel eius quam habet impetus D ad E; quia spatia CF & GH motu æquabili exacta compositam proportionem habent ex ratione temporis T ad V & ex ratione velocitatis D ad E, sed vt CF ad GH ita se habent eius medietates FI ad HL nec non CI ad GL, quæ sunt eleuationes apparentes corporum A & B, igitur maxima eleuatio CI corporis A ad maximam eleuationem GL alterius corporis B compositam proportionem habet ex ratione temporis T ad V, & ex ratione velocitatis D ad E, sed spatia exacta accelerato motu FI & HL scilicet repul-

Fig. 89.
Tab. 4.

Ex prop. 114.

Gal. de motu
locali lib. 1.
Pr. 4.

Prop. 81.

pulsus impetus grauitatis quę subtrahuntur à spatijs motu equabili transfigendis duplicatam proportionē habent temporis T ad tempus V, ergo pariter eleuationes apparentes C I, & G L duplicatam proportionem habent eius quam habet tempus T ad V, & ideo duplicatam quoque proportionem habebunt reliquę componentis proportionis velocitatis D ad E, quod fuerat ostendendum. 2

C O R O L L A R I V M.

Hinc colligitur si eleuationes apparentes duorum corporum sursum proiectorum æquales fuerint, esse tum impetus tum tempora æqualia inter se; quia eiusdem proportionis equalitatis subduplicatę componentes proportionēs sunt quoque æqualitatis, & ideo quotiescumque apparens eleuatio C I corporis A æqualis fuerit apparenti eleuationi G L alterius corporis B necessario impetus D æqualis erit impetui E, atque tempus T æquale erit tempori V.

P R O P O S I T I O C X V I I.

Si duo corpora impellantur sursum sub eadem inclinatione, erunt eleuationes apparentes atque transitus horizontales vt quadrata temporum excursionum vel velocitatum impellentium.

*Fig. 90.
Tab. 4.*

Sit corpus graue A quod velocitate X tempore Y in clinato motu ad horizontem per lineam E H pertingat ad maximam apparentem eleuationem in O, atque excurrat spatium horizontale E G; sitque aliud corpus graue B, quod velocitate V tempore Z per communem directionem

rektionem inclinatam EL proiectum pertingat ad maximam apparentem eleuationem NM , atque percurrat spatium horizontale EF . ostendendum est tum eleuationem OP ad NM , cum transitum EG ad EF eandem proportionem habere quam quadratum velocitatis X ad V vel quam quadratum temporis Y ad Z . quia corpus A nedum impetu proiectio sursum impellente per EH sed etiam naturali grauitate deorsum pellitur perpendiculariter ad horizontem. constat quod ex mixtione duorum motuum dictorum resultat iter curuum EOG *Prop. 115.*

per lineam parabolicam quam tanget linea impetus proiectij EH eiusque axis erit POH bifariam sectus in sublimiori termino eius O : nō secus corpus graue B duplici impetu impulsus ferretur per lineam curuam EMF parabolicam quoque quam pariter continget linea impetus EL eritque eius axis NL vbi maxima eleuatio contingit bifariam sectus ad verticem M . & quia quo tempore Y corpus A ad summitatem O pertingit si impetu grauitatis priuaretur excurreret vsque ad H ; pariterque corpus B si tempore Z impetu V solummodo moueretur perueniret vsque ad L . igitur duo transitus motu æquali exacti per EH , & EL compositam proportionem habent ex ratione velocitatis X ad V & ex ratione temporis Y ad Z , sed quia HP & LN perpendiculares sunt ad horizontalem EG eductæ à terminis H , & L eiusdem directionis obliquæ EH erunt duo triangula HPE , & NE similia inter se, & propterea vt HE ad EL ita erit PE ad NE , & ita quoque erit HP ad LN , est vero OP semissis ipsius HP , pariterque MN medietas ipsius NL , cum sint maximæ eleuationes, igitur OP ad MN eandem proportionem habebit quam HE ad LE & ideo compositam proportionem habebit ex ratione velocita-
tis

Prop. 81.

tis X ad V, & ex ratione temporis Y ad Z; suntque elevationes maximæ O P & M N æquales descensibus H O, & L M accelerato motu corporum A & B temporibus Y & Z exactis, & huiusmodi descensus duplicatam proportionem habent temporum Y ad Z, igitur duplicatam quoque proportionem habebunt velocitatis X ad V: verum amplitudo parabolæ G E dupla est ordinatæ E P, pariterque amplitudo E F dupla est ipsius E N; igitur transitus horizontalis G E ad transitum horizontalem F E eandem proportionem habebit quam P E ad N E, seu eandem quam habet eleuatio maxima P O ad M N, scilicet duplicatam proportionem eius quam habet velocitas X ad V; seu tempus Y ad Z, quod fuerat &c.

Et hætenus de simplici impulsu proiectionis differuimus, modo de peculiaribus proiectionibus quæ à percussione fiunt agendum est, semperque corpora percutientia & percussa dura esse & consistentia supponendum est.

PROPOSITIO CXVIII.

Et primo si idem mobile duabus inæqualibus velocitatibus percutiat idem mobile quiescens amouibile perpendiculari & media incidentia, erunt velocitates impressæ proportionales impetibus quibus percutiens agitatur.

*Fig. 91.
Tab. 5.*

Corpus A percutiat idem corpus C modo velocitate E F modo velocitate L H affectū, sitque corpus C amouibiliter quiescens percutiaturque perpendiculari & media incidentia, intelliganturque corpora omnino dura & inflexibilia esse, ostendendum est velocitates impressas

las eidem corpori C eandem proportionem habere quam velocitates EF, & LH; fiat velocitas FE ad velocitatem EG vt duo corpora A & C simul sumpta ad corpus A. manifestum est à percussione ipsius A velocitate FE imprimi quiescenti amouibili corpori C impetū EG. non secus quam proportionem habent duo corpora A & C simul sumpta ad A eandem habeat velocitas LH ad velocitatem HI impressam eidem corpori C ab ipso A velocitate HL affecto, & quia duæ proportiones FE ad EG atque LH ad HI eedem sunt vni tertiæ proportioni, quam habent duo corpora A & C simul sumpta ad corpus A, igitur vt velocitas FE ad EG, ita erit velocitas LH ad HI, quare permutando velocitas FE ad LH eandem proportionem habebit quam velocitas impressa EG ad velocitatem impressam HI, quod erat propositum.

Corol. prop. 19

Ibidem.

PROPOSITIO CXIX.

Datis duobus corporibus inæqualibus amouibiliter quiescentibus, reperiri debent duæ velocitates inæquales, quibus tertium corpus ea percutiendo perpendiculari & media incidentia maiori corpori à maiori impetu percusso imprimatur gradus velocitatis equalis ei, quæ imprimitur minori corpori à minori velocitate.

Sint duo corpora inæqualia D maius & C minus & quodlibet percutiens A, quæ supponantur dura & inflexibilia, sitque EF impetus minor quo A perpendiculari & media incidentia percutit minus corpus C, & quam proportionem habent duo corpora simul sumpta A & C

Fig. 92.
Tab. 5.

LI

ad A

Corol. prop. 19

Ibidem.

ad A ita fiat impetus EF ad EG qui erit impetus impressus ipsi C ab ictu illato velocitate EF à corpore A. postea ut duo corpora A & C simul sumpta ad aggregatum duorum corporum A & D ita fiat minor velocitas EF ad velocitatem HI, atque ut duo corpora A & D ad A, ita fiat velocitas HI ad IL, erit quoque velocitas IL ea quæ imprimitur corpori D à percussione facta ab A velocitate HI. ostendendum est impetus EG & IL impressos corporibus C & D æquales esse inter se; quia inuertendo summa duorum corporum A & D ad aggregatum duorum corporum C & A eandem proportionem habet quam velocitas HI ad velocitatem FE, & ut summa corporum C & A ad A ita facta est velocitas FE ad velocitatem EG, ergo ex æqualitate ordinata summa duorum corporum D & A ad A eandem proportionem habebit quam velocitas HI ad velocitatem EG; erat autem velocitas HI ad velocitatem IL ut summa corporum D & A ad A. igitur eadem velocitas HI eandem proportionem habet ad duas velocitates EG & IL, quæ proinde æquales erunt inter se. repertæ ergo sunt duæ velocitates inæquales HI & FE quibus corpus A percutiendo duo corpora C & D eis imprimat gradus velocitatis EG & IL æquales inter se, quod quæsitum fuerat.

C O R O L L A R I V M.

Ex hac demonstratione constat, quod si idem corpus durum perpendicularly & media incidentia duabus velocitatibus percusserit duo inæqualia corpora pariter dura, & velocitas maior ad minorem velocitatem eandem proportionem habuerit quam maius corpus per-

percuſſum vna cum percutiente ad minus corpus percuſſum ſimul cum percutiente, tunc velocitates impreſſæ percuſſis corporibus æquales inter ſe erunt. ex eo enim quod impetus IH ad EF eandem proportionem habebat quam aggregatum ex D & A ad aggregatum ex C & A oſtenſæ fuerunt velocitates EG & IL impreſſæ ab A corporibus C & D æquales inter ſe.

PROPOSITIO CXX.

E conuerſo ſi impreſſæ velocitates æquales fuerint habebunt percutientis velocitates eandem proportionē, quam ſummæ ex percutiente, & quolibet percuſſorum.

Huius conuerſum facile demonſtrari poſſe conſtat. *Fig. eadem.* poſitis enim velocitatibus IL , EG æqualibus impreſſis corporibus D & C à percutiente A velocitatibus HI & EE lato, habebit velocitas HI eandem proportionem ad duas æquales velocitates IL & EG ; & ideo D plus A ad A erit vt velocitas HI ad IL vel ad EG , eſt vero vt velocitas EG ad velocitatem EF ita A ad C plus A . ergo ex æqualitate ordinata velocitas HI ad velocitatem EF eandem proportionem habebit quam A plus D ad A plus C .

PROPOSITIO CXXI.

Iſdem datis velocitates inquirendę tales eſſe debent vt maius corpus maiori impetu percutiatur & tamen ei imprimatur gradus velocitatis minor eo, qui imprimitur minori corpori.

Fig. 93.
Tab. 5.

Carol. prop. 19

Supponantur ea quæ in præcedenti propositione, & facta eadem constructione, ut velocitates $ILEG$ impressæ ab A corporibus D & C sint æquales, & existente IH maiori quam EF reperiat MN maior quam EF , sed minor quam IH , seceturque in O ut sit MN ad ON in eadem ratione quam habet HI ad LI , ergo permutando HI ad MN eandem proportionem habebit quam LI ad ON , estque IH maior quam MN , igitur IL maior erit quam NO , & EG æqualis est IL , ergo EG maior erit quam NO , sitque MN velocitas qua idem corpus A percutit maius corpus D , & minor EF sit velocitas qua corpus A percutit minus corpus C , ostendendum est minorem NO esse velocitatē impressam maiori corpori D , & maiorem EG esse velocitatem impressam minori corpori C . quia ut HI ad LI , ita facta fuit MN ad ON , & ut HI ad IL ita erat summa corporum D & A ad A , igitur in eadem proportionem erit MN ad NO , quare existente MN velocitate percutientis corporis A , communicabitur maiori corpori D gradus velocitatis NO , & posita FE velocitate eiusdem A imprimetur minori corpori C gradus velocitatis EG , igitur à maiori impetu MN imprimetur maiori corpori D gradus uelocitatis minor NO , quam imprimatur minori corpori C , cui à minori impetu EF maior gradus uelocitatis EG imprimatur, & hoc erat propositum.

PROPOSITIO CXXII.

Si idem corpus æqualibus velocitatibus perpendiculari, & media incidentia percusserit inæqualia corpora, summæ percutientis & cuiuslibet percussorum reciproce proportionales erunt impressis velocitatibus.

Præ-

Præterea si velocitates NM, & EF æquales fuerint, *Fig. 93. Tab. 5.*
 quibus si idem corpus A percusserit corpus maius D & minus C perpendiculari & media incidentia, atque velocitas NO imprimatur corpori D atque velocitas EG imprimatur corpori C. dico A plus D ad A plus C eandem proportionem reciprocā habere quam impressa velocitas EG ad velocitatem impressam NO. quia D plus A ad A eandem proportionem habet quam velocitas NM ipsius A ad NO velocitatem impressam ipsi D, & A ad A plus C eandem proportionem habet quam impressa velocitas EG ad totalem uelocitatem EF seu ad ei æqualem NM, ergo ex æqualitate perturbata A plus D ad A plus C eandem proportionem habebit quā EG ad NO, quare patet propositum. *Corol. prop. 19. Idem.*

PROPOSITIO CXXIII.

Si duo corpora dura inæqualia velocitatibus æqualibus percusserint idem corpus durum perpendiculari & media incidentia, impressæ velocitates proportionem compositam habebunt ex ratione percutientium corporum, & ex ratione reciproca eorundem vna cum corpore percusso.

Si duo corpora dura D maius, & C minus velocitatibus æqualibus NM, & EF percusserint idem corpus durum A perpendiculari & media incidentia, & facta NM ad MO ita D plus A ad D erit MO velocitas impressa ipsi A à percutiente D, pariterque facta EF ad FG vt C plus A ad C, erit FG velocitas communicata eidem A à corpore C; dico impressam velocitatem MO ad FG proportionem compositam habere ex ratione D ad C & ex ratio- *Fig. eadem. Corol. prop. 19.*

Corol. prop. 19

Prop. 118,

ratione reciproca C plus A ad D plus A. fit C ad R vt C plus A ad D plus A; atque fiat velocitas IH ad NM vel ad EF vt D plus A ad C plus A, & vt D plus A ad D, ita fiat IH ad HL, erit HL velocitas impressa ipsi A à D velocitate IH percutiente. & quia inuertendo D ad D plus A est vt LH ad HI, & D plus A ad C plus A eandem rationem habet quam IH ad NM, atque vt C plus A ad C ita est EF ad FG, igitur ex æqualitate ordinata D ad C eandem rationem habet quam HL ad GF, & quia idem corpus D duabus velocitatibus MN, & HI percutit idem corpus A, ergo velocitas impressa MO ad impressam uelocitatem LH est ut uelocitas NM ad IH seu ut C plus A ad D plus A, scilicet ut C ad R, quare ex æqualitate perturbata OM ad GF eandem proportionem habebit quam D ad R, habet uero D ad R proportionem compositam ex ratione D ad C, & ex ratione C ad R seu C plus A ad D plus A, ergo ex iisdem componitur proportio impressæ uelocitatis OM ad impressam uelocitatem GF, ut propositum fuerat.

Hinc constat duorum corporum æque uelocium maius eorum eidem corpori percusso imprimere maiorem gradum uelocitatis quam minus corpus percutiens. quia C plus A ad D plus A, seu C ad R maiorem proportionem habet quam C ad D, ergo D maius erit quam R. ostensum autem est D ad R eandem proportionem habere, quam OM ad GF, igitur uelocitas impressa OM maior est impressa uelocitate GF.

PROPOSITIO CXXIV.

Dato corpore graui cuius gradus impetus augeantur iuxta seriem numerorum ab unitate incipientium reperiri

riri debent corporum grauitates, quæ ab illo percussa impetus æquales suscipiant.

Sit idem corpus graue A inæqualibus uelocitatibus *Fig. 94.* percutiens, eiusque impetus gradus G M, H M, I M, K *Tab. 5.* M, L M incrementum suscipiant iuxta seriem numerorum ab unitate incipientium 1, 2, 3, 4, 5. reperiri debent pondera ut proponitur, ponatur quodlibet corpus B, & pondus maioris corporis C superet pondus ipsius B excessu æquali duobus ponderibus A, & B simul sumptis, atque corpus D duplo eiusdem excessus superet idem corpus B, & E triplo dicti excessus id ipsum superet & sic ulterius; ostendendum est quod corpus A percutiendo corpora B, C, D &c. uelocitatibus G M, H M, I M, &c. eis imprimet gradus uelocitatis æquales inter se; quia excessus corporis C supra B æqualis est aggregato corporum A & B, ergo corpus C æquale est singulari corpori A, & duplici B, quare corpus C simul cum A æquatur duplici A, & duplo corporis B, ideo summa ex C, & A dupla erit summæ ex B & A, quapropter prædictæ summæ eandem proportionem duplam habebunt, quam habent impetus H M ad G M, quare idem impetus imprimetur duobus corporibus B & C à percussione illatis à corpore A excurrente uelocitatibus G M, & H M, similiter quia corpus D superat B excessu æquali duplo summæ ex A, & B, ergo D æquale est duplici A, & triplo ipsius B, quare D simul cum A æquabitur triplo ipsius A & triplo alterius B, & propterea aggregatum ex D & A ad aggregatum ex B & A eandem proportionem triplam habebit quam habet impetus I M ad G M, & propterea idem gradus impetus imprimetur duobus corporibus D & B à percussionibus eiusdem A factis uelocitatibus

Coroll. prop. 119.

Ibidem,

tibus $I M$ & $G M$; idemque uerificatur in reliquis uelocitatibus crescentibus; quare factum est, quod propositum fuerat.

PROPOSITIO CXXV.

Dato corpore graui cuius gradus impetus augeantur iuxta seriem numerorum ab unitate incipientium, corpora quæ ab illo percussa suscipere debent æquales gradus impetus augeri debent arithmetica proportionalitate quorum excessus æqualis erit percutienti una cum minimo corpore percusso.

Fig. eadem.

Prop. 120.

Sit corpus graue A cuius gradus impetus $G M$, $H M$, $I M$ crescant iuxta seriem numerorum ab unitate 1, 2, 3, &c. sintque corpora B , C , D quæ à percussione factis ab ipso A suscipere possint gradus uelocitatis inter se æquales, dico corpora D , C , B æquali excessu sese superare, eritque communis excessus æqualis percutienti corpori A una cum minimo corpore percusso B ; quia supponuntur uelocitates impressæ ipsis corporibus B , C , D æquales inter se, ergo quam proportionem habet uelocitas $H M$ ad $G M$ eandem habebit summa corporum C & A ad aggregatum corporum B & A , pariterque ut uelocitas $I M$ ad $H M$ ita erit D plus A ad C plus A , sūtque uelocitates $I M$, $H M$, $G M$ arithmetice proportionales, quia nimirum iuxta seriem naturalem numerorū usque ad unitatem minuuntur ex hypothesi, igitur pariter D plus A , C plus A , & B plus A sunt in eadem proportionem arithmetica; & ideo eodem excessu quodlibet antecedentium suum consequens superat; uerum si ab hisce aggregatis communiter auferatur quantitas ipsius A

A residuæ quantitates D, C, B, erunt quoque arithmetice proportionales eodem excessu sese superantes; postea quia velocitas H M dupla est velocitatis G M cum sint vt duo ad vnum, igitur pariter aggregatum ex C & A duplum est aggregati ex A & B, quare summa ex C & A æqualis erit duplo ipsius A vna cum B bis sumpto, & ablato communiter A remanet C æquale vni A & duplo B, & propterea excessus ipsius C supra B æqualis erit aggregato ex A, & B; non secus aggregatum ex D & A sesquialterum erit aggregati ex C & A, veluti velocitas I M sesquialtera est velocitatis H M, erat autem C plus A æquale duplo A vna cum duplo B, igitur D plus A æquabitur triplo B vna cum triplo A, & ablato communiter, A erit D æquale duplo A vna cum triplo B, sed prius ostensum fuit corpus C æquale vni A & duplo B, igitur excessus ipsius D supra C æqualis erit summæ ex A & B, quare patet propositum.

PROPOSITIO CXXVI.

Dato graui cuius gradus impetus in eadem proportionem continua augeantur & ijsdem percutiendo inæqualia corpora gradus æquales velocitatis eis imprimat, semper corpus maius ad minus percussum habebit maiorem proportionem quam percutientis velocitates habent, sed quo magis corpora percussa augentur, eo magis eorum proportio minuitur.

Sit corpus percutiens A quod velocitatibus I F, H F, *Fig. 95.*
G F continuè proportionalibus perpendiculari & media *Tab. 5.*
incidentia percutiat corpora D, C, B, vt nimirum suscipiant gradus velocitatis æquales inter se. dico quod
M m quod-

Prop. 120.

*Coroll. prop.
119.*

quodlibet corpus maius C ad minus B maiorem proportionem habet quam correspondens velocitas percutientis HF ad reliquam velocitatem GF, & maius corpus D ad minus C minorem proportionem habet quam C ad B. quia impressę velocitates æquales supponuntur, erit velocitas maior HF ad minorem GF vt summa corporum C & A ad aggregatum corporum A & B, pariterque vt velocitas IF ad HF ita erit summa corporum A & D ad aggregatum ex A & C, & fiat vt A plus B ad A ita GF ad impressam velocitatem FO, & diuidendo vt B ad A ita erit GO ad OF quare GO designabit corpus B, similiratione quia C plus A ad A eandem rationem habet quam velocitas HF ad FO (vt constat ex propositione 121.) ergo diuidendo vt C ad A, ita erit HO ad OF, & proinde HO designabit corpus C. non secus ostendetur IO designare corpus D. & quia FG maior est quam OG, ergo HG ad GO maiorem proportionem habet quam HG ad GF, & componendo HO ad OG scilicet corpus C ad B maiorem proportionem habebit quam velocitas HF ad FG. non secus ostendetur corpus maius D ad C maiorem proportionem habere quam velocitas IF ad FH. postea quia IF, HF, GF supponuntur continue proportionales, igitur diuidendo IH ad HF erit vt HG ad GF, & permutando IH ad HG, erit vt HF ad FG, erat autem prius HO ad OG in maiori proportionem quam HF ad FG, ergo HO ad OG maiorem proportionem habebit quam IH ad HG, & summa antecedentium OH & HI, scilicet IO ad consequentium OG & GH summam HO minorem proportionem habebit quam HO ad OG, sed termini IO, HO, & GO designant quantitates corporum D, C, B, igitur corpus D ad C minorem proportionem habebit quam C ad B, quod erat ostendendum.

PRO-

PROPOSITIO CXXVII.

Datis duobus corporibus inæqualibus duabusque velocitatibus, reperire tertium corpus quod data maiori velocitate maius corpus percutiendo ei imprimere possit gradum velocitatis æqualem ei, quæ minori corpori minori data velocitate imprimere valet: oportet autem ut maius corpus ad minus habeat maiorem proportionem quam maior ad minorem velocitatem.

Sit maius corpus BD & minus C , velocitas vero maior sit EF & minor IH dummodo corpus BD ad C maiorem proportionem habeat quam velocitas EF ad velocitatem IH , reperiri debet corpus percutiens ut proponitur. ex maiori velocitate EF abscindatur velocitas EK æqualis IH , atque ex maiori corpore BD secetur portio BL æqualis corpori C ; postea ut differentia velocitatum KF ad KE ita fiat corpus DL ad aggregatum corporum C & A , ergo componendo velocitas FE ad KE seu ad ei æqualem velocitatem IH eandem proportionem habebit quam summa corporum LD , C & A , seu potius quam summa corporum DL , LB & A , scilicet quam summa corporum BD & A ad aggregatum ex C & A ; quare ex corollario propositionis 118. corpus durum A percutiendo perpendiculari & media incidentia duo corpora BD , & C velocitatibus EF & IH eis imprimet gradus velocitatis æquales inter se. reperitum est igitur percutiens corpus A , ut quæsitum fuerat.

Hinc colligitur quod licet maior velocitas EF superet minorem velocitatem IH excessu minimo, & è contra corpus maius BD excedat exiguum corpus C quo-

cumque grandi & enormi excessu, semper reperiri potest percutiens quod prædictis velocitatibus ferè æqualibus imprimat gradus æquales velocitatum in iisdem corporibus.

Expendendi modo sunt effectus producti à prædictis percussionibus qui sunt transitus locales procreati à prædictis velocitatibus impressis ab eodem percutiente corpore.

PROPOSITIO CXXVIII.

Et primo si velocitates eiusdem percutientis proportionales fuerint aggregatis ex percutiente & vno quocunque percussorum, atque impulsus fiant per directiones æquidistantes plano horizontis à quo eque recedant, projectiones seu transitus erunt æquales inter se.

*Fig. 97.
Tab. 5.*

Sit corpus maius C & minus B percutiens vero A, quod maiori velocitate F perpendiculari & media incidentia percutiat corpus C, & postea minori uelocitate E percutiat minus corpus B, directiones uero percussionum fiant per IO à puncto I sintque æquidistantes plano horizontis ML & ambæ recedant interuallo IL ab eodem plano subiecto, sitque uelocitas E ad F ut summa corporum A & B ad aggregatum corporum A & C; dico projectiones seu interualla horizontalia transcurfa ab utroque proiecto esse equalia inter se. quia corpus C percussum horizontali directione acquirit impetum percussiuū quo motu æquabili ferri potest per rectam lineam IO æquidistantem plano subiecto LM, at subito post discessum à termino quietis in I incipit actio & impulsus nati-

uæ

ue grauitatis quæ perpendiculariter fertur deorsum vni-
 formiter accelerato motu, & ex his duabus impulsioni-
 bus consequitur mixta quædam progressio per lineam
 parabolicam IM , in qua supponamus transigere spatium *Gal. de motu
 locali lib. 3.
 prop. 1.*
 horizontale LM , ostendendum est quod pariter corpus
 B excipiens percussione horizontalem ab eodem ter-
 mino I necessario percurrere debet idem spatium IM ,
 quia vt velocitas E ad F ita est summa corporum A & B
 ad aggregatum corporum A & C , igitur velocitas im- *Coroll. prop.
 119.*
 pressa ipsi B à percutiente A velocitate E æqualis erit ve-
 locitati impressæ corpori C ab eodem percutiente A ve-
 locitate F , sed duo corpora C & B affecta duabus æquali-
 bus velocitatibus per eandem directionem debent æqua-
 libus temporibus excurrere idem spatium, cumque trā-
 situs descensui per eandem altitudinem IL fiant æqua-
 libus temporibus, igitur corpora B , & C à termino I di-
 scedentia eodem tempore pertingunt ad planum hori-
 zontale LM , atque in eodem tempore transigunt spatia
 horizontalia inter se æqualia, igitur spatium transactum
 à corpore B erit id ipsum spatium LM . quapropter &c.

PROPOSITIO CXXIX.

Si postea impetus graduum impressorum inæqualibus
 corporibus ab eodem corpore percutiente fuerint
 inæquales, excursions factæ in plano æquidistante
 horizonti, & æque à plano subiecto eleuatæ, eandem
 proportionem habebunt quam impetus impressi.

Sint denuo duo corpora inæqualia C maius, & B mi- *Fig. 98.
 Tab. 3.*
 nus, quæ ab eodem corpore A perpendiculari & media
 incidentia percutiantur, eisque imprimat gradus veloci-
 tatum

*Gal. de motu
locali lib. 2.
prop. 2.*

tatum H & G inæquales inter se; sint vero directiones impulsuum æquidistantes plano subiecto horizontali RLM S quæ eque subleuentur ab eodem plano subiecto, scilicet corpus C discedat à termino perpendicularis IL , at B à termino perpendicularis NR , ut sint altitudines IL & NR æquales inter se, & ambo transigendo vias parabolicas IM , & NS percurrant spatia horizontalia LM , & RS . ostendendum est LM ad RS eandem proportionem habere quam velocitas impressa H ad velocitatem G , quia duo graua C & B accelerato motu percurrunt duo æqualia spatia IL & NR perpendicularia ad horizontem temporibus equalibus, & iisdem temporibus percurruntur parabolica itinera IM & NS , quare iisdem æqualibus temporibus percurruntur spatia horizontalia LM & RS , quæ ab impetibus H & G proiectitij horizontaliter transiguntur motu æquabili, ut exigunt gradus velocitatis impressi indelebiles & eiusdem roboris permanentes, verum in motibus æquabilibus eodem tempore exactis spatia transcurfa eandem proportionem habent quam impetus proiectitij, igitur ut impetus proiectitius H ad impetum G , ita erit transitus horizontalis LM factus à corpore C ad transitum horizontalem RS factum à corpore B , quod erat &c,

PROPOSITIO CXXX.

Dato corpore quod duabus datis inæqualibus velocitatibus perpendiculari & media incidentia percutiat impellatquè sursum perpendiculariter ad horizontem duo inæqualia corpora, reperire eleuationes eorum.

Sit

Sit corpus A, & duo alia corpora C maius, & B minus, atque A data velocitate F sursum percutiendo corpus C ipsū impellat per directionem IL vsque ad L perpendicularē ad horizontem; postea idem corpus A data velocitate E percutiat corpus B per directionem KM pariter ad horizontem perpendicularē, atque ambæ percussiones fiant perpendiculari & media incidentiā. determinari debet mensura eleuationis ipsius B, & primo sit impetus F ad E vt A plus C ad A plus B, atque vt A plus C ad A ita fiat velocitas F ad H, pariterquē vt A plus B ad A ita fiat velocitas E ad G. constat ex superius demonstratis impetus H & G impressos esse corporibus C & B & equari inter se & sit KM eleuatio facta ab impetu G. discedunt ergo duo corpora C & B à terminis I & K æqualibus velocitatibus, sed in proiectionibus sursum perpendiculariter ad horizontem factis æqualibus velocitatibus eleuationes apparentes æquales sunt inter se, igitur corporis B eleuatio KM equalis erit eleuationi IL alterius corporis C, secundo velocitas F ad E maiorem proportionem habeat quam A plus C ad A plus B erit velocitas H impressa corpori C maior uelocitate G impressa ipsi B, & fiat uelocitas G ad P ut uelocitas H ad G; & posito quod uelocitate H corpus C efficiat eleuationem apparentem IL fiat vt velocitas H ad tertiam proportionalem P ita eleuatio IL ad KO. dico corpus B vsque ad summitatem O perducī. quia in proiectionibus perpendiculariter ad horizontem factis apparentes eleuationes duplicatam proportionem habent eius quam habent impetus impressi seu proiectitij, estque H ad P vt quadratum impetus H ad quadratum impetus G, & vt H ad P ita est eleuatio IL ad eleuationem KO, igitur duo graua C & B vsque ad terminos L & O ascendent.

ter-

Fig. 99.
Tab. 5.Coroll. prop.
119.Conuers.
Corol. prop.
116.

Ex prop. 121.

Prop. 116.

tertio habeat velocitas F ad E minorem proportionem, quam A plus C ad A plus B , igitur velocitas H impressa maiori corpori C minor erit velocitate G impressa corpori B , & denuo vt quadratum ipsius H ad quadratum alterius G ita fiat supposita maxima eleuatio IL ad KN , *Ex prop. 116.* erit hæc proculdubio maxima eleuatio apparens corporis B quod eodem ratiocinio quo antea vsi sumus ostendetur, & hoc erat propositum.

PROPOSITIO CXXXI.

Iisdem datis si projectiones fiant sursum per directiones æque inclinatæ ad horizontem, reperire tum sublimitates ad quas pertingunt corpora percussa tum excursionēs horizontales,

*Fig. 100.
Tab. 5.*

Prop. 115.

Ex prop. 117.

Eadem.

Iisdem positis directiones projectionum fiant sursum per lineas æque inclinatæ ad horizontem $IRKS$. patet ex superius demonstratis transitus corporum C & B effici per lineas parabolicas ILR & KOS ; & siquidem impetus impressi H & G fuerint æquales, patet parabolas æquales esse inter se & eorum sublimitates seu altitudines parabolarum, pariterque amplitudines IR & KS æquales inter se fore. si vero vna earum velocitatum vt H maior fuerit quam G erunt nedum sublimitates, sed etiam amplitudines parabolarum IR & KS in duplicata proportionē impetus proiectitij H ad impetum G . quod erat propositum.

Ex his omnibus euidenter constat falsitas vulgaris sententiæ quod pondera inæqualia æquè sursum projiciantur siue perpendiculariter ad horizontem, siue per directiones æque ad horizontem inclinatæ, quotiescumque uelo-

citates quibus ab eodem corpore percutiuntur eandem proportionem habent quam corpora eleuata vt doctissimus Gassendus putabat, neque quisquam tanti viri experimentum opponat cui fides denegari non debet, nam facile demonstrari potest casu assumpsisse pondera & velocitatesque proxime ad eandem eleuationem perducere corpora percussa potuerant; supponatur enim pila A plumbea vnius vncie corpus B vero eleuatum esse vnciarum septem ab impetu percussiuo F ipsius A vnius gradus acquisito nimirum in descensu altitudinis vnius diametri eiusdem pilæ A, postea fit pondus C 15 vnciarum percussum ab eadem pila A impetu G duplo prioris, scilicet acquisito in descensu quatuor diametrorum ipsius, tertio pondus D 23 vnciarum percutiatur à pila A impetu H triplo prioris nempe acquisito in descensu novem diametrorum eiusdem pilæ, & tandem pondus E vnciarum 31 percutiatur à pila A velocitate I quadrupla, scilicet acquisita in descensu sexdecim diametrorum eius; modo quia vt velocitas dupla G ad subduplam F ipsius A, ita est summa corporum A & C scilicet vnciæ 16 ad summam corporum A & B scilicet ad vncias 8; igitur duo corpora B & C eleuari debent ad eandem altitudinem. similiter vt velocitas H tripla ad F subtriplam ipsius A ita est summa ponderum A & D scilicet vnciæ 24 ad summam corporum A & B scilicet ad vncias 8, quare corpus D eleuari debet ad eandem altitudinem ad quam eleuata fuerunt corpora E & C. idemque dicendum est de pondere eleuato E. inspiciantur modo numeri relati à Gassendo, hi plane parum differunt ab hisce nostris numeris, pondus enim B ponitur non præcise 7 vnciarum sed aliquid amplius pondus vero C ponitur non 15 sed 14 vnciarum cum dimidia, pondus vero D

Ostenditur casu assumpsisse Gassendū pondera, & velocitates, quæ proxime æquales eleuationes efficere debuerant.

*Fig. 101.
Tab. 5.*

Ex prop. 130.

Eadem.

101111

Nn

poni-

ponitur non 23 sed vnciarum 21, & tandem pondus E non 31 sed vnciarum 28, & hæc exigua differentia facile tribui potest inobseruabilibus differentiis quibus parua eleuationes eorundem ponderum inter se discrepare poterant. quare condonanda est tanto viro allucinatio quando casu incidit in ijs ponderibus ac velocitatibus, quæ ei & cuilibet alij imposuissent.

*Simili modo
Mersennus
deceptus fuit.*

Non secus quatuor primæ experientiæ factæ à Mersenno parum quoque discrepant à vero, ponitur enim pondus B vnciarum 8 non 7, C vero vnciarum 16, non 15, at B vnciarum 24 non 23, & tandem E vnciarum 31 proxima, & siquidem sequentes obseruationes nō exorbitarent, & æque tollerabiles essent excusari posset eius allucinatio, quando infert altitudines ex quibus decedit globulus super lances liberas esse debere in duplicata proportionem ponderum eleuatorum, quia nempe prædicti numeri parum à nostris differunt, & ideo fieri potuit, vt ad eandem fere altitudinem prædicta inæqualia pondera eleuarentur. verum cum subsequitur non vltius prædictam duplicatam proportionem pergere, quia obseruasse se ait impetum quintuplum prioris scilicet acquisitum in descensu 25 diametrorum eiusdē globi æneivncialis non eleuare quintuplum ponderis, nec quadruplum aut triplum, scilicet non eleuare vncias 40, immò nec 32, aut 24, manifeste indicat imperfectionem trutinæ qua usus est, aut eius structuram & proprietatem non fuisse ab eo animaduersam, quandoquidem impossibile est ut pōdus vnciarum 24 eleuetur ab impetu eiusdem globi vncialis cadentis ab altitudine 9 diametrorum ipsius, & postea à maiori impetu acquisito post descensum diametrorum 25 idipsum pondus 24 vnciarum non eleuetur; scilicet repugnat maiorem effectum à debiliore

*Eiusque alia
allucinatio in
dicatur.*

biliori causa, & effectum minorem à ualidiori potentia produci unquam posse, & eo magis hoc uidetur incredibile cum pondus contrapositum una cum lance non ad insignem altitudinem eleuari debuerat, sed tantummodo aliquantisper separari à contactu fulcri acuminati à quo sustentabatur, cum euidentissimum sit corpora multo ponderosiora ut sunt trabes concuti, subleuarique ab ictu percussione cuiuslibet corporis, aliàs tremorem & sonum non efficerent.

Quia uero historie ueritas minime in dubium reuocari debet operepretium erit indicare quidnam præcipue Mersenno imposuerit, & ostendere qua ratione ictus eiusdem globi maiori impetu quinque graduum factus minime eleuare potuerit pondus minus in opposita lance pendens; cum è contra ictus eiusdem pilæ minori impetu trium graduum eleuare maius pondus debuerit, hoc autem exigit solutionem sequentis problematis.

PROPOSITIO CXXXII.

In bilancibus adhibere inæquales funiculos ut idem corpus percutiens maiori impetu minime eleuare possit minus pondus, at minori impetu percutiendo maius pondus impellere ualeat; oportet autem ut pondus percutientis corporis minus sit unoquoque ponderum subleuandorum.

Sint duæ bilances DLME, & VPQX æquilibres, quæ pendeant ex immobilibus aginis Q, R, sintque illius funiculi LDME breuiores & minus distrahibiles quam huius funiculi PVQX, & premat maius corpus

Fig. 102.
Tab. 5.

Clancem D sustentatam à basi uel fulcro aliquo, minus uero corpus B premat lancem X eodem modo fulctam, reperiri debent longitudines funium, ut idem corpus A minus quam B & C uelocitatibus inæqualibus maiori $I H$ & minore $F G$ percutiendo lances liberas problemati satisfaciat. quia funes constant ex filis contortis, & conuolutis ad modum cochleæ qui uiolenter distendi possunt, sed non sine eorum resistentia, igitur uis percussiva, quæ funibus infertur continenter debilitatur in tempore à serie minimarum resistentiarum fibrarum eiusdē funis dum ipsæ cedendo, & simul repugnando uim ictus debilitant, non secus ac machinulæ connexæ, & longæ seriæ colligatæ distractioni resistunt, & uim percussiuam trahentem debilitant destruuntque, hinc fit ut funium $P V$, & $Q X$ longitudines aut consistentiæ augeri uel minui possint, quousque eorum resistentia ad ulteriorem distractionem præcisè æquetur ui percussivæ corporis A impetu $I H$ agitati. reperiantur postea funes $L D$, $M E$ ad quorum resistentiam ad distractionem ulteriorem eandem proportionem habeat resistentia ad distractionem funium $V P X Q$, quam impetus $I H$ habet ad portionem impetus ipsius $F G$ scilicet ad $G K$. & quia resistentia funium $Q X$, $P V$ ad distractionem æquatur ui corporis A impetu $I H$ percutientis, manifestum est resistentiam ad ulteriorem distractionem funium $L D M E$ æqualem fore energiæ corporis A impetu $G K$ percutientis; at quando A ictum infert impetu maiori $F G$ licet pereat impetus $K G$ in actione continuatæ distensionis funium remanet tamen gradus impetus $F K$ quo corpus A percussione inferre potest in corpus quiescens C , ideoque ei imprimet gradum uelocitatis ad quem impetus $F K$ eandem proportionem habebit quam A plus

plus C ad A, & hoc profecto impetu corpus C eleuabitur impelleturque fursum per aliquod spatium; quia vero funium P V, Q X resistentia ad vltiorem distractionem æqualis est vi percussionis corporis A impetu I H factæ igitur si corpus A descendat à tanta altitudine vt in fine descensus quando ad contactum lancis liberę V pertingit possideat impetum I H necessario semissis eius energiæ absumitur dum nititur distrahere funiculos V P reliqua vero impetus medietas deperditur in distractione funiculorum Q X, quare completa distensione distractioneque funium remanet corpus A absque vlllo impetu scilicet in absoluta quiete, quapropter est impossibile vt lancem X onutam pondere maiori B fursum impellat, ergo manifestum est quod idem corpus A minori impetu F G impellere potest maius corpus C, & è contra maiori impetu I H corpus minus B haud quaquam commouere potest, & hoc erat &c.

Animaduertendum modo est Mersennum in sua bilance post primas experientias adhibuisse longiores funiculos, vt nimirum posset ex altitudine 25 diametrorum globus dimitti. vt in pũcto intermedio lancis liberę percuteret, & tunc expertus est minime eleuari vncias 24, quas in altera bilanci breuiore funiculos habente casus eiusdem pilæ ab altitudine 9 diametrorum subleuabat vncias 24, ex eo igitur ratio discriminis petenda est, quod funiculi longiores maiorem & prolixiorem distractionem tollerare potuerant, & ideo maiorem resisten-
tiam ad vltiorem distractionem habebant, quæ æqualis esse potuit vniuersæ energiæ percussiuę globi impetu 5 graduum scilicet cadentis ab altitudine 25 diametrorum eius cum in funiculis breuioribus resistentia ad vltiorem distractionem minor esset vi percussiuæ globi impetu 3.

Detegitur causa deceptionis Merseni, quia impetus quinque graduum prius extinctus fuit a maiori distractione longiorum funiculorum, quare percussione non efficeret in contrapositione lancem onutam, at minor impetus trium graduum excedens resistentiam funium breuiorum potuit suo excessu

*supponitur con-
trapositum ele-
uare.*

tu 3. graduum scilicet cadentis ab altitudine 9. diametro-
rum, & ideo impetus ille licet maior prius deletus extin-
ctusque fuit. quam percussione inferret in contraposi-
tam lancem onustam at minor impetus utpote excedens
resistentiam funium non totus extinctus fuit sed eius ali-
qua portio uigens remansit à qua potuit eleuari pondus
ei contrapositum, & hæc est uera ratio & causa huius ad-
mirabilis operationis unde patet insufficiencia ratiocinii
à Mersenno adducti pro solutione huius reconditi pro-
blematis.

*In bilancibus
præter funium
distraktionem
adeest virga &
lancium flexio
que pariter
debilitat vim
ictus.*

Sed antequam ulterius procedamus animaduertendū
est in bilance præter funium distrahibilitatem adesse etiā
uirge, seu trutinæ, & lancium flexionem, quæ in per-
cussionibus factis à globo cadente aliqua ex parte debi-
litant impetum eius, quod profectō ab experimento
eiusdem Mersenni euincitur, ait enim quod globus ca-
dens supra lancis centrum non tanto ictu percutit, quan-
to dum cadit prope centrum hinc inde & tunc maius pō-
dus attollit, quod ipse censet rationi repugnare quæ iu-
dicat centralem percussione omnium uegetissimam.

*Percussio eius-
dem globi ea-
dem velocita-
te facta super
centrum lami-
ne bilancis de-
biliores est ea
que efficitur
lateraliter
hinc inde à cē-
tro eiusdem
lamine, quia
in centro ma-
gis flexibilis
quā ultra cē-
trum, & ideo
in illa magis*

Ratio huius diuersitatis petenda est à flexibilitate il-
lius laminæ, seu lancis, facile enim demonstrari posset
quod maior uis requiritur ad flectendam & incuruandā
lancem in locis lateralibus quam si flexio fiat in ipsomet
centro laminæ, igitur magis flexibilis & cedens est lanx
in eius centro quam ultra centrum, hinc inde, sed quan-
to maior flexio efficitur in lance tanto magis & prolixius
perseuerat lucta & debilitatio impetus percutientis glo-
bi, igitur minus debilitatur impetus eius quando incidit
ultra centrum hinc inde quam centrali percussione, sed
quo minus debilitatur impetus percussione globi cadē-
tis eo pondus contrapositum eleuatum maius esse potest,

ergo

ergo necesse est ut sit magis uegeta & potens percussio lateralis quam in centro lancis facta.

impetus debilitatur.

Multo minus excusabilis uidetur reliqua experientia quæ nuper uulgata est nisi culpam referamus in difficultates ineuitabiles libræ usurpatæ, & plurimas alias circumstantias, quæ errandi occasionem præbere potuerunt; & profecto uix persuaderi possum quod pila decidens ab altitudine 12 pedum conspici potuerit ut certe constaret an præcisè in medio laminæ ferreæ percussit nec ne, cū ægrè certi simus si pila manibus superponatur an præcisè eius infimum punctum contingat punctum aliud in lamina designatum. qua ergo ratione persuadebimur in motu uelocissimo descensus tot pedum conspici potuisse an infimum punctum pilæ cadentis medium punctum laminæ in extremo radio trutinæ accomodatæ præcisè tetigerit? si igitur hoc certo sciri non potest libra usurpata non semper erit radiorum æqualium, & ideo momenta percussionum satis alterari possunt unde experimentum ipsum incertum redditur, sed non desunt postea innumeræ aliæ difficultates ut est flexibilitas libræ quæ necessario incuruari debet & subinde resilire ut scilicet ad suam rectitudinem restituatur, & tam inflexio quam resilitio libræ non in instanti sed in tempore fieri debet & proinde percussiones erunt temporaneæ, unde miris modis potest impulsio ponderis prementis alterari; non hoc nomine solum trutina inepta est ad huiusmodi experimentum rite perficiendum sed alijs etiam de causis, Ergo si quis optaret mediantibus experimentis explorare à quibus nam impetibus inæqualia corpora eque eleuentur, ea instrumenta & hi modi usurpandi sunt in quibus quantum fieri potest euitentur difficultates, quæ hallucinationes afferre possunt, & ideo cum quis explorare cupit

Inexcusabilis uidetur reliqua experientia nisi culpa referatur flexibilitati libræ, & percussioni non centrali.

*Cum expendi-
tur vis percus-
sionis debet ea
esse immédia-
ta ut inter
percutiens &
percussum nō
intercedat cor-
pus molle aut
distrahibile.*

*Proponitur
modus efficien-
di percussione
sursum imme-
diata absque
trutina ita ut
impetus habe-
ant certam &
determinatā
proportionem.*

*Fig. 103.
Tab. 5.*

pit vim & energiam percussio-
nis factam ab uno corpore
in aliud oportet ut percussio sit immediata non uero in-
tercedat inter percutiens & percussum corpus aliquod
flexibile & longitudinem habens, ut est trutina quæ fle-
cti ac contorqueri & resilire potest circa centrum suæ re-
uolutionis, neque intercedere debent funes quibus lan-
ces alligantur, quia dum distrahuntur, vis percussio-
nis imminuitur. Sed dices quomodo possumus certo scire
an idem corpus modo dupla postmodum subdupla uelo-
citate percutiat nisi hoc ab eius descensu per altitudi-
nem quadruplam determinetur, quo descensu minime
percuti potest aliud corpus ut sursum ascendat nisi me-
diante trutina? potest profecto effici percussio sursum,
immediata & absque trutina & summa facilitate haberi
possunt impetus inæquales habentes certam ac determi-
natam proportionem mediante hoc instrumento, cuius
structura talis est fiant duo mallei M & N ex buxo aut ex
quolibet alio graui ligno & duro iisque infigantur ma-
nubria E D, G F gracilia sed tamen dura & consistentia,
debēt tamen summæ corporum mallei M eiusque manu-
brij E D pondus equari ponderi mallei N una cum eius
manubrio G F; sed centra grauitatum eorum intra cilin-
dros M & N eorundem malleorum consistere debent,
postea manubriorum extremitates D & F figi debent in
axe consistente O P, & simul colligari in K & L ut manu-
bria semper inter se equidistant & in eodem plano per
axem O P ducto permaneant. & primo figatur axis O P
in extremo alicuius mensæ A V ut sit perpendicularis ad
planum mensæ & ad planum subiectum Q S horizontale,
accomodentur deinde in extrema superficie mensæ duæ
pilæ C & B & reuolutis malleis vsque ad I H quacum-
que ui impellantur proiectio motu versus E G, mani-
festum

festum est impetum mallei M ad impetum mallei N eamdem proportionem habere quam arcus H M ad ei similem I N, propterea quod huiusmodi reuolutiones fiunt eodē tempore circa axem firmum O P à prædictis malleis simul colligatis; quare velocitas per circuli peripheriam H M ad velocitatem per circuli peripheriam ei similem I N eamdem proportionem habebit quam semidiameter D E ad semidiametrum F G. & hic habentur duo impetus impressi & inexistentes in duobus corporibus æqualibus & eiusdem ponderis vt sunt mallei M & N, qui impetus certam ac determinatam proportionem habent eam scilicet quam habet longitudo mallei D M ad longitudinem mallei F N, & siquidem vera esset vulgaris sententia quod nimirum impetus percussui equantur resistentijs corporum grauium eamdem proportionem habentium quam impetus, tunc posita pila C cuius pondus ad grauitatem alterius pilæ B eamdem proportionem habeat quā longitudo mallei D M ad longitudinem mallei F N deberent profecto fieri proiectiones horizontales inter se æquales, & proinde excurrerent lineas parabolicas C S & B R æquales inter se, transfigerenturq; spatia horizontalia in plano subiecto equalia inter se quod plane experientia repugnat, sunt enim euidenter spatia transcur-
sa Q R & Q S inæqualia inter se.

E contra si iuxta nostram sententiam duo pondera simul sumpta pilæ C & mallei D M ad aggregatum ponderum pilæ B & mallei N F eamdem proportionem habuerint quam semidiameter D E ad semidiametrum F G tunc percussiones perpendiculari & media incidentia factæ imprimunt æquales impetus corporibus C & B, & tunc transitus horizontales Q R & Q S æquales esse debent & hoc experientia comprobatur euidentius si mal-

Experientia constat nō habere impetus percutientis eamdem proportionem quā corpora impulsam in proiectionibus horizontalibus.

Et è contra tunc proiectiones æquales reperuntur quādo impetus percutientis proportionales sunt aggregatis ex percutiente, & quolibet percussorum.

lei M, & N ualde ponderosi, & pilæ C, & B exiguæ, & parui ponderis fuerint, atque accurate & caute difficultates & impedimenta euitentur.

Fig. 104.

Tab. 5.

*Eodem instru-
mēto fieri pos-
sunt percussio-
nes sursū ele-
uantes ponde-
ra ad eandē
altitudinem,
si pondera &
impetus ha-
beant iam di-
ctam propor-
tionem.*

Si postea explorare velimus eleuationes eorundem corporum per directiones perpendiculares ad horizontem figi debet axis P O ad parietem A in aliquo plano horizonti parallelo, vt nimirum mallei simul connexi ab infimo situ I H excurrere possint sursum per circumferentias circulorum perpendiculares ad horizontem, sed prius separari debet lamina V X, quæ habeat duo foramina Z & X tantæ latitudinis vt excipere possint portiones infimas pilarum B & C, quæ æquè exporrigantur & promineant infra laminę oppositam superficiem, disponatur postea lamina V X parallela plano horizontali vt mallei M, N præcise percutere possint pilas C, B incumbentes, & in tali situ lamina V X fixè & firmiter retineatur, tunc facta reuolutione connexorum malleorum pilæ ab eis percutientur per directiones perpendiculares ad horizontem, eruntque pariter duo impetus malleorū æque grauium proportionales semidiametris D E & F G, & hic denuo si aggregatum ponderum pilæ C & mallei M ad aggregatum ponderum pilæ B, & mallei N eādem proportionem habuerit quam semidiameter D E ad semidiametrum F G, tunc profecto eleuationes apparentes C S & B R æquales fiunt, si vero proportio ponderū C & M, ad pondus B & N maior fuerit proportione radij D E ad F G tunc apparens eleuatio B R maior erit eleuatione C S atque ad eam habet duplicatam proportionem eius quam habet impetus impressus pilæ B ad impetum impressum pilæ C qui impetus facile ex superioribus adductis propositionibus ex calculo elici possunt.

Id ipsum pariter verificatur si percussiones fiant sursū per

per directiones æque inclinatas ad horizontem, & in eis experientia comprobantur ea omnia, quæ in adductis propositionibus ostensa sunt, & hinc colligitur veritas nostræ doctrinæ, & falsitas vulgaris sententiæ.

Examen quæstionis 19. mechanices Aristotelis.

C A P V T XXXIV.

Hic obiter refelli potest Aristotelis sententia de causa energiæ percussionis in eius mechanica adducta; quærit enim *cur si quis super lignum magnam imponat securim, de superque illi magnum adiciat pondus ligni quidpiam quod curandum sit non diuidit si vero securim extollens percutiat illud scindit, cum alioqui multo minus habeat ponderis id quod percutit, quam id quod superiacet, & premis? respondet, an quia omnia cum motu fiunt, & graue ipsum grauitatis magis assumit motu dum mouetur, quam dum quiescit. incumbens igitur connata graui motione non mouetur, motum vero et secundum hanc mouetur, et secundum eam, quæ est percutientis.* hinc inferunt eius sectatores quod corpus incidens non modo per innatam sibi grauitatem operatur, sed etiam per eam quã in ipso motu acquirit. quod autem motus ponderi addat pondus, seu grauitas augeatur in motu, ac propterea efficacius operetur exploratissimum esse aiunt, quia grauia in descensu, & proiecta in suo progressu magis impellunt, non secus ac corpora grauiora.

Quæst. 19.

Ex Aristotile motus addit pondus pōderi quod falsum esse ex inferius dicendis constat.

Quia vero hoc repugnat doctrinæ superius traditæ nō erit inutile paucis insufficientiam peripateticæ sententiæ indicare.

Et primo quod motus ponderi non addat pondus constat ex eo quod impetus & grauitas non sunt quantitates

eiusdem generis, & ideo sicuti linea superficiei addita eam non auget, sic impetus & motus grauitatem non auget, vt patet ex superius demonstratis.

PROPOSITIO CXXXIII.

Impetus non auget pondus corpori graui.

*Fig. 73.
Tab. 4.*

Præterea id ipsum alia ratione ostendemus. sit corpus graue A ad corpus B reciproce vt eiusdem B impetus C ad impetum D ipsius A, & quia supponitur impetum, & motum addere corpori graui maiorem grauitatis gradū pro mensura ipsius motus, perinde est addere impetus C & D ipsis ponderibus B, & A, ac si iisdem noua pondera S & R equalia impetibus C & D adderentur: & siquidem pōdus maius S superat grauitatem maioris corporis A, erit pondus S maximum, & B minimum quatuor proportionalium ponderum, atque R & A erunt intermedia, ideoque summa extremorum S, & B maior erit summa mediorum R & A, & propterea momentum corporis B impetu C prementis maius erit momēto corporis A impetu D comprimētis, quod est absurdum, existentibus enim ponderibus reciproce proportionalibus velocitatibus eorum, conceduntur ab omnibus vna cum Aristotele eorum momenta æqualia inter se; quapropter impetus pondus non addit corpori graui.

PROPOSITIO CXXXIV.

Id ipsum alia ratione demonstratur.

*Fig. 75.
Tab. 4.*

Secundo ponatur ingens pondus A à plano subiecto
ful-

fulctum, scilicet motu, & impetu omnino priuatum, & quodlibet exiguum corpus B impetu affectum, & quia impetus ipsius B debilitari ac minui in infinitum potest. reperiri poterit aliquis gradus impetus C tam exiguus, vt licet addatur ponderi B eiusque pondus augeat nihilominus ambo non superent energiam ponderis quiescentis A, quare percussio facta perpendiculari, & media incidentia à corpore duro B impetu C non superabit nec commouebit pondus A quod est falsum; demonstratum enim est ipsū eleuare. non ergo motus addit pondus grauitati alterius corporis. præterea animaduertendum est quod nifus & actio compressiua corporis grauis non tendit nec fertur sursum, aut transuersaliter, sed deorsum perpendiculariter ad horizontem; è contra impetus impressus eiusque motus directio tendere potest sursum aut deorsum vel transuersaliter, hinc fit vt aliquando nifus impetus & grauitatis se mutuo adiuuent, quando scilicet ad easdem partes tendunt descendendo versus telluris centrum; è contra aliquando impetus nedum augere non potest nifum grauitatis, cum potius eum debilitet ac destruat, scilicet quando nifus & propulsiones impetus & grauitatis, ad partes oppositas tendentes, sibi mutuo occurrant, atque vna alterius impulsione impedit, & tunc impossibile videtur vt vis impetus augeat vim ponderis eiusdem corporis, & hoc profecto contingit cum pila grauis sursum proijcitur perpendiculariter ad horizontem, cum è contra nifus grauitatis fiat deorsum, & sic impetus proiectitiuus, nedum non augebit gradum grauitatis eiusque pressionis, quod potius actione contraria eum imminuet.

Prop. 119.

PRO-

PROPOSITIO CXXXV.

Pariter idem aliter ostenditur.

*Fig. 71.
Tab. 4.*

His positis supponatur rota *A B C* conuertibilis circa centrum *E* in plano perpendiculari ad horizontem atque in terminis *D, A, B* diametrorum ad inuicem perpendicularium *A C*, & *B D* apponatur idem malleus durus, qui percutere possit tres clauos dispositos in *B, D* & *A* vt figi possint in laminas ligneas vel cereas æque altas, & resistentes ibidem accomodatas, & fiant percussiones in *D* sursum in *A* horizontaliter in *B* vero deorsum, & malleus eadem velocitate clauos percutiat, in *D, A*, & *B* rota eodem impetu circumducta, ponamus iam gradum impetus mallei æqualem esse energiæ grauitatis eius, quod fieri posse manifestum est, cum rotæ velocitas retardari in infinitum possit. & quia in percussione deorsum facta à malleo *B* gradus impetus impressi adiuuat & auget grauitatem descendentis mallei *B*, igitur gradus ponderis eius augetur, scilicet efficitur duplicis roboris, & tantumdem augebitur energia percussionis eius. è contra ab impetu contrario sursum æquali energiæ grauitatis nedum imminuetur, sed omnino destruetur vis grauitatis mallei *D*, quare energia eius percussionis nulla profecto erit. tandem impetus transfuersalis in *A* remanebit inalteratus cum à propensione grauitatis neque iuuamen, neque noxam patiatur, sequitur proinde vt percussio sursum facta à malleo *D* nullius roboris, vtpote ab impetu seu grauitate omnino destructa ab impetu seu grauitate contraria æqualis energiæ, ne minimum quidem figere possit clauum in ceream laminam.

per-

percuſſio vero tranſuerſalis facta à malleo A figere poterit clauum ad tantam profunditatem ad quantam effigere poteſt impetus ipſius mallei, ſeu quantum inſinuare eum poſſet ſimplex mallei grauitas clauo incumben- tis abſque vlllo motu locali; & tandem percuſſio deorſum facta à malleo B duplicato robore composito nimirum à vi eius grauitatis, & ab energia eius impetus, figet clauum duplo altius in laminam, quam malleus A inſinuauerat, ſeu duplo altius quam à ſimplici eius grauitate abſque motu figeretur, quæ omnia cum ſint euidenter falſa, & contra experientiam, æque enim figuntur tres clauī D, A, & B atque ad æquales ferè profunditates inſinuantur, euincitur quod impetus aut motus non augeat, neque diminuit pondus cuiuslibet corporis pereutientis.

Hinc fit vt ſiue percuſſio fiat ſurſum, ſiue deorſum, ſiue tranſuerſe, nullo pacto alterari debeat à pondere eiusdem impulſi corporis aut percuſſi, nec quicquam præterea operatur pondus corporis, quam excipiendo impetum per vniuerſam eius maiorem molem diffuſum ſed non proinde vis percuſſiua vlllo pacto alteratur à pondere quatenus pondus eſt ſiue ſurſum, ſiue deorſum percuſſio inferatur. verum tamen eſt quod progreſſus motus proiectionis, qui ſurſum efficitur continenter debilitatur, à ſucceſſiuo deſcenſu dependente à naturali grauitate, cum è contra in proiectione deorſum poſt percuſſionem continenter eius impetus augeatur pro augmento impetus à vi grauitatis producti, at hoc non obſtat noſtræ ſententiæ, ſufficit enim vt actiones percuſſiue & impulſiue non alterentur ab actione propitia vel repugnante grauitatis, quæ diuerſi generis eſt ab impetu, & nullum pondus quieſcens reperiri poſſit quod impetu percuſſiuo reſiſte-

*Concluditur
quod percuſſio
ſiue fiat ſurſum
ſiue deorſum,
ſiue tranſuerſe
nullo pacto
alteratur ab
actione propi-
tia vel repu-
gnante graui-
tatis, quæ di-
uerſi generis
eſt ab impetu.*

sistere valeat, & ab eo non commoueat impellaturque sursum.

Et hic amore veritatis libens proferam proprium errorem, referamque experimentum à quo deceptus olim fui, quando communi errore detentus impetum percussuum ab aliquo pondere mensurari posse censebam.

*Afferitur ex-
perimentum
pro infinita vi
percussionis
sed fallax,
propterea quod
pōdus sursum
patitur ut mensura
impetus.*

Liquata cera eique admisto sebo confeci laminam molliorem aliamque ex cera pura duriores prioribus æqualem: postea securiculam tres vncias pendente conuertibilem circa extremum eius manubrium disposui ut cadere posset perpendiculariter supra planum mensæ, eleuataque securi ad sublimitatem graduum 45 curavi ut percuteret perpendiculari & media incidentia utramque ceream laminam molliorem nempe, & duriores, & accuratè notavi utriusque scissuræ profunditatem; deinde super laminam molliorem prope priorem scissuram securiculam imposui eique desuper aliud pondus addidi vndecim vnciarum, & tunc comperi scissuram æqualem, aut paulo maiorem à vi incumbentis ponderis factam fuisse, quam ictus dissecuerat. demum eadem securicula imposita super reliquam duriores ceream laminam adhibitoque pondere trium librarum, ferè facta est scissura æque alta ac simplex percussio eiusdem securis trium vnciarum ab eleuatione graduum 45, & quia persuasus fueram vim impetus percussui mensurari à pondere compressiuo eundem effectum producente, scilicet efficientem scissuram æqualem ei, quæ ab ictu facta fuerant deducebam vim ictus securiculæ trium vnciarum, ab eadē altitudine cadentis æquari energiæ ponderis prementis vnciarum quatuordecim, & etiam ponderi vnciarum 38, & hinc deducebam eandem vim ictus æquari cuilibet ponderi; sed postea re melius pensitata, animaduerti fallaciam

laciā experimenti, percepique nihil certi ex eo deduci posse.

Quoniam ut dictum est impetus impressus cuilibet corpori debilitari ac tandem extinguī potest à resistentia corporum cedentium continuata & successiua retrocessione non sine aliqua reluctātia, & aliunde manifestum est eundem impetum eiusdem corporis non minus debilitari, extinguīque à minima resistentia lanæ flexibilissimæ, quam à maiori resistentia plumbi minus cedētis, immo ab isto minus debilitatur idem impetus quam ab illa, licet maiorem scissuram creet, & altius insinuetur in lanam quam in plumbum, propterea quod vehementia percussione non aliunde prouenit, quam ab impedimento, resistentia, & reluctātia maiori progressum corporis percutientis impediēte; igitur ipsamet maior cōsistentia plumbi reddit ictum validiorem, & maioris roboris, at validior percussio eam attritionem, & scissuram efficit, quæ à maiori pondere, non vero à minori produci potest, hinc patet mirum non esse, quod maius pondus adhiberi debeat ad scindendum plumbum quam ad scindendam lanam, vel ceram ad eam profunditatem, quam effecerat ictus eiusdem pusilli percutientis corporis, quapropter energia illius percussione haud quaquam equalis erit ponderibus inæqualibus comprimentibus, cum prædictæ operationes diuersæ ab alia causa pendeant ut dictum est.

Præterea animaduertendum est, quod quotiescumque applicantur corpora ponderosa imponunturque corporibus mollibus, atque cedentibus, esse omnino impossibile, ut hæc ab illis comprimantur absque motu locali dum corpora mollia cedunt, ac stringuntur eo tempore quo vrgentur ab incumbentibus ponderibus, compri-

Ostenditur quare idem ictus eiusdem corporis eodē impetu minorem scissuram efficit in plumbum quam in lanā, & quare maius pondus eandem scissuram plumbi efficere debet quam in lanā

Non possunt corpora mollia comprimi ac scindi ab incumbentibus ponderibus absque motu locali & absque impetu aliquo

muntur ergo corpora mollia, & cedentia non à ponderibus quiescentibus, sed motu locali agilitatis: verum cōcipi nō potest motus localis absque velocitate seu impetu, nec corpus graue impetu affectū subiectum corpus comprimere potest absque percussione, igitur reuera corpora mollia quodammodo percutiuntur ab incumbentibus ponderibus, non autem solummodo stringuntur comprimunturque à vi grauitatis quiescentis. hoc posito

P R O P O S I T I O CXXXVI.

Eadem securicula eadem velocitate efficiet altioremscissuram in cera quam in plumbum, at adhibitis ponderibus supra securim, vt efficiant scissuras prioribus æquales in iisdem laminis, necesse est, vt minor scissura plumbi efficiatur à maiori pondere incumbente, & maior scissura cere efficiatur à minori pondere.

*Fig. 105.
Tab. 5.*

Sint duæ laminæ cedentes, altera plumbea C reliqua vero cerea mollior B, efficiet proculdubio percussio eiusdem securiculæ 3 vnciarum A eadem velocitate D altioremscissuram E B in cera, & minorem scissuram F C in plumbo, eedemque scissuræ fient ab inæqualibus ponderibus incumbentibus, à minori quidem pondere G in ceram & à maiori pondere H in plumbo, impetus vero ponderis ceram scindentis quæ sit K mensuratur à profunditate scissuræ in eam factæ, pariterque impetus I ponderis plumbum comprimementis mensuratur à minori scissura in ipsū facta eodem tempore à pondere incumbente H, quapropter percussio quæ efficitur à pondere G in ceram maiori impetu K efficitur & minori impetu I in plumbum à reliquo pondere H.

Et

Et quia duo inæqualia corpora A, & G efficiunt eandem scissuram in ceram, erunt eorum vires percussivæ inter se æquales, proindeque ut moles corporea A ad molem G, ita reciproce erit impetus K ad impetum D, par ratione corpora A & H eandem scissuram FC in plumbum efficientia æquales vires percussivas habebūt, ideoque ut corpus H ad A, ita reciproce erit impetus D ad I; quare ex æqualitate perturbata ut impetus K ad I, ita erit moles corporea, seu pondus H ad G, est vero impetus K maior quam I, igitur necessario pōdus H plumbo incumbens maius erit pondere G: quapropter necesse est ut minor scissura plumbi FC efficiatur à maiori pondere H, & maior scissura EB ceræ efficiatur à minori pondere incumbente G, & eedem scissuræ fient à percussione ponderis A velocitate D.

Hinc constat, quod impetus D æqualis non est ponderi H nec ponderi G, sed tantummodo vis percussiva ipsius A composita nimirum ex pondere eius, & ex impetu D æqualis sit tum vi percussivæ ipsius H compositæ ex pondere & impetu eius cum vi percussivæ alterius G, unde patet ex hoc experimēto haud quaquam deduci posse quod vis motiva ipsius A eiusque impetus D non est æqualis, neque superat quodlibet pondus, neque evincitur energiam percussionis ipsius A infinitæ facultatis esse quod repugnet veritati superius demonstratæ; ergo fatendum est huiusmodi experimentum fallax omnino esse, nec ex eo aliquid certi deduci posse.

Possent hic primus liber augeri, & propagari differendo de quamplurimis alijs rebus à me data opera omis-
nempe de centro percussionis, & de velocitatibus ab ictu productis, alia vero reseruantur proprijs locis, & de percussionibus corporum fluidorum, præcipuè ignis & spi-

*Deducitur
quod simplex
pondus non est
æquale impe-
tus.*

Prop. 119.

*Conclusio 107
tius libri.*

rituum, scilicet de energia, & modo quo percutere possunt corpora dura, & consistentia, & quibus instrumentis mechanicis eorum percussiones perficiantur, nec non de tremore animalium. de his enim inferius suo loco agemus, cum de vi motiua animalium, eiusque operatione differemus, cuius gratia priores hoscce libros concinnaui, visum est ergo non longius euagari: sed consistere in hac generali speculatione, quæ ab alijs ampliari ad libitum poterit, & sufficiens est pro meo instituto.

F I N I S.

I N D E X

C A P I T V M.

DE Motus Natura in genere. Cap. 1. pagina 1

De causis, & principijs motus. cap. 2. 4

Proiecta, postquam ab impellente disjuncta sunt, non promouentur à medio fluido, in quo existunt. cap. 3. 8

Proiecta à virtute impressa à proijciente promouentur postquam ab eo destituuntur. cap. 4. 31

De virtutis motiuæ proprietatibus, & operationibus. cap. 5. pag. 33

Quomodo impetus proijcientis diffundatur, & communicetur in proiectis, & qua ratione imminuatur. cap. 6. 39

Velocitas, quæ ab ictu in corpus proiectum communicatur, ex sui natura non in tempore, sed in instanti diffunditur. cap. 7. 49

Velocitas, quæ in corporibus

flexilibus & non omnino duris communicatur ab ictu percussiuo, imprimitur non in vnico, sed in pluribus instantibus temporis continenter succedentibus. cap. 8. 58

Velocitas in proiecto impressa, ex sui natura est vniformis, & perpetuo duratura. cap. 9. 62

De proportionem percussionum, factarum in corpus omnino stabile, vel amouibile. cap. 10. 63

De varietate percussionum, quæ oritur ex motu, & positione corporum ictum recipientium. cap. 11. 69

De percussionibus corporum obliquè incidentium super planum stabile. cap. 12. 80

De percussione corporum motibus obliquis sibi occurrentium. cap. 13. 93

De varietate percussionum ab impetu motus curuilinei, atque

2
 que accelerati factarum. cap. 14. 100
 De reflexione, quæ ad corporum
 percussione consequitur.
 cap. 15. 113
 Quomodo impetus debilitetur,
 & extinguatur in proiectis.
 cap. 16. 123
 Impetus cuilibet corpori im-
 pressus debilitari imminuiq.
 quidem potest in instanti ob
 sui diffusionem, at deleri om-
 nino ac destrui non potest ni-
 si in tempore, licet suspicari
 possimus motum neque exor-
 tui neque interitui obnoxium
 esse. cap. 17. 132
 Quomodo in flexibilibus corpo-
 ribus impetus impressus re-
 tardetur aut extinguatur. cap.
 18. 136
 Qua ratione in corporibus flexi-
 bilibus resilientibus motus
 contrarij se mutuo destruant,
 renouenturque. cap. 19. 144
 De impetus fluxu eiusque men-
 sura. cap. 20. 149
 Corpora se mouentia æquabili
 velocitate nunquam debili
 agitantur. cap. 21. 160
 Qua ratione procreari possit mo-
 tus acceleratus. cap. 22. 162

De facultate naturali motiua
 grauitatis. cap. 23. 168
 Vis impetus grauium cadentium
 minor est quacumque vi im-
 pulsua à projecto impressa.
 cap. 24. 183
 Digressio de ratione, qua Ma-
 gnes ferrum attrahit. cap. 25.
 pag. 185
 Corpora omnia concreta non
 omnino dura, sed aut fluxilia
 aut mollia aut flexibilia esse.
 cap. 26. 188
 De comparatione energie per-
 cussionis cum vi compressiua
 grauitatis. cap. 27. 192
 Enodatio superioris difficulta-
 tis, & veræ causæ huius effe-
 ctus admirabilis inquisitio,
 cap. 28. 196
 Energiam percussionis maiorem
 esse vi compressiua cuiuslibet
 finiti corporis grauis. cap. 29.
 pag. 200
 De Corporum tremore. cap. 30.
 pag. 211
 Accuratio inquisitio Cause tre-
 morem efficiētis. cap. 31. 218
 Exilissima vis motiua corporis
 alicuius motu tardo imprime-
 re & augere potest in corpus
 vastum velocitatem maiorem
 ea

ea qua impellens mouetur.
cap. 32. 244
Impetus percussionis mensurari
non potest ab energia simpli-

3
cis grauitatis, cap. 33. 249
Examen quaestionis 19. mecha-
nices Aristotelis. cap. 34. 291

I N D E X

P R O P O S I T I O N V M.

SI proiectio fiat in fluido,
quod condensari, aut rare-
fieri nequeat, resistentia an-
terioris fluidi ad locum cedē-
dum equalis est potentiae ae-
ris posticè recurrentis ad spa-
tium replendum. Propositio. 1
pagina. 12
Si postea supponamus non dari
in rerum natura corpus flui-
dum, quod nullam condensa-
tionem, aut rarefactionem
patiatur, vt verissimum est in
omnibus concretis corpori-
bus, tunc ostendetur, quod
momentum, quo antierius flui-
dum E D F resistit expulsion-
i è proprio loco maius est mo-
mento impulsus, quo idem
fluidum recurrit ad replendū

locum à mobili relictum. pro-
positio. 2. 13
Si fluidum recurrat ad replendū
posticum locum est impossi-
bile, vt repellat mobile vltē-
rius. prop. 3. 16
Si mobile aliquod, dum ab im-
pulsu medij fluidi fertur, re-
uoluatur horizontali vertigi-
ne circa suum centrum, non
poterit excurrere contra di-
rectionem motus eiusdē flui-
di. prop. 4. 19
E contra si in aliquo medio flui-
do stagnante, vel omninò
quiescente moueatur aliquod
corpus ab interna virtute mo-
tiua latum secundum directio-
nem alicuius determinatae fi-
brae per eius medium, seu per
gra-

4
grauitatis centrum extensæ ,
reuoluaturque horizontaliter
prædictū mobile , motus sub-
sequens fiet secundum dire-
ctionem eiusdem fibræ , qua-
prius mouebatur. prop. 5. 20

Si naui, dum propellitur ab im-
pulsu medij fluentis temonem
inflectat ad sinistram partem ,
naui prora reuoluetur versus
dexteram. prop. 6. 21

Si naui in medio fluido quie-
scente moueatur à vi intra ip-
sam operante , flexo temone,
prora naui reuoluetur ad
easdem partes eiusdem temo-
nis. prop. 7. 23

Hinc est impossibile, vt proiectū
postquam ab impellente de-
relinquitur promoueri possit
ab impulsu medij fluidi, in
quo fertur. prop. 8. 25

Corpus proiecti transfertur a
virtute communicata , & pro-
pagata à proijciente. prop. 9.
pag. 31

Id ipsum alia ratione demonstra-
tur. prop. 10. 31

Iterum eadem propositio alio
medio confirmatur. pr. 11. 32

Si duo corpora eadem velocita-
te moueantur , vis motiua ad

vim motiuam eandem pro-
portionem habet , quam vnū
corpus ad aliud. prop. 12. 37

Si duo corpora æqualia inæqua-
libus velocitatibus mouean-
tur , eorum virtutes motiue
eandem proportionem ha-
bebunt quam velocitates .
prop. 13. 38

Potest igitur demonstrari me-
thodo non diuersa à superio-
ri, quod, si idē corpus ab inæ-
qualibus motiuis facultatibus
impellatur , velocitates eius
eandem proportionem ha-
beant quam vires motiue ,
& e contra. prop. 14. 39

Igitur si fuerint duo corpora inæ-
qualia quæ impellantur ab
æqualibus viribus motiuis ,
erunt eorum velocitates reci-
procè proportionales magni-
tudinibus corporum impul-
sorum prop. 15. 40

Quodlibet corpus quiescens pē-
sile indifferens ad motum
à qualibet virtute motiua
quantumuis diminuta moueri
potest. prop. 16. 42

Quodlibet corpus quiescens
amouibile nihil omnino resi-
stet cuilibet potentie motiue.
prop.

prop. 17. 42
 Præterea ostendendum est, quod
 corpus incidēs in aliud quie-
 scens amouibile, ei non com-
 municabit, neque amittet in-
 tegram suam velocitatem, si
 ambo corpora sint omnino
 dura, & inflexibilia, & inci-
 dentia media, & perpendicu-
 laris fuerit. prop. 18. 43
 Si corpus vniformiter latum in-
 cidat in aliud corpus indiffe-
 rens ad motum, hoc inciden-
 tis velocitatem retardabit,
 eritque impellentis velocitas
 ad retardationem quam pati-
 tur vt summa corporum inci-
 dentis, & percussi ad corpus
 percussum; oportet autem in-
 cidentiam perpendicularem,
 & mediam esse. prop. 19. 46
 Quodlibet corpus in motu con-
 stitutum percutiendo corpus
 pensile in ipsum imprimit ve-
 locitatis gradum non succes-
 siuè, & in tempore, sed totum
 simul in instanti; oportet au-
 tem ambo corpora omnino
 dura, & inflexilia esse. prop.
 20. 52
 Aliter idem ostendetur prop. 21
 pag. 54

5
 Impossibile est vt corpus, dum
 vehitur impetu proprio de-
 stituatur & se habeat mere
 passiue. prop. 22. 56
 Alia ratione id ipsum ostende-
 tur. prop. 23. 57
 Percussio facta in cōgeriem cor-
 porum disiunctorum impetū
 in eam communicat continē-
 ter debilitatum, & in tempo-
 re. prop. 24. 59
 Si duo corpora æquali veloci-
 te translata perpendiculariter
 incidant in superficiem eius-
 dem corporis omnino immo-
 bilis duri, & inflexibilis, eo-
 rum percussiones eandem
 proportionem habebunt quā
 moles corporeę eorundem
 incidentium corporum ha-
 bent. prop. 25. 64
 Si duo corpora inter se equalia
 perpēdiculariter incidant su-
 per alterius corporis omnino
 stabili superficie, fuerintq.
 omnia corpora dura, & infle-
 xibilia, vires percussionum
 proportionales erunt veloci-
 tatibus eorundem incidentiū
 corporum. prop. 26. 65
 Si duo corpora inæqualia velo-
 citatibus inæqualibus incidāt

Qq

per-

perpendiculariter super eiusdem corporis omnino quiescentis superficiem, sintque prædicta corpora dura, & inflexibilia, vires eorum percussionum proportionem compositam habebunt ex rationibus magnitudinum, & velocitatum. prop. 27. 66

Hinc constat si moles perpendiculariter incidentium corporum super idem corpus omnino stabile reciprocè proportionales fuerint velocitatibus earum, esse vires percussionum æquales inter se. prop. 28. 67

Vis percussionis factæ super corpus quiescens amouibiliter mensuratur à portione impetus percussiui, ad quam eandem proportionem habet, quam summa percutientis & percussi ad corpus percussum. prop. 29. 68

Si duo corpora moueantur equali velocitate per eandem rectam lineam ad easdem partes nulla resistentia neque percussio efficietur. prop. 30. 69

Si postea duo corpora omnino dura, & inflexibilia motibus contrariis per eandem rectam

lineam sibi mutuo occurrant perpendiculari & media incidentia, percussio, quæ fieret super idem corpus tardius excurrens, si in quiete amouibili constitueretur, ad percussionem motibus contrariis factam eandem proportionem habet, quam velocitas percutientis corporis ad duas eorum velocitates contrarias simul sumptas. prop. 31. 71

Si duo corpora contrariis motibus per eandem rectam lineam sibi mutuo occurrant perpendiculari & media incidentia, impetus quo vnum ab altero impellitur equalis erit ei, quo eorum alterum velocitate æquali duabus contrariis velocitatibus occurrit alteri corpori quiescenti amouibili. prop. 32. 73

Si duo corpora ad easdem partes per eandem rectam lineam moueantur, & sibi mutuo occurrant, impetus compressiuus quo corpus tardius fugiendo impellitur equalis est impetui compressiuo facto in eius quiete amouibili velocitate differentiali. prop. 33. 74

Si duo corpora dura contrarijs motibus sibi mutuo occurrāt perpendiculari & media incidentia, vis percussio- nis, quā efficit velocius corpus super reliquum quiescens amouibilibiter ad percussio- nem quam id ipsum patitur contraria velocitate affectum ab eodem impellente, eandem proportionem habet quam singularis velocitas percutientis ad summam velocitatum cōtrariarum. prop. 34. 75

Si postea duo corpora inæqualibus velocitatibus ad easdem partes ferantur per eandem rectam lineam, vt sibi occurrant perpendiculari, & media incidentia, vis percussio- nis, quam patitur antecedens corpus, si in quiete amouibili cōstitueretur, ad eam percussio- nem, quam patitur, dum suo motu iſtum fugit, eandē proportionem habet, quam velocitas persequentis corporis ad differentiam velocitatum eorundem. pr. 35. 77

Demum si duo corpora moueā- tur non per eandem lineam, sed per lineas ad inuicem per-

pendiculares, & sibi occurrāt perpendiculari, & media incidentia, energia percussio- nis, quam patitur vnum corū à reliquo, eadem est, quam ea, quæ efficitur in statione, eius amouibili vel omnimo- da. prop. 36. 78

Si corpus aliquod moneatur di- recto motu æquidistanter su- perficie alterius corporis sta- bilis, quam absque compres- sione contingat, siue non cō- tingat, nulla percussio efficie- tur. prop. 37. 80

Si duo corpora moueantur su- per plana æquidistātia ad eas- dem partes aut ad oppositas, vel transfuersè, licet sese con- tingant absq. compressione, se mutuò non percutient. prop. 38. 81

Si duæ potentiæ applicatæ in ex- tremis duorum æqua- lium radiorum eiusdem libræ inflexæ vna directè, altera obliquè trahens æquilibrium efficiant, potentia absoluta obliquè trahens ad eius mo- mentum, vel ad potentiam absolutam directè trahentem eandem proportionem habe-

bit, quam radius libræ ad distantiam directionis obliquæ à fulcimento. prop. 39. 82

Si corpus aliquod moueatur directo motu, & æquabili inclinato ad superficiem alterius corporis omnino quiescentis, momentum impetus in plano inclinato ad totalem eius impetum eandem proportionem habet, quam sinus complementi anguli incidentiæ ad sinum totum. pr. 40. 83

Impetus motus æquabilis directi obliquè incidentis super planum aliquod omnino stabile æquale est potentia duabus æquabilibus velocitatibus eodem tempore peractis, ex quibus componitur, eius scilicet, quæ à perpendiculo mensuratur, & eius, quæ inter idem perpendiculum, & obliquam incidentiam intercipitur. prop. 41. 85

Si corpus aliquod impellatur inclinato motu ad superficiem alterius corporis omnino quiescentis, momentum resistentiæ eiusdem superfici ei obliquè ictum recipientis ad totalem eam resistentiam, quæ

exerceret contra ictum perpendicularem eiusdem corporis eodem impetu translatis, eandem proportionem habet, quam sinus anguli incidentiæ ad sinum totum. proposit. 42. 86

Aliter, & facilius idem demonstrabitur. pr. 43. 88

Si corpus aliquod moueatur inclinato motu ad superficiem alterius corporis omnino quiescentis, vis & energia percussionis obliquæ ad absolutam percussionem perpendicularem eandem proportionem habet, quam sinus anguli incidentiæ ad sinum totum. pr. 44. 89

Aliter idem demonstrare. pr. 45. pag. 90

Si duo corpora æqualia, & similia æque distiterint à plano subiecto omnino stabili, atque motu æquabili eodem tempore ad contactum plani subiecti perueniant vnū quidem perpendiculari transitu, alterum ad idem planum inclinato, eorum vires, & energiae percussionum æquales erunt. pr. 46. 91

Si

Si duorum corporum super idē planum existentium, alterum in vno eius situ quiescat, reliquum vero motu æquabili ad id ipsum accedat, tunc siue planum cum annexis corporibus quiescat, siue moueatur, semper sibi ipsi æquidistando perinde corpus excurrentis ad stabile accedet, ipsumque eodē impetu percutiet. pr. 47. 93

Hoc præmissis. Si duo corpora ab eadem recta linea perpendiculari ad subiectum planum descendētia moueātur æquabili motu ad easdem partes, atque vnum eorum in plano subiecto feratur, in quo eius superficies semper existat, reliquum vero motu obliquo perueniat ad alterius occursū, impetus percussiuus mobilis obliquè excurrentis efficitur eadem directione, & impetu designato in recta linea, in qua prædicta corpora motum incoauerant. pr. 48. 94

Aliter idem demonstrare. pr. 49 pag. 96

Iisdem positis, si superficies corporis ictum excipientis perpendicularis fuerit ad lineam

motus obliqui ipsius percussientis, erit vis percussionis ad eam, quæ efficitur in plano subiecto, vt sinus anguli incidentiæ ad sinum totum; si vero eadem superficies corporis percussi perpendicularis fuerit ad subiectū planū nullam percussionem patietur. pr. 50. 97

Dato impetu transuersali æquabili, & angulo incidentiæ impetus obliqui, & transuersalis reperire impetum obliquū & descensuum. pr. 51. 101

Insuper dato impetu transuersali, & descensiuo reperire impetū obliquū, & angulū incidentiæ impetus obliqui super transuersalem. pr. 52. 102

Id ipsum contingere demonstratur, quando impetus est vni-formiter acceleratus. pro. 53. pag. 102

Energia obliquæ percussionis mensuratur ab eodem sinu anguli incidentiæ. pr. 54. 103

Hoc supposito dico, quod idem corpus quacumque velocitate impellatur horizontaliter efficiet in incidentia eius obliqua super planum subiectū horizontale percussiones sem-

per

per æquè validas, & eiusdem
energix. pr. 55. 104

Si postea idem impetus eiusdem
proiecti transfuersalis excipia-
tur ab aliquo plano A E per-
pendiculari ad horizontem,
tunc profecto energia percus-
sionis factæ super planum A E
quomodocumque augeatur
vel minuatur eius distantia à
termino projectionis semper
est eadem eiusdemque validi-
tatis. pr. 56. 107

Energia percussionis factæ super
planum translatum vna cum
percutiente semper in eadem
linea perpendiculari ad hori-
zontē cū eo cōstituti mensu-
ratur ab impetu casus eiusdē
mobilis. pr. 57. 107

Validitates percussionum obli-
quarum mensurantur non ab
impetu physico & reali factō
per viam obliquam, sed à sim-
plici impetu casus. pr. 58. 110

Vis motiua incidentis corporis
non debilitatur neque immi-
nuitur à resistentia corporis
firmi, & durī. pr. 59. 115

Et primo si corpus aliquod durū
quacumque velocitate per-
cutiat corpus aliquod itidem

durum omnino immobile at-
que inflexibile, illud reflecte-
tur eadem prorsus velocitate,
qua in ipsum inciderat. pr. 60.
pag. 117

Si postea corpus ictum recipiens
perpendiculari & media inci-
dentia in quiete amouibili
fuerit constitutum, fuerintque
ambo corpora dura, & infle-
xibilia, nulla reflexio efficitur,
sed ambo corpora simul ad
easdem partes excurrent. pr.
61. 117

Si corpus quiescens remoueri
quidem possit è suo loco, sed
cum aliqua resistentia, quæ su-
perari possit à vehemētia ali-
cuius corporis, si illud minus
fuerit quam corpus quiescēs,
retrorsum reflectetur post in-
cidentiam perpendicularem,
& mediam. pr. 62. 118

Præterea si duo corpora contra-
rijs motibus per eandem re-
ctam lineam translata reci-
procè proportionalia fuerint
suis velocitatibus, ac se mu-
tuo perpendiculari, & media
incidentia percutiant, sintque
ambo corpora dura, & infle-
xibilia, reflectentur ad partes
oppo-

oppositas ijsdem velocitatibus, quibus ante occursum ferebantur. pr. 63. 120

Si vero duorum corporum contrarijs motibus sibi ipsis occurrentium perpendiculari & media incidentia vis motiua vnius maior fuerit robore motiua alterius fuerintque ambo dura & inflexibilia, semper corpus minori virtute motiua praeditum reflectetur aucta velocitate, corpus vero maiorem vim motiuam habens non reflectetur si maius fuerit, nec semper si minus. pr. 64 pag. 121

Pergo iam ad postremum modum, quando scilicet duo corpora omnino dura, & inflexibilia per eandem rectam lineam motibus contrarijs se mutuo perpendiculari & media incidentia percutiunt, & tunc aio quod absolute vnus motus contrarius percussiuus impressum motum in reliquo corpore non debilitat neque extinguit, quod planum fiet hac ratione. pr. 65. 125

Nec videtur huiusmodi operatio naturae ingenio refragari,

quando quidem quodlibet corpus pensile, & equilibratum siue in motu siue in quiete constitutum suscipere potest quicumque impetum qui ab externo impellente ei inferatur. prop. 66. 128

Ab hoc itaque impetu non percussiuo motum contrarium procreari hac ratione suadebimus. pr. 67. 130

Si alterum vectis extremum a virtute motiua impellatur, ut resistentiam glutinis vel compriementis corporis reliquo vectis extremo appositam superare valeat, non secus resistentia operatur contra impellentem vim, ac opposita vis motiua absque percussione resistens. pr. 68. 137

In columna parieti affixa cuius extremum a virtute motiua impellatur, tunc resistentia ad eius diffractionem in eius basi parieti contigua collocatur in extremo nempe vectis inflexi, pariterque resistentia operatur, quatenus repellit impulsu contrarium. pr. 69. pag. 138

In virga flexibili eodem modo resi.

resistentia ad eius diffractionem diffunditur per totā eius longitudinem, atque resistentia glutinis eius impetu contrario reagit reperiendo propulsionem oppositam. pr. 70. 139

Si resistentiæ segregatæ superari debeant vectæ ab eadem virtute impulsiva retardabitur impetus impulsivus tempore aliquo, at si absque percussione impulsio fiat realibus diminutionibus continenter retardabitur. pr. 71. 140

Virga flexibilis subiecto plano affixa normaliter, si ab aliquo corpore transversè impellatur dū flectitur extinguet impetum percussivum, eumque denuo gignet in eius resiliitione. pr. 72. 145

Si virga resiliendo cōtrario motu occurrat corpori impellenti, extinguetur huius impetus eique postea imprimetur maior gradus velocitatis, equalis nempe duabus velocitatibus simul sūptis ei scilicet qua virga flectebatur, & ei qua impellebatur. pr. 73. 147

Id ipsum effici debere in pila lu-

foria & in reliquis machinis demonstratur. pr. 74. 148

Si duo mobilia quibuscumque velocitatibus, sed æqualibus temporibus motu equabili ferantur, erunt plana velocitatum, vt spatia transacta. pr. 75. 152

Si idem mobile eadem velocitate, æquali motu, sed temporibus inæqualibus percurrat duo spatia, erunt plana velocitatum vt spatia. pr. 76. 153

Ex his duabus propositionibus facili negotio ostendetur, quod si duo mobilia inæqualibus velocitatibus, temporibus quoque inæqualibus motu equabili ferantur, tunc planum impetus vnius ad planū impetus alterius erit vt spatiū transcursum ab vno eorum ad spatium excursum ab altero mobili. pariterque prædicta plana velocitatum proportionem compositam habent ex ratione velocitatum, & ex ratione temporum, pariterque proportio spatiorum componitur ex iisdem duabus rationibus. vnde constat, quod si velocitates fuerint temporibus

bus proportionales, tunc plana velocitatū seu spatia exacta duplicatam proportionē habebūt rationis temporum, vel velocitatum. pr. 77. 154

Si postea duo mobilia equalibus temporibus equali motu ferantur, primum semper eadē velocitate, secundum in equalibus velocitatibus in partibus eiusdem temporis equaliter diuisi, plana velocitatum genita eandem proportionē habebunt quam spatia exacta prop. 78. 154

Si duo mobilia eodem tempore ferantur, primū motu à quiete successiue accelerato, secundū vero motu equali: planum triangulare impetus illius ad planum rectangulum impetus huius eandem proportionē habebit quam spatia ab eis peracta habent. pr. 79. 157

Et primo si idem mobile ab externo impellente moueatur, quod repetat ictus ab indiuisibili momento inchoatos semper eque validos, scilicet eque veloces gignet motum acceleratum, sed non vniformiter

13
miter crescentem, immo diminutis incrementis quousque tandem acceleratione desinente ad æquabilitatem motus perducatur. pr. 80. 163

Si postea idem corpus promoueatur ab impellente virtute secum uecta, quæ scilicet nunquam deferat corpus impellendum, sed communi motu ueluti in naui quadam deferatur atque impellens repetat successiue ictus ab indiuisibili momento initium sumendo semper eque ualidos, & eque ueloces; motus ab impresso impetu exactus erit uniformiter acceleratus, eritque in duplicata proportionē temporum. pr. 81. 164

Machina intra nauim quiescentē resiliens licet percutiat anteriore eius tabulatum nequaquam impellet integram nauim. pr. 82. 166

His positis dico primo quod finis à natura intentus in motu grauium non est motus, scilicet vis & facultas grauitatis non peragit motum quatenus motus est, seu motio illa quæ efficitur à corpore graui non

Rr

est

est proprius eius effectus primario intentus, sed potius accidentarius, per se enim conatus grauitatis est destinatus ad quietem eiusdem grauis in centro terræ aut in equilibrio cum reliquis grauibz corporibus circa idem centrum. pr. 83. 173

Dico secundo quod finis à natura intentus in motu grauium non est appropinquatio ad centrum telluris quatenus accessio est. pr. 84. 174

Dico causam accelerationis motus grauium non esse vrgentiam aeris à tergo prementis exprimentisque corpora descendunt. pr. 85. 176

Secundo loco dico causam accelerationis motus grauium non esse attractionem à facultate magnetica telluris factā. pr. 86. 175

Præterea dico, quod causa accelerationis motus grauium nō est accessus & approximatō ad terram. pr. 87. 178

Sed equè mirabile videbitur impetum grauium cadentium fore minorem quocumque impetu in proiectum impres-

so. pr. 88. 184

Si duorum corporum æque consistentium & durorum grauitates reciprocè proportionales fuerint velocitatibus eorum, vires percussionum ab iisdem factarum perpendiculari & media incidentia super idem corpus durum æquales erunt inter se. pr. 89. 200

Vis & energia cuiuslibet percussionis maior est quacumque potentia finita, quæ absque motu locali solummodo virtute grauitatis premat. pr. 90. pag. 203

Causa vibrationis fune-penduli ostenditur. pr. 91. 211

Si fuerint duo pendula inæqualia, tempora oscillationum sunt in proportionē subduplicata longitudinum eorundem pendulorum. pr. 92. 212

Virga flexibilis parieti affixa & percussa adinstar fune-penduli efficiet vibrationes hinc inde. pr. 93. 213

Armilla flexibilis & resiliēs percussa pariter adinstar fune-penduli efficiet plures compressiones & dilatationes. pr. 94. 215

Et si

Et si eadem armilla à pondere compressa insuper percutiatur similiter adinstar penduli efficiet plures itus ac reditus sursum, & deorsum. p. 95. 215

Si vero intra fistulam apponantur innumeri circelli flexibiles, lamine, virgæ, & aliæ machinulæ, quæ ab incumbente pondere & noua percussione comprimantur, pariter efficietur plures itus ac reditus sursum, & deorsum adinstar penduli. pr. 96. 216

Quodlibet corpus concretum esse veluti aceruum earumdẽ machinularum, & proinde à percussione efficientur innumere compressiones, & dilatationes, quæ tremorem efficiunt. pr. 97. 217

Si fuerint plures armillæ flexibiles ac resilientes æqualis roboris, atque idem pondus cõprimat modo vnicam armillam modo plures horizontaliter supra planum dispositas, compressio quam patitur singularis armilla ad eam quam patitur vnaqueque ex eis, quæ simul idem pondus substinent, eandem proportionem ha-

35
bebit quam reciproce omnes coniunctim operantes armillæ ad illam singularem. pr. 98 pag. 219

Iisdem positis si idem pondus comprimens ab aliquo externo corpore æquali energia percutiatur vltius comprimantur eadem proportionem reciproca multitudinis armillarum, & insuper resilitio singularis armillæ tam multiplex erit resilitio cuiuslibet coniunctarum quam reciproce illæ multiplices sunt huius. pr. 99. 220

Si plures armillæ flexibiles ac resilientes, sed æqualis roboris sibi perpendiculariter incumbentes comprimantur ab eodem corpore graui, quælibet earum eandem compressionem patitur quam idem pondus efficeret, si tantummodo vnicam armillam primeret, pr. 100. 222

Iisdem positis si idem pondus comprimens ab aliquo externo corpore percutiatur vltius, omnes armillæ æquè cõprimantur, & insuper quælibet earum æquali vi resilien-

do repellat fursum pondus
comprimēs ac repelleret vni-
ca singularis armilla ab eadē
percussione inflexa. prop. 101.
pag. 223

Quodlibet vastum pondus, cum
sit veluti aggregatum ex in-
numeris armillis compressibi-
libus, & resilientibus, com-
primetur quidem à percussio-
ne adueniente, & postea spō-
te dilatabitur subleuabiturq.
à robore, & consistentia infi-
marum armillarū. p. 102. 225

In lamina plumbea inflexa eius
partes transpositionem patiū-
tur, & propterea ad pristinam
restitutionem non redit. p. 103
pag. 230

In lamina vitrea inflexa porosi-
tates versus partem conuexā
ampliores fiunt, oppositę ve-
ro ad partes concavitatis co-
angustantur, sed licet partes
solide situm omnino non mu-
tent, vt in plumbo contingit,
tamen partialis aliqua agita-
tio & transpositio admitti de-
bet. pr. 104. 231

Vitrea phiala intra calidam
aquam immersa ab occurſu
ignearum exhalationum ve-

luti à totidem cuneolis am-
pliatur eius capacitas, & cō-
tra in immersione intra geli-
dam aquam eiusdem capaci-
tas inminuitur propter eorū-
dem cuneulorum defectum.

pr. 105. 236

In armilla chalybea rigida à pō-
dere incumbente inflexa, vel
percussione, particulę eius so-
lidæ vtcumque è suis locis di-
gressæ vim non habent sese
reducendi ad pristinam posi-
tionem, licet ob fulcimentum,
& æquilibrium resistantiam
compressiuam quælibet vis
motiua superare posset. p. 106
pag. 239

Vis compressiua ambientis flui-
di, aeris scilicet vel aquæ, cō-
stringere potest porositates
ampliatas armillæ compressæ
& superare vim incumbentis
ponderis, & proinde resilitio-
nem efficere valet. p. 107. 241

Adest postea secunda causa, quę
per se tantum eundem effectū
producere potest. pr. 108. 242

Exigua vis motiua grauitatis
producere potest effectum se
ipsa maiorem, scilicet impetū
quo propelli potest graue in-
pro-

progressu sui descensus. p. 109
pag. 245

In fune-pendulis percussio tarda
exigui corpusculi imprimere
potest in corpus vastum cele-
riorem impetum. pr. 110. 246

Hinc demonstratur, quare aeris
tremor languidissimus, qui à
tympani vel tubæ sono pro-
creatur concutere potest va-
stum templum eique tremorē
inducere, & hæc est causa sal-
tem adiuuans terre-motus. pr.

111. 247

Et primo ostendetur quod duo
motus contrarij æquabilis &
acceleratus in eodem corpo-
re eodem tempore existere &
exerceri possunt. pr. 112. 253

Quodlibet graue sursum proie-
ctum à qualibet vi percussiva
necessario per aliquod spatiū
quantum sursum eleuabitur.
pr. 113. 254

Si corpus graue sursum perpen-
diculariter ad horizontem im-
pellatur motu æquabili, vt da-
to tempore percurrere valeat
determinatum spatiū, in me-
dio puncto eius ascensus ele-
uatio proiecti terminabitur.
pr. 114. 255

In proiectione ad horizontem
inclinata pariter ad medieta-
tem eleuationis, quæ motu
æquabili fieri posset, subleua-
bitur proiectum excurreretque
itinere parabolico. prop. 115.
pag. 259

Si postea duo corpora grauia
impellantur sursum perpen-
diculariter ad horizontē dua-
bus velocitatibus; eleuatio-
nes apparentes duplicatam
proportionem habebūt eius,
quam habent impetus vel tē-
pora. pr. 116. 261

Si duo corpora impellantur sur-
sum sub eadem inclinatione,
erunt eleuationes apparentes
atque transitus horizontales
vt quadrata temporū excur-
sionum velocitatum impellē-
tium. pr. 117. 262

Et primo si idem mobile duabus
inæqualibus velocitatibus
percutiat idem mobile quie-
scens amouibile perpendicu-
lari & media incidentia, erunt
velocitates impressæ propor-
tionales impetibus quibus
percutiens agitur. pr. 118.
pag. 264

Datis duobus corporibus inæ-
qua-

qualibus amouibilibiter quiescentibus, reperiri debent due velocitates inæquales, quibus tertium corpus ea percutiendo perpendiculari & media incidentia maiori corpori à maiori impetu percusso imprimatur gradus velocitatis æqualis ei, quæ imprimitur minori corpori à minori velocitate. pr. 119. 265

Econuerso si impressæ velocitates æquales fuerint, habebunt percutientis velocitates eandem proportionem, quam summa ex percutiente, & quolibet percussorum p. 120. 267

Iisdem datis velocitates inquirende tales esse debent vt maius corpus maiori impetu percutiatur & tamen ei imprimatur gradus velocitatis minor eo, qui imprimitur minori corpori, pr. 121. 267

Si idem corpus æqualibus velocitatibus perpendiculari, & media incidentia percusserit inæqualia corpora, summae percutientis & cuiuslibet percussorum reciproce proportionales erunt impressis velocitatibus, pr. 122. 268

Si duo corpora dura inæqualia velocitatibus æqualibus percusserint idem corpus durum perpendiculari & media incidentia, impressæ velocitates proportionem compositam habebunt ex ratione percutientium corporum, & ex ratione reciproca eorundem vna cum corpore percusso. pr. 123. 269

Dato corpore graui cuius gradus impetus augeantur iuxta seriem numerorum ab vnitate incipientium reperiri debent corporum grauitates, quæ ab illo percussa impetus æquales suscipiant. pr. 124. 270

Dato corpore graui cuius gradus impetus augeantur iuxta seriem numerorum ab vnitate incipientium, corpora quæ ab illo percussa suscipere debent æquales gradus impetus augeri debent arithmetica proportionalitate quorum excessus æqualis erit percutienti vna cum minimo corpore percusso. pr. 125. 272

Dato graui cuius gradus impetus in eadem proportionem cōtigua augeatur & iisdem percutien.

percutiendo inæqualia corpora gradus æquales velocitatis eis imprimat, semper corpus maius ad minus percussū habebit maiorem proportionē quam percutientis velocitates habēt, sed quo magis corpora percussa augentur, eo magis eorum proportio minuitur. pr. 126. 273

Datis duobus corporibus inæqualibus duabusque velocitatibus, reperire tertium corpus quod data maiori velocitate maius corpus percutiendo ei imprimere possit gradū velocitatis æqualem ei, quæ minori corpori minori data velocitate imprimere valet; oportet autem vt maius corpus ad minus habeat maiorem proportionē quam maior ad minorem velocitatem. p. 127 pag. 275

Et primo si velocitates eiusdem percutientis proportionales fuerint aggregatis ex percutiente & vno quoque percussorum, atque impulsus fiant per directiones æquidistantes plano horizontis à quo eque recedant, projectiones seu

19
transitus erunt æquales inter se. pr. 128. 276
Si postea impetus graduum impressorum inæqualibus corporibus ab eodem corpore percutiente fuerint inæquales, excursionses factæ in plano æquidistante horizonti, & æque à plano subiecto eleuate, eandem proportionem habebunt quam impetus impressi. pr. 129. 277

Dato corpore quod duabus datis inæqualibus velocitatibus perpendiculari & media incidentia percutiat impellatquē fursum perpendiculariter ad horizontem duo inæqualia corpora, reperire eleuationes eorum. pr. 130. 278

Iisdem datis si projectiones fiant fursum per directiones æque inclinatas ad horizontem, reperire tum sublimitates ad quas pertingunt corpora percussa tum excursionses horizontales. pr. 131. 280

In bilancibus adhibere inæquales funiculos vt idem corpus percutiens maiori impetu minime eleuare possit minus pondus, at minori impetu percutiendo

tiendo maius pondus impel-
lere valeat; oportet autem vt
pondus percutientis corporis
minus sit vnoquoque ponde-
rum subleuandorum, pr. 132
pag. 283
Impetus non auget pondus cor-
& pori graui, pr. 133. 292
Id ipsum alia ratione demōstra-
tur, pr. 134. 292
Pariter idem aliter ostenditur.
pr. 135. 294

Eadem sericula eadem velocita-
te efficiet altiore scissuram
in cera quam in plumbum; ac
adhibitis ponderibus supra
securim, vt efficiant scissuras
prioribus æquales ijsdem la-
minis, necesse est, vt minor
scissura plumbi efficiatur a
maiori pondere incumbente,
& maior scissura ceræ efficia-
tur à minori pondere, pr. 136
pag. 298

I N D E X

N O T A B I L I V M.

Motus definitio. pagina 1
Motus de genere quan-
titalis continuæ successiue est.
pag. 2
Vis celeritatis dicitur impetus.
pag. 3
Transitus in spatio mundano di-
citur motus realis, & physicus,
at si fiat intra vas aliquod trā-
slatum vocatur motus relati-
uus. 3
Grauia & animalia per se, & a se

ipsis mouentur. 5
Fallacia peripatetici ratiocini-
j detegitur. 6
Causa physica efficiens motum
in corporibus naturalibus
corporea esse debet. 7
Idem principium motum physi-
cum efficiens motu quoque
affici debet. 8
Si proiectum ab aere impulsio
transferreretur, deberet quo-
que aer impelli ab alio aere,
& sic

& sic in infinitum. 10
 Experiētia euincitur falsitas hu-
 ius sententiæ. 10
 Temonis operationes in naui a
 cursu fluentis translata. 22
 Temonis operationes in naui in
 medio fluido quiescente tran-
 slata. 23
 Causam operationis temonis ab
 Aristotele adductam insuffi-
 cientem esse. 24
 Experimento sagittæ confirma-
 tur eam non promoueri à me-
 dio fluido postquam impulsa
 est. 26
 Iterum id ipsum cōfirmatur alia
 experientia euidentiori. 27
 Iterum id ipsum euidenti expe-
 rientia confirmatur. 27
 Vis motiua, à qua mobile deter-
 minata velocitate fertur vni-
 formiter extensa est, & diffusa
 per vniuersam eius molem
 corpoream. 34
 Etsi idem mobile diuidatur in
 duas partes eadem propor-
 tione, vis motiua diuisa erit.
 pag. 34
 Duo æqualia corpora æquè ve-
 lociter mota, si coniungātur,
 duplicatur quidē virtus mo-
 tiua remanente tamen veloci-

rate inalterata. 36
 Augmentum virtutis motiue in
 eodem subiecto intēsiuè cre-
 scit. 39
 Manifestantur causę experimē-
 torum, quæ doctrinæ superius
 traditæ refragari videntur. 44
 Ictus ingentis nauigij tardo mo-
 tu excurrentis vehementiorē
 impetum confert nauiculæ,
 cui impingint ob motum resi-
 litionis velocissimum, qui ad
 concussionem, & flexionem
 consequitur. 47
 In percussione vis motiua impel-
 lentis non minuitur, neque
 de nouo vlla in proiecto pro-
 ducitur, sed tantummodo ex-
 panditur, ita vt vna eius pars
 in percutiente remaneat, re-
 liqua vero in corpus percus-
 sum communicetur. 48
 Modus impressionis impetus a
 Gassendo excogitatus refelli-
 tur. 55
 In fluidis corporibus admitti
 debent aliqua spatiola inter-
 media. 60
 Particulæ fluidum componentes
 motui resistunt quatenus a
 collateralibus particulis im-
 pediuntur, & proinde impel-
 lentis

lentis vim motiuam aliquo pacto debilitant. 61

Efficitur impressio velocitatis in tempore quatenus plures percussiones continenter succedentes fiunt. 61

In flexibilibus corporibus percussio & impressio impetus in tempore fit, ne dum quia singulares percussiones temporaneæ sunt, sed quia inter eas tempus mediat, minuiturque vis motiua ob resistantiam earum. 61

Percussionis descriptio. 63

Energia percussionis mensuratur nedum ab impetu incidentis corporis, sed etiã ab eiusdem mole corporea. 67

Energia percussionis pendet nõ ab impetu motus realis percutientis corporis, sed à motu respectiuo. 78

Licet vires motiuae, & motus reales sint inæquales, possunt effectus percussionum æquales esse. 92

Gradus energiae percussionis resultat ex impetu percutientis intensiuo, & extensiuo, & ex resistantia percussi corporis prout in quiete vel statione

amouibili vel in motu constituitur, & tandem à situ corporis percussi. 93

Idem proiectum horizontaliter inæqualibus velocitatibus eadem percussione efficit in planum subiectum horizontale. 105

Sed si planum subiectum molle & flexibile fuerit tunc vis percussionis horizontalis variationem patitur. 106

Examen opinionum de linea motus mixti ex transuersali circulari æquabili, & ex descensiuo accelerato versus centrum eiusdem circuli ostenditurque non esse circularem, neque parabolicam, neque peculiarem helicam. 108

Refellitur ratio cinium præclari auctoris. 111

Motus reflexiuus non gignitur de nouo vel à medio fluido aut à tremore parietis concussi. 114

Causa motus reflexiui est impetus motus incidentiae vnum eundemque motum efficiens. pag. 114

Impetus impressus nõ extinguitur à quiete corporum transi-

tum

tum impredientium. 123
Impetus percutientis nec à motu
transuerfali corporis percuffi,
nec à motu per eandem lineã
rectam ad easdem partes ce-
leriori, tardiori, vel æquẽ ve-
loci extinguitur. 125
Motus percuffiuus potest in cor-
pus penfile impetum impri-
mere, at non potest contraria
percuffione eundem motum
debilitare, aut extinguere.
pag. 126
Impetus impressus à quiescente
corpore debilitari ac destrui
potest dummodo adfit causa,
quæ reflexionem eius impe-
diat. 127
Potest pariter à motu contrario
extingui modo percuffio re-
moueat. 127
Actio percuffiua absque impul-
fu intelligi non potest, at è cõ-
uerfo effici potest impulsio
absque percuffione. 130
Causa extinctionis impetus pro-
iecti est impetus contrarius
insensibiliter crescens absque
percuffione impressus ceden-
do. 131
Vera, & realis imminutio impe-
tus atque destructio in tem-

23
pore fit quatenus motus con-
trarius absque percuffione
communicatur per incremen-
ta minima successione quadã
temporanea. 134
Ex superius dictis conijcitur
motum neque de nouo gigni
in natura, neque vnquam de-
strui posse. 134
A particulis corporeis in vacuo
innatantibus amouibiliter
quiescentibus impetus per-
cutientis corporis debilitari
potest in tempore, quatenus
transfertur impetus è proprio
in alienum subiectum, & ideo
non omnino extinguetur im-
petus percutientis. 141
Si prædicta corpuscula in spatio
vacuo moueantur non efficie-
tur vera retardatio incidentis
corporis, nisi motus sint con-
trarij absque percuffione.
pag. 141
At si eadem particulæ corporeæ
aliquo pacto cõnexæ vel pro-
pter figuras, vel quia non pos-
sunt libere circumuolui resi-
stent & tarditatem inferent
proijcienti corpori cum abs-
que percuffione ipsum repel-
lât, & successiue retardet. 142
Si 2 Si

Si vero eedem particulæ diuisæ
sefe tangant vt acervus arenę
frangibilis impetum proiecti
retardant, vt sunt fluida, & lu-
brica corpora. 143

At si corporeæ particulæ cohe-
rentes flexibiles fuerint pari-
ter proijcientis impetus vere
retardatur in tempore. 144

Constat experientia in machinis
flexilibus & resilientibus
impulsis destrui impetum im-
pellentis, & in resilitioe ma-
chinæ denuo produci. 145

Percussio, quies, & resilitio ma-
chinæ non in instanti, sed in
tempore absoluitur. 149

Velocitas longitudini lineari
analogâ censeri potest. 150

Fluxus continuus eiusdem gra-
dus velocitatis producit quā-
tatem plano analogam licet
fluentem. 150

Fluxus eiusdem gradus veloci-
tatis determinat excursus,
seu motum localem corporis
eadem velocitate translati.
pag. 151

At si gradus velocitatis dū fluit
continenter augetur intensi-
ue procreatur superficies pla-
na crescens vt trapetium, vel

triangularis si ab indiuisibili
gradu crescens transversè flu-
at. 151

Et si incrementa impetus æqua-
lia fuerint temporibus æqua-
libus efficient triangulum re-
ctilineum, aliàs erit curvili-
neum. 151

Præter corpora inertia, & quie-
scentia admitti debent in rerū
natura alia corpora spiritosa,
& viuida, quæ ex se ipsis mo-
ueri possint naturali virtute
eis à Deo communicata, erit-
que talis motus æquabilis.
pag. 160

Impetus genitus crescere potest,
non quia vis motiua intensiue
augetur, sed quia extensiue
suam operationem multipli-
cat repetendo ictus. 162

Possibile est malleum à naui as-
portatum absque eo quod in-
nitatur motu directo vt auis
in vacuo volans tabulatum
percutiat, repetatque ictus, &
tunc naui impulsæ continen-
ter maiori impetu mouebitur.
pag. 168

Exponitur modus facilis expe-
riendi prædicta phænomena.
pag. 171

Primus modus conficiendi accelerationem motus grauium. pag. 179

Secundus modus conficiendi accelerationem grauium verisimilior exponitur supponendo partes terrę esse se mouentes. 180

Atque vis motiua earum nõ ordinatur ad motum vt talis est, sed ad debitam positionem & æquilibrium cum tota terra. pag. 181

Remouetur difficultas, ostenditurque corpus graue nedum in quiete, sed etiã in eius motu descensus exercere conatus compressiuos. 182

Vis proiectum percutiens creat in vnico instanti gradum impetus quantum, & lineare, at vis grauitatis creat impetum indiuisibilem. 184

Deducitur quod ad conficiendas minimas impulsiones à quibus graue mouetur in descensu sufficit quælibet exilissima motio interna spirituum aut alterius corporis agitantis, quæ facile admitti potest. pag. 185

Qui opinantur ferrum à magne-

te attrahi mediante effluuio quodam corporeo non docēt quare, & quemadmodum talis operatio fiat. 186

Actionem magneticā esse communem ferri, & magnetis. 186

Modus huiusmodi operationis communis exponitur. 186

Concreta corpora compressibilia, & flexibilia sunt & aliquo pacto dilatari possunt quod constat ex tremore corporum quæ dura vulgo censentur. pag. 190

Impossibile est vt in eodem instanti in quo extremitas cuiuslibet cōcreti corporis percutitur simul agitentur omnes eius partes. 191

A pondere subleuato vulgo cēsetur mēsurari posse vim percussionis. 192

Videtur quod secundus mallei ictus eodem impetu illatus non possit clauum altius figere. 195

Hoc autem repugnat experientię requiriturque maius pondus vt insinuetur clauus eque ac figitur à secundo ictu mallei. 195

Deducitur quod energia percussionis

fionis eiusdem mallei equatur
potentiæ cuiuslibet ponderis,
ideoque illam infinitam vir-
tutem habebit. 196

Plures mallei eodē impetu per-
cutientes augent vim percus-
sionis iuxta multitudinem
malleorum. 197

Hinc pendet vis illa, qua parie-
tes ab ingenti trabe languido
motu percutiente concutian-
tur & corruant, quia trabs æ-
quatur aggregato plurium
malleorum. 197

Non secus percussiones repetitæ
eiusdem mallei eundem effe-
ctum producere possunt, quā
innumeri mallei simul percu-
tientes. 197

Infinitæ percussiones eiusdem
mallei eodem impetu equiva-
lent percussioni mallei infini-
tæ grauitatis æquæ veloci &
ambo resistantiam infiniti pō-
deris superabunt. 198

Hinc patet clauum non figi à sin-
gulari ictu eiusdem mallei,
sed à malleo immensæ vasti-
tatis toties multiplicato quot
sunt ictus ideoque effectum
grandem producere. 199

Cessat clauī insinuatō ab ictu

malli facta non quia vires cō-
trariæ æquantur, vt in cōpres-
sione ponderis contingit, sed
quia vis impetus continenter
debilitatur, & tandem destrui-
tur. 199

Veritas superioris propositionis
experimento comprobatur.
pag. 202

Eleuatio ponderis ingētis à per-
cussione pusilli corporis mul-
toties ob eius exiguitatem in-
obseruabilis est, & quare. 205

Experimento in statera factō cō-
stat ab ictu exigui corporis
pondus licet vastum aliquan-
tisper concuti ac subleuari.
pag. 205

At si corpora percussa valde fle-
xibilia fuerint tunc in tempo-
ranea percussione occultatur
eius eleuatio. 206

Hinc patet ingens vis percussio-
nis. 206

Et constat etiam quare ictus par-
ticularum nitri in tormentis
bellicis aut in cuniculis supe-
rare potest resistantiam ingē-
tis grauitatis. 207

Obijci potest quod ictus lapilli
facilius tollerari potest quam
compressio ingentis ponderis
hu-

humeris incumbētis. 207

Respondetur huic difficultati.

pag. 208

Diuersimode operare pondus & percussione, quia illius actio eiusdem tenoris, & roboris, huius vero debilitatur ac destruitur. 208

Vis ictus malleoli debilitatur ac destruitur à flexibilitate ac mollitie partium animalis, & proinde parum lēdit. 209

Vis ponderis semper æquibrari debet, & ideo contusionem efficere valet. 209

Sed præcipua causa allucinatio- nis est, quia ingens pondus nunquam in quiete, sed cum aliquo motu animalis dorsum premit, & ideo cum aliquo impetu, quare quodammodo percussione efficit. 210

Causa initium tremoris efficiens est energia percussione, at nō æquē facile assignari potest efficiens causa resiltionis vastæ molis tremantis. 219

Robur, & consistētia infimarum partium vastæ columnę post percussione impellere valet vniuersum pondus incumbēs quod experimento compro-

batur, cum eadem moles percussa tremore agitetur, ac proinde vim habet repellēdi pō-
dus totius columnę. 226

Nec obstat exiguitas infimarum machinularum repellentium cum pateat in aere consimilis vis resiltionis quando fistulas æneas disrumpit cuius vis superat aliquot millia librarū, licet eius operatio efficiatur à robore extimarum machinularum aerem inclusum componentium. 226

Id ipsum in catapultis pneumaticis experitur. 227

Desideratur tamē cognitio causæ efficientis resiltionem machinæ flexibilis. 228

Non videtur sufficiens causa resiltionis quæ à Gassendo excogitata fuit. 228

Partes solidæ corporum flexibilium necessario aliquam transpositionem patiuntur in ipsa flexione. 232

Partes solidæ corporis inflexi minime se restituere posse videntur ad pristinam directionem nisi habuerint propriam vim motiuā qua moueri queant. 234

Vide-

Videtur impossibile partes cuiuslibet concreti corporis sensum & inclinationem habere sese reducendi ad pristina loca, nisi quis vim magneticam in eis concedat, quod verisimile non est. 234

Fluida corpora terram ambientia, ut aer, & aqua naturalem vim habent sese uniendo, & compressionem efficere, & hinc consequitur compressio quam patiuntur corpora minus grauius specie ut follis infra aquam. pag. 235

Perspicuum est particulas igneas ineffabili celeritate insinuari per porositates corporum etiam rigidorum. 237

Et ab insinuatione eorundem igniculorum veluti à totidem cuneolis superficies à calido corpore tacta violenter ampliatur unde sequitur inflexio totius laminæ. 237

Corpuscula ignea aduenientia facilius insinuari possunt per porositates dilatatas vitri ab inflexione, quam per coangustatas superficiei eius concavæ. 238

Igni cuneoli eque velociter ex-

currentes debiliore ictu insinuantur & facilius per porositates ampliatas excurrunt quam per restrictas, & ideo parum & minus dilatant foramina hactenus ampliata quam restricta. 238

Id ipsum efficere possunt effluvia magnetica corporea pariterque reliqua effluvia corporea natiua vi agitata. 239

Corpuscula ignea, seu quælibet alia semouentia dilatare possunt porositates coangustatas armillæ compressæ, & superare compressionem incumbētis ponderis, & proinde resiliunt efficere valent. 242

Armilla quantumvis exigua resiliere poterit licet ab immenso corpore quiescente comprimatur. 243

Aeris tremor potest esse causa saltem adiuuans motus, & tremoris terræ, & quare. 247

Experimentum mirabile ad persuadendum telluris concussionem ab aeris tremore effici posse. 248

Gassendus opinatur à determinato impetu eleuari posse intrutina certum pondus, & non maius

maius refertque obseruasse,
 pondera eleuata eandem pro-
 portionem habere quam im-
 petus. 249
 Id ipsum se obseruasse Mersen-
 nus refert. 250
 Alius author ait pōdera eleuata
 ad eandem altitudinem eam-
 dem proportionem habere,
 quam descensus eiusdem cor-
 poris percutientis. 250
 Pondus esse non potest mensura
 impetus cum sint quantitates
 diuerforum generum. 252
 Maior impetus non eleuat pon-
 derosiora corpora si conside-
 retur simplex eleuatio, nō ve-
 ro proiectio eius. 252
 Propositionis veritas experimē-
 to comprobatur. 254
 Sagitta fursum excussa percurrit
 spatium duplum ascendendo,
 quam pertranseat descendē-
 do æqualibus temporibus, &
 impetus eius initio ascensus
 maior est impetu acquisito in
 fine descensus quod oritur ob
 aeris resistentiam. 257
 Remoto vero impedimento ae-
 ris spatia ascensus & descen-
 sus, atque impetus æquales
 sunt vt experientia compro-

batur. 258
 Ostenditur casu assumpsisse Gas-
 sendum pondera, & velocita-
 tes, quæ proxime æquales
 eleuationes efficere debuerāt.
 pag. 281
 Simili modo Mersennus dece-
 ptus fuit. 282
 Eiusque alia allucinatio indica-
 tur. 282
 Detegitur causa deceptionis
 Mersenni, quia impetus quin-
 que graduum prius extinctus
 fuit à maiori distractione lon-
 giorum funiculorum, quam
 percussione efficeret in con-
 trapositam lancem onustam,
 at minor impetus trium gra-
 duum excedens resistentiam
 funium breuiorum potuit suo
 excessu pondus contrapositū
 eleuare. 285
 In bilancibus præter funium di-
 stractionem adest virgæ & lā-
 cium flexio quæ pariter debi-
 litant vim ictus. 286
 Percussio eiusdem globi eadem
 velocitate facta super centrū
 laminæ bilancis debilior est
 eaquē efficitur lateraliter hinc
 inde à cētro eiusdem laminæ,
 quia in centro magis flexibi-
 lis

lis quam vltra cētrum, & ideo
in illa magis impetus debili-
tatur. 286

Inexcusabilis videtur reliqua.
experientia nisi culpa refera-
tur flexibilitati libræ, & per-
cussioni non centrali. 287

Cum expenditur vis percussio-
nis debet ea esse immediata vt
inter percutiens & percussum
non intercedat corpus molle
aut distrahibile. 288

Proponitur modus efficiēdi per-
cussionem sursum immediate
absque trutina itaut impetus
habeant certam & determi-
natam proportionem. 288

Experientia constat non habere
impetus percutientis eamdē
proportionem quam corpora
impulsa in proiectionibus ho-
rizontalibus. 289

Et è contra tunc proiectiones
æquales reperiuntur quando
impetus percutientis propor-
tionales sunt aggregatis ex
percutiente, & quolibet per-
cussorum. 289

Eodem instrumento fieri possūt
percussiones sursum eleuan-
tes pondera ad eamdē alti-
tudinem si pondera & impe-
tus habeant iam dictam pro-

portionem.

290

Ex Aristotile motus addit pon-
dus ponderi quod falsum esse
ex inferius dicendis constat.
pag. 291

Concluditur quod percussio si-
ue fiat sursum siue deorsum,
siue transuerse nullo pacto al-
teratur ab actione propitia
vel repugnāte grauitatis, quæ
diuersi generis est ab impetu.
pag. 295

Affertur experimentum pro infi-
nita vi percussionis, sed fallax,
propterea quod pondus vsur-
patur vt mensura impetus.
pag. 296

Ostēditur quare idem ictus eius-
dem corporis eodem impetu
minorem scissuram efficit in
plumbum quam in lanam, &
quare maius pondus eamdē
scissuram plumbi efficere de-
bet quam in lana. 297

Non possunt corpora mollia cō-
primi ac scindi ab incumben-
tibus ponderibus absque mo-
tu locali & absque impetu ali-
quo. 297

Deducitur quod simplex pōdus
non est equale impetus. 299

Conclusio totius libri. 299

Quæ-

Quædam Errata sic corrige .

Pag. 17. versu 2. lege, fluidi anterioris. p. 22 v. 9. non obsistet. p. 29. v. 13. transitum. p. 32. v. 6. ferretur. p. 37. v. 12. sumatur virtutis motiux D E. p. 43. v. 8. quæ supponatur. p. 47. v. 3. resiltionis p. 57. v. 15. in margine citetur. prop. 17. p. 67 v. 2. velocitatis D ad E. p. 71. v. 25. in marg. ex propof. 12. 13. 14. p. 75. v. 18. CF translato. p. 78. v. 8. in marg. prop. 33. p. 82. v. 17. trahens equidistanti directione. p. 87. v. 19. (eo quod vsque ad rectum A C E) p. 93. v. 6 energia percussionis. p. 94. v. 28 planum discedentia. p. 95. v. 15. & discedendo. p. 99. v. 12. coextensam. p. 102. v. 21. discedere. p. 103. v. 13. ferretur. p. 104. v. 24. quod a situ D. p. 109. v. 5. excursorum A H & A G. p. 113. v. 17. occurrunt in G. p. 138. v. 18. licet iners. p. 152. v. 11. procreatum. p. 168. v. 10. e regione p. 169. v. 24. (si corpus u. 26. minima sũt) 1-8 v. 24. magneticæ. p. 182. v. 3. nedum. p. 191. v. 15. delatur dũ reliquæ partes vicem constringi. p. 194. v. 15. amoueaturque clauus nihilominus. p. 196. v. 13. in marg. ideoq. illa. p. 205. v. 13. subleuabiturq. p. 212. v. 16. repetet itus. p. 213. u. 15. per arcum G F. p. 221. u. 1. reciproca multitudinis. p. 275. u. 5. quem. p. 282. u. 13. tolerabiles. p. 285. u. 27. tolerare. p. 295. u. 2. figere p. 298. u. 11. plumbo.


Vidit Ouidius Mont' albanus Phil. M. & I. C. iussu Reuerendissimi Patris Inquisitoris Bononię Physico-mathematicas hasce De Vi Percussionis speculationes Dic 9. Aprilis 1667.

Vidit D. Io. Chrysoft. Vicecomes Cleric. Regul. S. Pauli Penitentiarius pro Eminentissimo, ac Reuerendissimo D. D. Hieronymo Boncompagno Archiepiscopo, & Princ.


Imprimatur

Fr. Io. Vincentius de Paulinis Sac. Theolog. Mag. Inquisit. Gen. Bononię.





















Tabula prima




Tabula secunda.




Tabula tertia.



Tabula quarta.



Tabula quinta.



HISTORIA,
E T
METEOROLOGIA
INCENDII ÆTNÆI ANNI
1669.
IO. ALPH. BORELLI.

HISTORIA

ET

METEOROLOGICA

IN SEPTIMUM SECVLVM

1661

IO. ALPH. BORELLI

HISTORIA;
E T
METEOROLOGIA
INCENDII ÆTNÆI ANNI
1669.

IOAN. ALPHONSI
BORELLI

IN ACADEMIA PISANA
Matheseos professoris
accessit.

Responsio ad censuras
REV. P. HONORATI FABRI
contra librum Auctoris De Vi
percussionis.



REGIO IVLIO,

In Officina Dominici Ferri 1670.
Superiorum permissu.

HISTORIA

II

METEOROLOGIA

INCLINATA

1881

JOHN ALPHONSE

1881

ALPHONSE

1881

1881

JOHN ALPHONSE

1881



REGIO IVII

1881

ILLVSTRISSIMO DOMINO
D. CAROLO
VIGINTIMILLIO
COMITI PRADES
DEPVATOQ; REGNI SICILIÆ.

IO: ALPHONSVS BORELLVS
S. P. D.

S Vspiciendus sanè mihi maximopere videris, Vir
Nobilissime, ob Atavis editos Regibus Maiores
tuos, qui virtute, & gloria militari longè, latèq; florue-
runt; sed multò magis venerationem mereri ob eorun-
dem in bonas artes studium, & patrocinium, quas & ex-
coluerunt ipsi, & ut alij excolerent effecerunt, litera-
rum omnium præsidium, & dulce decus. etenim armæ-
rum, & militia laus fortibus viris domestica, & penè
insita, literarum, & eruditionis exotica, & veluti ad-
uentitia, nescio quomodo, si quando ijs contingat, commē-
dabiliores reddat. Hac autem quis magis conspicuus, &
Illustrior, quàm D. Carolus Vigintimillius, qui omnige-
na eruditione ornatus Mathematicas facultates præci-

puè dilexit, & excoluit: adeo ut nulli labori parrens,
aut sumptibus, copiosa organorum astronomicorum su-
pellectile instructus, & idoneis ministris stipatus uni-
versa Sicilia peragrata illius Chorographicam descrip-
tionem perfecit: quam, proh dolor! una cum clabo-
ratissimis eius operibus calamo exaratis plagiariorum
fraus nobis surripuit. Sed reliquos omnes sanè hoc no-
mine, quàm maximè superat semper mihi adestendus
amantissimus mei D. Ioannes Vigintimilius, cuius por-
tentosum ingenium, acre, solersque iudicium, inexhau-
stæ memoriæ alacritas, ac pertinax studendi labor ad
consumatæ Encyclopediæ fastigium euexerunt, fuissetq;
suum habitura Picum Mirandularum Sicilia, ni litera-
tissimū virum, & quod mireris, Autodidactum dura,
& acerbæ nimis fata in ætatis flore sustulissent. Silentio
tamen prætereundus non est Excellentissimus D. Fran-
ciscus germanus tuus, Princeps Belmontij, qui non con-
tentus geometrica institutione, quàm à me olim accepe-
rat, ad reliquas scientias ita animum applicuit, ut il-
lustrioribus etiam virtutibus exornaret: cuius ad exem-
plum Tu quoque, Vir egregiè, liberales disciplinas hau-
sisse gloriaris ex solidæ, & ornate eruditionis fonte
Francisco Ant. Aretio nobili Siracusano. Iam verò li-
teratorum patrociniū, quod est tuæ gentis peculiare decus,
præclarum sanè specimen dedit Simeonis Ieracij Mar-
chionis munificentia erga Franciscum Maurolycum.
Bone Deus, qualem virum! illum certè, qui mathema-
ticas

ticas disciplinas penè deperditas, ac barbarie squallidas
reuocauit, expoliuit huius beneuolentia fatus, huius li-
beralitate ditatus: ob quod Mecænati optimo gratias ha-
bet immortales literaria Respublica. Interim ego exem-
plo moueor, & sicut magnus ille Maurolycus lucubra-
tiones suas maioribus tuis dicauit, ita ego opusculum hoc
meum, in quo Aetnæi Incendiij Meteorologiam trado,
tibi, Vir Illustrissime, nuncupo, gratum fortassè ob in te
mei obseruantiae vetustatem, & non iniucundum ob
methodi nouitatem. Vale. Messana Calendis Decemb.
1670.

PRO-

1. Die erste Art der ...
2. Die zweite Art der ...
3. Die dritte Art der ...
4. Die vierte Art der ...
5. Die fünfte Art der ...
6. Die sechste Art der ...
7. Die siebente Art der ...
8. Die achte Art der ...
9. Die neunte Art der ...
10. Die zehnte Art der ...

PROŒMIUM

AD LECTOREM.

ÆTnæ Siciliae Montis proceritate, & incendijs celeberrimi, licet ipse omni æuo terrorem, & admirationem sui mortali bus attulerit, nemo, quod sciam, veram Historiam, aut exactam Meteorologiam incendiorum eius protulit, cum è contrà accuratissimè minima quæque philosophi curarint, atque diligentissimè exposuerint. Tantæ igitur rei syntagma hætenus desideratum pro viribus exponere decreueram suo loco, & tempore, nè meorum laborum editionis ordinem perturbarem. At non potui petitionibus plurimorum insignium virorum non obtemperare, & præcipuè Sereniss. & Reuerendiss. Cardinalis Medicei, qui cum proximum incendium Ætnæ vndique fama circumferret, primus suis humanissimis literis iussit, vt scientiam naturalem promouere pro viribus satagerem, edendo Historiam, & Meteorologiam huius conflagrationis iuxta præscriptum societatis, seu Academiae experimentalis Mediceæ, cuius inter socios me recensere olim dignatus fuerat. Id ipsum Clarissimus Dominus Henricus Holdenburgh Regiæ Anglicanæ societatis experimentalis Secretarius suo, & illius nomine à me petijt.

Sed quæ tantis viris pollicitus fueram non potuissem, neque cito, neque exactè præstare, nisi Sophiae, & mei amantissimus Dom. Iacobus Ruffus Francauillæ Vicecomes nonnulla, quæ ad observationes, & experimenta conficienda requirebantur, munificentissimè suppeditasset. Huic sanè Illustrissimo viro, si quid fortè in hoc opusculo non omninò contemnendum reperies, humanissime Lector, gratiæ referendæ erunt. Vale.

INDEX

INDEX CAPITVM.

D E Aetnae Montis topographia. Cap. 1.	fol. 1.
De Aetnae altitudine superante Atmospha- rae sublimitatem. Cap. 2.	5.
Breuis historia priscorum incendiorum Aetnae. Cap. 3.	8.
De nuperis Aetnae incendijs. Cap. 4.	12.
De forma consistentia, & mole glareae nuper ab Aetna eructatae, eiusq; motu. Cap. 5.	27.
De glareae nuper eiectione, & montis Aetnaei mensura. Cap. 6.	33.
Aetnaeum montem non esse profundissime excaua- tum, nec undequaque perforatum. Cap. 7.	38.
De imperfectione meteorologiae Aetnae ab antiquis traditae. Cap. 8.	45.
De caliditate subterranea. Cap. 9.	49.
Quomodo puluis Pyrius, & aliae similes misturae incendia vehementissima concipiant. Cap. 10.	56.
Quomodo, & quare ignis in Aetna accendatur. Cap. 11.	62.
De origine, & productione vitrificate materiae stuidae, & voraginibus Aetnaeis eiectione. Cap. 12.	69.
De fornacis Aetnae verisimili amplitudine, forma, situatione, & modo conflagrationis. Cap. 13.	77.
De supremi tumuli Aetnaei incendio, & precipitio. Cap. 14.	87.
De materia, & generatione Arenae ab Aetna eiectione. Cap.	

Cap. 15.	90.
<i>Moles arenae, & glareae ab Aetna eructatae subministratur ab ipsomet Aetna, qui sensim minuitur. Cap. 16.</i>	100.
<i>De reliquijs ignis perseverantibus post incendij Aetnaei extinctionem. Cap. 17.</i>	107.
<i>De Sale Ammoniaco ab incendio Aetnaeo eiecto. Cap. 18.</i>	102.
<i>De ignis Aetnaei extinctione, & renouatione. Cap. 19.</i>	116.
<i>De perseverantia, & diuturnitate Aetnaei Montis, & incendiorum eius. Cap. 20.</i>	122.
<i>Responsio ad censuras R. P. Honorati Fabri.</i>	125.

1000
 1001
 1002
 1003
 1004
 1005
 1006
 1007
 1008
 1009
 1010
 1011
 1012
 1013
 1014
 1015
 1016
 1017
 1018
 1019
 1020
 1021
 1022
 1023
 1024
 1025
 1026
 1027
 1028
 1029
 1030
 1031
 1032
 1033
 1034
 1035
 1036
 1037
 1038
 1039
 1040
 1041
 1042
 1043
 1044
 1045
 1046
 1047
 1048
 1049
 1050
 1051
 1052
 1053
 1054
 1055
 1056
 1057
 1058
 1059
 1060
 1061
 1062
 1063
 1064
 1065
 1066
 1067
 1068
 1069
 1070
 1071
 1072
 1073
 1074
 1075
 1076
 1077
 1078
 1079
 1080
 1081
 1082
 1083
 1084
 1085
 1086
 1087
 1088
 1089
 1090
 1091
 1092
 1093
 1094
 1095
 1096
 1097
 1098
 1099
 1100
 1101
 1102
 1103
 1104
 1105
 1106
 1107
 1108
 1109
 1110
 1111
 1112
 1113
 1114
 1115
 1116
 1117
 1118
 1119
 1120
 1121
 1122
 1123
 1124
 1125
 1126
 1127
 1128
 1129
 1130
 1131
 1132
 1133
 1134
 1135
 1136
 1137
 1138
 1139
 1140
 1141
 1142
 1143
 1144
 1145
 1146
 1147
 1148
 1149
 1150
 1151
 1152
 1153
 1154
 1155
 1156
 1157
 1158
 1159
 1160
 1161
 1162
 1163
 1164
 1165
 1166
 1167
 1168
 1169
 1170
 1171
 1172
 1173
 1174
 1175
 1176
 1177
 1178
 1179
 1180
 1181
 1182
 1183
 1184
 1185
 1186
 1187
 1188
 1189
 1190
 1191
 1192
 1193
 1194
 1195
 1196
 1197
 1198
 1199
 1200
 1201
 1202
 1203
 1204
 1205
 1206
 1207
 1208
 1209
 1210
 1211
 1212
 1213
 1214
 1215
 1216
 1217
 1218
 1219
 1220
 1221
 1222
 1223
 1224
 1225
 1226
 1227
 1228
 1229
 1230
 1231
 1232
 1233
 1234
 1235
 1236
 1237
 1238
 1239
 1240
 1241
 1242
 1243
 1244
 1245
 1246
 1247
 1248
 1249
 1250
 1251
 1252
 1253
 1254
 1255
 1256
 1257
 1258
 1259
 1260
 1261
 1262
 1263
 1264
 1265
 1266
 1267
 1268
 1269
 1270
 1271
 1272
 1273
 1274
 1275
 1276
 1277
 1278
 1279
 1280
 1281
 1282
 1283
 1284
 1285
 1286
 1287
 1288
 1289
 1290
 1291
 1292
 1293
 1294
 1295
 1296
 1297
 1298
 1299
 1300
 1301
 1302
 1303
 1304
 1305
 1306
 1307
 1308
 1309
 1310
 1311
 1312
 1313
 1314
 1315
 1316
 1317
 1318
 1319
 1320
 1321
 1322
 1323
 1324
 1325
 1326
 1327
 1328
 1329
 1330
 1331
 1332
 1333
 1334
 1335
 1336
 1337
 1338
 1339
 1340
 1341
 1342
 1343
 1344
 1345
 1346
 1347
 1348
 1349
 1350
 1351
 1352
 1353
 1354
 1355
 1356
 1357
 1358
 1359
 1360
 1361
 1362
 1363
 1364
 1365
 1366
 1367
 1368
 1369
 1370
 1371
 1372
 1373
 1374
 1375
 1376
 1377
 1378
 1379
 1380
 1381
 1382
 1383
 1384
 1385
 1386
 1387
 1388
 1389
 1390
 1391
 1392
 1393
 1394
 1395
 1396
 1397
 1398
 1399
 1400
 1401
 1402
 1403
 1404
 1405
 1406
 1407
 1408
 1409
 1410
 1411
 1412
 1413
 1414
 1415
 1416
 1417
 1418
 1419
 1420
 1421
 1422
 1423
 1424
 1425
 1426
 1427
 1428
 1429
 1430
 1431
 1432
 1433
 1434
 1435
 1436
 1437
 1438
 1439
 1440
 1441
 1442
 1443
 1444
 1445
 1446
 1447
 1448
 1449
 1450
 1451
 1452
 1453
 1454

07211

HISTORIA

ET METEOROLOGIA

INCENDII ÆTNAEI

Anni 1669.

De Aetnae Montis Topographia.

Caput I.



INTER Pelorum, & Pachinum Siciliae promontoria in littore Orientali eleuatur immensæ magnitudinis Mons, solitarius, conica fermè figura assurgens, cuius basis ambitus producitur vltra centum milliaria ab vrbe Catana per Acim, Naxum, per littus Tauromenitanum, per Tissam, per centum Ripas, Adranum, & Inessam. Altitudo eius accliuus è littore Catanensi vsque ad summitatem 30. ferè milliaria æquat, sed à littore Tauromenitano 20. milliaria continet. Regionis latitudo est grad. 37. cum 40. min. longitudo grad. 38. & 21. min.

Diuiditur Montanæ superficies in tres Regiones infimam, mediam, & sublimem: Illa vndique incolitur plurimis Pagis, Vicis, Oppidisque, irrigaturque ab innumeris fontibus, & ab insignibus flu-

A

mini-

minibus Symetho, Amena, Aci, Asineo, & Onobala; gaudetque admirabili soli fertilitate, licet passim occurrant salebrosæ aliquæ partes olim à Montis voraginibus eiectæ, quæ tamè terræ fertilitatem non impediunt, immò summoperè adaugent, ijs præcipuè in locis, vbi attritis faxeis molibus, & superinducta terra à pluuijs mirè virescit, atq; amœna est, vbique vinetis, oleis, alijsque arboribus fructiferis abundans; extenditurq; vndique à montis radicibus versus summitatem milliarijs duodecim.

Proxima Regio Syluosa, & in parte australi initium sumit à Cœnobio Sancti Nicolai de Renis, produciturq; versus summitatem decem milliarijs; in ea, vt plurimum, visuntur lapides nigri, horridi inter annosas Quercus, Fagos, & tandem Pinos Abietesque.

Postrema, & altissima Aetnæ regio nuda omnino salebrosa, & arenis horrida subsequitur, quæ per 6. & 8. & plura miliaria vsque ad supremum cacumen ascendit, & tandem desinit in Montem valdè accliuem, sed discissum ad instar pyramidis, vel coni dissecti plano parallelo basi, qui vulgò vocabatur, Pileus, in cuius summitate aderat vasta vorago, quam Veteres Craterem Aetnæum appellabāt, ex quo frequenter fumi, & aliquando flammæ vomuntur.

Extant Prætereà nè dū in summitate Aetnæ, sed etiam

etiam in eius dorso, seu ambitu aliæ vetustæ voragine-
nes iam extinctæ, & obturatæ, ex quibus præteritis
sæculis fumi, ignes, arenæ prodierūt, & atra illa ma-
teria saxeæ arenosa vitrificata, quæ dum fluida erat
ad instar metalli fusi egrediebatur, & modo saxeas
moles æceruatas componit, quā Glareā seu Sciarā
appellāt: suntq; prædictæ voragines duplicis gene-
ris, alię enim in dorso decliui mōtis aperte, aliæ cā-
pestres è locis infimis sursum vt putei exurgunt; il-
læ vt plurimum ingentia antra habent testudinata
ex nigris molibus saxeis conformata, & per cunicu-
los inæqualibus itineribus Montem penetrantia;
quorum nonnulli ad centesimum vsque passum
permeari absque incommodo possunt. Campe-
stres verò voragines habent ferè omnes peculiare
monticulum ad instar verrucæ in animalis cute ex-
porrectæ, suntque prædicti colles valdè acclives,
habentq; figuram coni acutianguli plano paralle-
lo basi dissecti, & in summitate cuiuslibet eorum
sinuosa cavitās reperitur, à qua olim flammæ, are-
næ, & glareæ exierunt. Diameter basis cuiuslibet
monticuli milliaria 2. rarò superat; altitudo verò
cuiuslibet eorum infra trecentesimum passum af-
surgit; Genesis horum collium experientia docēte
talis esse solet; ingenti Montis commotione, & stre-
pitu scinditur, laceraturque planum campestre, ac
efficitur vorago, quæ in altum euomit lapideas mo-

les, ex quibus interna, & vt ita dicam, ossea pars collis efformatur; quæ postea ab eiectis arenis cooperta monticulum rotundum complet, & aduenientibus pluuijs successu temporis, ne dum fruges, sed etiam virentes arbores, & vineta producit.

Facies vniuersa Aetnæ nigra, aspera, salebrosa, & glareis, arenisque vnidique obruta est, & ijs in locis vbi profundæ valles excauantur à torrētibus, & fluminibus, aut ab vndis marinis apparent tres, aut quatuor, vel quinque strata lapidea ad inuicem superposita, inter quæ solum frugifera terræ, seu arenæ intercipitur; saxa illa spumam ferri representant, quæ diuersis temporibus è voraginibus in montis dorso apertis effluxerunt.

Fontes frequentissimi in Aetnæ dorso exurgunt, immò flumina ingentia superius enumerata; genita forsan, vel aucta à liquefcentibus niuib. perpetuò summitatem montis occupantibus, quod satis constat ex eo, quod æstate non imminuuntur, nec decrescunt illi fontes, vt alibi contingit, sed multoties maiori copia defluunt.

Adfunt præterea non pauci fontes, qui caliditate, & sapore sulphuream, nitrosam, & bituminosam naturam satis ostendunt; talis est fons in agro Catanēsi à Fazello, & Carrera memoratus; Et alius in agro Francauillæ, qui ne dū odorem sulphureum exhalat; sed etiā emittit veluti Flores candidos, qui

vim

vim purgantem, & laxatiuam habent. Præterea passim reperiuntur terræ vitriolata, & bituminosa, præcipuè in Oppido Gastrileonis lapilli aliqui nigerrimi, læuigatis facieculis ad instar gemmarum, qui super prunas fœtorem terebinthinum emittūt.

Ex parte vero Meridionali in campo piorum fratrum adest lacus Paliciorum, vbi bitumen, seu Naphtia abunde nascitur.

De habitationibus, & fertilitate maxima montis Aetnæ nil omnino superaddam cū passim apud authores omnium ætatum decantata sit vbertas huius Regionis.

De Aetnæ Altitudine Superante Atmosphæra sublimitatem.

Caput II.

Pertinet præterea ad Aetnæ montis topographiam eius insignis, & portentosa eminentia, quæ superat omnium Siciliæ montium altitudines. Hæc, inquam, Mathematici magni nominis ultra 6. milliare eleuari perpendiculariter supra maris superficiem ostenderunt ex hoc phænomeno, Constat enim in alto Mari à ducentesimo milliari nautas verticem Aetnæ prospicere: quia verò alijs coniecturis, & certioribus obseruationibus patet valde depressam esse Aetnæ altitudinem, non enim
ele-

eleuari posse videtur perpendiculariter supra maris superficiem vltra tria millaria : Igitur si in hoc negotio aeris refractione non intercederet , proculdubio è tanta distantia 200. milliariorum apex montis à nautis conspici non posset : quare non videtur adeo absurda Keppleri sententia, vt nonnulli putant , cum ait Atmosphæram, seu aeris crassioris regionem, quæ ad instar Oceani vndiq; ambit Maris, & Terræ superficiem non eleuari vltra 2. millaria, & proinde cacumen Aetnæ eminebit supra Aeris crassioris superficiem; quod magis confirmatur hac experientia ab omnibus adnotata . Mane ante Solis exortum in crepusculi claritate, hi qui in summo Aetnæ vertice peruenerūt Siciliam vniuersam, eiusque Vrbes, atque Oppida, tam clarè, & distinctè contemplari, & conspiciere possunt , vt videantur penè manibus ea posse contrectari, appareantque suspensa, eleuata, & visui propinqua, sicuti videmus lapillos in fundo piscinæ iacentes superfici ei aquæ proximiores representari ob radiorum refractionem ; præterea interualla licet remotissima , vt sunt Oppida propè Neapolim posita , atq; Insulæ adiacentes , vt sunt Aoliæ, & Melita valdè diminuta esse videntur, & hoc testantur oculati testes doctrina conspiciui Fazellus, Philotheus, Bembus, Carrera, & alij innumeri, & nos quoque anno 1637. vidimus.

Hoc

Hoc phenomenon haudquaquam saluari mihi posse videtur cum doctrina vulgari refractionum: Si enim Atmosphæræ superficies circa Aetnā concentrica esset superficiei Maris, tunc radij visuales à cacumine Aetnæ extensi non interciperent ampliorem superficiem 3. gradibus, quæ proinde superficies sphærica non valdè à plana differret, & idèò insignes refractiones superius expositas producere non posset; oporteret ergo vt superficiem euidentem & insignem curuitatem habentem prædicti radij visuales comprehenderent, ad hoc vt radij refracti multo magis ad inuicem accederent, & maiori incremento refringerètur. Hoc autem præclarè fieri posset, si aëris refractiui Aetnei superficies figuram Montis conuexam emularet, vt nimirū efficeret circa montem crustam, seu lanuginē quādam: quod aliundè non videtur impossibile si aër ille crassus, & refractiuius componeretur ex effluuio quodam vaporoso continenter emisso, siue transpirato è visceribus eiusdem montis. Et in tali casu prædicta superficies non semper eandem curuitatem, neque eandem crassitiem retineret, eò quod exhalationum effluuium non semper eadem copia, & eadem consistentia emittitur. Sed ne diutius in hæc immoremur, redeo ad institutum.

Certum est ne dum aëream regionem summitatis Ætnæ à gradu intenso frigoris perpetuò occupari,

pari, cum adhuc tempore æstiuo niues in supremis illis locis decidant, & perseuerent; sed etiam aër ille valdè syncerus, & à sordibus defecatus apparet, si comparetur cum aëre subiecto superficiei Siciliæ, & mari adiacenti superposito. Et hic animaduertendum censeo aërem illum montanum nil prorsus respirationi officere, atque impedire; nec verum esse id, quod aliqui Historici, ac Philosophi testantur; nauseas, & vomitus à rarissimo aëre montano excitari, æquè enim benè respiratio in cacumine Ætnæ absoluitur, ac in locis subiectis campestribus; siue hoc contingat ex aëris natura elastica, quæ æquè retinetur in sublimi, quàm in infima aëris regione; & crassities, & densitas maior subiecti aëris refractiones efficientis pendeat ex commistione particularum aquæ, & terræ disseminatarum intra spatia spirarum aëris, siue ab alia causa hoc dependeat, certum tamen est nauseas, & vomitus ibi non produci, cum tamen dubitandum non sit subiectum aërem esse diaphanum densius forsan ob admistionem aquearum particularum, à quibus imbuitur aër contiguus terræ, & mari, Sed de his hæcenus.

Breuis Historia Præscorum Incendiorum Ætnæ.

Caput III.

Licet ferè omnes Authores vno ore incendia, & ignes in Ætna omni æuo perseuerasse pronun-

nuncient, atque statim temporibus eiecisse torrentes igneos, & liquefacta saxa, nihilominus apud Historicos nulla antiquior huius mentio habetur, quàm sit illa, quæ à Diodoro lib. 5. afferitur his verbis: *Ac primo quidem uniuersam Insulam incolebant Sicani, & ex terræ cultu victum sibi comparabant. Postea verò quàm plurimis in locis flammæ Aetna exhalare cepit, multumque ignis in vicinam regionem effunderetur, tellus ad tractum haud modicum vastabatur; eumque ad complures annos per regionem incendium grassaretur, Incolæ subacti metu desertis Orientalibus Insulæ partibus in occidentales transmigarunt. Post multas denique ætates Siculorum gens ex Italia cum uniuersis familijs in Siciliam transgressa relictum à Sicanijs agrum occupauit: Et hæ antiquissimæ conflagrationes solummodò habentur illis priscis temporibus, quingentis nempe annis ante bellum Troianum, vbi neq; asseritur antea ignes, aut eruptiones antiquiores extitisse: nec similiter in subsequētibus sæculis vsque ad Græcorum aduentum in Siciliam memorantur aliæ cōflagrationes, vt ex Thucydide lib. 3. deducitur: ait enim per idem ver profluium ignis ex Aetna monte omnium Siciliae maximo emanauit, quemadmodum alias, & aliquantulum agri Catanensium vastauit sub ipso Aetna incolentium. Fertur autem profluium hoc quinquagesimo anno à superiore emanasse; omni verò numero ter exiisse, ex quo Siciliam*

Græci incolere ceperunt. Cum verò Græci in Siciliam ingressi fuerint anno primo vndecimæ olimpadis, constat sæculis præcedentibus vsque ad ætatem Siccanorum, vel *Ætnam* non conflagrasse, vel ob barbariem, & ruditatem temporum incendia relata, non fuisse. Reliqua verò incendia, quæ subsequen-
tibus sæculis acciderunt vigēte imperio Romano, passim apud Authores recēsentur, quæ numero 80. vel 100. memorantur; & hæc adeo strictim, & confusè ab Historicis enarrātur, vt nil prorsus ad philosophicum propositum conferre videantur; vnde cogimur ex incendijs huius, & præcedentis sæculi exactè obseruatis philosophicam historiam desumere.

Sed prius superuacuum non erit reiicere falsas quasdam sententias, vel saltem earum incertitudinem innuere. Non desunt qui ignem *Aetnæ* Mūdo coetaneum ponant, semperque igneos illos torrentes eructasse, quod quidem confirmare nitūtur, ex eo quod *Vrbs Catana* vetustissima asseritur, nec desunt qui propè tempora diluuij vniuersalis eius originem extendant; quia vero solum *Vrbis Catanen-
sis* faxeis illis molibus ab *Ætna* eructatis omnibus in locis abundat, præcipuè in locis subterraneis, dum putei excauantur, hinc colligunt priscis illis temporibus ante diluuium materiam illam eructatam à voraginibus *Ætnæ* fuisse; & profecto ne-
dum

dum solum Urbis Catanæ, sed vniuersa planities littoralis per Acim vsque ad Tauromenium cōstat ex stratis lapideis nigris olim ab Aetna eructatis, quæ infra maris libellam situantur, & inter strata prædicta saxosa interponitur terra fragilis, & cretacea, vnde cōstat quod olim vniuersa illa plaga littoralis à mari occupabatur, & postea ab ignita materia Ætnea repleta, successu temporis cooperta fuit ab arenis minutioribus, & denuò sequentibus sæculis noua glarea ignita priori superposita secundum stratum lapideū effecisse, & postmodū hæc denuò à subtili arenosa terra cooperta, & deinde inducta noua materia ignita, tandem repleta maris profunditate creatam fuisse vniuersā illam litoralem planitiem, quæ modo partim in Vrbe habitatur, partim vero colitur. Et hoc confirmatur ex eo, quod Portus Vlissis à Virgilio memoratus adeo repletus sit, vt hallucinatum Virgiliū fuisse plurimi Auctores credant; & tamen Catanenses aiunt euidentissimis signis constare portum ingentem, capacemq; ijs in locis extitisse, quod euincitur ex anulis ferreis quibusdam ibidem repertis, in quibus Naues alligabantur, qui anuli reperti fuere sexto milliari à litore Logninæ distantes: verissimum ergo est vniuersam faciem Ætnæ vsque ad litus maris constare ex ruderibus lapideis à monte eiectis dum feruidè, & in forma fluuida per campos excurrebat; sed an

tantam antiquitatē incendia habeant, vt sint mundo coeua affirmare non auderem.

De Nuperis Aetnae Incendijs.

Caput IV.

S Vbsequuntur iam historiae magis accuratae, & maiori diligentia conscriptae, quam praeceis temporibus (praecipue dum barbaries vigeat) fieri potuit: Prima habetur descripta à Philotheo in sua *Aetnae Topographia* anno salutis 1536. x. kal. Martij *Fastigium supremum Aetnae ad duo millia passuum depressum corruit praecedente horrendo terremotu, formidolosis tonitruis; Postea nocte sequenti ingens, sed atra, & subrubra visa est insurgere nubes in aërem tendens extemploque ex Aetna vidimus insurgere flammam, ingentesque illarum globos per aërem volantes: Sed cum centesimus plane esset annus elapsus, quo Aetnae visa non fuerant incendia, nec qui viderant tunc in humanis ageret, atque maioribus Aetnae incendia scribentibus minime crederetur, interea Aetna flammam, & liquefacta saxa euomente nocte transacta, quae flammam sua tenebrarum densitate ardentiores mortalibus ostentauerat, visus est iuxta Aetnam aër longa, atraque caligine, ac suburenti, velut ex camino exilienti non intermissa vaporum exhalatione per longum tractum adauctus piceo fumo, campique cinere referti, durante per Civitatem
inte-*

intercē, & finitima oppida, pagosque Æthnos terremotu non modici terroris: primo itaque incendij huiusce, fragore in montis vertice duo sunt aperti crateres, quorū alter & si antea altiorem supra se haberet tumulum, depressior tamen nunc videtur. Hinc, ait, exiisse flumen ignitum materiam fluidam faxeam per loca decliua deferēs per hortos Cœnobij S. Nicolai de Arenis, per pagum Monpilieri, & Nicolosi, quem prorsus deleuit, & inde cen ferri spuma concreta, & in faxes conuersa per decliua descendens arbores conflagrabat.

Post hanc insignem conflagrationem ignis Ætne omnino extingui visus est, cum per triginta annos sequentes Ætnam, neque fumum, neque flammās à supremo cratere emisisset, vsque ad annum 1603. quando Ætna iterum conflagrauit, & hoc incendium maximum fuisse refert Carrera testis oculatus, quod perdurauit vsque ad annum 1636. & primo apparuit in supremo vertice, seu cratere Montis ampla, & in longum extensa fax, & simul horrendas concussiones terræ, & mugitus efficiebat, & hoc perseuerauit ab anno 1603. vsque ad 1607. (forsam vt Carrera suspicatur, quia materia fluida ob sui grauitatem non poterat vsque ad os supremum eleuari.) Tandē è supremo latere montis emisit ardens flumen consuætæ materiæ vitrificatæ versus Orientem, impleuitque stagnum,

vbi

vbi aquæ è niuibz colligebantur, & tunc animadu-
uersum est, quod saxa è voragine eructata fornicẽ
quemdam è molibus ingentibus construxerant, &
paulò post eundem fornicem eiecit rapidus ignis
violenter lacerando parietes, & claustra prius fa-
brefacta, & sic in parte occidentali ampla fenestra
patefacta materiam fluidam emisit versus Adra-
num, perseverauitque prædictum incendium vsque
ad annum 1610. quando duæ nouæ voragines in
dorso pariter Occidentali apertæ sunt è quibus ef-
fluxit materia ignita per quinque milliaria. Dein-
de anno 1614. noua vorago supra Oppidum Tyf-
sæ, seu Randatij aperta est, è qua effluxit pariter
materia ignita cursu tam lento, & torpido, vt intra
decem annos, quibus perpetuò effluxit, duo tãtum
milliaria pertransierit. Postea in fine anni 1634.
denuò post terremotus, & tonitrua nouam voragi-
nem aperuit in facie Montis Meridionali supra
Serram pizzutam à supremo vertice Aetnæ distan-
tem nouem milliarijs, & ab ea exijt immensa copia
tetri, & lapidei fluoris super niues excurrentis: post
aliquot dies noua vorago Orientalior apparuit
duobus milliariibus à priore distans, è qua solum-
modo fumosæ exhalationes exierunt, interim fluor
ignitus per decliua montis excurrerebat, vsque ad
nonum milliare, & hoc perseverauit vsque ad ini-
tium anni sequentis 1635. & tunc animaduersum
est

est superiorem Aetnæ craterem primum fumosas exhalationes eructasse, quod hætenus obseruari non poterat: Et hic Historicus non plenè declarat quot annis, & mensibus præcisè crater supremus fumos non euomit, quod operæ prætium erat exponere; puto tamè hoc contingisse ab anno 1614. usque ad 1635. quod ex eiusdem authoris narratione deduci posse videtur. Refert postea Idem Author quod Ianuario eiusdem anni 1635. in latere Montis, quod vocatur del Piraino, in planitie quadam post ingentem sonitum, terra absorta profundam voraginem creauit ambitus quadraginta passuum, quæ postea ab adueniente fluore ignito denuò repleta est. Paulò post tertio milliari à noua, voragine versus Orientè apparuit scissura terræ, ex qua ignita exhalatio grauis fœtoris ægrediebatur, & paulò post sub colle Aquilæ, denuo plana terræ superficies ambitus octuaginta passuum absorta est, fœdauitque aërem grandi copia pulueris ad instar nebulæ. In fine huius anni dum torrens ignitus per campos ferebatur, tunc noua vorago forsitan ab arena, & saxis obturata, ne quaquam ignes, aut fumos efflabat, cum è contra supremus Aetnæ crater absque intermissione fumos emitteret, & hoc perdurauit per Ianuarium, & Februarium anni sequentis 1636.

Et hæc ab alijs accepimus, referam modo ea,
quæ

quæ acciderunt anno præterito 1669. (dum in altissimo Aetnæ Orificio, seu cratere nulla fumi, aut flammæ eiectione præter consuetam apparuisset, & in hoc statu quietis perseverasset usque ad diem 25. Martij) visus est die 8. Martij hora una ante solis occasum primo in Oppido Pidaræ, & in alijs locis propinquis aër subobscurus, & fuscus, ut contingit in Eclipsibus solaribus non totalibus; paulò post occasum solis inceperunt terremotus satis frequentes, sed ab initio debiles, qui successivè maiori vi terram concutiebant usque ad diem xi. eiusdem mensis, sed tales terræ concussiones non æquè percipiebantur in omnibus proximis oppidulis, maximè omnium excutiebatur oppidulum Nicolosi, cuius habitatores non poterant stantes persistere tanta vi concutiebantur, quousq; hora meridiana domus, & ædificia eiusdè loci prorsus deiicerentur, explanarenturque: Mirandum etiam spectaculum sese obtulit mane eiusdem diei xi. aperta est enim ingens, & prolixa terræ scissura ingenti sonitu, ac ululatu, cuius longitudo duodecim millia passus ferè æquabat, latitudo vero inæqualis quinque, vel sex pedes non superabat, extendebaturque itinere aliquantulum tortuoso, sed à meridie versus Septentrionem, ascendebatque à planitie S. Leonis, (vulgò, San Lio) versus supremum craterem usque ad planitiem collis, vulgò dicti Monte formento; distat-

distatque prædictus terminus à cratere supremo mille passus, eiusque oppositus terminus, & infimus ab Vrbe Catana xii. milliaria; profunditatem prædictæ scissuræ ingentem esse oportuit, proiectis enim parvis lapidibus ex sonitu egrè, aut malè percepto quanta fuerit assequi nemo potuit: Præterea eodem mane duobus horis ante solis exortum apparuit illustris splendor supra eandem scissuram in eadem planitie S. Leonis, forsan ex eo quod tunc temporis exhalationes ignitæ grandi copia ab eadem scissura in aërem euolarunt. Postea hora xi. eiusdem diei post frequentes, & ingentes terremotus, & concussiones discissa, & rupta montis cute vorago adapertha est in planitie salebrofa infra collem, quem vocant, *della Nocilla*, ex quo globi ingentes fumosi primo exierunt absque igne, cinere, & lapidibus; sed magnis tonitruis, ululatibus, fragoribus, & terremotibus; & quod notatu dignum est huiusmodi vorago facta fuit præcisè in eadem directione, seu sub eodem meridiano extenso per prælongam illam montis scissuram usque ad supremum craterem. Post semi horâ secunda vorago meridionalior aperta est ducentesimo passu à priore remota, ex qua pariter fumi ingentes iisdem horridis tonitruis egrediebantur, eratque similiter hæc secunda vorago in eadē directione cum præcedenti voragine, & scissura, scilicet sub eodē meri-

diano; deinde vsq; ad solis occasum quatuor aliæ voragines versus meridiem apertæ sunt, & omnes in eadem directione, seu sub eodem meridiano ultra collem, la Fufara, nuncupatum, cum iisdem circumstantijs superius expositis. Paulò post solis occasum eiusdem diei infra prædictum collem, tandem discisso solo omnium amplissima vorago aperta est, quæ mille passus à prima voragine distabat; semper tamen sub eodem meridiano, hæc subito post immanes fumi globos, horridis tonitruis, & telluris concussionibus propulit ignitos lapides ad insignem altitudinem, qui postea huc illic decedentes feruorem pristinum adeo retinebant, vt ab aridis lignis cōtrectati flammæ excitarent. Eadem nocte ingens effluuium liquidorum saxorum hæc postrema vorago euomere incepit, qui fluores postea ad aëris conspectum saxeam duritiem colorē tetrum, & nigricantē ad instar spumæ ferri acquirendo, glaream illā efformabant ex diuersis lapidibus, quā *Sciaram* vocant. Latitudo prædicti fluminis duo milliaria fere occupabat, quæ directo cursu tendebat versus meridiem, peruenitque ad radicem Septentrionalem Collis Mōpilieri, qui 1500. passus à noua ampliorique voragine distat. Hinc obliquo cursu versus Occidentem fluxit, & plurimas rurales, ædes, & vicos concussit atque deiecit in loco, *la Guardia* dicto, qui
transuer--

transuersè semimilliare distat à Mompilieri.

Mane diei 12. denuo cursum versus meridiem direxit, peruenitque ignitum profluvium ad Oppidum Malpasso, quod ab 8000. hominibus incolebatur, & spatio 20. horarum ab ignito illo flumine, & ab eiusdem saxis concretis totum repletum, obrutumque fuit, huius loci distantia à iam dicta ampla voragine à septentrione ad Meridiem extensa duo fere milliaria æquabat.

Vespere eiusdem diei pars prædicti fluminis novum bachium effecit, & plurimos alios vicos, & rurales domos vastavit, & euertit: eadem die propè occasum Solis in eadem planitie septem alia orificia novam illam amplam voraginem ambientia, parum inter se distantia aperta sunt, quæ cum magno strepitu, & concussionibus fumos, flammæ, ignitosq; lapides eijcerent, tertia die dissipatis interstitijs vnum patentissimum os aperuerunt.

Et post occasum solis eiusdē diei altera iā dicti fluminis pars radicem Septemtrionalem tumuli Mompilieri offendit, eumque (quod mirum est) directè perforavit, ac terebrauit quo vsque facto amplo foramine in aduersa meridionali eiusdem montis facie egrederetur. Hoc forsan inde potuit evenisse quia mons, seu cumulus ille non naturâ factus, sed ex congestis lapidibus, quos erumpens ignis iam diu illuc propulerat, cavitatem inter sui

ambitum, qui ad eius radicem est 700. passus, feruabat: fuit excursus prædicti igniti fluminis per viscera montis tanto impetu, & rapiditate factus, vt non solum interna impedimenta excuteret superaretque, sed etiam tota moles eiusdem montis disruptis, deiectisque internis columnis deprimeretur, efficeretque non paucas scissuras in externa superficie eius, quarum latitudo, vt plurimum palmum superabant; eodem tempore orientalis pars eiusdem montis vna cum arboribus oleis, ac vitibus ibidem confitis, virescentibusque infra reliqui montis superficiem depressa est ingenti spatio septem, vel octo pedum; apparuitque eodem tempore prælonga scissura lateralis à septentrione versus Meridiem satis profunda, quinque, vel sex pedibus ampla, & hoc accidit ingenti strepitu, atque concussione. Ex prædicta collis Mompilieri ruina, & præcipitio repletus, & obturatus fuit subterraneus ille cuniculus, per quem hætenus ignitum flumen excurrerat; quare impedito cursu denuò transfuersali motu ignitum profluvium accessit ad Oppidulum Mompilieri, illudque prorsus concussit, repleuitque.

Die 13. eiusdē mensis prædictum flumen ignitū 2000. passus latitudine occupans non pauca rura, vicos, & domos Oppiduli Mascaluciæ concussit.

Cæpit eodem die noua, illa ampla vorago im-

men-

mensam copiam cinerum, seu potius arenarum vna cum lapidibus diuersæ magnitudinis eijcere, ex quibus in plano aggestis insignem montem bicornem construxit, cuius ambitus duo milliaria superat, altitudo vero supra Orizōtem perpendicularis 150. passus non excedit, eique ab incolis nomen montis Ruinæ impositum est, conspicitur hodie pars media eiusdem montis coloribus flauo, candido, rubicundo, & viridi conspersa, dum flammæ ab ampla voragine in visceribus noui montis egrederentur.

Prædicta arena postea per tres solidos menses continuò pluit tanta copia, vt omnes campos propinquos per xv. milliaria occuparet, & in tanta altitudine, vt vineta & arbusta omninò tegeret, inò antiquam glaream, & antra saxea repleuit, explanauitque alicubi supra quinque, vel sex pedum altitudinem.

Ascendit vero minutissima pars prædictæ arenæ ad tantam aëris sublimitatem, vt ventis meridionalibus impulsæ ne dum litus Mamertinum, sed transgresso freto etiam Calabria loca quamplurima coinquinauerit, pariterque flante borea ad alia Sicilia loca meridionalia arena translata est.

Hæc dum fierent nil noui apparuit in supremo cratere ante diem 25. Martij, non enim maior solito strepitus, aut copiosior exhalatio fumi apparuit præter exiguam expirationem illam, quæ statis tē-

poribus crater fatis placidè eructare solet, nec vllā maiorem commotionem, aut feruorem ostendens non secus, ac si antrum supremi crateris omninò segregatum fuisset ab antris nouæ voraginis.

At hora 16. ab occasu diei præcedentis 25. in Oppidis montanis primum vehementissimè terra commota, ac concussa est, ne dum iuxta infimam nouam voraginem, sed etiam in altissimis Aetnæ partibus versus antiquum craterem; Eodem tempore suprema pars Aetnæ, quæ ad instar pilei, vel turris super amplam planitiem erigebatur, decidit, in cuius medio aperiebatur amplissimus crater ambitus trium milliarium, hic inquam, tumulus partim quidem absortus est intra voraginem, partes verò reliquæ ingenti strepitu, & fragore discissæ, & in saxa innumera, & cineres redactæ sursum eiectæ sunt, apparuitque in principio eructationis columna immensæ altitudinis ex fumo, & arenis composita, quæ postea aërem propinquum omninò obtenebrauit per ambitum maioris partis Aetnæ, cecideruntque arenæ ignitæ 8. milliarijs à cratere distantes, quæ immediatè post lapsum sensu ipso calentes, & vrentes percipiebatur. Die sequenti 26. D. Didacus Pappalardo Sacræ Hierosolimitanæ Religionis Præsbyter, qui in Oppido Pidaræ morabatur, cum vellet pernoctare quidnam noui in supremo cratere accidisset quatuor vi-

ros montanarum viarum peritos exploratum misit, qui summo labore inter nives ad cacumē supremum perducti ferè totū supremū tumulū deiectum viderunt postratumq; fuisse, & præterea magnam partem supremæ planitiei arenosæ depressam obseruarunt, ita vt orificium antiqui crateris, cuius ambitus tria milliaria non excedebat, modo multo maior sit sex milliarijs; remansit tamen vestigium antiqui tumuli in parte Orientali, sed valde acuti, ac pyramidalis, cuius altitudo perpendicularis supra horizontem minor tertia parte antiquæ altitudinis esse videtur. Apparuerunt præterea post tumuli præcipitium in ambitu orificij crateris plurimæ rimæ, & scissuræ, vnde conijcitur partem ossæ internam montis ob ingentes concussiones discissam & laceratam pluribus in locis fuisse; præterea conspiciebatur profundissima cavitās, & inperscrutabilis. Porro stupore digna visā est vis impulsiva, qua ingentia saxa ad insignem altitudinem aëris eiecta fuerunt, inter quæ vnum repertum est longū 60. palmos, quod decidit milliare vnum à crateris orificio remotum, quod tãto impetu delapsū fuit, vt infra arenam depressū fuerit (aiunt) plusquam triginta palmos, vnde conijci licet quanta vi, & vehementia proiectum in altū fuerit. Hæc narrationē à montanis viris habitā postea quamplures nobiles viri æstate sequenti mense Augusto, quando aër

ille

ille frigidissimustepet, veram reperierunt; quorum aliqui mihi retulerunt amplissimam illam supremã voraginem, quæ 25. Martij apparuit immensæ profunditatis, postea repletam adeò arenis fuisse, vt formam conicam excauatam referret.

Non immorabor in præcisa, & exquisita narratione progressus igniti fluminis, neque ruinas, & conflagrationes plurimorum oppidorum, & vicorum, cum hoc prolixè proditum sit in pluribus historicis libellis nuper euulgatis, & possint vnica inspectione subsequenter schematis conspici loca omnia insignia ab ignis profluvio incensa, atque diruta. Indicabo tãtummodo duas selectiores operationes, veluti fuit illa, quæ 4. Aprilis cõtigit propè Urbem Catanæ. Peruenerat profluvium illud ex liquida, & saxosa materia vsque ad collem cretaceum vinetis vndique consitum religiosorum Societatis Iesu, & postquam vndique flumen ignitum collem circumiuit, eumque maximo impetu percussit, arietauitque, tandem collem cum vineto integro transtulit è pristino loco vsque ad fundum alienum, incedebatque vinea cum eius solo veluti innatando pensilis, quo vsque superueniente altiori profluvio materiæ ignitæ post paucos dies denuò à glarea repleta, & cooperta tota vinea fuit. Excurrebat interim pluribus in locis flumen, seu maioris collis ex ingentibus faxis nigris coaceruatus, erat-

eratque maior eius latitudo duorum milliariorum; postea subdivisus repleuit vallem amenissimam, quæ vulgò dicebatur *Vrna di Anigito* cuius ambitus 6. millia passus superabat, & post paucas horas faxeis molibus vniuersa completa est. Tandem cum propè Urbem Catanæ ignita materia peruenisset, tunc quidem necessitate vigente, non defuere, qui artificialibus operibus, & machinis salutem, & incolumitatem sibi querendam esse censerent; hi fuerunt D. Xauerus Musumeci ingenio, & doctrina conspicuus, D. Didacus Pappalardus equestri ordinis Hierosolimitani Præsbyter, D. Iacintus Platania insignis Pictor, & alij, qui suspicati sunt nō fore impossibile vt adhibitis machinis, & obiectis molibus, posset cursus illius vasti torrentis igniti deuiari ab incepto itinere, ne intra Urbem tam illustrem proflueret, & omnium primo D. Pappalardus prope Malpassum incredibili ausu perforauit torrentem faxeum versus eius Originem occidentalem infra nouam voraginem, is enim iussit, vt malleis ingentibus percuterentur, & vncinis ferreis traherentur faxeæ aliquæ torrentis moles collaterales; & quia diu ministri in loco calidissimo absque suffocationis periculo non poterant perdurare, licet pellibus tegerentur, ideo alij continenter ad opus succedebant, terebrando faxeum acruum, quo vsque peruenerunt ad internam profluvij par-

D

tem

tem torridam, candentem, fluidamque, quæ è cuniculo nuper adaperto eructauit, effluxitque trāsuerfali itinere, & sic perfeuerauit per notabile ſpatiū; & potuiſſet proculdubio vltcrius transportari, niſi operarij impediti, ac prohibiti fuiſſent, ne vltcrius torrentem ignitum diuerterent.

Et poſtquam profluuium prædictum muros, atque propugnacula Urbis Catanæ ſuperauit, tunc nouo artificio obuiam ruinæ itum eſt, opponebantur enim torrenti ignito aggeres ex ruderibus domorum, & ſaxis coaceruati, qui optimè curſum eius ſiſtebant, & verſus mare flectebant, vbi tandem excurrento ingens promontorium ambitus vnus miliaris intra mare ad Urbis conſpectum coaceruauit.

Tandem die 11. Iulij quarto denique menſe à principio Aetnææ conflagrationis eructatio, & fluxus ignis, & liquidorum ſaxorum omninò ceſſauit. Et nunc menſe Maio anni 1670. quo ego illuc acceſſi, poſſint contrectari impunè internę partes voraginis, & cuniculorum, cum incendium prorfus exinctum ſit, nec amplius flāmas, aut fumos emit-
tat, nè dum in noua, & ingenti voragine in colle,
ſeu monte (Ruinæ) dicto ſed quod magis mirere,
etiam ſupremus Aetnæ crater omnino extinctis ſuis
vetuſtis ignibus nè minimum fumi veſtigium effla-
re videatur.

Sed

Sed licet interni Ætnæ feruores, & incendia extincta videantur, vt eius vetusti crateres, & nouæ voragines frigeant, nec ignes, aut fumos emittant, nihilo minus pluribus in locis nouæ glareæ maximè in planis fumi calentes, & tetri odoris affurgunt, & hoc præcipuè prope muros Urbis Catinæ ex parte meridionali, ijs in locis (vt Nobilissimi Ciues mihi retulerunt) vbi putei excauati erant ad campos hortenses irrigandos, cum in reliquis locis collateralibus glareæ, etiam mare attingentibus hoc non contingat.

*De Forma Consistentia, & Mole Glareæ Nuper
ab Aetna eructatæ, eiusque motu.*

Caput V.

Pertinet quoque ad historicam præparationem exacta descriptio torrentis liquefactorum saxorum per campos decurrentium. & primo vorago præter globos fumosos, ardentesque vna cum ignitis faxis, arenisque ad ingentem aëris altitudinem emissas grandi sonitu, ac strepitu, (vt in machinis tormentarijs puluis nitratus accensus efficere solet) euomit præterea immensam copiam materiæ, fluidæ, feruentisque ad instar metalli, aut vitri fusi vt dictum est. Hæc inquam materia ebulliens rapidissimo cusu deorsum ferri solet per decliua mon-

tis, sed ad aëris conspectum subito feruentem pristinam rubedinem amittit, & nigrorem, duritiemque saxeam sensim acquirit, primo spumofam ad instar rubiginis ferri, quæ deinde scissa in plurima fragmenta nigricantia hinc inde deuoluitur, & decidit; quia tamen interim noua materia fluida è voragine copiosissimè subministratur, quæ cum fluere non possit, ascendendo supra saxeas illas moles nuper coaceruatas, cogitur excurrere per infima, & occulta interstitia glareæ, vbi suo impetu, & corpulentia cuniculos sibi creat, atque artificiosissimè excauat ad instar fornicum, in quibus tegitur & ab incurfu ambientis aëtis defenditur; proindeque feruorem, vigentemque caliditatem diu retinere potest; ideoque lubricitas, fluiditasque eius, parum diminuta caliditate, cōseruari potest: talis inquam fluida materia, ne dum proprio pondere, ac impetu, sed etiam à superueniente nouo fluore eructato vrgetur, vltcriusque impellitur; sed quia extremæ eius partes ad aëris conspectum subito concrescunt, duritiemque acquirunt, & ideo discinduntur, & in fragmenta dissoluuntur, fit vt vltcrius torrens integer moueri nequeat nisi obstacula saxeas nuper creata impellat; & sic contingit vt supremæ partes concreatæ dicti torrentis aërē tangentes ferantur innatantes supra occultam fluentem, feruidamque materiam. Progressus itaque torrentis glareosi hac
ratio-

ratione fit : Tota machina torrentis, seu acerui faxe-
 xorum fragmentorum non mouetur, neque pro-
 greditur integra, sed solummodo eius supremæ
 partes innatantes excurrunt, partium verò latera-
 lium illæ, quæ terræ planitiem contingunt sua
 scabritie solum offendentes minimè fluere, aut cir-
 cumuolui possunt, at vero altiores laterales mo-
 les faxeæ ingenti strepitu subiectas confricando,
 ac lacerando paulisper vltius promouentur. in-
 terim non paucæ portiones decidunt, labunturque
 ad latera prædicti acerui, seu torrentis, sed multo
 plures, & sæpius in eius anteriori fronte proijciun-
 tur, pro vt ab interna fluida materia superueniente
 vrgentur, impellunturque. Et hac præcisè forma
 motus progressius torrensis, seu montis glareosi
 efficitur, at passim deteguntur spatia nonnulla can-
 dentia, & feruentia inter fragmenta faxea nigri-
 cantia, quæ partes subito amittunt mollitiem, flui-
 ditatemque pristinam, ita vt neque ligno, neque
 gladio perforari queant; non secus, ac in Fucina
 ferramenta candentia non possunt facilè terebrari.
 Ab vniuersa glarea fluente conspicitur inter diù
 exhalare fumum effluuium, vt in fornacibus cal-
 carijs contingit; noctu verò vniuersa glarea splen-
 dida, atque ignita apparet, præcipuè ex locis remo-
 tioribus inspecta, quod accidit ex eo, quod fluida
 materia ignita per interstitia fragmentorum faxeo-
 rum

rum conspici potest, & sic plures, atque frequentes rimæ lucidæ parum inter se distantes fallaciam vi-
fui creant non dissimilem ei, qua stellæ innumeræ candorem viæ lacteæ oculis representant; quia scilicet noctu flammæ exiguæ, & ab oculis valde remotæ fantastica quadam corona crinita, radiofa ambiuntur, qui crines ampliati tegunt interstitia opaca lapidum nigricantium. His adde quod multoties effluvia illa fumosa sulphurea flammam languidam creant, vel saltem illi vapores illustrati à candente materia fluida lumen reflectere valent, ideoq; tota massa glareosa ignita noctu representatur; exceptis ijs in locis, vbi obturatis internis cuniculis à glarea prorsus refrigerata candor ignitus prorsus amittitur, obscuraturque.

Quo ad consistentiam verò, & figuram glareæ pertinet, sciendum est non omnia fragmenta faxea eandem duritiem, ac consistentiam habere. Primò enim pars eius suprema valdè porosa, spongiosa, arenosa, ac friabilis est, & apprimè similis spumæ ferri. Eius figura valde irregularis est, aliquæ enim partes pyramides esse videntur, aliæ ramos projiciunt, aliæ vero laminas ingentes variè inclinatas representant, quarum latitudo duos, tres, vel quatuor pedes æquat, suntque valdè tenues, gracilesq; vix pedis quadrantem excedentes; aliæ verò magis dilatantur à quinto, vsque ad octauum pedem,
sed

sed maiores crassitie vnus pedis donantur ; omnes tamen habēt duas oppositas superficies penè inter se equidistantes, & aliquantulum curuas admodum fornicis, suntque præterea predictę superficies valdè spongiosæ, & frangibiles, internæ verò magis densæ vniformique colore ferrugineo donatæ.

Infra has laminas aliæ ab illis aliquantulum separatæ, & omnino eis similes consistentia, figura, & positione vt plurimum parallela horizonti reperiuntur : harum verò laminarum tria, quatuor, & plura strata eodem ordine succedunt, præcipuè ijs in locis, vbi fluxus materiæ ignitæ vberior foramina, & cuniculos ampliores reliquit. At in extremitatibus veluti promontiorum glareæ concrescūt in moles ingentes lapideas, quarum altitudo, nec non latitudo, & longitudo decem, & plures pedes superat. habent hæ moles consistentiam solidiorem, longeque minus porosam, ac spongiosam, quàm laminæ superius expositæ, suntquæ colore nigricante, sed aliquando terræ fossilis rubedinem retinent. Notatu digna est copia immensa Salis Ammoniaci, quæ in omnibus foraminibus & spiraculis reperitur, & vniuersè in qualibet scissura lapidum ingentium semper duas superficies licet breui intervallo disiunctas, predictotamen sale conspersas, & albicantes inuenias.

Circa motus velocitatem non semper torrens
igni-

ignitę glareę eadē celeritate fluit, aliquando enim velocissimē, aliquando lentissimo cursu fertur; pendetq; talis motus inæqualitas à varijs circumstantijs; primo per loca valdè decliua cæteris paribus celerrimo fluxu ire videtur; per loca vero plana, & campestria satis lento motu progreditur. Præterea quo magis calida, feruens, & proinde fluida est materia glareosa, eo facilius excurrit, ob id per cuniculos occultos, depressioresq; citius fluit, in quibus ab aëre remotior melius fluiditatem propriam tuetur. Harum varietatum afferam duomaximè discrepantia exempla, anno 1537. referente Fazello flumē ignitum quindecim milliaria quatrIduo confecit à loco Asini dorso vocato vsque ad pagum Mompi-lieri. E contra anno 1614. refert Carrera flumen ignitum decennali cursu duo milliaria tantummodo confecisse, licet assidue promoueretur. Innupera verò conflagratione trimestri tempore 12. milliaria confecit; sed obseruatum est non semper faxeum torrentem motum continuare, quandoquidem statis temporibus omninò quiescit, quod accidit quotiescumque extremum promontorium profluuij glareosi sistitur, vel ab externo, vel ab interno impedimento, scilicet cum offendit accliuatatem collis, vel aggeris ex terra, & lapidibus conflati; tunc enim fluor grauis ex sui natura nequit sursum per accliuę ferri, sed consistit, & concrefcit in moles

les faxeas, aut ad latera per decliue labitur, & si forsan vndique inhibeaturs cursus, superueniente noua fluida materia, aggesta, auctaque mole faxea, adeo sublime fertur, vt obstacula superet, & præcipiti lapsu vltèrius progrediatur.

Accidit postea vt in decliuibus torrens sistatur cum aspicientium admiratione; quod profectò contingit, quia nimis ampliatis scissuris, & interstitijs saxorum antea concretorum fluida materia aëris conspectui exposita citò concresecat, diritiemq; acquirens aggerem sibi opponat, proindeque motum proprium impediat; & ex his, & similibus causis potest cursus torrentis glareosi aliquando impediri; aliquando vero retardari.

De Glareæ nuper eiectæ, & Montis Ætnæi mensura.

Caput VI.

Remanet modo exponenda mensura molis totius glareæ, & arenæ è noua voragine eiectæ, vt inde colligamus quam comparationem habeat cum tota Ætnæi montis mole.

Est procul dubio longitudo totius glareæ minor 12. milliarijs; eius verò latitudo licet aliquibus in locis duo milliaria æquet, vt plurimum parum excedit milliare vnum, & aliquando semimilliare non superat aliquibus in locis; imò propè Catanæ mu-

ros neque quadrantem milliaris equat : ergo compensando excessus diuerticulorum defectibus non erit maior latitudo vno milliari cū duobus tertijs.

Hæc verò multiplicata in eius longitudinem efficit superficiem planam occupatam ab vniuersa glarea minorem passibus 20,000,000. quadratis.

Altitudo glareæ rarò sex passus superat, frequentissimè duos, vel tres passus æquat, at quia glarea cauitates, & cuniculos vbique continet adeò amplios, vr domiciliij vsum mendicis præbeant; & nunquam laminæ glareosæ sese mutuò tangunt, sed separantur innumeris & amplis spatijs, interstitijsq; (exceptis tamen extremitatibus promonteriorum) hinc sequitur, vt altitudo solida vniuersalis totius glareæ non sit maior tribus passibus. Multiplicatis ergo passus 20,000,000. ter fiunt 60,000,000. passus cubici : & hæc soliditas erit maior mole totius glareæ effluxæ è noua voragine.

Inquirenda modo est mensura montis illius bicornis ex molibus saxeis, arenisq; quas vorago eructauit, congesti; qui mons Ruinæ vulgo appellatur. Ambitus eius basis duo millia passus æquare videtur. Altitudo vero 150. passus non superat; Igitur diameter eius basis circularis proximè est passuum 637. quæ se habet ad ambitum integrum vt 100. ad 314. ex Archimedis doctrina. Et quia productum ex circuli diametro in quadrantem eius circum-

circumferentiæ æquale est superficiei eiusdem circuli; ideo planum basis prædicti tumuli continebit 318,500. passus quadratos, & productum huius basis in trientem altitudinis, scilicet in passus 50. efficiet soliditatem conicam prædicti montis Ruinæ, quæ erit 15,925,000. passuum cubicorum; sed quia talis mons habet ingentem cavitatem, estque non conicus præcisè, sed frustum conicum excavatum apparet, erit procul dubio eius soliditas maior prædicto numero passuum cubicorum. sit 16,000,000.

Debemus præterea mensurare molem arenæ eructatæ trimestri tempore à noua voragine. Quia verò quærimus Arenæ mensuram, negligi poterit subtilis ille puluis à ventis ad loca dissita translatus ob exiguitatem molis eius; & præcipuè considerata est arena illa, quæ in circuitu nouæ voraginis ad aliquam altitudinem eleuabatur, & occupauit superficiem cōprehensam à perimetro quindecim milliariorum; altitudo verò eius inæqualis fuit, maior quidem propè voraginem, minor, & minor, prout successiuè decrescendo, magis ab illa recedebat; poterit ergo vsurpari compēsando excessus defectibus, vniuersa altitudo arenæ minor quinque pedum: Igitur planum occupatum à prædicta arena nō superabit passus quadratos 17,913.750. hoc vero planum ductum in arenæ altitudinē

quinq; pedum efficit massam integram arenæ passuum cubicorum 17,913,750.

Modo si simul colligantur moles solidæ glareæ per campos effusæ, & illius, quæ montem Ruinæ composuit, vna cum arena eiecta efficient summam passuum cubicorum 93,838,750. Igitur proculdubio massa eiecta in nupero incēdio occupat multo minus spatium, quam pass. cub. 100,000,000.

His præmissis inquirenda modo est propius vera mensura soliditatis montis Ætnæ, ut comparari possit cum mole glareæ, & arenæ in hoc ultimo incendio eructatæ. Quia moles Ætnæ detecta, cuius basis per Catanam, Acim, Tauromenium, Tissam, Brontem, & Adranum ducitur, non est integra, cum desit pars occulta coni Ætnæ profunda usque ad maris superficiem vndequaque extensa: Ergo ut totius montis integra mensura habeatur oportet ut perimetrum, vel diametrum veram illius occultæ basis conicæ assequamur. hoc autem coniiciemus obseruando, quod basis Ætnæ per Acim, & Brontem ducta obliquè secat conum Ætnæum, efficitque ellipsim inclinatam ad coni eiusdem basim horizontalem maritimam: estque situs Brontis valde sublimis, cum ad secundam Ætnæ regionem syluosam ferè pertingat, quæ regio distat (in parte orientali considerata) à litore maris ferè milliar. 15. igitur, si eadem decliuitate montis seruata, cō-

tinua-

tinuari deorsum intelligatur superficies curua Ætnæ, desinet tandem in circumferentiam circuli veræ basis conii Ætnæi vndique mare contingentis; quæ multo maior erit montano circuitu Ætnæ milliar. 100. & illius diameter huius diametrum milliariorum fere 32. longe superabit: & hoc præclarè confirmatur ex eo quod longitudo milliar. 34. litoris à Naxo ad Catanam directè extensa nō occupat totam amplitudinem basis Ætnæ, supersunt, enim vtrunque decliuitates montis. igitur poni potest ambitus veræ basis Ætnæ non minor milliar. 133. eiusque vera diameter proximè 42,367. passuū. igitur area circuli prædictæ basis Ætnæ maris contingentis non est minor passuum quadratorū 1,408,359,166. hæc vero ducta in pas. 1000. trientem altitudinis Ætnæ fit eius conica soliditas passuum cubicorum 1,408,359,166,000.

Quia verò Ætna non habet præcisè conicam figuram, sed potius frustum conii representat dissectum à plano parallelo basi, non enim desinit in acutiem, sed in amplam planitiem, in qua olim eleuabatur paruus quidam, & acutus tumulus, veluti turris, seu specula in apicem desinens, ideo Ætnæ moles superabit numerum passuum cubicorum superius expositorum. Poni ergo potest (absq; erroris formidine) soliditas eius maior 1,400,000,000,000. passuum cubicorum.

Erat

Erat autem materia eiecta quadrimestri tempore in nupera conflagratione minor passuum cubicorum 100,000,000. Ergo materia eiecta ab Aetna minor est vna parte decies quater millesima totius montis.

Aetnaeum Montem non esse profundissime excavatum, nec undique perforatum.

Caput VII.

Satis vetusta est opinio ne dum profundissimas Aetna cavitates habere, sed praeterea infra maris superficiem continuari, produci que per amplios cuniculos vsque ad radices insularum Aëoliarum, atque montis Vesuij in Campania. Et hoc ab experientia confirmari putabāt, eo quod cum ventis flammæ exasperantur in Aetna idem quoq; in Vulcanijs Insulis contingit, propterea quod à mari aluntur, tū venti, tum prædicta incendia, dum aquarum cursus raptum secum spiritum in imum fundum trahit, atque ibi suffocatum tandiu tenet, donec per spiramenta terræ diffusus nutrimenta ignis incendit vt Strabo ait.

Sed merito exploditur hæc portentosa voraginum dissitarum communicatio per cuniculos infra fundum maris progredientes. Primo quia falso fundamento hæc opinio innititur, quibuscumque enim ventis spirantibus abseruatum est, dum
ignes

ignes in Ætna arderent in Vesuvio extinctos fuisse; & è contra extinctis ignibus Ætnæis ferbuisse ignes Æoliarum insularum.

Præterea absurdissima videtur productio illa cuniculorum infra fundum maris, & licet adessent, non posset ignis ibidem accendi, aut non posset ab vno monte ad alium remotissimum communicari, cum flamma ex sui natura non deorsum, sed sursum ferri valeat.

Itaque videtur omniinò improbabilis Senecæ sententia Epist. 79. *Ignem in Inferna aliqua valle conceptum exastuare, & alibi pasci, non in ipso monte alimentum, sed viam habere*. Nec maiorem probabilitatem habere videtur sententia eorum, qui censent incendium Ætnæum creari, & pasci in fundo ingentis, amplissimæque cauerne in Ætna excavatæ vsq; ad fundum maris; huiusmodi enim figmenta certis, & indubitatis experimentis refellere satius est, quam argumentis, & rationibus.

Et primo, licet Philotheus, & alij referant accessisse se ad labrum Crateris, vidisseque in perscrutabilem profunditatem: tamen subsequenti-
bus verbis se ipsum euidentissimè redarguit; Inquit enim à densa, & caliginosa nebula, & à tenebris inferioribus impeditum fuisse nè profunditatem prædicti antri omninò perscrutari, & conspici-
cere posset. Illa ergo immensa profunditas fuit po-
tius

tius imaginaria, & conficta, quam vere obseruata: quod elicitur ex sequente eius narratione, cum ait fumum, & exhalationes ignitas non ex barathro illo profundissimo antri sursum ascendere vidisse, sed ob orificio laterali parum infra labrum crateris excauatum ad instar oris fornacis calcariæ. Igitur si fumi caliginosi à prædicto furno laterali propagari impediabant conspectum partium profundiorum, minimè cōspicere Philotheus potuit enexhaustam voraginem. Ab hac insuper experientia refellitur sententia Senecæ, & aliorum qui putant ignes propè fundum maris, imò in profundioribus cuniculis accendi. Porro experientia saxi proiecti ab ore crateris, cuius sonitū prolixū, non verò postremum ictum percepisse refert Philotheus, nō euincit profunditatem antri vltra centesimum passum extēdi potuisse; eo quod à crebris ictibus saxi ad scopulos parietum antri Aetnei non vnicus, & singularis sonus eliciebatur, sed plures continenter producti, qui extremā concussionem occultare potuerunt, cum quilibet sonus in antris pluribus reflexionibus, & echo reiteretur; hinc fit, vt murmur quoddam prolixum, sensim languescens exaudiatur, non autem expeditus, & vegetus intergerq; strepitus.

Tandem tota hæc fabula euincitur ab experimento factō ab eodē Philotheo, & ab alijs sequentibus annis, quando non reperit parietes vasti putei

tei supremi crateris ex saxis quadratis compositos, & perpendiculariter ad Horizontem erectos; sed cauitatem illam antiquā, quam imperscrutabilem iudicauerat, postea repletam arenis inuenit, formam coni excauati exhibentem, cuius vertex infimus conspiciebatur parum depressus. Igitur si cauitas illa repleri potuit arenis breui tempore videtur omnino impossibile, vt ultra tertium milliare vsque ad maris libellam extenderetur.

Sed non minori euidentia idipsum euincitur ex eo, quod Mons Aetna, nè dum fumos, & igneas flammās è nouis voraginibus eijcit, sed præterea ingentem copiam saxorum liquefactorum, quæ cū sint grauissima, nō possent ex fundo ipsius antri eleuari ad altitudinem milliariorum duorum vsque ad nouam voraginem, nisi forsam minutissime solum, & pulueratę particule, seu scobes arenosæ: Quod pariter confirmatur ex eo, quod saxea illa materia fusa nunquam ferè ab altissimo, & supremo crate-re, sed semper ab aliquo orificio violenter aperto ad latera, & ad fimbriam montis euomitur; quod si posset moles hæc fluida impelli vsque ad os supremi crateris, nec à natiua eius grauitate impediretur, profectò absque tot concussionibus, & terremotibus, & absque montis scissura tanto strepitu facta liberè egrederetur per amplissimum foramen iam diu patens.

Hęc, ni fallor, euincunt lapideam illam ignitam, liquefactamque materiam sedem non solum non habere prope superficiem maris, aut locum profundiore; Sed contra gigni, accendi, liquefieri que in ipsis montis lateribus paulò infra eius crustam, seu superficiem depressis.

Præterea quod prædicta cauitas, seu fornax noua non fuerit profunda, nec commercium, aut communicationem habuerit cum imaginario illo vasto puteo, patulo, & extenso vsq; ad sublimem, & antiquum craterē montis, constat ex his experientijs. Anno 1634. 19. Decembris ex duabus voraginibus è medio costæ meridionalis 9. milliaris à supremo cratere distantibus flumina ignita egressa sunt per 12. dies solidos, quo tempore, neque fumi, aut flammæ ab Aetnæ cacumine exhalabant, & solummodò die primo Ianuarij exigui fumi, per interualla cōspecti fuerunt. Præterea in hac nupera conflagratione ab 11. Martij 1669. vsque ad diem 25. dum è noua voragine tonitruis terremotibus, & eructationibus arenarum euomebatur immensa copia lapidum liquefactorū, ne minimum quidem ultra solitum supernus Aetnæ crater, aut fumi, aut flammę emisit, cū tamē ingenti strepitu, & commotione mons quassaretur, signum euidens, quod antrum ad supremum craterem respondens omninò distinctum erat à noua fornace in montis costa accen-

cenſa, & nihil inter ſe commercij, aut communicationis habebant. Adde quod, cum perſeueraffet in quiete, & ſilentio ſupremus crater uſque ad 25. Martij, tunc primo ingentem fumi columnam ignitam horrendis tonitruis, & concuſſionibus emiſit, poſtea arenas, & ſaxeas moles ad inſignem altitudinem proiecit, & tandem tumulus ille ſupremus vna cum ampla planitie arenosa ſubſedit, atque abſorta eſt: Et quis quæſo dubitabit hoc tunc contigiffe, cum parietibus intermedijs ſaxeis, & terreis, qui ſeparabant fornacem de nouo accēſam ab antro illo vetuſto ſupremi crateris, proſtratis, atque diſciſſis, flammæ in noua fornace accenſæ, apertis clauſtris perruperunt, & exitum ſibi quæſierunt per ſupremum craterem; & proſecto ordo naturalis exigit, vt quotieſcumque magna cauea in viſceribus vaſti montis effoditur, tunc ab ingenti pondere incumbente mons deprimatur, ac ſubſideat, eo facilius, quo partes teſtudinis minus ſolidè cōnexæ, & vnitæ ſunt, vt contingit in aceruo caſuali ex ſaxis, & arenis compoſito, vel ſi ex materia lapidea admodum fornicis compoſita teſtudo eſt, poſt vehementiſſimas concuſſiones terræmotuum facilè diſcindi, & conteri, & grandi ruina ſupremæ montis partes ſubſidere poſſunt.

Ex his ergo nō ineptè deducere poſſumus, quod Ætna nullas habeat ingentes cauitates in profun-

dis visceribus propè superficiem maris, sed iisdem in locis maximè repletum solidum, & saxosum esse, credibile est; quatenus ingens pondus totius montis sua compressione potius condensat eum, & consolidat, quam patiatur cavitates in illis profundis visceribus perdurare.

Ex dictis etiam facilè colligi potest quænam sit interna structura, & constitutio montis Aetnæ: Cum enim è supremo cratère profundius antrum ad instar vasti putei, & ampli non valdè deprimatur, & ferè non extendatur ultra passus 100. vt hætenus insinuatum est, oportet, vt pars, quæ succedit solida consistens, & veluti ossea sit. Præterea quia vniuersa eius facies duas supremas Aetnæ regiones, syluosam nempe, & arenosam cōplectēs innumeris cauer-nulis, & cuniculis perforata est, & passim reperiuntur voragines, ex quibus priscis tēporibus ignes, & fluidæ glareæ prodierūt; cumq; præterea antra, quæ à latere sunt, & caueæ nō ad viscera mōtis profunda pertingant, sed superficietenus parum infra montis crustam se demittant, vt melius postea ostendetur, sequitur Aetnam habere maiorem, interioremque partem firmam, & duram ad instar nuclei, quæ tegitur à crusta solida quidem, sed satis gracili sinuosis ductibus vndique peruia.

*De Imperfectione Meteorologia Æt-
næ ab antiquis traditæ.*

Caput VIII.

ABsoluto historico apparatu, antequam Æt-
næam Meteorologiam aggrediamur, nō erit
inutile paucis indicare quam oscitanter, ruditer,
ac fabulosè à maioribus exagitatū sit hoc argumē-
tum. Et omissis anilibus fabulis poetarum, video
priscos philosophos, & nonnullos etiam recentio-
rum, neque historiam naturalem horum incendio-
rum perspectam habuisse, neque effectus, atque
operationes Ætnæ attentius considerasse, sed tan-
tum fidem vulgarium, & rudium hominum narra-
tionibus, & ratiocinijs adhibuisse.

Ecce primo loco Solinus, & alij miraculum Æt-
næ exaggerant, quod scilicet in gremio niuium ignes
suscipiat, & foueat, cōciliata inter eos amicitia, ita
vt se mutuò non destruant. Hæc inquam mera fa-
bula est, videmus enim, quod ne dū à feruore
flamarum, & torrentis fluentium faxorum niues
Ætnæ liquefiunt, sed ab afflatu, & leui contactu
fumi super illas à vento impulsæ & flexi statim dis-
soluuntur. Et profectò non in vna sede morantur
ignes, & niues, cum valdè inter se distent, nec ori-
ginem ab eodem loco fortiantur; nam illi ab inter-
nis

nis Montis visceribus calidis ascendunt; hæ verò deforis, ab aëre nempè supremæ regionis frigidissimo decidunt. Nec solius Aëtnæ hoc priuilegium est, omnes enim excelsi montes à niuib; teguntur, licet subterranea eorum viscera calida aliquo pacto sint. Quia nempè aër purus, atque sincerus ineptus esse videtur ad ignis caliditatem concipiendam, & fouendam, cum componatur ex particulis spirali; valdè excauatis, & dilatatis, proindeq; ignei feruores à sole immissi non inueniunt in aëre anfractus idoneos, in quibus vinciri, & retineri possint, illa igitur sublimis aëris regio censeripotest sedes Frigiditatis, cuius natura in mera caloris priuatione consistere videtur. Cum è contra particularum aëris infimi cavitates, vt plurimum ab innumeris terrestrib; & aqueis particulis repleantur, quæ valdè conferunt ad caliditatem suspiciendam, & fouendam, ne dum quia intra earum porositates, & solidos anfractus igneæ particulæ adeò tenaciter implicantur, impediunturque, vt nequeant facile inde expediri, & abire; sed etiam, quia ædem particulæ cavitates aerearum spirarū replentes naturæ sulphuræ vt plurimum esse solent, quæ fermentatæ caliditatem promouent, & augent, & hinc fieri potest, vt pluuiæ nunquam in altissimis montium culminibus decidant, sed tantummodò in vallibus infernis, propterea, quod à nimia.

nimia frigiditate altissimi aëris concrefcunt aquei vapores in niues, quæ poſtea non niſi à caliditate aëris ſubiecti liqueſcunt in guttulas exiguas aquæ, ex quibus in deſcenſu ſimul vnitis grandiores guttulæ pluuiiales componuntur.

Pretereà aiunt Aetnam ignes euomere, qui uſq; ad mare fluunt, nec declarant quomodo ignis, (qui ex ſua natura flamma rara eſt; ſurſum apta nata aſcendere, & auolare) poſſit ad inſtar aquæ fluentis decurrere deorſum, & ſyluas, & campos deuafare. Poſtea circa originem, & materiam ignis Aetnæ mirum quātum hallucinati ſint; aiunt enim per ſubterraneos ſpecus marinam aquam ad radices, & internas cauernas Aetnæ maximis fluctibus impulſā ſua pinguedine, & falſedine materiam igni ſubminiſtrare, ex qua poſtmodum è cratere, & voragini- bus eiecta flumina ignita componi autumant.

Alij poſtea ſulphureas quaſdam mineras, atque bituminofas ad radices montis percolari, aut gigni, & tandem accendi, ex quibus ne dum flammæ ſurſum auolantes, ſed etiam maſſam illam fluētē, quæ poſtea in ſaxeas moles vertitur, creari poſſe aſſeruerunt. Sed ſatis ſuperque huiuſmodi vanitates ab euidentia ſenſus confutantur. Nam primo loco valde differre videntur verę flammæ, raræ ſurſum auolantes, quibus ignis nomen legitimè competit, ab illa materia ignita graui, & fluida, quæ
deor-

deorsum ad instar fluminis per decliua montis fertur, & citò in saxeas moles transformatur.

Præterea igneæ ipsæ flammæ ab Aetna auolantes non sunt inter se similes, vel saltem proprietates habent satis inter se differentes. Ecce quod perseverantes illæ flammæ, quæ vna cum fumis è supremo Aetnæ cratere ferè continenter erumpunt, tempore omni observatæ sunt placidæ, & debiles, rarò, & per breue tempus, extramodum efferuescere visæ sunt; è contra ignes accensi ad latera montis vehementiorem, & fulmineam naturam referût, cum semper magnis tonitruis, & terræ concussionibus solidam cutē montis disrumpant, lacerentque, atque arenas, & moles saxeas in altum proijciant, & tandem materiam illam ignitam, & fluentem in magna copia producant, & eructent. Et in summa eodē modo inter se differre videntur prædicti ignes, ac differt flamma ex oleo, aut lignis accensa, quæ placidissimo cursu sursum tendit, à vehementissimo incendio pulveris tormentarij nitrati, seu potius ab igne, qui in fulminibus accenditur, qui summa vehementia magnis tonitruis machinas concutit, dirumpit, omniaque obstacula prostermit, & tandem solidissima impedimenta metallica liquefacit; vt vero hæc meteorologiæ pars pro dignitate agitur, prius in genere de caliditate, & incendijs subterraneis aliqua præmittenda sunt.

De Caliditate Subterranea.

Caput IX.

EVidentissimum est in locis subterraneis caliditatem excitari, ac foueri, cum videamus ex profundis terræ visceribus eructari, atque expelli, nè dum fumidas, & igneas exhalationes, sed etiam aquas calidas & feruētes, vt pluribus in locis thermalibus apparet; dubitatur tamen, ambigiturque de origine, & causa prædicti caloris. Ii, qui censent elementum terræ frigidum omninò esse, recurrunt ad causam externam, nempe ad solem, quem suis radijs, ne dum superficietenus, sed etiam terræ viscera penetrando caliditatem creare censent, à qua diuersimodè terra alterata innumera mixta producat. Alij vero non sine ratione negant Solis radios ultra extimam terræ crustam penetrare posse, cum sensu constet etiam à feruentissimo calore Solis æstiuo non calefieri terram ultra paucos pedes infra eius superficiem; & interius loca subiecta frigida reperiri, ita vt inter superficiem terræ à Sole immediatè calefactam, & interna viscera montium è quibus fumi, & ignes ægrediuntur intercedat terræ regio valde frigida. Rursus suprema Ætnæ superficies ab ipsis radijs solaribus parum, vel nil calefieri manifestum est, cum non solum hyeme, sed

G

etiam

etiam media æstate intolerabili frigore, & niuibus obruatur; quis ergo credet solis radios, qui eius cutem ne minimum calefacere possunt, valeant intra eius viscera feruētissimas flammās accendere? ideo recurrendum esse videtur ad calorē subterraneum, qui in ipsis cōcretis terrenis cōmixtus reperiatur: & profectò nō tātū in lignis, & mineralibus sulphureis & oleosis caliditatem reperiri manifestum est, verum etiam metalla, ac lapides durissimos continere semina nonnulla ignis patet ex contusione, & contritione, cum ex venis earum scintillæ ignitæ extrudantur. Vocatur vulgo mistorum caliditas potentialis, quod eatenus verum esse potest, quatenus in eis igneæ particulæ sopitæ, seu potius cōmixtæ, & illigatæ non possunt suas vires exercere, nisi vinculis dissolutis exiliendo ad auras igneum splendorem, ac caliditatem ostendant, sed præcipua sedes, seu seminarium ignis videntur esse pingua corpora cōcreta, vt sulphur, bitumen, & olea, quorum maxima pars, vel tota in flammās ignitas resoluitur.

Vt igitur caliditatis subterraneæ aliquā cognitionem habeamus, oportet primo, vt originem corporum sulphureorum, & bituminosorum inquiremus, scilicet videndum an prædicta corpora generentur de nouo, an verò in ipsa terra perpetuò existentia detegantur, aut ab vno ad alium locum

trans-

transferantur, & si hoc verum est, cur successu temporis post plura sæcula non estinguuntur, atque consumuntur cū accensa perpetuò ad auras auolēt.

Secundo loco videndum est quomodo caliditas, quæ omnino sopita, & gelida iacet in prædictis corporibus oleosis excitetur, augeaturque. Et tandem quomodo, & quare aliquando in flammam abire possit.

Quo ad primum Chymici, & alij nonnulli censent sulphuream, nempe accensibilem, & igneam materiam ingenerabilem prorsus esse, & incorruptibilem, & tantummodo segregari, aut transferri ex vno ad alium locum posse; sed nunquam deficere; eo quod omnia corpora terrena componuntur ex sulphure, tamquam elemento. Præterea aiunt nunquam ignem, seu sulphur accensum perire, aut omninò destrui, licet per auras videatur dispergi & dissipari, cū denuo decidat, misceaturque cum alijs concretis, & mistis.

Sed non videtur impossibilis generatio materiei sulphureæ cum alia innumera concreta de nouo gigni videamus, sic terra illa, ex qua halinitrum per aquæ infusionem extractum est, denuo in antris testis fermentata, successu temporis halinitrū eadem copia profert. idq; præterea alijs innumeris exemplis confirmatur. quis enim crederet ex aqua pura sulphur, & halinitrum educi potuisse? & tamen

plantæ ex pura aqua procreatæ non exiguam copiam sulphuris accēfibilis, & halinitri continere manifestum est. Videntur ergo gigni, vel congregari sulphureæ, & halinitrales mixturæ à vi analoga virtuti feminali; veluti à minimo fermento massa farinæ vniuersa fermentatur, acciditatemque acquirit; pariterque halinitrum, seu ammoniacum ex calce creatur in edificijs recentibus vmbrosis, & madidis: qui sales ab igne calcinante originem habere videtur, veluti spiritum vini in granulis vux à Sole produci suis radijs calefacientibus censendum est. Preterea sulphur vulgare Puteolis, & alibi post primam eductionem eadem fouea exhausta, denuò successu temporis regeneratur, pariterque in fodinis ferreis cuniculi, & foueæ prius excavatæ postea eodem metallo repletæ reperiuntur: immo excrementa rubiginosa progressu temporis infodinam metalliferam commutantur; nec dici potest illuc è locis remotis materiam sulphuream, aut ferream percolari; nam post tot sæcula tandem sulphurea fodina omnino exhauriretur; & insuper purgamenta illa rubiginosa simul coaceruata incampis apertis, quæ denique in optimum ferrum abeunt, non aliundè aduenientem metallicam substantiam suscipere possunt. oportet igitur vt ex ipsa massa fermentatione quadam procreetur.

Præterea saxa, quæ ab igne fornacis in calcem
redu-

reducuntur acerrimo sale abundare manifestum est. Et in summa sicut non miramur ex eadem gleba arida, & insipida educi, & procreari pinguedinem, sulphuream in Oliuis, bituminosam in Pinis, salem dulcem in mellitis floribus, & in arundinibus faccarinis, accerrimū in raphano, & innumera alia vegetabilia, & animalia ex suis seminibus de nouo procreari, ita eodem ferè modo possibilis erit concretio, & genesis minus difficilis salium, sulphuris, & halinitri.

Ex dictis igitur fateri cogimur corpora sulphurea, & nitraria non esse prima elementa, sed potius esse concreta, ex prioribus alijs corporibus cōposita tamquam ab elementis; Sed quomodo-cumque res se habeat, fieri posse videtur, vt in eisdem locis subterraneis materia sulphurea, bituminosa, & halinitralis semper abundet, sicq; accensibilium corporum congeries & compositio perennet; siue quia ibidem generatur ex alijs primis elementaribus corporibus, siue quia colligitur per poros, atque canales subterraneos, siue qualitercunque de nouo intra viscera terræ coaceruatur.

Transeo modo ad calefactionem fermentatiuā. Constat experientia innumera corpora, tum mineralia, tum vegetabilia absque eo, quod à calore Solis, vel ab externo igne calefant, dum macerantur, fermentantur, & putrescunt in locis clausis, aut
sub-

subterraneis sponte sua caliditatem manifestam acquirere: patet hoc euidentissimè in Fimo, leguminibus, aceruis herbarum contusarum, & aliarum rerum. Causa huius effectus esse videtur copia sulphuris, seu corporum igneorum, quæ in omnibus mistis corporibus reperiuntur, hæc vero ignea semina ex sui natura mobilia cum sint, quoties contusione, aut putrefactione relaxantur partes mistorum, tunc prædictæ igneæ exhalationes solutis vinculis libertatem nanciscuntur, & proinde ex porulis illorum corporum, in quibus necessebantur exiliunt, & alia circumstantia corpora penetrando calefaciunt, & sic ex varijs igniculorum commotionibus caliditas illa fermentatiua effici, ac creari potest.

Adest præterea alius modus excitandi caliditatem absque super exposita diuturna putrefactione, & fermentatione mistorum. Infunde aliquas guttas olei chalcanti, seu Vitrioli in oleum Tartari, & statim ambo illos liquores, qui sèsu iudice frigidi erant, vehementissimè videbitis feruere, & incallescere.

Insuper si vulgari calci aqua infundatur, vel vapores aquei eam madefaciant, statim feruescere, & fumos eijcere eam videbimus: Cumque huiusmodi calefactiones non indigeant motu, & confricatione, quæ tantum corporibus duris, & agitatibus aptari potest, nec à radijs solaribus, aut ab alio actuali incen-

incendio dependeant, deducimus quod in locis clausis subterraneis facile potest caliditas excitari, & augeri, aut fermentatione, quatenus ignis femina dissoluta caliditatem in corporibus putrescentibus creant, aut veluti ex oleorum chalcanti, & tartari missione excitantur, commouenturque ignei corpusculi, qui ibidem præexisterant, aut quia euenis saxi in calcem redacti, ab aqueo humido dissolutis vinculis, minima ignea prodeunt, quæ accensionem illam excitant.

Sed hic animaduertendum est, quod si in locis subterraneis Aër non contineretur, aut non communicaretur, tunc prædictæ igneæ exhalationes minimè sursum ascendere possent, sed tantummodo vagis, & irregularibus motionibus agitentur, & reflecterentur hinc inde; & hæc agitatio sufficientissima causa esse videtur conseruationis, & incrementi, internæ caliditatis, & fermentationis corporum subterraneorum.

At quia in locis subterraneis, aut intra fluida aquea, & simul in porositatibus lapidum, & mineralium continentur innumeræ particulæ aëris, vt obseruationes nostræ euincunt: pariterque verum est vndique terram porosam esse, ideoque aërem posse ad loca subiecta perducere; fieri potest vt exhalationes igneæ superius expositæ in visceribus terræ libertatem nactæ, discretæ, & vinculis solutis
sursum

furfum poſtea vergant ; nam, vt oſtenſum eſt in noſtro libro de motionibus à grauitate pendentibus, nulla Leuitas poſitiua in rerū natura datur ; proinde exhalationes illæ ſubterraneæ niſi ab aëre, aut ab alio fluido corpore exprimerentur, nullo pacto furſum aſcendere niterentur. Hinc fit vt à ſubterranea fermētatione, nè dum variè diſſoluantur componantur, calcinenturque partes ſulphureæ, ſalinæ, & bituminosæ, ſed etiam attenuatæ in ſpiritus à preſſione aëris, ſeu aquæ extruſæ, & per terræ laxitates penetrantes cogantur ad auras verſus ſupremam terræ ſuperficiem auolare, & hac potiffimum ratione Puteolis, non ſolum aquæ termaleſe infra terram incaleſcunt, ſed etiam fumi ſulphurei, & bituminoſi prodeunt, ſecum deferentes minimas exilesque particulas, quas ſulphuris flores vocamus, quæ poſtmodum in cruſta terræ, veluti in collo, & pileo Alembici vniūtur, & concreſcunt, & hæc cauſa eſſe videtur ob quā Sulphur, & Naſta, & Bitumen in ſuperficie terræ coaceruatum colligitur.

*Quomodo Puluis Pyrius, & alie ſimiles miſtura
incendia Vehementiſſima concipiant.*

Caput X.

S Ed vlterius procedendo videndum eſt modò quomodo materia ſulphurea, bituminosa, & hali-

halinitralis in antris Ætneis, & Vulcanijs accendatur, ad quod manuducimur exemplo pulueris nitrati bellici, qui componitur ex sulphure carbonibus, & halinitro; exceditque halinitrum singula reliqua ingredientia aliquando in proportione tripla, aliquando quintipla, aliquando decupla. Hæc optimè contusa, puluerata, & commista, & postmodum in granula concreta à contactu ignis actualis flammam amplissimam, vehementissimamque concipiunt, quæ ineffabili vi in cuniculis subterraneis, seu minis concutit, frangit, ac disijcit ædificia, turres, & propugnacula solidissima, ponderosissimaque superincumbentia.

Verum circa vsum partium puluerem pyrium componentium non omnes conueniunt. Inquiunt enim aliqui Sulphur prius inflādari, à quo halinitrum accenditur, & sua diffatione flammam summè amplificari; carbones verò adhiberi putant, vt non nihil remoretur incendium halinitri: Quod mihi omninò improbabile videtur. Censeo enim carbones præclarum vsum habere, & vices supplere ellychniorū oleo imbutorū, aut sulphuratorum, qui ne dum facillimè, & citissimè accenduntur, sed præterea ampliorem, & viuidiorem flammā creant, quàm sulphurea, vel bituminosa massa, quæ dum in fluorem abit poros obstruit, è quibus spiritus accensibiles exire debuerant: itaque carbones illi

H

pulue-

puluerati, & sulphurati cuncti subito vertuntur in totidem prunas, seu exiguas candelas accensas, quot sunt granula carbonum: tales inquam prunæ, vel flammulæ innumera granula ambientia halinitri eodem ferè momento accendunt, quæ producunt innumeras vesiculas, seu ampullas vehementissima distensione sese dilatantes: hæ omnes vesiculæ simul coaceruatæ sua mole amplitudinem maximam occupant, & suis ictibus multiplicatis, & continenter succedentibus ingentem impetuosam, furibundamque vim illam concussivam creare possunt, ut in nostro opere de vi percussivis insinuauimus. Hæc mea coniectura confirmari videtur ex eo, quod halinitrum minimè accendi, inflammarique potest à simplici calore, sed requiritur viua flamma, vel contactus prunarum; Nam in vase contentum incalcescit, tantummodo liquefit, & spumofam quandam ebullitionem suscipit.

Notandum præterea est, quod aër inter granula pulueris pyrij disseminatus necessario requiri videtur ad accensionem momentaneam efficiendam; nam si eadem massa pulueris pyrij ad instar tophi, vel glebbæ concreseat, aut malleo contusa reddatur solida ad instar saxi, tunc non accenditur tota massa simul, sed lentè superficietenus flammam, veluti lambentem creat, quæ successiue & longo tempore subsequentes partes vnâ post aliam accendit.

dit. Quando verò diuiditur puluis bellicus in granula minuta, quæ necessario plures aëris particulas intercipiunt, facilè omnia grana simul accéduntur, quatenus flamma neque viuere, neque accendi potest, nisi adsit præsto aër, à quo exprimatur, & in quem diffuari quodammodo possit: Verum cum granula prædicta vulgaris pulueris pyrij sint quoq; massulæ quædam concretæ, induratæque, adhuc difficultas aliqua, & morula obijcitur productioni, extensionique flammæ momentaneæ; quod præclarè confirmatur ab hac experientia, si prædictus vulgaris puluis pyrius minutissimè contundatur, atque intra bellicum tormentum paruum, & breue leniter immittatur absque vlla compressione, ita vt particulæ eius maximā laxitatem retineant, proindeq; inter puluisculū illū intercipiātur multo frequentiores innumeræ aëris particulæ; tunc videmus quod ab igne actuali per spiraculum communicato, momento puluis accenditur, & multo longius glandes plumbeas, & maiori vi, & fragore projicit; signum euidens, quod particulæ illæ minimæ pulueratæ, simul, & ferè eodem momento flammam concipiunt, proindeque ex innumeris diffusionibus granulorum halinitralium componitur illa maxima, & vehementissima rarefactio, & dilata-tio, quæ glandis projectionem efficit.

Et profectò admiratione digna est immensa illa

vis, qua ingentia pondera, & saxa durissima, & consistentia impelluntur, arietantur, & franguntur à corpore tam raro, & fluxili, & cedenti, veluti flamma est, quæ nullam duritiem pre se habere videtur; sed licet effectus sit conspicuus, & compertus in prædictis cuniculis, seu minis, & in terræmotibus, causa tamen peti debet ex vi, & energia percussionis, quæ vt demonstrauius in nostro opere de vi percussionis superare potest quamcumq; inertem, & immobilem resistentiã dummodo infinita nō sit.

Industria Chymica præterea adinuenit aliam accensibilem compositionem, quæ maiorem vehementiam, & robur habere videtur, & magis assimilatur igni fulmineo, quam ei, qui ex puluere bellico gignitur, vocaturque Aurum fulminans: huius compositio talis est: exsoluitur aurū purum, æs, vel ferrum aqua stygia, seu Regia, & post dissolutionem infuso Tartari oleo, metallum in aqua dispersum, diffusum, & subtilissimè pulueratum præcipitatur, collectumque in fundo vasis, exsiccatumque, ne dum igne viuo, sed à quocumque leui calore Solis, Fimi, vel Animalis accenditur; & hic ignis, ne dum strepitum edit, sed etiam vasa, in quibus cōtinetur disrumpit, perforatque, etiam deorsum vergendo, non secus, ac ignis fulmineus facere solet. In Hac compositione, vt preclarè Gassendus animaduertit, relictæ particulæ olei tartari vices sup-
plere

plere videtur sulphuris combustibilis, cum ex vini facibus extrahatur, abundantque vina spiritu sulphureo, seu accensibili a Solis radijs in vuis immisso; præterea aqua regia constat ex halinitro, chalcanto, & sale ammoniaco, vel communi, ex quibus vehementia halinitri augetur, & ideo difflationem illam vehementissimam creare potest, quatenus in ipso auro dissoluto, particulæ aquæ Regiæ scilicet halinitri, & salium commistæ remanent. tandem pulvis metallicus officium supplet globulorum tormentariorum, & ab his vehementissima vi motiua affectis laminæ in quibus Fulminans aurum accenditur percutiuntur, perforanturque; notum enim aliundè est corpora magis ponderosa, & consistentia vehementiorem impetum proiectitium concipere, diutiusque retinere, quam leuia, & fluxiliora corpora. Quod verò Chalcantum, & metalla vim quoque ei addant, confirmatur, ex eo, quod si addatur vna vncia hydrargiri vulgari pulueri tormentario maiorem vim, & energiam ei confert. Calx quoque magnopere conferre videtur tum ad acrimoniam, tum ad accensionem. Videmus enim ex sulphure, nitro, bitumine calci vitæ admixtis massam confici, quæ leni irroratione, aut spuito accendatur,

Quomodo, & quare Ignis in Aetna accendatur.

Caput XI.

QVia, vt dictum est, Mons Aetna abundat hisce corporibus accensibilibus, nempè sulphure, bitumine, halinitro, vitriolo, Mercurio, tartaro, faxis calcarijs, & alijs mineralibus, vt patet in eius incendijs ex materia sulphurea eiecta, bituminosa, & ex sale ammoniaco, quæ omnia calore, odore, graui, & alijs proprietatibus dignoscuntur; Et confirmatur ex fodinis bituminosis, quæ pluribus in locis Aetnæ deteguntur; cumque prædictæ materiæ calore subterraneo possint fermentari, & commisceri, facile persuaderi possumus in cryptis eius componi posse misturas, ne dum similes pulueri pyrio bellico, sed etiam auro, aut metallo fulminanti, vel massæ illæ accensibili à simplici spūto.

Et siquidem ad perfectam commistionem, & præparationem à simplici calore fermentatiuo reduci non possunt; sufficit tamen vt materiæ sint præparatæ, & proximè dispositæ, vt post flammæ conceptionem in ipso actu conflagrationis perfectionem acquirant, & simul terram ambientem vitrificent, & reliquas omnes operationes eliciant.

Remanet modo considerandus modus, & causa accen-

accensionis prædictæ materiæ : & constat ex superioribus dictis , quod flammæ nullo pacto accendi possunt in locis clausis , & aëre priuatis ; immo etiam in vasis , seu antris , vbi aër vndique clausus retinetur , flamma nullo pacto perdurare , & viuere potest : Exigitur enim necessario , ne dum presentia , sed etiam agitatio , & fluxus aëris ad hoc , vt fumi pingues , sulphureique expansionem illam , & velocissimam diffusionem flammeam acquirant , retineantque , & insuper aër externus vndique flammam exprimendo , educat , & sursum impellat ; sic videmus quod ne dum ligna , sulphur concretum , olea , & bitumina , sed etiam spiritus vini non accenduntur , neque inflammantur vniuersæ , & in eorum internis , & profundis partibus , sed solummodo in externa eorum superficie ; neque ipsimet liquores , aut materiæ concretæ per se , & immediatè accenduntur , sed tantummodo fumi , atque spiritus è poris massæ eius egredientes inflammantur , cum aliquantulum distant , remouenturque à prædictis oleis ; & hoc euidentissimè conspicitur , quando è lignis prodeunt quædam spiramenta fumosa , quæ accenduntur , dum distant per digitum integrum à lignis , vel carbonibus accensis . Estque adeo necessaria aëris præsentia , & fluxus ad flammæ productionem , perseverantiamque , vt non solum ignis vulgaris , sed etiam splendida illa corruscatio Cy-

cendularum, lignorum putridorum, & ossium, atq; partium intestinalium piscium minimè appareat in locis, ex quibus aër, vel omninò, vel magna ex parte tollitur, vt primo omnium expertus est eruditissimus, & diligentissimus Boyle mediante sua machina Pneumatica, & apud Academiam Medicèam experimentalem in instrumento Torricelliano, factò vacuo, obseruatum est. Ex quo valde Verisimile putandum esse quoq; splendorem illum Cycendularum, & rerum putridarum flammam quandam tenuem, rarissimamq; cuius caliditas ob eius debilitatem minimè nostrum tactum afficere potest.

Hinc colligitur, quod materia accensibilis in cryptis Ætnæis quantumuis præparata, & disposita nunquam tamen accendi, & inflammari potest in locis interaneis omninò clausis, & separatis è cōmercio aëris: sed necesse est, vt prædicta antra valdè proxima sint superficiei, seu crustæ Montis; & præterea adsint putei, aut foramina exigua, & spiramenta ad aërem externum admittendum.

His suppositis animaduertendum est pluribus modis posse materiam pinguem, accensibilemque flammam concipere: Primo si flamma, vel prunis, scilicet igne actuali tangatur. secundo si absque actuali igne saxa calyce concutiantur, aut metalla, ligna, vel saxa inter se confricentur, tunc scintillæ ignitæ extruduntur è venis eorum, quæ postea sulphu-

phuream materiam accendere queunt. Tertio radij ipsi solis refracti, vel reflexi coeunt ardorem, & incendium creare possunt, non quidem in ipsis bituminibus & oleis per se sumptis, sed in festucis aut lignis, aut carbonibus, præcipuè colore atro tinctis, in eis existentibus. Quarto incendium excitari quoque potest ab ipsamet aqua simplici, si instilletur super calcem. Quinto loco à quacunque caliditate tepida in Auro fulminante flamma, & incendium cōtinuò, & vehemētissimè excitari potest.

Licet his omnibus modis possit materia sulphurea, & halinitralis in cryptis Ætnæis flammæ, & incendia concipere; nihilominus tribus postremis modis expositis eam creari verisimilius videtur. Cogita in crypta aliqua laterali parum dissita à cute montis Ætnæ collectam, præparatamque fuisse copiâ sulphuris, bituminis, halinitri, &c. quæ à calore subterraneo fermētata, & rarefacta, repleat, & occupet foraminula, seu cuniculos aliquos productos vsq; ad externā cutem montis aëri contiguam.

Hæc foramina vicem supplebunt spiraculorum machinarum bellicarum, quibus ignis applicatur, vt inde repat vsque ad tormenti cavitatem, & inibi contentum puluerem pyrium accendat; Sic in casu nostro qualibet leui aspersione guttulæ pluuiæ, vel fontanæ aquæ, vel roris, aut simplici caliditate Solis, aut à subterraneo calore proculdubio ab ini-

tio accendi potest ignea illa materia *Ætnæa*, ex qua per prædicta spiracula communicata flamma, usque ad cauernæ viscera, ibidem ali, continuari- que potest, & reliquos effectus, quos videmus, pro- ducere.

Possset etiam accensio inchoari in ipsis internis fornacis, seu antri visceribus, si fluxū illū aeris per fissuras, aut per foramina reciprocari intra cauernā nihil impediat. Et licet omnibus hisce modis ac- censio fieri in *Ætna* potuerit; illam tamen, quæ ab aque irroratione in calce excitari solet verisimilius contingisse hæ obseruationes suadere videntur. Horti contigui muris australibus Urbis Catanensis à glarea tecti, & repleti adhuc fumum, & tenuem flammam eructant ijs in locis præcisè, vbi excauati putei fuerant ad hortos irrorandos; & cum ab anno præterito igne voraginis prorsus extincto, noua materia accensibilis per cuniculos subiectos non amplius fluat, dicendum est ijs in locis remansisse, vel fermentatam fuisse congeriem sulphuream, bi- tuminosam accensibilem; at quia hoc non contin- git nisi in locis illis aquosis, non verò alibi in locis aridis, licet illis propinquis; & similiter post plu- uias vniuersa illa glarea exhalationes fumosas e- mittit: verisimile est saxa aliqua calcinata à præte- rito incendio sensim madefieri à vaporibus putea- libus, aut à pluuia, & proinde incallescere, & reli-
quias

quias sulphuris, bituminis, & halinitrales accendi, & postea exhalare fumos ammoniacos: hoc autem inglarea intra mare prouecta non contingit, quia maris vndæ subito sales dissoluerunt, diluerunt, & calcem omnino extinxerunt.

Porro semel inchoata accensione necesse est, vt resoluatur materia illa accensibilis in amplissimos vapores, qui antra concutiendo, ne dum terræmotus vehementissimos in crusta Montis producant, sed præterea parietes laterales arietando, si fortè fragiles, tenuesque fuerint disrumpāt, & sic per cuniculos, & antra vetusta infra crustam Montis excavata magno impetu, & copia ferantur atque cōcussiones illas, & mugitus efficiant: Interim apertis, & dilatatis plurimis in locis alijs foraminibus, & spiramentis flatus geniti per aliqua eorum egrediuntur, dū intera per alia aër fluens ad instar folium flammæ inchoatas excitat, eiusque feruorem, & reuerberium auget: Præterea prædicta materia accensibilis, prout sensim instillatur, fermentatur, & in calcem redigitur, fieri potest, vt successiuè accendatur: & siquidē proxima fuerit supremo Aetnæ crateri, quod est os fornacis perpetuò patens, referatumque, tum percipimus, quod flammæ continenter intus genitæ semper quoque exspirant, & emittunt per os illud fumos, raro flammæ visibiles, nisi forte cum venti proximam fornacem agitantes

insufflantesque copiosiore flammam eliciunt, & in conspectum dant. Non enim nouum est incēdia à vi ventorum valdè augeri, & ampliari.

Si verò in fornace illa suprema accensibilis materia copiosè aliundè subministraretur, aut moli-
bus faxeis os eius occluderetur, tunc facilè perci-
pimus, quod incēdium illud clausum ad instar pul-
ueris pyrij in cuniculis subterraneis, seu *minis*, ac-
censi, magno impetu, concussione, & tonitruis frā-
geret, ac disrumperet claustra, & fragmenta faxea,
& arenosa sursum eijceret, cum ingentibus globis,
& voluminibus fumosis, ac flammeis.

Tandem quia Mons Ætna à crusta quadam te-
nui tegitur pluribus in locis interius excauata, &
perforata, atque vniuersa eius interna moles solida
est ad instar nuclei, vt dictum est. Non erit impos-
sibile, vt prædictus solidus internus mons, seu nu-
cleus venis plurimis, ne dum sulphureis, bitumino-
sis, & salinis, sed etiam metallicis abundet, hi in-
quam sales, & sulphur sensim genita, vel collecta
instillari, & defluere possunt intra cauitates decli-
ues subter crustam montis latentes, & ibidem pro-
gressu temporis collecta, commista, macerata, &
fermentata possunt incrementum, atque maturita-
tem incendio aptam acquirere, & tunc subsequi
posse conflagrationes, & incendia ex dictis mani-
festum est.

*De origine, & productione vitrificatæ materiæ fluidæ
 è voraginibus Aetnæis iectæ.*

Caput XII.

Postquam de materia flammæ, & de modo accensionis eius abundè egimus, subsequi debet examen fluoris illius, qui in saxa vertitur. Verissimum profectò est, vt eruditissimus Franciscus Aretius nobilis Siracusanus mecum animaduertit, sulphur, & bitumen ignita, & liquefacta intra Aetnæ fornaces nequaquam verti, transformarique posse in vastas illas moles saxeas, nigricantesque, quas glareas vocamus; sed potius censendum est terram, & arenam Aetnæi Montis à feruentissimo igne in eius fornacibus torreri, concoqui, atque in fluorem vitreum verti, & post modum ad aëris conspectum concretionem, duritiemque acquirere. Quod non minus eleganter, quàm eruditè Virgilius insinua-
 uit, expressitque hisce carminibus.

Vidimus undantem ruptis fornacibus Aetnam,

Flammarumq; globos, liquefactaq; voluere saxa.

Videmus enim, quod in fornace vitraria ex sulphure, & bitumine liquefactis nunquam vitrum efficitur, sed requiruntur marmoreæ glareæ, aut arenæ lixiuialibus salibus admistæ, quæ ab ignis feruore, ne dum dissoluuntur, sed etiam funduntur, & acquirunt

runt vitream consistentiam. Prætereà in fornace vitraria actu accensa feruente, & vndique clausa remanentibus tamen exilissimis spiramentis, ignis violenter inclusus vim faciet, vt exitum ad auras sibi quærat, & si fortè latus, seu crusta vasis vitrum fufum continentis satis gracilis, & dissipabilis fuerit, subsequi facile poterit ruptio, & diffractio parietum illius non absque concussione, & strepitu, & ab aperto foramine profilient vna cum fumis, & flammis, primo faxeæ partes parietis diffracti, quæ orificium obturabant, & postea vitrum fluidum feruentissimum è prædicto foramine egredietur, quod citò ad conspectum aëris concrescet, & duritiem lapideam, frangibilemque acquirat.

Eodem propè modum modò philosophandum mihi videtur de Aetnæis conflagrationibus. Cogitandum est in profundioribus, & lateralibus Aetnæ cuniculis clausis coaceruatam materiam accensibilem esse, quæ vehementer conflagari possit, vt puluis nitratus bellicus, & insuper habeat pabulum diuturnum, & perseuerans; Quod aut aliunde subministretur per terræ porositates, aut ibidem existat, sed talis consistentiæ vt tantummodo eius superficiales partes comburi, & inflammari possint, illæ nimirum, quæ aërem tangunt, non vero profundiores, vt contingit in cereis candelis.

His positis effici potest inflammationis initium
in

in prædictis cuniculis Aetnæ vndique clausis, sed exiguis aliquibus spiraculis patentibus; à qua deinceps ambiens terra, & saxa vehementi igne excalefacta liquefiant, vt in fornace vitraria contingit. Postea superabundante feruore, & incendio primò crusta montis concutietur, & sic terremotus ante eruptiones in Aetna fient; postea subsequenter mugitus, & cuniculorum parietibus in locis minus resistentibus diffractis, orificium aperietur, ex quo arenæ, & fragmenta lapidea, & fumi ingentibus vlulatibus, & tonitruis erumpent; & tandem terra iam vitrificata, & in fluorem versa per foramen, egredietur, atque per loca decliua excurret, & ad aëris conspectum concrefcet, duritiemque saxeam acquireret; deindeque diffringetur in plurima fragmenta glareosa, quæ vltèrius impellentur à nouo fluore superueniente, & sic facillè fieri potest, vt torrens ille glareosus creetur.

Haftenus huius effectus possibilitatē indicaui-
mus; restat modo, vt probabilitatem eius exemplis,
& rationibus confirmemus.

Et primo quod terra arenosa, & saxa glareosa,
ex quibus cortex Ætnæi montis constat, possint à
feruentissimo eius igne dissolui, & liquefieri ad in-
star metalli, vel vitri fusi constat experientia: nam
obseruamus quod in fornace reuerberij prædictæ
arenæ facillè fusionē patiuntur, si ijs addantur aliqui
fales,

sales, vt halinitrum, tartarum, vitriolum &c. & hoc pariter obseruatur in vitrarijs fornacibus; si enim glareæ marmoreæ, aut arenæ absque salium admistione in fornacibus immittantur, negant vitrarij dissolui semper, aut fundi posse, at si ijs admisceantur sales lixiuiales ex cineribus confecti, citò in fluorem vitreum vertuntur: cumque in cuniculis, seu fornacibus *Ætnæis* sulphur, & sales quam plurimi reperiantur, vt dictum est, & constat ex magna copia salis ammoniaci, quod ex fissuris glareæ egreditur, & colligitur: ergo pari modo in cuniculis *Ætnæis* terra arenosa fundi, & vitrificari debet, ac in vitraria fornace contingit; Id ipsum præterea confirmatur ab experientia facta *Catanæ*: ibi enim in fornace vitraria posita fuerunt vasa illa, in quibus vitrum coqui solet, (quæ mortaria artifices vocant) facta ex saxis glareosis nigris, & ferrugineis olim ab *Ætna* eiectis, & hæc ab ignis feruore prius liquefacta fuerunt, quam arenæ in eis contentæ in vitreum fluore dissoluerentur. Hinc mirari licet inconstantiam *Carreræ*, & pertinaciam multorum, qui negant glaream fluentem ab *Ætnæ* voraginibus gigni potuisse ex arena, aut ex antiquis saxis *Ætnæis*, & hi profectò decipiuntur ab hac experientia, quotiescumque, aut in torrentem glareosum *Ætnæum* ignitum rubicundum, & candentem proijciuntur arenæ, vel saxa, licet cooperiantur ab ardente materia

teria fluida, veluti à calce, vel gypso in parietibus saxa circumdantur, non tamen liquefiunt, sed remanent intacta eiusdem figuræ, & consistentiæ quā prius habebant.

Non vident hi authores, quod materia illa fluēs per campos apertos minimè retinet feruentissimam caliditatem, quam in fornacibus habebat; & proindè non potest fundare, & liquefacere arenas, & saxa admixta; sicut in fornace vitraria extracta, massa vitrea è fornace ad aërem externum, si ei misceantur aliæ concretæ, & frigidaë particulæ vitreæ, vel arenosæ, non possunt à feruente illa massa dissolui, & liquefieri, propterea quod requiritur valdè intensus gradus caliditatis perseverans ad hoc ut arena, & vitrum solidum, & frigidum liquefiat; quod euincitur ex eo quod eadem fragmenta, arenosa, & vitrea frigida, & solida intra eandem fornacem immissa subito liquefiunt. Igitur dubitandum non est fluorem glareosum genitum fuisse ex arenis, & saxis contentis intra arduos cuniculos, seu fornaces Ætnæ.

Decipiuntur pariter illi, qui censent materiam, ex qua gignitur glarea fluēs, esse metallicam; ex eo quod funditur ad instar metallorum: quasi non adessent fornaces vitrariæ, in quibus terra, & arena simplex in fluorem vertitur, non secus, ac metalla; Sed his omissis luculentissimo experimento no-

stra sententia confirmatur. Intra fornacem calcariam, si diù testæ, & laterculi coquantur, tandem nigrorem acquirunt, & inflectuntur vt cera, commiscuntur, & liquefcunt ad instar vitri fusi; & post refrigerationem vitream cōsistentiam, nigricantem, & opacam acquirunt, omninò similem fragmentis glareæ ex fornacibus Aetnæ eiectis. Stultè ergo reputantur bitumen, aut metallum concrefcere in glaream, quādo ibidem terra, & arena prestò sunt, quæ facillimè vitream consistentiam acquirere possunt.

Sed negotium facessit aspera figura, & opacitas glareæ, quæ minimè vitro competere videtur, quod externè leuigatum, internè vero conformis consistentiæ est, & præterea transpicuum. Hanc difficultatem sufficientissimè diluit exemplum laterculorum in fornacibus diù decoctorum, quæ fluorem, & consistentiam vitream acquirere manifestum est, cum tamen superficiem asperam, & inæqualem retineant, atque opaca omnino sint. Sed ratio quare Aetnæa glarea aspera, & opaca est, peti debet ex difformitate materiæ vitrificatæ, Si enim misceantur arenulæ Silicæ inter vitream massam liquidam efficient consistentiam asperam, & opacam. Pari-terque si in eadē vitraria fornace apponātur arenæ diuersarū cōsistentiarū, quarū aliæ particulæ minutiores sint, aliæ verò grandiores, & ex diuersis lapidibus

dibus; nēpè ex marmore, pumice, lapide nigro, viridi, & alijs innumeris, tunc conficitur massa vitrea impura, opaca, & aspera; secus autem si ex eadem massa lapidea candente eiusdē consistentiæ, & minutissima arena conficiatur, tunc enim vitrum purissimum, læuigatum, & transpicuum confurgit.

Sic pariter quia terra, & arena in visceribus Ætnæ contenta non æquè contusa, nec homogenea, neque eiusdem consistentiæ est, confurgit massa vitrea, impura, & quodammodo lutosa, & sic mirum non est superficiem eius externam esse valdè inæqualem, asperam, & omnino opacam. Nulla enim alia de causa fluores homogenei, & eiusdem consistentiæ explanantur, læuiganturque, nisi quia constant ex particulis minutissimis eiusdem figuræ, & consistentiæ, & grauitatis, & proindè non impediuntur, quin æquali nisu ferantur deorsum, seu inter se vniantur; at quando partes non sunt eiusdem magnitudinis, neq; ponderis, neq; cōsistentiæ, neq; figuræ; tuuc aliæ quidem possunt liquefieri, aliæ nō; aliæ magis deorsum excurrere, aliæ vero eminere, vt lignum super aquam innatans: proindèque necessario componitur externa superficies inæqualis, constans ex monticulis, seu verrucis, atque ex valibus innumeris, ideoque aspera erit. Hæc eadem inæqualis, & difformis partium constitutio vt contingat quoque necesse est in partibus internis eius-

dem glareæ per vniuersam eius profunditatem; ex qua proinde sequitur opacitas eius.

Prætereà alia de causa superficies externa glareæ impuræ post refrigerationem non potest esse perfectè læuigata, sed erit aspera, ex vndis, & monticulis composita: in his enim proculdubio externa superficies aëri contigua concrescit, licet durtiem omnimodam non subito, & vbique acquirat; at internæ partes eiusdem massæ adhuc feruentes raritatem, & mollitiem pristinam retinent, & multo tardius restringuntur, & condensantur. Igitur concipienda est massa illa vitrificata comprehensa à veste, seu cortice magna ex parte concreto, & indurato in aliquibus particulis hætherogeneis fusioni magis resistentibus, sed aliquantulum cedente in alijs partibus eius; cum verò restringuntur internæ partes non potest æquali mensura constringi cortex illæ externus magna ex parte rigidus, & durus, proindeque necesse est, vt partes aliquæ duriores in eodem situ remaneant, dum laterales magis cedentes contrahuntur interius, & sic efficietur cutis rugosa, non secus ac in senili corio contingit, quod olim ampliabatur ab abundantia carnum, pinguedinis, & humorum, & progressu ætatis induratum, deficiente pinguedine, quæ eius cauitatem replebat, necessario contrahitur; cumque durties, & rigiditas impediat nè vniuersa cutis con-

tra-

trahatur, remanentibus partibus durioribus magis eleuatis, consequuntur asperitates, & rugæ.

Id ipsum in nostra glarea multo magis haberi potest, ob eius difformē partium compositionem: & præterea alia de causa, ex defluxu nempe eius, quatenus superficies aliqua ex parte concreta inæquali velocitate moueri debet, scilicet velocius, & expeditus propè initium fluxus, quam in locis ab eodem principio remotioribus, & in tali casu effici debent frequentiores, & altiores rugæ, & asperitates; non secus ac contingit in luto ex inæqualibus fragmentis arenæ composito.


De Fornacis Aetnae verisimili amplitudine, forma, situatione, & modò conflagrationis.

Caput XIII.

O Stendendum modò est, quod fornax Aetnae, in qua glarea ignita liquefacta est, ad partē lateralem, propè superficiem eius, directè à septentrione ad austrum extensa fuit.

Et primo, quod talis fornax non habuerit notabilem latitudinem transuersalem, patet his coniecturis. Sit superficies PHY facies meridionalis Aetnei montis; in hac facie nocte præcedente diei 11. Martij anni 1669. facta est in crusta mōtis scissura GF duodecim milliarijs longa, à septentrione ad austrum

austrum directè extensa, ex qua exierunt fumi splendentes : deinde mane ante solis exortum.



apertę sunt quinque voragines successiue vna post aliam F, E, D, C, B, in eadem directione positę, ex quibus magnis tonitruis, & concussionibus prodierunt tantummodo fumi copiosi. tandem vesperi diei sequentis 12. disrupta est ampla, & vasta vorago A omnium infima, ex qua ingentibus tonitruis, & terrę concussionibus, fumi flammę, cineres, ingentia saxa in altum eiecta sunt, pariterque materia fluida glareosa exijt, perseverauitque per quatuor menses.

Ex his phænomenis conijcio primo, quod Fornax illa, in qua à maximo incēdio terra in vitreum fluorem fundebatur, non habebat insignem latitudinem:

dinem: nam si valdè dilatata fuisset, non aperuisset montis corticem indirecto, & stricto tramite GFA, sed rupisset montis superficiem partim ad vnum latus KM, partim ad oppositum latus O, I, L, ordine confuso, & irregulari; quandoquidem putandum non est corticem montis fuisse vndique adamantinæ, & infrangibilis duritiei, præterquàm in stricto tramite GFA milliariorum tresdecim, cuius cortex tantum ob gracilitatem frangi potuerit: quare fatendum est reuerà fornacem prædicti reuerberij fuisse extensam in cuniculo directo, & ob longo GFA.

Insuper quod Crypta fuerit excauata proximè sub cute voraginis A probatur, quia concussiones, & terræmotus, rupturam Montis præcedentes, insignes facti sunt in locis propè A, languidiores verò in locis superioribus, & collateralibus. Præterea, valdè probabile videtur præcipuam sedem Fornacis, in qua tetra vitrificata est, nil prorsus, vel parū eleuatam fuisse supra prælongę scissuræ infimum situm F: hoc autem suadetur eò quod profluuium, materiæ fusæ glareosæ profilijt ex fundo putei A in planitie excauati: & quia materia fluida grauißima ex sui natura sursum ascendere nequit, fatendum, est in hac operatione organum siphonis interuenisse. Pro cuius intelligentia sit fistula curua A, B, C, D, E, eiusque capacitas ABC repleatur quolibet


bet fluore; is profectò descendet vsque ad locum infimum fistulæ D, & hinc sursum excurret versus E; & siquidem

orificium E non deprimitur infra superficiem horizontalem.

F A B per libellam floris in vase A B C contenti ductam, manifestum est

fluorem ex ore


E minimè diffluere posse, cum nequeat sursum supra horizontalem eleuari; necesse est igitur vt orificium E depressius sit superficie horizontali floris in vase A B C contenti ad hoc vt ex E profili-
re queat.



Modo in casu nostro concipiatur planum trianguli P H Q esse sectionem montis Aetnae perpendicularem ad horizõtem, transeuntem per coni axim H Q, & per scissuram, & foramina G F A. & quia extremum foramẽ A (ex quo quadrimestri tempore fluor vitreus egressus est) deorsum perpẽdiculariter admodum putei excauatum fuit, debuit materia fluida ascendere sursum, vt per campos infimos diffunderetur: hoc autem minimè fieri potuisset ni-


si Cu-

etæ fornacis valdè depressa fuit. Non tamen hinc
 deducitur necessariò materiam glareosam minime
 fundi potuisse, nisi solummodo in loco infimo pro-
 pè libellam A; sed concedendum quoque est per
 vniuersam longitudinem D, F, vsque ad G, conco-
 qui, & liquefieri potuisse; Sed hæc operatio ope
 alterius siphonis diuersæ naturæ absolui potuit.
 Si enim concipiatur fistula vitrea A B C D, cuius
 pars A B, sit discissa supernè, per quam fluor veluti
 per canalem aper-
 tum ad instar flu-
 minis fluere deor-
 sum possit, reliqua
 verò subiecta pars
 B, C, D, sit fistula
 vndique cõtorna-
 ta, & clausa; tunc
 quidè fluor recep-
 tus in B potest qui-
 dem post descensum ex C, resilire sursum, & egredi
 per D, dummodo terminus siphonis B superior sit
 orificio D. Eodem modo cuniculus prælongus (*in*
figura sequenti) G F B in costa montis discissus, per-
 foratusquè fuit à B vsq; ad G; & ideo vsù siphonis
 habere non potuit, sed tantummodo canalis, seu
 fluminis, per quem percolare potuit vitrea terra
 fusa, & tandem via subterranea per siphonem cur-
 uum



uum ex B, ad A, continuari potuit effluxus, & hinc egredi, & diffundi per campos.

Insuper animaduerto, quod fornax, in qua nuper excocta, & liquefacta fuit tam vasta copia vitreæ materiæ, non fuit tantæ capacitatis, & vastitatis, vt contineret vniuersam illam materiã fluidam, quam eructauit quadrimestri tempore, quæ fuit



passuum cubicorum proximè 100,000,000; quia eius basis non potuit esse depressior linea horizontali A Z; eratque præterea parum lata, vt dictum est, ergo ingentem altitudinem habuisset; quæ propter vitreus fluor nè dum ex omnium infima voragine A, sed etiam ex omnibus superioribus foraminibus B, E, C, D, F, egredi potuisset, quod nõ cō-

tigit. His adde quod tanta altitudo, propè, axim-
intermedium montis collocari debuerat, at in tali
casu ruptura, & scissura montis haudquaquam fie-
ri debuerat in facie montis transversali remotissi-
ma à prædicta fornace, & non potius in propinqua
crusta suprema disrumpendo fundum vasti putei
supremi Crateris; quia in primo casu disrumpi, &
perforari debuerat paries trāsversalis crassissimus
plurium milliariorum, in secundo verò casu tere-
brare oportebat gracilem crustam paucorum pas-
suum. Quare constat antrum, seu fornacem prædi-
ctam non in visceribus intermedijs montis extitisse.
Debuit igitur omninò collocari in loco non val-
dè dissito à voragine A; & quia ibidem situs angu-
stia tantam antri amplitudinem excipere non po-
terat, concedēdum omnino est satis exiguam, & an-
gustam fornacem Aetnæam fuisse; in qua probabo
quod facillimè potuit ingens illa moles terræ vitri-
ficatæ passuum cubicorum 100, 000, 000, exco-
qui, liquefieri, & inde profluere: Cogita paruum
lebetem æneum continenter ab igne subiecto ex-
calefactum; huic si non intermissa serie immittantur
ceræ solidæ fragmenta, poterit procul dubio ex fo-
ramine ad latus lebetis aperto effundi cera liquefa-
cta per quatuor solidos menses, licet capacitas ip-
sius lebetis sit minor vna centies millesima parte
totius ceræ effusæ. Sic pariter in parua illa oblon-
ga for-

ga fornace propè voraginem A, excauata, & extensa per decliue montis latus, parum infra eius crustam depressa, potuerunt arenæ quotidie ibidem ex locis superioribus decidentes calefieri, & in fluorem verti, & continenter fluere per canalem subterraneum vsque ad maiorem infimam fornacem paulò supra voraginem A excauatam. Non excedit pariter terminos probabilitatis, vt moles arenosa, & terra non perfectè liquefacta vna cum sulphure, & salibus admistis nō omnino in fluorem versis deorsum simul per eundem canalem ad præcipuam infimam fornacem ducerentur, quæ essent veluti noua materia accensibilis, & noua pariter terra vitrificabilis ibidem perfectius concoquenda, & liquefacienda, ac tandem per voraginem foras eijcienda; & hac ratione planè potuit perseuerare profluum amplissimum vastæ molis terræ vitrificatæ in fornace valde angusta, & parua. Quod verò vna cum glarea fusa descendere quoque potuerit, perfluereq; vt dictum est, non exigua copia sulphuris, & salium feruentium, & liquefactorum conijcitur ex eo quod etiam extra fornacem per campos materia sulphurea, & bituminosa vna cum fluore eiecta, & transportata fuerit, vt inferius ostendemus.

Non deerunt, qui contendunt fieri posse, vt fundum fornacis, ex qua tanta copia terræ fusæ vitrificatæ

catæ exijt , valdè depressum fuisse infra nouam voraginem, eò ferè modo , quo ex lebetel videmus feruentem aquam sursum ebulliendo eleuari , & per eius labra diffundi, dilabique . Sed hinc minime deduci posse reor vniuersum fluorem vitreum, in casu nostro eiectum sursum fuisse ex fundo vasti putei; quandoquidem aqua illa feruens eatenus supereminet, versaturque, quatenus valdè augetur, & rarefit ob ampullas innumeras, & amplas à vaporibus, seu exhalationibus ignitis repletas, & sic moles aquæ feruentis maior redditur , quam vt possit intra lebitis capacitatem contineri ; ideoque excedens , siue superabundans aqua per labra vndique dilabitur; at nunquam videmus omnino exhauriri, effundiq; vniuersam aquam profundioris lebetis.

Præterea hoc contingit in liquoribus rarioribus, & minus ponderosis , at in plumbo fuso huiusmodi efferuescentia , & proiectio per labra vasis ne quaquam contingit; forsan quia grauitas maxima plumbi comprimit, condensatque ampullas illas flatuosas rarissimas ; sed quamuis non inficiar aliquando potuisse contingere , vt ob maximam, vehementemq; efferuescentiam pars aliqua terræ fusæ, vitrificatæque potuerit sic sursum proijci; nequaquã tamē mihi persuadere valeo hoc diutius perseuerare potuisse, quo vsque capacitas profunda cauernæ, seu fornacis omninò exhauriretur.

& hoc

& hoc historiæ Aetnæorum incendiorum satis persuadere videtur; nam nunquam observatum est ex altissimo Aetnæ Cratere fluorem vitreū eructatum fuisse; sed tantummodo exijisse fumos, & flammæ, quæ magno impetu eiecerit arenas, & saxea fragmenta, fluorem verò vitreum semper ex novis voraginibus apertis in diuersis locis lateralibus montis exijisse.

De Supremi tumuli Aetnæi incendio, & præcipitio.

Caput XIV.

SED vt redeam ad effectus nuperrimi incendij, quærenda est ratio verisimilis quare, & quomodo accensio feruentissima xiv. diebus perseuerare potuit in latere mōtis meridionali, multis miliarijs distita à supremo Cratere, à die xi. Martij anni præteriti vsque ad xxv. eiusdem mensis, absque eo quod ex supremo Cratere vlla insignis eructatio fumi, aut flammæ apparuerit, cum summa quiete, & tranquillitate ibi iuxta veterem consuetudinem statis temporibus leuissimi fumi prodirent, non secus ac contigit, quando nulla alia noua incendia extraordinaria in Aetna videntur.

Postmodum vespere diei 25. repente ingentibus concussionibus, & terremotibus exijt primo ex altissimo illo Cratere columna vasta fumosa, quæ ad gran-

grandem altitudinem subleuabatur, cum ingentibus flammis; & deindè per aërem dissipata, & ampliata effudit immensam copiam arenæ: pariterquè diuulsis saxeis claustris supremi tumuli montis ille omninò disiectus, prostratusq; & intra eadē voraginem obfortus est, & cum eo magna pars campi arenosi subsedit, & absumpta est. Hoc duplici modo effici potuisse mihi videtur; primo si parum infra supremum tumulum Aetnæ collecta præparata, atque fermentata fuisset ingens copia sulphuris, bituminis, nitri, & aliorum salium, in aliqua cauitate, seu antro, vndique clauso, & omninò discreto, & valdè remoto à cuniculis lateralibus mōtis, in quibus flamma, & incendium actu feruebat. Illa inquā accensibilis materia ab incendio seiuncta potuit tardius, scilicet 14. diebus elapsis præparari, fermentarique, quam illa, quæ in inferiori fornace ardebat: & tandem spontè accendi, ob easdem causas, eodemque ferè mōdo, quo fornax illa infima prius conflagrauerat. Vel potius, quod verisimilius mihi videtur, ab incendio vigente corrosa terra & sensim, decidente arena ex summitate, & longitudine superius expositi cuniculi 13. milliariorum tandem peruentum est ad fundum supremæ cryptæ iam dictæ, & tunc per exiguum aliquod foramen ignis communicari potuit ad materiam accensibilem ibidem præparatam; non secus ac in cuniculis sub-

subterraneis, seu Minis pulvere pyrio repletis per angustum canaliculum ignis immittitur, qui propugnacula, & moles superextantes excutit, proster- nit, atque in altum proijcit; Sic pariter amplissima illa suprema cauerna sulphure, nitro, & salibus fermentatis satura, per exiguos ductus communicata flamma ab inferioribus fornacibus actu ardenti- bus, tandem conflagrauit; & disruptis minus resi- stentibus cōterminis parietibus cum supremo cra- tere communicantibus fieri potuit, vt difflatio va- sti, & vehementissimi incendij per altissimum cra- terem exitum ad auras sibi quereret; sed non sine ingenti laceratione, contusione, corrosione, & fra- ctione parietum faxeorum, pumiccorumque eiuf- dem antri, cuius fragmenta sursum maxima vi eie- cta pluuiam illam copiosam lapidum, & arenarum produxerunt. & quia ablatis fulcimentis moles pō- derosissimæ incumbentes non possunt contra gra- uium naturam stare, & suppendi, sed oportet vt de- cidant, & prosternantur: hinc factum est vt post tā grandem testudinis antri supremi Aetnæi discissio- nem, lacerationem, & perforationem necessario superincumbentes moles tumuli, & campi arenosi supremi horrendo præcipitio subsidere, & abfor- beri debuerint. Cumq; delapsus tam vastæ regio- nis supremæ Aetnææ ignes non extinxerint, faten- dum est, non omninò obrutam arenis, & terra for-

nacem illam fuisse : & proinde ne dum incendia diù perseuerare potuisset ; sed prætereà vehementius discutere , & dissipare terram delapsam , exitum , & difflationem ignis impredientem , debuisset . Et si fortè , vt verisimile est , præter rupturam , & fractionem montis , ignis genitus dissoluit quoque in vitreum fluorem , non exiguam supremæ terræ arenosæ molem , hæc inquam non ad instar fluminis currentis è cratere sursum eructari potuit , quia nempè ab eius pondere ascensus prohibitus fuit ; sed aut redacta in guttulas arenosas (vt deinceps dicemus) aut delapsa est per canalem illum oblongum 13. milliariorum vsq; ad nouam voraginem ; quæ per campos diffusa vsq; ad mare abundantius profluuium effecit : cuius hæc forsan fuit causa perseuerantiæ , & diuturnæ durationis .

De Materia, & Generatione Arenæ ab Aetna eiectæ.

Caput XV.

R Emanet modo inquirenda genesis , & origo Arenarum . Et quia vniuersa facies Aetnæi montis ab arenis tegitur præcipuè in eius tertiæ regione suprema . Primo fieri potest , vt hæ eadem arenæ vetustæ sursum eijciantur ab incendijs Aetnæis , vt deinceps declarabitur . fieri etiam potest , vt arenæ de nouo conficiantur duplici modo , aut quia

quia saxa friabilia ad instar pumicis frangi, & conterì possunt in illis vehementissimis Aetnæi montis concussionibus, & fractionibus, & sic scobis, aut pulueris formam acquirant, eijcianturq; à voraginibus Aetnæis: Vel potest de nouo gigni prædicta arena, quatenus fluor ille vitreus glareosus potest scindi, frangique in plures particulas, duplici modo, aut dum feruet, & fluiditatem pristinam retinet, aut post eius primam, & inchoatam coagulationem, cōcretionemque: Notum est enim, quod in fornace vitraria vasa, vel massæ vitri candentis, si repente frigido aëri exponantur, vel à ferro frigido confricentur, facilè scinduntur, & à qualibet leui percussione diffringuntur, & in particulas diuiduntur. Ratio huius operationis hæc est; quia pars illa, quæ ab aëre frigido tangitur, subitò condensatur, & nè dum duritiem lapideam acquirit, sed præterea valdè diminuitur, constringiturque eius cutis externa; partes verò internæ feruentes, calentesque raritatem pristinam adhuc retinent; quapropter confurgunt veluti fibræ in ipsa consistentia vitri, quæ violenter constringuntur ad partes aëris, dum reliquæ partes internæ expansæ dilatantur; & sic veluti à totidem vectibus violenter vitrea massa concreta distrahitur; proinde scinditur, diuiditurque. & hoc euidentius contingit in laminis vitreis, ac lapidibus difformiter calefactis, quæ à

quacumque debili percussione scindundur. Et hæc esse ratio videtur, quare externæ partes torrentis glareosi per cãpos decurrētis appareāt discissæ in fragmenta diuersarũ figurarum; cū è contra in extremitatibus promonteriorum, & in profundioribus eiusdem torrentis partibus massæ ingentes lapideæ ferè integræ remaneant. quod pendet ex eo, quod cum massæ prædictæ tegantur ab alijs fragmentis, nè dum retinent diù pristinam caliditatem; sed etiam coguntur sensim, & vniformiter refrigerari, & hinc est, quod non diffringantur; sicuti in vitraria fornace vasa, quæ sensim refrigerantur in superiori fornacis testudine non scinduntur, sed integra remanent.

Quod verò materia vitrea Ætnæa dum feruet, & fluida est, possit sursum eijci, & in guttas minutissimas disrumpi, ac dissipari, facile suadetur exemplo fontium aquam sursum eiaculantium; quæ licet vnita proijciatur, tamen in guttulas exiguas scinditur, diuiditurque, & per aërem spargitur.

Adest prætereà noua causa generationis arenarum. Obseruamus in aquæductibus infernè inflexis ad instar siphonum, quod dum aqua deorsum fertur per altiore canalem secum continenter rapit, transfertque innumeras aëris vesiculas, easq; intrudit intra infimam explanatamque partem siphonis, ex qua cum aër sursum regredi nequeat, prop-

propterea quod vrgetur ab aqua subsequente, quæ continenter per altiore[m] canalem descendit ; & præterea idem aer antèrius per infimum horizontalem canalem siphonis, aqua repletum, excurrere non possit ; neque motu transuersali natus sit moueri, sit vt ascendat, & quiescat adherendo cavitati supremæ canal[is] horizontalis ; cumque semper maior, & maior copia aëris in eodem intermedio loco canal[is] post eius flexuram colligatur, condenseturque sequitur, vt disrumpat, ac frangat fistulam, nisi aëri egressus aperiatur. Sed alio magis appposito experimēto id ipsū cōfirmatur : in fontibus Tusculanis (quas Itali Girandulas vocant) sursum grandis copia aquæ crepitando eiaculatur ob aëris admisionem, à quo aqua in guttulas minutissimas scinditur, spargiturque per auras. Et siquidem hoc in simplici, & placido aquæ cursu cōtingit, quanto magis efficietur, si fluor vna cum admisto vento vehementissimo expiraret ? & quāto magis si materia ignita intra ipsummet siphonem copiosissimos vapores, & fumos generaret ? Facile ergo percipimus in Aetnæo cuniculo ad instar siphonis sursum reflexi excauato (vt dictum est) quod fluor vitreus cum copiosissimis vaporibus, & flammis vehementissimis immediatè post breue descensum disrumpere canalem deberet, & per orificium genitum, scilicet per brachium siphonis ascendentem im-

men-

mensam copiam floris vitrei, commisti cum aëre, & vaporibus, & flammis, horrendis crepitibus, tonitruisque sursum proijceret, ad instar fontis; proindeque innumeras particulas eiusdem floris vitrei effunderet, quæ ad aeris conspectum concretæ, & vicissim sese vrgendo, & confricando subdiuiderentur in arenas exiguas, & per auras dissiparentur.

Et hinc ratio deduci potest, quare in noua voragine Aetnæa perpetua tonitrua horrenda efficiebantur, multò magis sonora ijs, quæ à maioribus bombardis produci solent; nempe quia flatus, & exhalationes inclusæ intra materiam fluidam in infima crypta, seu canali siphonis *Ætnæi* magna vehementia profilire debebant, & ad auras eructari per voraginem, & sic crepitus horrendi effici potuerunt. Præterea confert ad arenarum scissuram, diminutionemq; disruptio vesicularum in ipsa materia fluida genitarum, vt contingit in *Ellychnio* lucernæ non nihil ab aqua madefacto, è cuius flamma profiliunt aqueæ vesiculæ oleum rarefactum continentes, quæ per auras crepitando sparguntur, rumpunturque.

Pari modo percipitur, quod intra fluorem vitreum *Ætnæ* contineri possunt plures particulæ halinitri, & sulphuris, quæ dum vehementissimè difflantur, innumeras ampullas in dicto fluore creant: hæc autem porosam structuram, pumiceamque efficiunt

ficient quotiescumque flatus in vesiculis contenti minùs validi fuerint, vel à subitanea massæ pumiceæ concretione difflatio, ampliatio, & ruptura porulorum impeditur. Prætereà illæ vesiculæ, quæ ad instar minarum bellicarum crepant, disrumpunturquè facillimè possunt exiguas particulas vitri fluētis sursum ad auras proijcere, & siquidem vesiculæ prædictæ disrumpantur, dum externa cutis fluentis materie parumper concreta, soliditataquè est, nullo negotio ex vesicularum dissolutione particulæ arenosæ creantur, proijciunturque, vt passim in fornace vitraria obseruamus; & ratio est quia, dum cutis vitri ominò feruet, ac liquida est particulæ disruptæ ad latera fluunt, & excurrunt post disruptionem vesicularum, nec facilè ad auras proijciuntur; secus autem accidit cum in vitro crusta concreta laceratur; quia tunc particulæ illæ discissæ ad instar globorum tormentariorum magno impetu per auras proijciuntur, & hæc quidem erit vna causa projectionis arenarum, tum ex altissimo Ætnæ cratere, cum ex noua voragine.

Porro effici quoque potest immensa copia arenarum quotiescumque orificium crateris, seu voraginis pluribus laminis vitrificatis pumiceis clauditur, obturaturquè partim ibi genitis, partim à projectione deciduis: quia verò flammæ clausæ, & impeditæ à magno aceruo lapidum maiori violentia

exitum ad auras sibi quærent; hinc fit ut obstacula illa pumicea magna vi concutiantur ad inuicem, conterantur, franganturque, & sursum expellantur, & in tali violentissima eiectione facile percipimus, quod saxæ illæ moles pumiceæ friabiles, & frangibilissimæ vicissim se virgendo, & confricando possunt conteri, & scobes arenosas efficere; quæ ab impetu flammæ sursum proijciantur (non secus ac globuli bellicarum machinarum à nitrato puluere accenso eijciuntur) & postea ad insignem altitudinem perductæ, si valdè minutæ fuerint, facile possunt per aërem à ventis transportari transfuersali motu in loca ab Ætna valdè remota, ut in nupero incendio, atq; vetustioribus obseruatum est.

His adiungi potest alia causa eiectionis arenarum, videmus ferè vniuersam crustam Aetnæ ex arenis, & saxis constare, & præcipuè in parte montis suprema, cuius vniuersa superficies omninò arenosa, & infrugifera est: modo si in cryptis subterraneis parum à superficie remotis contingat aliqua accensio materiæ sulphuræ, bituminosæ, nitræ, & chalcantinæ, ut dictum est, necesse est, ut ad instar cuniculorum bellicorum, seu minarum, disrupto supremo montis cortice sursum ad grandem altitudinem proijciantur saxea fragmenta, vna cum arenis, quæ saxeam illam crustam tegebant. Hoc præterea contingere potest, nè dum in supremo

cra-

cratere, sed etiam in noua voragine, quatenus disruptis claustris, & fornicibus cryptarum terra suprema arenosa subsidendo deprimitur, perduciturque ad obturanda noua orificia, & sic succedente nouo incendio subterraneo rursus renouatur noua ignis eruptio, à qua secundò superincumbens arena in altum expellitur.

Hæc mea coniectura facilè confirmatur hac obseruatione: Saxeorum fragmentorum à voragine sursum proiectorum aliqua proculdubio nuper genita & concreta erant; alia longèuam vetustatem manifestè ostendebant; illa enim tactui calida, nigricantia, aspera, & angulosa apparebant, omnino similia fragmentis nouæ glareæ; hæc vero reperia fuerunt gelida, colore pallido, angulis priuata, contusa, contornata, & læuigata, eiusdem nempe figuræ, quam habere solent antiqui filices torrētium, & fluminum: quæ omnia inditia sunt non paruæ antiquitatis. Cum igitur hæc fragmenta non ex recenti fluore vitreo facta fuerint, fatendum est corrosa fuisse ex crusta montis, (quæ componitur ex faxis, & arenis confuso modo aggregatis) dilacerata à vi ignis erumpentis; igitur eodem modo potuerunt frusta arenosa antiqua pariter in altum proijci.

Non desunt, qui cēscant supremum Ætnæ cacumen tegi non ab arenis, sed à cineribus incendij

Aetnæ; sed hoc euidentissimè conuincitur ex colore consistentia, ex frangibilitate, quæ omninò competunt arenis ex contusione recentium glarearum genitis; itaque prædictæ arenæ, & vniuersa terra superficiem montis tegens eiusdem naturæ est, scilicet sunt fragmenta pumicea, & saxea nigra eiusdem cōsistentiæ, quam habent arenæ genitæ ex contusione vitrificatæ materiæ, olim fusæ, eiectæ varijs ex foraminibus à monte Aetna; Argumentum verò, quo nonnulli suadentur fragmenta illa minuta cacumen montis occupantia esse cineres non arenas, tale est; scobes illæ cacumen Aetnæ tegentes sunt omnes ferè eiusdē magnitudinis, latitudinem grani hordei parum excedentes, vt sensus ostendit; hæc autem passio potius cineribus, quam fragmentis arenosis competit; quia ex diffractione, & contusione lapidum partes valdè inter se magnitudine differentes creantur, aliæ nempè grandiusculæ, aliæ minutissimæ ad instar farinæ.

Huic obiectioni responderi posse mihi videtur, quod ab initio magnā ex parte prædictæ arenæ valde exiguæ, & minutæ erant ad instar farinæ; quæ postea succssu temporis à pluuijs decurrentibus, & ab agitatione vētorum facilè transportatæ fuerunt, remanentibus tantūmodo partibus grauioribus, & crassioribus, vt in litore maris, & fluminum quotidie obseruamus; vbi grana arenæ ferè eiusdem mēsuræ

furę videntur, cū ab initio particulę illę ex diuerfis faxis diffractis coaceruatę magna ex parte minutę effe debuerant, & tamen ex continua ablutione vndarum facilē minutiffimę particulę ab aqua afportatę fuerunt, remanentibus tantummodo craffioribus. Non fecus contigiffe in Aetna confirmatur ex eo, quod arena illa craffior in eius fupremo cacumine reperitur, at in eius radicibus, & vallibus fcober (vbi venti nō adeo fœuiunt) nigrę sunt adeo minutę, vt terram valdē frugiferam conftituant, quę aratro, & ligone foditur, ac colitur.

Porro ex effluuio eiufdem arenę pendet alterius problematis folutio; quare fcilicet flamma accenfa à cratere, & noua voragine Aetnęis eleuari ad grandem altitudinem ad inftar columnę ignitę potuerit; cum res adeo fluxilis, qualis flamma eft, non poffint accenfa ad centefimum, aut trecentefimum paffum afcendere, & ingentes quęlibet flammę citò acuminentur; & deinceps inuifibiles fiant, & splendorem omnino amittant. Dicendum igitur eft quod columna illa ignita non erat pura, & fincera flamma, fed vna cum flammis eijciebantur innumerę guttulę arenofę, adhuc feruentes, quę rubentem, ac fplendidum feruorem noctu oftendere poterant, & ad tam infignē altitudinem impelli, vt fupradictam columnam ignitam ingentis altitudinis representarent: & hoc fuadetur ex eo,

quod prædicta columna fumosa, ignita definebat in vasta, & tetra volumina nebulosa, & à ventis dispersa, ne dum per Siciliam, sed vltra fretum per oppida Brutij pluuiam arenarum emisit, ac proiecit. & talis operatio legibus naturæ satis cōformis esse videtur, quandoquidem vis impetus proiectij imprimi non potest in corporibus fluidis, & raris veluti fumi, & exhalationes sunt, sed tantummodo in corporibus duris, consistentibus, & sensibilem grauitatem habētibus, qualia sunt granula arenosa, vt ostēsum est in nostro opere de vi percussionis.

Moles Arenæ, & Glareæ ab Aetna eructatæ subministrantur ab ipsomet Aetna, qui sensim minuitur.

Caput XVI.

NON defuere tū antiqui, cum recentiores, qui vellent Aetnam nè minimum quidem consumi, ac diminui, licet vastam illam molem vitrificatam fluidam, arenosamque è suis fornacibus omni æuo magna copia effuderit. Profitenturque, vel ex aqua maris infernè cōmunicata faxeas illas moles fieri, generarique de nouo, non secus, ac plāta, & mineralia ex terra videmus produci, exurgere, & magnam molem corporeā solidam acquirere.

Hoc autem non indiget alia responsione, neque alijs argumentis redargui debere mihi videtur, quam

quam ab ipso sensu, & experientia.

Vidimus enim in hoc ultimo incendio glaream, vniuersam, & massam arenosam, quadrimestri tempore ab Aetna eiectam, minorem fuisse, 100,000,000. passibus cubicis; quæ materia nequaquam ex infima pedemontana Aetnæ regione effluxit, vt insinuatum est: sed tantummodo ex duabus supremis regionibus, syluosa nempe, & arenosa; proindeque nõ vniuersa conica figura totius môtis Aetnæ imminuta fuit; sed tantummodo portio coni suprema, comprehensa à plano per nouam voraginem ducto horizonti parallelo vsque ad supremũ montis verticem: reliquum verò frustum conicum in regione pedemontana extensum potius auctum est ob aduentum, & superpositionem illius copiosæ molis glareæ è voragine effluxæ. Vt verò quam proximè fieri potest prædicti coni abscissi ex Aetna diminutionem, depressionemque eliciamus, prius mensura soliditatis eius antiquæ inquire debet.

Et quia noua vorago, è litore Catanensi conspecta, eleuatur supra horizontem in plano verticali angulo trium graduum, & minutorum 16. cum semisse; & datur preterea hypothenua, scilicet distantia itineraria à littore ad voraginem 12. miliariorum; ergo per trigonometriæ præcepta, erit altitudo perpendicularis nouæ voraginis minor passibus 700. erat autem Aetnæ altitudo miliariorum

rum trium: ergo altitudo conii abscissi ex Aetna plano horizontali per voraginem nouam extenso, non superat passus 2300. fiat ergo, vt cubus altitudinis 3000. pass: ad cubum passuum 2300. ita soliditas totius montis Aetnae pass. cubic. 1400,000,000,000, ad quartum. Vnde soliditas praedicti conii supremi minor erit 631,000,000,000. passuum cubicorum: & quia à praedicto cono supremo exijt moles vniuersa glareosa, & arenosa in nupero incendio passuum cubicorum 100,000,000: ergo soliditas praedicti conii diminuta erit 630,900,000,000. passuum cubicorum. Et quia basis praedicti conii abscissi eandem magnitudinem pristinam retinuit, cum tantummodo è suprema parte materia ignita effluxerit. Igitur in duobus praedictis conis eandem basim habentibus soliditates eorum erunt vt altitudines, quare si ante conflagrationem altitudo perpendicularis praedicti conii abscissi fuerat 2300. passus proculdubio diminuta, & decurtata, altitudo post glareae effusionem erit passuum 2299.

$\frac{20}{63}$ quare eius depressio non erit maior $\frac{43}{63}$ vnius passus, scilicet non erit maior tribus pedibus cum duobus quintis.

At quia imminutio superficiei conii illius supremi non fuit vniuersalis, sed tantummodo in facie eius Meridionali, scilicet in quadrante superficiei ipsius,

ipsius, proindeque depressio non debuit esse maior pedibus 12. Et siquidem solummodo decima pars superficiei ipsius depressa fuisset, tunc solummodo sex passus subsidere debuerat.

Hoc autem ab ipsa experientia comprobatum fuisse constat; quandoquidem supremum Ætnæ cacumē vna cum vasto campo arenoso valdè depressum est, & cacumen in baratrum decidit, atque abortum est. Præterea ex prælonga illa montis scissura duodecim milliariorum à summo ad imum extensa euincitur euidenter corrosio, & decidentia lapidum, & arenarum infra prædictam fissuram. imo ad latera prædictæ scissuræ observatæ sunt subsidentiæ, depressionesque integrorum camporum, tum in hac nupera, cum in vetustioribus Ætnæ cōflagrationibus.

Si igitur tantumdem præcisè subsedit, atque depressa est, & diminuta moles suprema Ætnæ montis quanta fuit moles arenæ, & glareæ à voraginibus eiectionum, quis quæso negabit glareas prædictas ex eadem massa terrea, arenosaque Ætnea in fluorem versa genitam fuisse? & quis audebit aliunde quærere materiam pro glareæ generatione, quando videmus tantopere molem ipsius montis diminutam fuisse?

Obijciunt vulgò vastitatem glareæ eiectæ in hoc, & prioribus sæculis fuisse tam enormem, ut totius

tius *Ætnei* montis moles minimè illam equare posset; proindeque multo antea *Ætnam* explanari, & omninò corrodi debuisse.

Sed hi profecto non animaduertunt insufficienciam popularis ratiocinij; quia nimirum, neque mensuram præcisam glareæ eiectionis, neque montis vastitatem mensurare, & inter se comparare sciuerint, aut curauerint. Certis enim mensuris in hac postrema conflagratione percepimus materiam eiectionis è voraginibus *Aetnæ* minorem fuisse una decies, & quater millesima parte totius montis; & tantundem summitas eius diminuta est. Itaque si à mundi creatione millies consimiles eiectiones, & montis diminutiones factæ fuissent, altitudo eiusdem montis ab initio fuisset tantummodo dupla illius, quæ modo obseruatur, scilicet fuisset sex milliariorum; quod nequaquam improbabile videtur, cum non pauci montes in Asia, & nouo Orbe multo altiores *Aetna* recenseantur; immo eiusdem *Aetnæ* altitudo ab aliquibus extenditur usque ad 8. milliaria, in quo casu prædictæ diminutiones valdè exiguae respectu montis vastitatem extitissent.

Adde quod multo pauciores conflagrationes *Aetnæ* fuerunt: quandoquidem ex memorijs historicis centum ferè incendia numerantur. Quod verò priscis etiam temporibus *Aetnæ* sublimitas diminuta

nata, & depressa sit pro quātitate glareæ eructatæ, nō obstante penuria historiarum, deducitur ex antiquissima fama, & vulgari opinione depressionis montis Aetnæ; refert enim Seneca epist. 79. Aetnam sensim subsidisse, & consumptum fuisse; quod colligebant ex eo, quod aliquanto longius nauigantibus solebat ostendi. Posterioribus verò sæculis, scriptorum incuria, nil prorsus de Ætnæi montis depressione literis mandatum est, cum eius conflagrationes incredibili oscitantia, & breuitate relatae fuerint. In tanta scriptorum penuria adest tamen Vgo Falcandus, referente Philotheo, qui ait quod tempore Guglielmi Secundi Siciliae Regis contigit depressio supremi cacuminis Aetnæ magno strepitu, & fragore, quod accidit 1179. Contigit postea tertia montis depressio anno 1329. regnante Federico II. Imperatore, vt refert Fazellus. & denuo anno 1444. concidit, ac subsedit cacumen eiusdē montis vt refert Fazellus, Philotheus, & Carrera. Postea anno 1536. vt referūt iidem authores, omnium maxima depressio contigit. Ait enim Philotheus testis oculatus depressum fuisse Aetnæ cacumen duobus milliarijs. Sexta tandem accidit nostra tempestate anno 1699. die 25. Martij, cum concidit ferè vniuersum cacumē, quod ad instar spæculæ, seu turris ad ingentem altitudinem eleuabatur, quod vna cum vasta planitie

arenosa depressa, atque absorta est in profundam voraginem.

Et licet Carrera comminiscatur cacumen prædictum Ætnæ post eius præcipitiû de nouo erectum, & fabrefactum fuisse ex molibus sursum è cratere eiectis, hoc potius videtur somniasse quam verè obseruasse; nam licet moles aliquæ faxeæ eijciantur sursum, & ad labra montis hinc inde decidant; tamen huiusmodi eiectiones, & exigui veluti aggeres nullo pacto comparari possunt cum illa vasta ruina, & depressione multoties obseruata. & miror profectò talem virum eruditum hanc absurdam sententiam amplexum fuisse ob solam vim, & energiã huius rationis, quia nimirum, inquit, mons Aetna creatus à Deo fuit, vt perseveraret, non verò vt concideret, destruereturque.

Sed ad propositum redeo, & animaduerto, quod eadem depressio, & decurtatio obseruata est nostris temporibus in monte Vesuuio, cuius ingens illa vetusta altitudo, modo videtur penè explanata; quatenus eius moles partim discissa in arenas, & faxa disiecta est; partim verò liquefacta per loca decliua effluxit, non secus, ac in Aetna obseruauimus. Quare non aliundè quærenda est materia, ex qua fluor glareosus generetur, cum euidentissimè subministretur ab ipsa mole montis Aetnæ dum consumitur.

De

De reliquijs ignis perseverantibus post incendij Aetnæi extinctionem.

Caput XVII.

Inter alia phænomena huius Ætnæi incendij mirabile profectò videtur, quod ignes citò extincti sint in loco fodinæ sulphuris, & bituminis, & è contra diù persevererēt in locis aquosis, & pinguedine accensibili carētibus. Vidimus enim vbi fœcundissima erat fodina sulphuris, bituminis & aliorum salium accensibilium, nempe in fornacibus Aetnæis, post 4. menses conflagrationis omninò incēdia extincta fuisse die xi. Iulij anni præteriti: & nihilominus per annum integrum post illius extinctionem perseverarunt ignes accensi in hortis urbanis à glarea tectis, emittendo spiramenta ardentium fumorum inter saxa glareosa, vbi putei excavati fuerant; quibus in locis ne minimū quidē vestigiū fodinæ sulphuræ, aut bituminosæ vnquam extitit. Pro huius problematis solutione supponēdum est, incendia vivere non posse absque pabulo; & quia fumi, qui ab hisce spiraculis exeūt sulphuræ naturæ esse vidētur, proindeq; nō possunt, nisi à sulphure educi, & transpirare; cumq; in prædicta planitie hortensi, in eiusq; puteis, neq; præexistet, neque gigni de nouo pabulū sulphureum potuerit, concedendum

dendum est aliundè euectum, translatumque fuisse: est verò hæc materia accensibilis eiusdem naturæ, eosdemque omninò effectus producit, ac illa, quæ in voragine accensa, & postea diffusa est vsque ad hortos, qui adhuc feruent, & spirant: ergo fateri cogimur ab ipso profluvio feruente glareoso translata fuisse copiam sulphuris, quæ collecta in cavitatibus illis putealibus alimentum subministrare potuerit flammulis illis tenuibus per integrū annū.

Et licet alicui incredibile videatur à torrente ignito asportari sulphur per 12. milliaria potuisse absque eo, quod in flammis dissolueretur, & consumeretur; tamen hoc persuaderi posse mihi videtur; quia videmus, quod pilæ ex pulvere nitrato, & alijs materijs accensibilibus compositæ, (quæ bombæ vocantur) licet discedant è cavitare tormenti bellici inflammata, tamen non subito in flammis dissoluuntur, sed diù per aërem excurrento feruorem retinent; quia nimirum secum deferunt ignis pabulum, & continenter eius crustæ inflammantur; è contra vitrum, & metallum in fornace fustum post egressum statim amittit feruorem pristinum, propterea quod secum non defert pinguem materiam, quæ flammis continuare possit. Eodem prope modo modo feruor igneus, & flammæ, quas acquisiuit fluor glareosus in fornace Aetnæa, non potuissent tam diu perseuerare, & conseruari, quin dif-

flaren-

flarentur, extinguerenturque in itinere tam longo, nisi sulphur, & reliqua materia accésibilis, vna cum fluore glareoso translata, sensim in ipso itinere accensa fuisset, dum ferebatur intra cuniculos per glareas excavatos: & hac ratione incendium promoueri, & continuari potuisse videtur.

Quod vero sulphur, & quælibet alia materia accensibilis, etiã in medio incēdij constituta, non tota simul, nec subito inflāmari, & absumi possit, deducitur manifestè ex eo, quod tātūmodo superficiales, & externæ partes sulphuris, & cuiuslibet alterius liquoris bituminosi primo flammam concipiunt, & deinceps alię partes profundiores continenter vna post aliam in flammam abeunt. Itaque non est incredibile aliquam copiam sulphuris, & cuiuslibet alterius bituminis liquefacti ab igne feruentissimo potuisse per loca decliua ad instar torrētis defluere, vna cum admisto vitro fluido; dū aliquæ superficiales partes eiusdem sulphuris continenter in ipso itinere accendebantur; & sic non exigua pars prædicti sulphuris, non adhuc inflammata, & consumpta vsque ad hortos Urbis Catanae transferri facile potuit; quæ collecta in depressis, & putealibus illis locis potuit in notabili copia ibidē remanere, etiam post voraginis Aetnæ extinctionem; quia vero vna cum sulphure in puteis illis collecto remanere potuerunt aliæ mixturæ salium, & saxo-
rum

rum calcinatorum; hinc fieri potest, vt ab instillatione, vel à vaporibus aqueis continenter renouetur accensio in superficialibus partibus illius materiæ collectæ: quæ proinde tenues illas fumorum ardentium effusiones eiicere potest.

Et quia flammæ exiguæ, & debiles paruo dispendio materiæ accensibilis nutriri possunt, hinc fit vt cavitates illæ puteales (licet ingentem copiam sulphuræ materiæ accensibilis non contineant) ne dum per annum integrum, sed etiam vltius sufficiens pabulū flammulis illis sumministrare possint. Sed fortè dicet quispiam sicut in locis 12. milliarijs distitis à voragine colligi potuit, & remanere tanta copia materiæ sulphuræ, & bituminosæ non accensæ, quare similiter in vniuerso spatio à glareæ occupato non apparent vestigia vlla prædictæ accensibilis materiæ, præcipuè in locis planis à faxis glareosis tectis.

Respondeo primo, quod ne dum in hortis vrbanis Catanæ, sed etiam innumeris alijs in locis glareæ prædictæ tenues efferuescentiæ, & fumorum euaporationes cernuntur per vniuersam regionem glareosam. Secundo non vbique relinqui, & colligi potuit prædicta materia sulphuræ; nā ferè omnibus in locis ab incēdijs consumpta fuerat; eo quod traducta materia sulphuræ, aut faxis ingentibus glareosis cōprimebatur, aut inter scissuras, & interstitia

stitia glareæ intercipiebatur; In primo casu fluor sulphureus, & bituminosus infra saxneas moles relinqui non poterat, propterea quod à grauissimo pōdere glareosorum faxorū feruentium exprimi, & accēdi debuerat fluor sulphureus minus grauis; In secundo vero casu materia accensibilis inter laminas, & fragmenta glareosa comprehensa, cum aëre externo communicationem habēs, omninò à flammis accendi, & consumi debuit: solummodò verò in aliquibus cauitatibus profundis perducta materia illa sulphurea remanere, & conseruari potuit illæsa; hac solummodo de causa, quia nempe inflammari tātummodo poterat eius suprema superficies; non verò eius profundæ partes: propterea quod flamma veluti lambendo superficiem floris accensibilis, nutriri, & viuere potest: Puto tamen non admodum diuturnam fore vitam prædictarum ignis reliquiarum; nisi forsan fermentatione quadam ignita materia multiplicaretur; quod tamen mihi difficilè valdè, & improbabile videtur.

Debet vltimo loco ratio afferri, quare post pluias vniuersa glarea fumos, & vapores expiret, & diffundat ad instar gracilis, & superficialis nebulae.

Et hoc ni fallor ex eodem principio superius exposito pendere videtur: Quod nimirum terræ partes, ex quibus fluor glareosus componitur, non sunt omninò homogeneæ, sed differant inter se duritie,

& con-

& consistentia, ità vt aliquæ facilius ab Ætneò incendio calcinari, aliæ verò vitrificari queant. Hinc fit, vt inter anfractus pumiceorum saxorum aliquę particulæ calcis, hinc inde disseminatę remaneant; quæ madefactæ à pluuijs illas expirationes fumosas eructent. Et hoc preclarè confirmatur exemplo Testarum, & vasorum fictilium, quæ dum noua, & arida, licet frigida sint, si aqua irrorentur, aut madesciant, emittunt fumos, odorẽ quemdã cretaceum acrem referentes. Talis autem proprietas non diù perseuerat, forsan quia ex diuturna vasorum madefactione particulæ illæ calcis omninò diluuntur, extinguiturque. Id ipsum in Ætneæ glarea obseruatur, nam successu temporis pluuiæ decidentes nō amplius diffusiones illas fumosas producant, vt in vetustis glareis videre est.

De Sale ammoniaco ab incendio Ætneò eiecto.

Caput XVIII.

DVM incendia in noua voragine vigeant, & liquefacta saxa per campos diffundebantur apparuerunt innumera spiracula, quæ è fixuris glareæ, vt totidem camini fumos eructabant, qui in labris foraminum glareæ relinquebant non exiguam copiam Salium Ammoniacorū acerrimorum; hæc ad instar salium sublimatorum adherebant angulis & asperitatibus glareæ pumiceæ. Præterea in omnibus

nibus scissuris ingentium saxorum, post feruorem concretorum, conspiciebantur ambæ facies saxi discissi, ab inuicem licet parum separatæ, valdè cādicantes, conspersæ nimirum sale ammoniaco subtilissimè puluerizato.

Suntque vt plurimum prædicti fales ammoniaci albi, & candicantes, licet alicubi flauī, virides, & subrubentes appareant; qui colores ex fodinis Ferreis, & Aereis dependere videntur.

Horum salium tanta copia per vniuersam glaream sublimata est, vt plura millena librarum superent; Et tandem post extinctionem ignis in voraginibus Ætnæ, adhuc post annum integrum spiracula residua in hortis urbanis Catanæ fumos eructant; quæ pariter relinquunt particulas eiusdem ammoniaci adhærentes labris faxeis, & festucis ibidem appositis.

Cum ergo viderem tantam copiam salium ammoniacorum; & præterea audissem vim pulveris nitrati bellici summè augeri, atque vehementiorem reddi ex ammoniaci commistione, putavi valdè conferre posse sal ammoniacum, tum ad accensionem, & conflagrationē incendiorum Aetnæ, cum ad fusionem arenæ, & fluorem illum vitreum efficiendum: propterea experiundi gratia addidi sulphuri, & nitro pulverizatis portionem aliquam prædicti ammoniaci, & tunc non sine stupore vidi, quod ab

P igne

igne viuo, ne dum non accendebatur prædicta mixtura, sed è contra euidentissimè impedièbatur sulphuris, & nitri accensio; quæ non secus quam ab aqua infusa extinguebatur. Id ipsum accidit additis carbonibus quoque puluerizatis, vt in vulgari puluere bellico.

Ab hac igitur experientia monitus suspicatus sum prædictum ammoniacum non extitisse ab initio intra cryptas, vel fornaces *Ætneas*; neque huius salis fodinas subterraneas intra *Aetnam* sub eius crusta reperiri; sed esse quodam sal factitium, non secus, ac illud, quod in officinis venale habetur, scilicet esse veluti excrementum halinitri, sulphuris, & calchanti combustorum, & sublimatorum, ferè vt sunt sales lixiuiales, ac sublimati, qui per se nequaquam accensionem promouent.

Præterea, quod prædicti sales ammoniaci nō præexistât in fornacibus *Aetnæis*, sed postmodum ex combustionem reliquorum salium generentur, suadetur ex eo, quod non in voragine ampla, sed in omnibus fissuris glareæ etiam in locis dissitis à voragine magna copia ammoniacorum sublimatur; & hoc accidit, quia in fusione arenæ in fornacibus *Aetnæis* admiscuntur fluori illo vitreo, ne dum partes aliquæ sulphureæ, & bituminosæ, sed etiam halinitrales, & tartareæ, quæ vna cum fluore glareoso effunduntur per campos; prædicti vero sales, ne dum

am-

ambiunt saxa illa liquida, sed etiam intra eorum massam commisti, & dispersi sunt, ex quo fit ut deinceps per campos non solum ex amplis fissuris, sed etiam à qualibet scissura ingentium saxorum concretorum sublimentur sales prædicti combusti ab incendio, qui ammoniacam acredinem, & incombustilitatem acquirunt, & naturam maximè contrariam igni.

Quod vero talis esse possit genesis horum salium ammoniacorum confirmatur ex productione illorum salium, qui Puteolis in sulphureis fodinis colliguntur; quæ eandem naturam, & proprietates salium ammoniacorum habent; summè enim acres sunt, eandem figuram acutissimarum cuspidum pyramidum habent, summè refrigerant aquam, & commista cum oleo calchati feruorem, & ebullitionem illam maximam, & gelidam producunt: quæ omnes proprietates obseruantur, tum in vulgari ammoniaco factitio, cum etiam in Puteolano, & Ætnæo, proindeque eiusdem naturæ iure merito cenferi possunt. Quia igitur Puteolis obseruatur, quod non vbiq; in omnibus spiraculis, vbi fumi feruentes eructantur, ammoniaci sales colliguntur, sed tantummodo aliquibus peculiaribus in locis, at vniuersæ sulphureæ particulæ sublimantur absque vilo sale ammoniaco, ex quo conijcitur, quod ex puro, & syncero sulphure quantumuis accenso sal ammo-

niacum creari non potest; at illis in locis eiusdem montis puteolani, vbi alij sales ex occultis fodinis congregantur, fieri potest, vt ex eorum combustione ab incendio sulphureo facta producantur prædicti ammoniaci, qui ne dum incombustibiles sunt, sed præterea naturam igni contrariam, & refrigerantem fortiuntur.

Et hæc ratio verisimilis esse mihi videtur productionis salium ammoniacorum magna copia in omnibus foraminibus glareosis collectorum, è quibus, & diuturnæ difflationes, & fumorum egressiones efficiebantur.

De Ignis Aetnæi extinctione, & renouatione.

Caput XVIII.

Dictum iam est quomodo sulphureæ, & halinitrales materiæ in antris ætneis, fermentatæ, flammæ, & incendia concipere possint, modò aliqua addenda sunt de eorundem ignium extinctione, & quomodo renouari queant.

Et primo operæ pretium erit falsitatem vulgaris assertionis reijcere; omnes enim vno ore perpetuos, & perseuerantes fuisse ignes Aetnæos aiunt, atque omni æuo incessanter è supremo cratere fumos, & flâmâs exiisse. Cum tamen constet ex certissimis nuperrimis obseruationibus multoties ignes,
& flam-

& flāmas supremi crateris omninò extinctas fuisse, ita vt per plures annos Mōs, nec flāmas, nec fumos exhalaret. Et licet nulla vetusta extinctionis Aetnæ narratio habeatur, hoc incuriæ scriptorum tribuēdum esse censeo, cum perseverante eadem serie, & ordine naturalium operationum, quibus posterioribus hisce sæculis extincti sunt ignes Aetnæi, debuerant quoque priscis temporibus extingui. Primo ergo Fazellus, Philotheus, & Seluagius referunt anno 1329. *Cum per plures annos absque igne, & fumo Aetna fuisset, repente postea nouum incendium exortum esse.* —

Id ipsum contingisse anno 1536. refert Fazellus testis oculatus; ait enim *Aetna cum deficiēte iam materia sulphurea, & bituminosa, vel obstructis meatibus, nec ignem, nec fumum per plures annos emitteret, accolla eius cacumen ascendētes illæsi etiam craterem ipsum penetrabant. & inferius, ex unico verò, & immenso verticis cratere, vel ignis ipse, vel fumosa caligo, vel cinis, vel aliud huiusmodi leue genus non efflabatur, ex quo etiam anno salutis 1554. consumpta iam materia nihil emergit.*

Hæc igitur extinctio ignis Aetnæi videtur perseverasse vsque ad annum 1603. quando inquit Carrera nullum vestigium effusionis ignis, aut flammarum in Aetna apparebat, adeo vt Catanæ scolastici suæ ætatis fabulosa censuissent omnia, quæ de incendijs

dijs Aetnæ apud authores ferebantur. Vnde concludit *morem esse mōtis Aetnæi per plures annos extinguī, & postea denuo reaccendi*. Tandem testes oculati mihi retulerunt modò supremum Aetnæ craterem nihil flammæ, aut fumi eijcere, & ego neque ab vrbe Catanensi, neque à littore vsque ad Tauromenium extenso, nec pariter ab Oppido Francauillæ subiecto, sed satis propinquo vertici montis, ne minimum quidem vestigium effusionis fumi cernere potui, cum pridem antè cōflagrationem anni præteriti ingentem fumi molem ad instar turris perpetuò supremus crater eruçtaret; quæ à ventis postea inflexa à prædicta summitate remouebatur; & denuo ab eodem cacumine eleuari nouum volumen fumosum cernebatur, & sic successiuè, quod modò nullo pacto contingit.

Circa verò modum extinctionis ignium Aetnæorum manifestum est, eos ex defectu, & consumptione materiæ accensibilis extinguī posse, cum sine pabulo ignis viuere nequeat, quādoquidem essentia, & ignis natura nihil aliud esse videtur, quam profluuium exhalationum sulphurcarum, sursum in efflabili celeritate ascendentium; ergo requiritur fōs perseverans, ex quo prædictæ exhalationes extrahi debeant. Hinc fit vt exhausto fonte, & fodina exhalationū extinguī omninò debeat incendium. Secundo loco licet abundet, ac perseveret materia
accensi-

accensibilis, flamma ignea potest nihilominus extinguī; si nimirum impediatur, vel genesis exhalationum, vel prohibeatur motus, aut eductio earum, quotiescumq; pori, & foramina obturantur, ex quibus fumi exhalare debuerant, siue aqua, & terra iniecta, aut impulsu externo, vel quomodocumq; hoc contingat: vel tandē si flamma ipsa suffocetur intra vas aliquod vndiq; clausum, ita vt fluxum aëris impediatur, à quo flamma extruditur, viuificaturque.

His præmissis facile percipimus, quod quotiescumque in fornacibus Aetnæis omninò sulphura, bitumina, & alij sales nitrales ab incendijs consumpti sunt, tunc necessariò incendium illud Aetnæum extinguī omnino debet. Itaq; quia post vastam, & immensam conflagrationem verisimiliter consumpta est immensa copia materiæ accensibilis, quæ in antris, & cuniculis excauatis infra crustam supremam moniis Aetnæi collecta hætenus fuerat; tandem post eius omnimodam consumptionem, ignis deficere debuit.

Fieri etiam potuit, vt venæ illæ, & foramina, ex quibus materia sulphurea, & bituminosa perfluebat intra cuniculos, & fornacis cauitatem, ex ruina, aut præcipitio alicuius rupis arenosæ, obturerentur, vnde impedito aduentu sulphuris, & bituminis ad ea loca extinctio ignis subsequatur.

Inquirenda modo ratio est, quare in supremo
crate-

cratere leni, & placida diffatione fumorum incendia perfeuerent, vt inualuerit opinio perpetua fuiſſe eius incendia ; cum è contra in Montis lateribus voraginum ardentium aperturæ rarò contingant ſcilicet interpoſitis 70. proximè annis, & incendia non ſint diuturna , ſed breuiſſimo tempore diſſoluantur, & omnino extinguantur, & præterea nè dū ignes copioſi emittantur , ſed etiam incredibili vehementia montem concutiant, agitentque, crepent horrendis tonitruis , atque euomant magnam copiam liquefactorum faxorum.

Et quo ad primum, ex ſuperius declaratis facilè percipitur, quod in vaſta illa cauitate ſupremi crateris in eius fundo , aut ad latera inſtillari poſſunt, & percolari fluores ſulphurei bituminofi , & nitræles, qui flammam concipiunt, vt dictum eſt: & quia propè os amplum crateris fornax illa collocata eſt, facilè conſeruari poteſt ore adaperto, proindeque flamma excitata in prædicta fornace , cum habeat exitum amplum, & patentem non poterit valdè augeri, propterea quod illa flamma, quæ accenditur, ſtatim egreditur; & ſic non poteſt per reuerberium multiplicari, & roborari, vt faxa ambientia liquefacere queat; nec præterea poteſt tonitrua, aut cōcuſſiones efficere ; propterea quod minimè clauditur, ſed exhalationes, & flammæ cōtinenter eiſciūtur, prout generantur ; ſicuti videmus, quod quælibet

bet bitumina, immò pulvis tormentarius, si in loco aperto accendatur, nequaquam strepitus, tonitrua, aut concussiones efficit.

Quod verò prædictæ flammæ supremi crateris possint lōga serie annorum perdurare, suaderi potest exemplo lampadis, in qua tantummodo superficies olei extrema flammam concipit, non verò internæ, & profundiores olei partes; propterea, quod effluxus, & expressio copiosa aëris requiritur ad flammæ conseruationem. Fieri igitur potest ut in fornace illa supremi crateris instillentur, & percolentur per canales, & venas laterales successiuè noui fluores sulphurei, & bituminosi, qui in ingentem puteum redacti constituent veluti vastam lampadam, quæ sumministrare pabulum possit exiguæ flammæ per plures annos. Quod verò hæc mea cōiectura probabilis sit, suaderi potest ab obseruatione relata à Philotheo; vidit enim ipse immediate sub labro saxoso supremi crateris Ætnæ apertum foramen omninò similem ori fornacis calcariæ, in qua calcem, vel lateres coquere solemus; habebat itaque fornax illa Ætnæa os perpetuò ad apertum, & ideò perseuerare poterat diù effundendo fumos lenes absque notabili strepitu.

Quia verò tandem materia accensibilis omninò consumi potest, mirum non est per plures annos extinguere ignes, effluuia fumosa, & flammæ cessare.

Q

Posse

Possè deinceps denuò colligi in eadē fornace sulphur, bitumina, & sales nitrates, fermētari, & tandē reaccēdi, ex superius dictis manifestū est; & sic post ignis Aetnæi extinctionem incendium renouari.

At non eodem modo accensiones in antris lateralibus Aetnæ fieri possunt; nam fluores sulphurei, bituminosi commisti cum salibus, ob natiuam grauitatem excurrere deorsum possunt per cuniculos infra crustam montis excauatos vsque ad aliquod amplum antrum subiectum, & ibi excitato incendio, vt dictum est (non secus ac in cuniculis bellicis, seu Minis puluis nitratus efficere solet;) primò concussiones, & terræmotus gignet; postea aucto incendio crustam montis dirumpet; & simul immenso feruore arenas, & saxa decidentia liquefaciet; & tandem per nouam voraginem eijciet. huiusmodi verò incendium, quia vehementissimum, & copiosissimum est, diuturnum esse non potest; propterea quod citò comburit, absumitq; totā materiam accensibilem ididem existētem, & collectā.

*De Persæuerantia, & diuturnitate Aetnæi
Montis, & incendiorum eius.*

Caput XIX.

R Emanet vltimo loco consideranda diuturnitas montis Aetnæ, & incendiorum eius. & primo animaduertendum est, quod licet immensa illa moles glareæ fluentis è visceribus Aetnæ ab ipsa-

ipsamet substantia montis educatur, non proinde moles corporea montis diminuitur, aut decrefcit. & ratio est quia eius moles terreſtris, & faxoſa non diſſoluitur, nec confumitur, aut alio migrat; ſed tantummodo ab vno ſitu ad alium eiusdem montis tranſponitur; ſcilicet arenæ, & ſaxa, quæ exiſtebāt in cacumine transferuntur ad eius infimam ſimbriam, ſeu regionem pedemontanam, vbi coaceruantur, & ſic tantundem ſubleuatur, dilataturque Ætna in eius infima parte quantum macreſcit in eius cacumine; ſed licet moles Ætnæa ab effluſu materiæ ſaxeæ ignitæ non imminuatur, non tamen cenſendum eſt perpetuò eiusdem menſuræ, perdurare debere: quandoquidem verè diminuitur, diſſoluiturque duplici nomine; Primo quia grandis copia bituminis, & ſulphuris in flammas continenter diſſoluitur, & diſſipatur, quorum materia corporea è mole Ætnæi montis ſucceſſiuè ſubſtrahitur. Secundo quia quotidiana experientia conſtat Ætnam, ſicut omnes alios montes, ſemper corrodi à pluuijs, torrentibus, & fluminibus; quatenus ſecum rapiunt arenam puluerizatam, & terram frugiferam, & ad mare deuehunt, litora eius promouendo, & ſinus implendo; hæc inquam diminutio eſt continua, & euidentiffima; nec è contra videmus montes aliquando de nouo gigni, augeri, inflari, aut ſurſum aſſurgere.

Si igitur certum est *Ætnam* sensim deprimi, & mole imminui, consentaneū est post aliquot secula omninò explanari debere; & tunc licet fodinæ sulphuræ, & bituminosæ non fuerint omninò consumptæ, & dissipatæ, nō tamen fient incendia portentosa, & eiectiones fluidorum saxorum, ut modò contingunt; quia nimirum congregari non poterit ingens copia sulphuris bituminis, & salium in antris *Aetnæis*: quandoquidem dempta decliuitate cuniculorum, post montis explanationem, non poterunt percolari, & ad vnam fornacem reduci, congregarique fluores accensibiles. Præterea in cavitatibus, seu puteis subterraneis flammæ difficilè accendi possunt, & multò minus arenæ, & saxa ambientia liquefieri, & in formam fluidam redigi. Et tandem omninò impossibile esset, ut fluida illa saxa euomerētur sursum, & per cāpos excurrerent, ut modò torrentis instar fluunt. Solummodo effluvia fumosa exhalarent, ut obseruatur in planitie illa puteolana sulphataria nuncupata.

Si verò prædictæ fodinæ sulphuræ omninò consumptæ essent, tunc effluvia prædicta fumosa, & proinde incendia omninò cessarent; quod proculdubio contingere debet, si tandiū facies huius orbis *Terræ* perdurabit.

Et hæc dicta sufficiant de *Meteorologia* *Ætnæi* incendij.

F I N I S.

125

IO. ALPHONSI
BORELLI
RESPONSIO AD CENSURAS
R. P. HONORATI
FABRI S. I.

INitio præcedentis Autumni nuntiarunt amici Romæ se vidisse novos Dialogos physicos à Clariss. Honorato Fabri anno præterito æditos ; in quibus præmissis aliquibus verbis honorificis, eius humanitati potius, quam meis meritis congruentibus, rigidissima censura integrum meum opus de Vi Percussionis refellit ; & si quid boni in eo continetur, alienum esse putat, desumptum scilicet ex eius operibus . Cumque ego mihi conscius essem non vidisse, eius libros sub nomine Meusneri editos, volui saltem percurrere librum eius de motu, vt viderem an in aliquibus speculationibus secum coincidissem, vt passim contingit .

Et primo sicut haud miratus sum doctissimo Philosopho peripatetico, metaphysicis cogitationibus omninò addicto, displicuisse meam philosophandi methodū ab illis verbosis Subtilitatibus alienissimam ; sic obstupui cum viderem tam confidenter virum religiosum existimationem meam proscindere, & immeritò tanquam plagiarium infimulare, quem nil ex eius libris sumpsisse probè nouerat .

Et quid quæso ab eo accipere potui cum in principijs, progressu, & in tota denique doctrina tam diuersissimus, vt non tam sit affirmatio negationi opposita? Nisi forsan quia de eo-

deno

dem subiecto, & de iisdem propositionibus scribere ausus fuerim: quod si hoc furtum est, omnes Scriptores omnium ætatum, & ipsemet Clar. Fabri raptores, & plagiarij erunt; cum de iisdem rebus scribant, & eadem problemata soluant, quæ passim à quamplurimis alijs agitantur, & discutiuntur.

Cum verò sit omninò incredibile, & impossibile hominem Nobilem, Religiosum, & Pium, ea quæ vera non sunt asserere voluisse; nil aliud in eius excusationem dicendum restat, nisi quod cum Ingenio velocissimo præditus sit, à celeritate ipsa, qua aliena legit, & propria scribit, multoties decipiatur. Quod aliàs ei contigisse non erit superuacaneum ostendere; ut inde pateat sollemne ei esse Auctores alicuius nominis furti insimulare, hac solummodo de causa, quia cursim, & oscitanter eorum opera legit. Si enim patienter, & debita attentione dignatus fuisset legere, ea quæ spatio 38. annorum edita fuerant, & vulgatissima per vniuersam Europam erant, proculdubio non scripsisset anno 1666. lib. primo de Homine prop. 2. Se circulationem sanguinis inuenisse, & docuisse ab anno 1638. antequam Gugl. Harueij exercitatio anatomica de motu Cordis prodiret; quem pariter multa Fabri inuenta in suis exercitationibus interuisse affirmat; Omnes enim sciunt Harueium anno 1628. Francofurti typis Gugl. Fitzeri suam Exercitationem primum edidisse; scilicet decem annos antequam Cl. Fabri Sanguinis circulationẽ docuisset. non loquor de Cesalpino, qui sæculo præterito peculiarem sanguinis circuitũ inuenit.

Vtq; pateat virum Cl. scribere ea, quæ primò suppetunt, absq; eo, quod vltiori inquisitione, aut examine comprobetur; obseruo, quod modò exactis 40. annis post quã apud omnes innotuit Sanguinis circulatio; adhuc tamen eã ritè Cl. Fabri nõ percepit. Ait enim munus Auricularum Cordis esse refluxum sanguinem in Systole cordis expulsum recipere. & ignorat in tali Systole stringi quoq; musculolas cordis auriculas; proindeque non recipere sanguinem refluxum, sed è

con-

contra eum retroagere, & propellere intra Cordis Ventriculos. Præterea toto cælo errat cum ait, ideo dextram Cordis Auriculam maiorem esse sinistra; quia maior sanguinis copia ingreditur in dextrum cordis vëtriculum, quam in sinistrum, & excessum absumi in nutritionē Pulmonum, & expulsionē vna cum fuliginibus; & non animaduertit, quod si excessus sanguinis per dextram auriculam inmissus esset tantummodo vna pars vigesima eius, qui per sinistram in cor insinuat, spatio 24. horarum absumerentur plus quam libræ 200. sanguinis in ipsis pulmonibus; scilicet copia duodecies maior eius, quæ in homine temperato existit; & quinquagesies, vel sexagesies, maior eius, quæ singulis quoque diebus in nobis generatur, quod est omninò impossibile.

Pariterque si Cl. Fabri dignatus esset perquirere ea, quæ vulgatissima erant, non scripsisset in appendice prima Metaphysices de vacuo, Præclarum Torricellium ab se vsurpasset inuentionem pulcherrimam conficiēdi vacuum, ope hydrargyri in fistula, quæ vulgo Torricelliana vocatur.

Similiter si Vir Cl. meum librum de Vi Percussionis non cursim, nec oscitanter legisset, proculdubio mihi non attribuisset ea, quæ nec scripsi, nec cogitavi.

Hoc autem verum esse, nè dum pro Honoris mei iusta defensione ostendere decreui; sed etiam quia uoui Indolem facilem, docilem, & verè philosophicam Præclari Honorati Fabri; qui incredibili animi moderatione, cognita veritate, subito manus daturus est, & amore veritatis Palinodium canere non erubescet: vt se facturum pollicetur in fine sui Dialogi secundi.

Sic enim post quam Vir optimus, & doctissimus cognouit sui lapsum apertè recantauit, & confessus est dial. 4. de suspensis liquoribus, Primum inuentorem illius admirandi organi, & experimēti, quo vacuum efficitur, fuisse Cl. Torricellium. Sic post quam Doctissimus Fabri ex meis celsuris amicè scriptis iussu Seren. Card. Medicei, eiusq; Societatis, seu Aca-

demix

demixtæ experimentalis, percepit non posse cum illis suis Globulis partim albis, partim nigris Saturni apparentias saluari, repudiata propria sententia, Hugenianam de anulo Saturni amplecti visus est in fine primi dial. physici, contra Copernicum: quam positionem incredibili molimine reiecerat.

Hæc inquam Clar. Fabri præclara Indoles me sperare iubet, postquam ostendero nil ex admirandis suis inuentis sumpsisse, ob eius probitatem, & veritatis studiū, me absolutum ab omni culpa dimissurum esse.

Similiterq; postquam ostendero se oscitanter legisse meū librum, & multa, quæ mihi attribuit, nec scripsisse me, nec somniasse, puto fore, ut pro sua humanitate, ab illa immensa errorum multitudine, quos in meo opere reperit, aliquos, & fortè præcipuos ipsemet suo calculo expungat. Hoc autem sublequi debere certò scio, cum vir Sapientissimus summa veneratione à me habitus, & semper honorificè laudatus, ob acutissimum eius ingenium, non poterit à suo philosophico candore recedere, nec aliter, quam Religiosum, & Nobilem virum, decet, pollicita non præstare, cedendo veritati, & obsequentissimum amicum amplectendo, eiusq; modestam, & urbanam defensionem æqui, boniq; consulendo.

Sed deueniamus iam ad peculiaria loca, quæ Cl. Fabri ex suo opere me vsurpasse lenissimis verbis innuit.

Et primo Dialogo 2. physici. pag. 103. Me secum conuenire ait, ubi doceo proiectum mobile à proijciente disiunctum non ferri, vel impelli à medio fluido. Quia vero alij multi hoc ipsum ante Cl. Fabri scripserunt patet hanc notitiam ambo ab illis habuisse; at quia ego meis proprijs rationibus, & experimentis propositionem illam probavi, & cōfirmavi; neque reprehendi possum, neq; in suspensionem adduci, quod ab alijs illam abstulerim. Incidenter tamen noto, quod illa, de quibus Cl. Fabri non scripsit, ad se transferre aliquo pacto nititur, dicendo quod suis principijs mirificè consentiant. Obseruo pariter, quod experimenta illa à me

addu-

adducta; quibus euidenter ostenditur proiecta à fluido non transferri, quia non erant à se scripta, saltem ea contemnit dicendo. *frustra multiplicari cum res sit perspicua.*

Ait postea se docuisse impetum à proijciente imprimi, quæ est vera causa motus. Sed hæc etiam alij docuerunt, & proinde non oportebat se vt Prototypum in hoc casu adducere.

Pagin. 121. & 122. ait propositiones mei cap. V. ex suis principijs facile deduci. Et primo miror qualibet in pagina suorum operum Principia sua efferre, & commemorare; cum potius suis præceptoribus Peripateticis debeantur. Præterea licet ex suis principijs meæ propositiones deduci possint, non proinde suspicari quispiam poterit me eas ab eo sumpsisse; cum non ex eius principijs, sed ex meis deduxerim.

Ait pag: 178. à propositione 39. vsque ad 58. vera esse, quæ doceo; sed eadem ab alijs, & à se tradita fuisse. Cum igitur alij hæc eadem scripserint ante ipsius libri editionem; si licitum non erat de eodem argumento denuo scribere; neque ipsi profectò licebat. Si vero dicat (vt verum est) posse eadem problemata à pluribus agitari, sed diuersa methodo, adhibitis alijs principijs, & diuerso progressu, vt fere omnes viri insignes facere solent: procul dubio mihi id ipsum licitum erit. Et vt innuam diuerso modo me eadem demonstrasse, superfluum non erit aliquo exemplo confirmare.

Ait prop: 39. quod momēta æqualium ponderum, vnum directè, aliud obliquè trahentium æquales libræ radios proportionalia sunt sinibus angulorum inclinationum. Hoc autem quia fatetur vir Cl. lib. 5. de motu prop. 5. passim ab Auctoribus supponi, à nemine verò demonstrari; licet sit verissimum, & experimentis consentiat: ideo conatur rationem physicam huius operationis afferre: quæ vt comparari possit cum mea demonstratione, hic meam adducam; & nè eandem transcribam, eccè aliam ab eodem principio deductam.

In libra radiorum æqualium inflexa ABC , cuius centrum B , duo æqualia pondera A , & C trahant terminos libræ, A

HI

R

qui-

in plano inclinato ad totalem eius impetum eandem proportionem habet, quam Sinus complementi anguli inclinationis ad Sinum totum. Hanc ego ex prop. mea 39. demonstraui diuerso modo, ac procedunt Galileus, Stevinus, & Roberuallius: quam diuersam quoque fuisse à progressu Cl. Fabri paucis ostendam.

Ipse libro 5. de motu propos. 4. probat motum corporis grauis impediri à plano inclinato, & retardari in ea Proportionem, quàm impeditur. Hoc autem gratis assumitur, & nè dum est ignotum, sed multoties oppositum verificatur. Videmus enim ignem inclusum, scilicet impeditum, sepè vehementius operari; & aquæ cursus impeditus in angustis foraminibus nō retardari, sed celeriores reddi. Præterea licet concedamus eo magis motum impediri, quo plus retardatur; & eo magis retardari, quò maius spatium conficiendum est; & eo, prolixius spatiū conficiendum esse, quò magis planum inclinatur, & ad horizontalem magis accedit. Hinc tamen non sequitur in eadem Proportionem retardari, & impediri, quam habent plana inclinata. Quod euincitur ex multis Naturæ operationibus. Nam quo magis augentur anguli ad centrum circuli, eo magis rectæ lineæ ad circumferentiam angulos subtrēdentes augentur: & tamen non crescunt in eadem Proportionem, quam anguli. Igitur nil poterit Vir Cl. ex tali principio concludere, nisi demonstratiuè euincat, eadem proportionem motus, & impetus retardari, quam habent viæ, seu plana, vsque ad horizontem extensa. & illa sua ratiocinia non vltra dubias coniecturas se extendent. Et hinc patet quantum cedant meis necessarijs demonstrationibus ex principijs mechanicis deductis.

Videant modo Lectores an ego hæc didicerim à Cl. Fabio; cum nè dum alij multo prius, quàm ipse hæc scipserint; sed præterea tanto interuallo meæ demonstrationes suas superent, quantum necessitas demonstratiua supra coniecturas leues supereminet.

Quod

Quod verò reliquæ meæ propositiones vsque ad 58. differant à suis, non vereor affirmare, licet eas non legerim, nec quæsierim: quia meæ omnes, aut pendent ex dictis meis propositionibus 39. & 40. quas ipse non demonstrauit; aut deducuntur ex mea proposit. 41. quam ipse dialogo 2. pag. 195. falsam esse ait: proindeque nō potui eas à viro Cl. usurpare.

Pagina 195. Quod motus obliquus cōponatur ex perpendiculari, & transuersali, quia dicere non poterat me ab eo sumpsisse, ait me didicisse ex Cartesio: quasi hæc doctrina, non esset vetusta etiam ab Aristotele insinuata, & ab alijs recentioribus exposita. Cæterum an Cl. Fabri falsitatem huius propositionis demonstrauerit alij iudicent.

Subdit postea plures meas propositiones falsas esse, & ex falsis principijs deductas, & melius ex suis proprijs principijs probari. Sufficiat modo non fuisse ab eo desumptas; an bonæ, vel malæ sint non ipse, sed lectores eruditi determinare debent.

Ait pagina 216. me tradere propositione 78. de motu æquabili ea, quæ à Galileo, Torricellio, & alijs scripta fuerāt. Hoc plane verissimum est, & apertè insinuatur ex adductis meis citationibus ibidem appositis.

Et huc vsque patet me nihil à Viro Cl. desumpsisse. Ideò deuenio tandem ad Crimen inespiabile, quod bilem mouit viro religiosissimo: dialogo 3. pag. 223. cum vidisset in fine cap. 23. mei libri me asseruisse causam probabilem vniformis incrementi graduum velocitatis in grauibus cadentibus esse, quia Terræ partes se mouē es semper retinent nislum ab impetu innato; & sic augere possunt continenter velocitatem eius. *Hanc ait esse suam sententiam, quam tradidit, & in lucem edidit ante 23. annos; neque hoc probatione indigere, cum notum sit.* Et subsequitur *illam igitur Auctor pro sua humanitate complecti dignatus est, se licet innominato, quod tamen nihil à se ducitur.*

Quæ Ironia amarissima satis declarat eius excandescentiā.

Age

Age vero quia hic est cardo totius accusationis in eo aliquantum immoremur, ut apertissime ostendamus toto cælo differre meam à Cl. Fabri doctrina; & proinde nil me ab eo sumere potuisse. Utque quam maximè fieri potest perspicuè procedamus. primo exponi debet quidnā Clarissimus Galileus docuit, & quousque peruenit primus ille huius admirabilis problematis inquisitor, & inuentor.

His cum videret velocitatem grauium cadentium semper magis, ac magis augeri; nec certo sciret in qua proportionē cresceret, supposuit prædictum incrementum velocitatis fieri vniformiter, seu semper eodem modo, scilicet æqualibus temporibus, acquiri æquales velocitatum gradus: Ex qua hypothefi admirabilem illam propositionem demonstrauit, quod nimirum spatia transacta duplicatam proportionem haberent temporum excursionum.

Postea Benedictus Castellus, Gassendus, Michelinus, & alij, sicut Ego, & Clar. Fabri conati sumus probare prædictam hypothefim veram esse; non quidem sensu, & experiētijs, quæ veritatē præcisam nō attingunt; sed rationibus ostendēdo, quod grauia, quibuslibet tēporibus æqualibus, acquirere necessario debeant æquales gradus velocitatum. Et relictis alijs, videamus quantopere Cl. Fabri profecerit, & an ego diuersa protulerim.

Ipse Peripateticis principijs, desumptis ex præclara illa Metaphysica sua demonstratiua, infert, quod Substantia corporis grauis producat ut causa necessaria, impetum innatū, seu grauitatem ipsam. Postea ait quod impetus productus sit causa motus localis, non quidem productiua, sed exigēs motum, ut effectum secundarium; quia scilicet motus non est propriè Ens, sed mutatio entis; quæ est cōcretum quoddam ex ente, & non ente. His præmissis sic ratiocinatur, lib. 2. de motu naturali prop. 12. *Quia in omnibus instantibus temporis sequentis perseuerat eadem causa productiua impetus; quæ est substantia corporis grauis; ergo suum effectum producit post primum*

num instans; qui non est ille primus, quia non conseruatur à causa primò productiua. igitur iste nouus effectus, scilicet secundus impetus: & sic deinceps. Hæc est ipsissima eius doctrina, quã demonstrationē vocat. E contra ego ne dum diuersissimis principijs, & alio progressu eandem conclusionem ostendo; sed præterea falsa, & erronea esse Clar. Fabri principia, & progressum ostendam.

Inquit *substantia corporis grauis producit vt causa necessaria grauitatem ipsam.* Quis hoc ei concedet? aut quis hoc capiet, (si bona fide loqui velit) substantiam scilicet corporis grauis producere in natura nouam entitatem grauitatis. Euidētissimum quidem est partes nostri globi terrestris habere innatam vim, quam grauitatem vocamus: at ignoramus an talis grauitas sit producta de nouo de non esse ad esse, an potius sit affectio quædam improducta, & independens à substantia corporea, & æque antiqua, ac illa est. Et tandem ignoramus an causa efficiens grauitatis sit substantia corporis grauis, an vero alia diuersa, quæ substantiam corpoream produxit. & profecto non video cur ad substantiam corporis grauis recurrēdum sit, vt producat impetum primum, seu grauitatem; quia si à nobis immo à Saxo in motu constituto tanta facilitate impetus in proiectis diffunditur: quomodo dubitare possumus à Deo creatore terrenis partibus ab initio communicari potuisse. Cum igitur hoc non habeat tantam certitudinem, & euidētiam quantam ad demonstrationem requiritur, tota machina eius demonstrationis corruet, vel saltem eadem labe incertitudinis afficietur.

Præterea licet substantia corporis grauis produceret eius grauitatem, seu primum innatum impetum, non inde sequitur, quod sequentibus instantibus temporis possit, & debeat novos gradus impetus producere, vt Vir Cl. nobis conatur perluadere. Quando inquit dial. 3. pag. 224. *cū eadem vi polleat corpus graue instanti sequenti, quò antecedenti idē producet, idest eundem gradum impetus, scilicet nouum primo æqualem.*

Hoc

Hoc (pace tanti viri) prorsus negatur: primò quia nescimus an instantibus sequētibus graue corpus habeat eandē vim, & eandem actiuitatem; & non potius crescente ætate debilitetur; aut ob lassitudinē interpolatis vicibus ab opere quiescat. Secundò (vt seriò loquamur) dato quod eadem vi semper polleat non producet necessario eundem effectum noui impetus; Nam eadem vi pollet corpus graue pauimēto innixum instanti sequenti quo antecedenti; & licet primo instanti producat primum gradum conatus compressiui; tamen secundo instanti non producit secundum gradum conatus priori superadditum. Similiter eadem vi pollent corpora cœlestia Sol, Luna, & Stellæ instanti sequenti, quo antecedenti; & licet concedamus primo instāti produxisse primum eius gradum impetus motiui; tamen secundo instanti non producunt nouum gradum impetus; sed primo illo & vniformi gradu perseuerant, excurrendo per suos orbes. Sic quoque Lux Solis, & Flammæ eadē vi pollet sequenti instāti quo antecedenti: & tamē nō producit nouū gradū Luminis, neq; eū priori addit. Similiter eadē vi pollet Ignis instāti sequenti quo antecedenti; & tamen nō producit, nec superaddit nouū gradū maximū, nempe octauū caliditatis, vt vocāt, aut raritatis in propriū subiectū. Eadē vi pollet aqua, & terra instāti sequenti quo antecedenti; & tamen non producit in se ipsā illa nouum gradum humiditatis, hæc siccitatis æqualem maximo, quem prius habebat, eumque priori non superaddit. Idem in alijs sexcentis verificatur.

Et profectò ex doctrina huius viri sequeretur, quod gradus compressiui saxi subfulciti, velocitas motus stellarum, splendor Solis, caliditas & raritas ignis, humiditas Aquæ, & Terræ siccitas crescerent in infinitum, sicut gradus impetus in grauib; cadentibus successiuè magis, ac magis augentur: Hæc autem cum sint falsa fatendum est principium assumptum fallum quoque fuisse, nempe, quod ea omnia quæ eadem vi pollent singulis instantibus novos gradus eiudem

qua-

qualitatis producant æquales ei, quem in primo instanti habebant; proindequæ licet *eadem vi polleat corpus graue instanti sequenti, quo antecedenti; non producet necessario eundem gradum impetus priori æqualem.*

Præterea neque sufficit quod corpus graue sequentibus instantibus producat eundem effectum impetus; nec inde sequitur impetum multiplicari & augeri in ratione temporum descensus: Propterea quod fieri potest ut causa efficiens impetus non plures & distinctos; sed vnicum gradum impetus successiua quadam actione producat; qui proinde habeat non permanentem sed successiuam quandam existentiam, ad instar temporis. Possibile enim est præcedentem gradum impetus tunc præcisè destrui, quando nouus producit; & sic in graui cadente semper vnicus & simplex gradus impetus reperiretur, nempe continenter renouatus. quapropter Auctor prædictæ demonstrationis tenetur probare, quod corpus graue producat singulis instantibus novos gradus impetus distinctos; qui omnes remaneant, & perseuerent; & cum sequentibus in eodem subiecto coaceruentur. Videamus modo quomodo hoc probat.

Quia (inquit lib. 2. de motu naturali prop. 12.) impetus primo productus non conseruatur à causa primò productiua, id est ab ipso corpore graui. Ergo impetus secundò productus est nouus, alius à primo. At quomodo probat primum impetum non conseruari à corpore graui? quia (ait Dialogo 3. phys. pag. 224.) alioquin nouum impetum producere non posset.

Hui & hæc est legitima demonstratio? Supponit ut notum substantiam corporis grauis nouum impetum producere, ex quo infert eandem substantiam grauis corporis non conseruare impetum primo productum; & hinc tandem sequi ait impetum secundò productum esse nouum & alium à primo. Scilicet deducitur in conclusionem id ipsum, quod supposebatur; proindeque circulus aut petitio principij committitur.

Iusuper ex eo quod impetus primo productus non con-

S

serua-

seruatur à causa primò productiua, nempe à corpore graui, malè deducitur eius permanentia, potius quam destructio. Nam si, vt ipse censet, non potest manere, & perseuerare Entitas effectus, scilicet impetus producti; nisi ab aliqua causa conseruaretur; & aliundè fatetur nō conseruari à causa, quæ eum produxit; neque assignat aliam causam physicam conseruantem; benè inferri potest. ergo ille effectus, scilicet impetus destruitur.

Dicit Dialogo 3. pagina 218. Vim grauitatis, aut alterius impetus secundo producti cōseruari immediatè patrocinio, & tutela substantiæ corporis grauis, dum idem corpus quiescit, aut dum impetum producit. At cum descendere incipit subitò impetus iam producti destituuntur à substantia corporis grauis; & conseruari incipiunt à causa prima, nempe à Deo immediatè. Sed vnde quæso nouit impetus præcedentes conseruari à Deo, non vero à substantia corporis grauis? Dicit dial. 3. pag. 218. quia actiuitas corporis grauis occupatur in producendis nouis gradibus; propterea non potest eodem tempore aliud negotium assumere, nempe conseruare gradus impetus præcedentes. Sed quomodo scit sequētibz instantibus actiuitatem corporis grauis occupari in producendis nouis gradibus? Hic nil aliud dicere potest, nisi quod sensus euidentia suadetur augeri impetum, eiusque gradus multiplicari, & conseruari in graui cadente. Sed quænam quæso erat conclusio ignota, quam demonstrare Vir Cl. pollicitus fuerat? Certè erat ipsa hypothesis Galilei; scilicet quod singulis instantibus coaceruari debeant in graui cadente noua velocitatum momenta inter se æqualia; de hoc enim dubitatur An sit; nam quando hoc ignoratur, frustra quæritur propter quid sit. igitur post tot ambages quid nam obsecro Vir Cl. lucratur? deducit nempe in conclusione id ipsum, quod vt notum supponebatur ab experientia. Egregia profectò demonstratio; quam frustra timet insidijs peti, aut rapi posse.

Cum

Cum porro euidentissimum sit corpora terrena vim motiuam innatā descendendi possidere. Quia (teste Fabri dial. 2. fol. 175.) *impetus habet geminum effectum; alterū intrinsecū, motum scilicet sui subiecti, quem exigit vt finem suum Physi-*
cum; nempe impetus à natura institutus est, vt sit principium
motus. Et paulo post prosequitur *si autem dictum effectum,*
seu finem liberè consequitur, nihil aliud agit, cum finem suum
plane obtineat; si quando tamen ille motus impediatur ab alio
corpore, quod nisi amoueatur esse non potest, ille impetus agit
ad extra, producitque alium impetum. At quia graue, seu impetus eius, sublato fulcimento, quo impediabatur, haberet suum finem, seu effectum motus: cumque talis motus non impediatur, dum liberè descendit, nil præterea aget assequuto suo fine; proindeque secundum impetus gradum non producet; ideoque non accelerato, sed æquabili motu descendet, quod tamen est falsum. quare ex principijs Cl. Viri non sequitur quod ab impetu innato, seu à grauitate producantur alij noui impetus in proprium subiectum; sed nec à substantia corporum grauium producantur, vt dictum est. Igitur velocitatum gradus in grauib; ab aliqua alia causa longè diuersa multiplicantur, & incrementum suscipiunt,

Sed quænam illa erit? ea nimirum, quæ non in Cerebris hominum preiudicatis effingitur; sed quam in ipsa natura rerum quotidie obseruamus: Videmus enim velocitatem eiusdem mobilis facili negotio multiplicari, & augeri si nouis ictibus continenter impellatur, vt patet in Troco, & Rota, quæ à fuste percussa velocitatem maiorem acquirit; pariter in Naui, quæ à vento continenter impulsæ maiorem impetus gradum suscipit. Habemus igitur certum, & indubitatum modum, & artificium augendi, & multiplicandi velocitatē; quod non indiget fulcris illis metaphysicis ambiguīs, & obscuris. Quapropter si in grauib; cadentibus assignari posset aliqua causa deorsum graue impellens, & percutiens, perpetuò operans, & id ipsum cōcomitans: procul dubio quolibet instāti

noui gradus velocitatū æquè validi graui cadēti communi-
 carentur. Hanc porro causam me indicasse videor, cum dixi
 partes corporis, seu corpuscula se mouentia, & spirituosā,
 aut omnia simul, dum vehuntur, tanquam à naui, à graui ca-
 dente, nouis, & continuatis percussionibus ad instar venti
 intestini perpetui impellere anteriorem partem mobilis: &
 quia singuli gradus velocitatum communicati ex sui natura
 perseuerant indelebiter, vt ostendi cap. ix. hinc sequitur
 continenter multiplicari, & augeri velocitatem prædicti cor-
 poris cadentis. Sed vrget hæc omnia se reiecisse vt non pro-
 bata, & erronea. Verum enim vero an ego probauerim, & an
 sint erronea lectores iudicare debent, non autem Cl. Fabri.
 Quo ad vero difficultates ab eo allatas pertinet, primo ait
 dial. 3. pag. 218. gratis poni à me corpuscula spirituosā; pe-
 tit enim *quanam illa corpuscula sunt? ubi nam? Vnde nam? Ex*
quibus nam illa constant? per quam lineam eunt? Et hic primo
 Vir Cl. sibi videtur contradicere: in principio enim eiusdem
 paginæ ait *omnia corpora elementaria impetum innatum habe-*
re, & nullū corpus iners in natura dari, sed omnia esse se mouen-
tia: igitur non est impossibile dari prædicta corpuscula spi-
 rituosā se mouentia. Præterea inductione probari posse vi-
 detur dari huiusmodi corpuscula se mouentia; nā neque ipse
 Vir Cl. negat Ignea, & alij etiā lucida corpuscula per se mo-
 ueri. Deinde fermentationes, putrefactiones, augmenta, &
 dissolutiones vegetabilium, salium, & mineralium absque in-
 testina partium commotione percipi nequeunt. Fulmina, ter-
 remotus, & pulueris nitrati bellici operationes absque ve-
 hementissima commotione particularum eorundem corpo-
 rum concipi non possunt; oportet enim vt fiat difflatio summa
 vi in accensione particularum Nitri, Auri fulminantis, & in
 ebullitione frigidissima Ammoniacy cum oleo vitrioli. Et
 quis quæso capiet Magnetis operationes absque motu, & a-
 gitatione intestina particularum eius? Mirabile quoque vi-
 detur, quod addit Vir Cl. de eisdem se mouentibus. *Motum*
esse,

esse, ait, medium ad aliquem finem obtinendum. Vanum est illud naturæ desiderium, nisi eius causa, & necessitas explicetur; Ergo quia explicare nescimus causam, & necessitatem motus Magnetis, & innumerabilium reconditarum operationum Naturæ, erunt vana illa naturæ desideria; proindeque erunt frustra; & ideo destruentur, vt ait dal. 2. pag. 196. & negabimus magnetē ferrum ad se attrahere? Et nos non videre innumeras alias naturæ operationes dicemus, quarum causas ignoramus? Bone Deus fieri nē potest vt serio hæc à viro Cl. proferantur? & quomodo excusari possunt, nisi dicendo; quod eadem rapida velocitate, & oscitantia, qua aliena legit, propria quoque scribit?

Præterea pag. 220. ait, quod multiplicatio velocitatis per reiteratas percussiones adaptari non potest grauib. cadentibus. Primo quia impetus impressi à percussionibus corporum spirituosorum non sunt indiuisibiles, sed quanti, qualis est gradus impetus à mallei ictu productus.

Et primo respondeo, quòd ictus, seu impulsus facti à grauitate in primo instanti, si velocitatem minorem quacumq; data non creant; saltem physicè indiuisibilem impetum, scilicet exilissimi roboris diffundunt, & hoc in operationibus physicis sufficere manifestum est.

Secundo obijcit, quod percussiones absque motu; proindeq; absque tempore intelligi non possunt; & ideo erunt quantæ, & intercipient morulas, vt in malleorum percussionibus contingit.

Respondeo, continuari posse ictus absq; morularum interpositione, licet ictus sint temporanei; quod euidentissimo exemplo suaderi potest. Ventus motu locali percussiones velo Nauis infert, & tamen inter vnā, & aliam percussionē tempus non intercedit; sed præsto adest alia aeris pars; quæ immediatè post primum ictum secundum infert: eo prorsus modo, quò in vertigine Rotæ supra planum reuolutæ contactus partium, licet fiant motu locali, tamen continuantur absque

que morularum interpositione . Et dato etiam, quod in percussionibus factis in graui cadenti intercederent aliquæ morulæ, hæ profecto essent adeò exiguæ, vt omnem sensus subtilitatem effugerent . Nec videtur hoc esse omnino à naturæ operandi consuetudine physica alienum.

Tertio ait concipi non posse percussionem intra nauim fieri, absque eo, quod malleus Malo innitatur . Sed huic difficultati me fecisse satis patet exemplo Auis in vacuo spatio positæ; que volare, seu moueri per se posse supponatur; vt si fuerit series Anium super nauis tabulatum iacentium; hæ dum vehuntur à naui eadem velocitate eius afficiuntur; & tunc perpendiculariter esurgere, & subleuari posse manifestum est. Postea vi motiua, qua pollent, quatenus supponuntur se mouentes, percutere possunt, ad instar venti perpetui, proræ tabulatum; & deinde labi, innitique super nauis pauimentum; & sic vectæ denuò vna post aliam esurgere in spatio illo vacuo possunt; & iterum percussiones continenter repetere. Hoc planè lumine naturæ fieri posse suademur, proindeque non erit impossibilis huiusmodi operatio . Vnde patet hæc non gratis me potuisse, sed perspicuis, & firmis rationibus possibilitatem eius confirmasse,

Dicet me huic hypothesi non omnino acquieuisse, cum prætereà in fine mei cap. 23. addiderim partes corporis grauis se mouentes, & ideo semper operantes, videri sufficientem causam repetitionis ictuum, & impulsionum; proindeque hoc nomine singulis instantibus temporis superaddi posse noua celeritatis momenta: Quam sententiam me ab se vsurpassè suadere conatur.

Verum vt pateat diuersam esse hanc meam doctrinam ab ea quam Vir Cl. docuit, opere prætium erit ostendere possibilitatem secundi mei modi conficiendi motum acceleratum grauium. Cum sit manifestum dari in rerum natura corpora se mouentia, quæ vim habent impellendi corpora amouibilia, impediencia illorum motum. Fingamus ea intra viscera alicu-

alicuius corporis inertis ; sed indifferentis ad quemlibet motum, collocata & inclusa esse; tunc si omnia impedimenta externa remoueantur, percipimus lumine naturæ, à vi corporis se mouentis inclusi primo instanti ambiens corpus impelli, & moueri posse; & proinde tale corpus indifferens, & non impeditum acquireret gradum aliquem velocitatis; quia verò moueri externum corpus non potest, quin secum vehat ad instar nauigij inclusum corpus; fit vt ambo eodem gradu velocitatis afficiantur. & tunc idem inclusum corpus naturali sua energia sequenti instanti secundam impulsione suo tegumento inferet; quod proinde nouum gradum velocitatis acquireret; qui pariter cōmunicabitur ope vectiois incluso corpori; & sic vltcrius. Et siquidem hoc effici potest dum corpus externum est iners, & indifferens ad motum, quanto facilius exequi poterit, quando eadem crusta, ad instar vehiculi, vim quoque motiuam habet tendendi ad easdem partes, ad quas ab incluso corpore impellitur. Non erit igitur impossibile, vt corpus graue, tanquam à vento intestino perpetuo, impellatur deorsum, ob hanc necessitatem; quia vis impellens corporum se mouentium ab ipso corpore graui vehitur, & transfertur.

Audiamus modo Cl. Fabri dial. 3. pag. 223. *Hanc esse ait suam sententiam; quam de motu accelerato tradidit ante 23. annos; & quam ego amplecti dignatus sum, se tamen innominatè quod nihil à se ducitur.*

Hic profecto, nisi fallor, Vir Clar. manifestè sibi ipsi contradicere videtur. nam ait superius à me expositam doctrinam esse suam, & à me vsurpatam; & postea eadem pag. 224. & alibi, conatur ostendere suam non esse; quandoquidem eam rejicit vt falsam, impossibilem, & absurdam; igitur eam reputat alienissimam, & oppositā irrefragabili veritati præclaræ eius demonstrationis; quare, se non aduertente, facit ut illā meam sententiam non esse suam; nec me eam rapuisse.

Vtquè corporari sua placita cum meis commodè possint;

vtra

utraque distinctè recensebo. Primo Cl. Fabri affirmat substantiam corporis grauis esse causam productiuam impetus innati, seu grauitatis. Ego autem hoc nego, & aio impetum grauitatis esse coeum corporibus grauib. Cōtra ipse censet quemlibet impetum produci de nouo de non esse ad esse. Ego non admitto impetus productionem, sed migrationem, & diffusionem à corporibus se mouentibus; quod ipse negat, aitque monstrum esse in Philosophia. Præterea ipse ait, quia perseuerat eadem causa productiua impetus, quæ est substantia corporis grauis, ergo producit nouum gradum impetus de non esse ad esse. Ego hoc nego, & dico talem causam perseuerantem esse partes corporis se mouētes seu spiritus; quæ non producunt de non esse ad esse, sed diffundunt gradus impetus in graui cadente; quatenus nouis ictibus, vel impulsionibus id promouent. quod ipse nē dum negat, sed monstruosum esse ait. Tandem ipse dicit impetum in secundo instanti productum esse alium distinctum à primo, & perseuerare, quia primus præcedens impetus non conseruatur à causa primo productiua, scilicet à substantia corporis grauis. Ego hoc nego, & affirmo impetus esse distinctos, quia diffusi, & communicati sunt à distinctis ictibus, & impulsionibus intestinis prædictorum corporum se mouentium, aut particularum spirituofarum; quod ipse falsissimum esse censet. Præterea ideo gradus velocitatum permanere, & perseuerare credo, quia nequeunt destrui; sed occultari tātummodo possunt ab alio impetu contrario adueniente.

Cum igitur tam diuersa sit Viri Cl. doctrina à mea, circa causas efficientes graduum velocitatis; circa necessitatem, & modum quomodo prædicti gradus diffunduntur, vniuntur, & conseruantur. Et aliunde ego publicè tateor Viro Clar. deberi ea omnia, quæ ipse scripsit; quibus nunquam me assensum præbuisse iure iurando confirmo. poterit pro sua humanitate, & religiosa eius sanctimonia, testari me ex eius præclaris doctrinis nil prorsus sumpsisse, aut amplexum fuisse.

Abso-

Absoluta hac parte, quæ ad existimationem meam pertinet; neque prolixè respondere ad innumeras Censuras, & redargutiones meæ doctrinæ visum est; neque oportere eas omninò dissimulare; nè Virum tam preclarum, eiusque oppositiones contēnere viderer; quem tamen summopere suspicio: ideò pauca capita, & insigniora eius apologiæ examina-
bo, ex quibus postea quid de reliquis oppositionibus sentiē-
dum sit facilè lectores conijcere poterunt.

Dialogo 2. pag. 122. ait Clar. Fabri falsas esse duas meas propositiones 16. & 17. vbi ostendi. Quodlibet corpus æqui-
libratum & indifferens ad motum à qualibet vi motiua mo-
ueri posse. demonstrationes harum propositionum non vi-
detur Vir Cl. percepisse, quod accidit quia cursim, & osci-
tanter eas legit. Nam si propositiones assumptæ veræ sunt &
ab ipso etiam admixtæ, & progressus est legitimus, non video
quomodo conclusiones in dubium reuocari possint.

Non videtur ergo suo muneri Vir Cl. satisfecisse addu-
cendo difficultatem contra meam demonstrationem; quæ nū-
quam reiecta cēsebitur quouſq; fallacia eius ostensa nō fue-
rit: Ait enim si vera esset mea propositio, quod scilicet à qua-
libet vi motiua possit quodlibet corpus indifferens ad motum
dimoueri è suo loco; *sequeretur quod vis finita immediatè pos-
set producere impetum quocumque dato imperfectiorem; ex quo
sequeretur, quod quælibet potentia immediatè mouere posset quæ-
libet immensam resistantiam quod est absurdum.*

At dicat quæso quid nomine resistantiæ intelligit? Si mo-
lem grauem, vastam, æquilibratam, & indifferētem, hoc à me
ponitur, & demonstratur; & Vir Cl. tenebatur ostendere de-
fectum meæ demonstrationis, quod non fecit; & insuper de-
monstrare oportebat absurdam esse talem meam propositio-
nem; sed neutrum fecit; & petitionis principium committere
videtur, dum meam propositionem falsam esse probat, ex eo,
quod supponit eam falsam esse; scilicet quamlibet vastam
molem grauem, indifferentem non posse à qualibet potentia

T

moue-

moueri transfuersaliter; quia sequeretur quod quælibet vasta moles grauis indifferens posset à qualibet potentia transfuersali motu agitari. quod ego verissimum esse probaui, ipsæ verò nec meum argumentum soluit, nec oppositum ostendit.

Si verò nomine vastæ resistantiæ intelligit corpus vi motiua contraria affectum, vt graua resistunt motui sursum, quatenus eius vis ponderis debet suspendi, & vehi sursum. Hæc profecto resistantia non facit ad rem, de qua agimus: cum non ambigamus corpora graua suspendi, & vehi sursum non posse à potentia, quæ vim resistantiæ ponderis eius non superet; sed disputamus an corpora indifferencia, scilicet, quæ non habent repugnantiam ad talem motum, possint à qualibet vi motiua impelli.

Quod postea quodlibet graue iners, & motu priuatum, possit à quolibet corpore motu affecto energia percussionis moueri, & suspendi, demonstrauimus prop. 90. mei operis. Sed instat, *ergo musca campanam ingentem, & montem mouere posset.* Hoc concessi, & iterum concedo. Probet ipse fallum esse. Sensu inquiet; at huic instantiæ abundè satisfeci in eodem meo opere. Quia motus tardissimi, certè in rerum natura dantur, vt patet in partibus circumductæ vectis propè centrum, & in descensu vini facis, quæ neque post annum percurrit vnum, vel alterum cubitum; idemque contingit in alijs sexcentis; & hos omnes motus, ob maximam tarditatem, sensus non percipit; nisi ex illatione, cum videat tandem corpus loco mutatum. at si immisceatur motus aliquis contrarius, qui effectum prioris occultet, tunc nunquam sensus percipiet loci mutationem illius corporis. Et sic præcisè in casu nostro contingit, motus enim tardissimi in grauibz sursum excussis subito cessant, & euanescent; propterea quod in tempore ascensus exercetur vis grauitatis, quæ auget continenter velocitatem descensus, contra illam tardissimam impulsionem eodem, & perseveranti gradu operantem: Hinc fit vt vis illa projecticia citò superetur, occulteturque à contraria.

vi grauitatis crescente. Et hæc est præcipua causa quare videre non possumus, neque discernere suspensionem totius, vel partis vasti corporis grauis à percussione musculæ, seu alterius corpusculi factam.

Sed ait hæc gratis dici: Nos verò hoc negamus; nam firmis rationibus hanc propositionem probauimus; & ipse est, qui gratis profert vim exiguam non esse proportionatam resistentiæ vasti corporis; propterea quod velocitas potest immiui semper, vt ipse etiam concedit exemplo vectis, & semper dari potest velocitas, quæ ad datam eandem reciprocam proportionem hâbeat, quam moles corporum mobilium.

Quod etiam gratis ponat in corporibus suspensis, aut fultis duplicem resistantiam ad motum, NEGATIVAM scilicet, & Positiuam sic probatur,

Intelligatur quælibet vasta sphaera grauis, homogenea plano horizontali innixa: hæc profecto habebit duo emisphaeria secta à plano circuli perpēdicularis ad subiectum planum, per cētrū sphaeræ, & per contactū ducti. Hinc consurgit libra æqualium radiorum æquè ponderantium; proindeque quiescet sphaera æquilibrata in situ horizontali. Apponatur postea super vnum emisphaeriorum atomus, vel quælibet festuca, quā quantā aliquam grauitatem habere, licet pusillam, manifestum est. Hæc inquam addita grauitas procul dubio pristinum æquilibrium turbabit; & ideo sphaera flectetur ad partes additi ponderis; quare necesse est, vt transversali motu feratur impulsæ ab exilissima vi ponderis atomi. & aduerte in hoc casu quod sphaera moueri & reuolui non posset, nisi aliquis gradus impetus communicatus & diffusus fuisset per totam molem, scilicet per omnes partes sphaeræ. quare vis motiua ponderis minutissimi atomi semper proportionata, & sufficiens erit ad se ampliandum, & diffundendum per vniuersam vastam molem illius sphaeræ.

Si postea impellatur sphaera transversali motu, quantūvis exigua supponatur impulsiva vis, semper reperiri poterit vis


ponderis atomi, quæ æqualis sit vi impulsivæ transversali illius: Hæc verò sphaeram mouere potest, ergo illa eandem mouebit; cum applicetur vecti in contactu subiecti plani fultæ, scilicet semidiametro sphaeræ perpendiculari ad horizontem; sitque talis radius æquilibratus, scilicet hinc inde ab æqualibus momentis ponderum lateralium partium sphaeræ tractus. quare illa vis impulsiva, licet exigua, superato æquilibrio radium inflectet, ideoque sphaeram mouebit.

Vtque clarius pateat à vastitate immensa corporis suspensi, vel innixi non impediri indifferentiam ad motum transversalem; cogita duo vasta corpora inter se æqualia habere contrarias vires, sed inter se æquales; quæ mutuò se impellât; in hac lucta patet, quod eatenus in quiete cōsistent partes oppositæ, quatenus compēfatis viribus, & facto æquilibrio vna alteri non cedit; in hoc statu vni eorum corporum addatur exilissima vis motiua; hæc procul dubio æquilibrio superabit, proindeque oppositam medietatem repellet; ideoque vniuersa moles ad easdem partes feretur. Quia vero compositum ex illis vastis corporibus moueri non potest absque eo quod aliquis impetus diffundatur per totam molem eius; & hic impetus non potest esse alius quàm illæ minimus superadditus; eo quod æquales illæ vastæ vires contrariæ æquilibratæ, perinde est ac si essent inertes, & omni vi motiua carent; semper enim vna medietas lateralis non superaret, neque superaretur, aut à vi contraria sibi æquali, aut à defectu, & à negatione virtutis motivæ; quia nihilum neque agere, neque resistere potest: ergo ab illo minimo gradu impetus aggregatum illud transversali motu trāferri poterit. Et hinc patet quod somniata negatiua illa resistētia nō impedit, quin corpus equilibratum pensile, aut pavimento innixum à quolibet vi è suo loco moueri possit.

Transeo iam ad secundam eius resistantiam positivam funependuli; & aio quodlibet vastum corpus pensile B, ex cētro A posse à quacumque exilissima vi motiua remoueri à situ A B

tu A B perpendiculari ad horizontem, & impellit tantulum sursum per arcum circuli B F. Intelligatur pondus B, appensum non in termino fili, sed in medio peripheriæ semicirculi G F B, conuertibilis circa centrum A; eritq; radius A B perpendicularis ad horizontale diametrum G F; apponatur postea quodlibet minutissimū corpusculū graue termino G innixū. Manifestum est, quod centrū grauitatis duorum corporum vasti B, & minutissimi G cadit, non vt prius in termino B radij A B, sed inter B, & G, vt in O, vbi diuiditur recta B G in

ratione reciproca ponderum: & ideo sublimiuserit O; quare decidet quousque A O ad sitū perpendicularē ad Horizontem



perducatur: hoc autem fieri nequit, nisi corpus B feratur tantulum ascendendo versus F. ergo non obstante illa resistentia positiua corpus B eleuabitur sursum in arcu B F. Præterea quia perinde est si loco corpusculi G ponderosi applicetur quælibet vis motiua, siue animata, siue proiectitia, quæ æqualem energiam habeat, quam pondus G, & illa vbicumque applicata siue in G, aut in B idem præstat ac pondus G; proindeque vastum corpus pensile B à quacumque vi motiua tantulum impelli sursum poterit.

Secundo loco demonstrabo; quod Vis motiua, quæ requiritur ad remouendum à situ perpendiculari ad horizontem, & ad eleuandum supra idem planum quodlibet immensum

quare vis motiua S sufficit ad retinendum corpus B super planum inclinatum BE. Cumque recta circulum tangēs in X parallela sit ipsi BE (eo quod ambo perpēdiculares sunt ad radium AX) ergo æquē inclinatur ad horizontalem BZ punctum peripheriæ X, ac planum BE; & ideo idem momentum habebit corpus B in X constitutum, ac super planum BE; proindeque ab eadem vi motiua S ibidem retinebitur, suspendeturq; ac sustentabitur super planum inclinatum BE.

Restat vltimo loco demonstrandum, quod vis motiua S poterit impellere per arcum BX idem vastum pondus B à B vsq; ad X. Quia rectæ quæ circulum tangunt in punctis interceptis inter X & B semper acutiores angulos cum horizontali tangente BZ constituunt, quo magis ad infimum punctum B approximantur: & à finibus prædictorum angulorū mensurantur momēta corporis B in punctis varijs arcus BX constituti. ergo momēta corporis B semper magis diminuuntur in infinitum, quo magis ad puncta proximiora infimo B corpus B perducitur: quousq; tandem absumpta in B omni inclinatione angulari eiusdem puncti B cum tangēte BZ, ibidem momentum corporis B indiuisibile redditur, & nullius roboris. erat autem vis motiua S æqualis momento corporis B in X constituti. igitur vis motiua S superat momentum corporis B in situ infimo B constituti, eodem excessu, quo linea punctum, seu ens nihilum excedit; ideoq; necesse est vt carētia virtutis motiue positiuo robori cedat; proindeq; incipiet impelli corpus B à situ infimo B. postmodum quia semper vis motiua S excedit momentum corporis B, dum per puncta arcus BX transfertur; ergo post initium impulsus vltorius propelletur corpus B quousq; ad punctum X perductū æquatis viribus momenti B, & virtutis motiue S, & facto æquilibrio corpus B quiescat in X. nec vltorius eleuabitur. Verum est ergo, quod vis motiua S. minor quacumq; exili vi R poterit quodcumque vastum pondus pensile expellere, & subleuare.

Transeo ad oppositionē maximē exaggeratam; quæ pluribus in locis suorum dialogorum semper nouis contumelijs affectur; Hæc petit meam propositionem 18, vbi habeo, quod impetus non producat de nouo, sed diffundatur, communicereturque à proijciente in proiectum.

Et licet Vir Clar. toties inculcet hoc esse monstrum, & deglutiri non posse, in philosophia, Peripatetica nempe; nihilo minus, ij, qui nullius sunt addicti iurare in verba magistri, nō verentur illud affirmare.

Quia impetus est facultas, & causa motus proculdubio cōcipi potest vt affectio, & energia corporis se mouentis; hæc autem non videtur improbabile è suo subiecto migrare in alienum posse; aut quia particulæ corporis se mouentis diffunduntur, & sic potentiam motiuam traducunt; aut quia corpora omnia ex sui natura sunt indifferentia, & disposita ad quemlibet motum; ita vt non indigeant productione noui impetus, sed excitari tantummodo debeant, & determinari ad motum exerendum ab impetu diffuso à corpore motu affecto.

Et quo ad primum modum diffusionis, is confirmari potest plurimis exemplis. Video entitatem humiditatis non produci de nouo ab aqua in lignum contiguum de non esse ad esse; sed diffundi, euaporare, & migrare in ligni porositates innumeras aquæ particulas; quæ sua præsentia, & commistione lignū madefaciendo humectant; quod ipso sensu patet, quia moles aquæ humidæ diminuitur pro mensura eius, quæ in lignum ingruit; quæ postea per alembicum ex ligno colligi potest. Similiter obseruo ferrū, aut vitrum ab igne calefieri, non quia in ferrum caliditas de non esse ad esse producat; sed quia corpuscula, seu exhalationes igneæ in ferrum migrant, eiusq; anfractus penetrando eius molem augment: & eatenus postea ferrum alia corpora calefacere potest, quatenus ab eo denuò expirant eadem corpuscula ignea, quæ insinuuantur in alijs sibi contiguis corporibus; quod suadet, ex

eo quod tantundē diminuitur caliditas in ferro calefaciente, quantum augetur in lanam ambientem. Idem dicendum mihi videtur de vi motiua; quia video quod si Manus, aut Avis volās sua vi decem graduū, primo libram vnā ligni nantis impellat, postea decem libras eiusdem ligni; scilicet si integro conatu totius suæ energiæ maiorē, ac minorē asserem pellat: tunc contingit vt maius lignum decies tardius impellatur, quam minus. An dicemus à maiori resistentia destrui nouem gradus totius impetus manus, & produci de nouo, in natura entitatem nouem graduum impetus distributi per molem maioris ponderis. hoc nemo sanę mentis proferet, cum constet vim motiuam manus nil prorsus diminutam esse; eo quod remoto impedimento, denuò motu decies celeriori impellere lignum vnus libræ potest. Et siquidem nō destruitur impetus manus, neque producentur nouem illi gradus impetus in reliquis partibus maioris corporis; sed tantummodo, iuxta naturæ legem, qua maior resistentia à velocitate maiori compensatur, eadem vis motiua manus applicata, & diffusa in molem decies maiorem, decies tardius moueri debet. Hinc probabiliter inferri potest, quod in corpus impulsus non fuerunt producti nouem illi gradus impetus; sed esse eosdem, qui in manu prius extiterant; quandoquidem vis motiua manus est illa, quæ manum cum resistentia mouet licet tardius.

Præterea consideremus qualitates, de quibus nullus Peripateticorum dubitat produci de nouo, vt est Lumē à speculo à lucerna illustrato productum. Si igitur luminis diffusio fit absque vlla diminutione facultatis illuminantis, scilicet splendoris speculi; cum oppositum contingat in diffusionē caloris, humiditatis, & impetus; eo quod calor, & humiditas, & impetus eo magis diminuitur in ipso agente, quo in maius subiectum communicatur, vt dictum est; at lux speculi nil magis debilitatur quā in amplum subiectum aeris ingentis Aulæ qualitatem luminis producit, quam si illuminaret æ-

rem exigui cubiculi. Concludendum est diffusionem impetus assimilari potius migrationi humiditatis, & caloris, quam productioni luminis de non esse ad esse.

Insuper quod vis motiua seu impetus, quatenus est mera corporis affectio, & accidens possit de subiecto in subiectum migrare fatentur quoque aliqui Peripateci. Et ne alios testes adducam, sufficit Doctissimus Fran. Mar. Grimaldus Societatis Iesu qui lib. 2. prop. 2. num. 60. de lumine sic ait. *Non dum demonstratum est euidenter accidens naturaliter transire ab vno in aliud subiectum non posse; & paulo post quia non desunt rationes, & numerus doctorum hanc sententiam fauentium, poterit cum aliqua probabilitate huic sententiae adhereri.* & numero 67. expressè ait; quod ideò accidentalis entitas impetus motiui à percutiente in percussum imprimitur; quia diffunditur, & communicatur; non verò producitur de non esse ad esse. quare licet impetus nil aliud sit quam affectio, energia, & accidens corporis se mouentis, non videtur impossibile diffundi, & migrare posse ab vno ad aliud subiectum.

Irridet (dial. 2. pag. 196.) modum extinctionis impetus, quem ego tradidi cap. 16. mei operis: vbi scripsi fieri posse, vt duo impetus contrarij inter se æquales vigeant in eodem corpore; ita vt facto equilibrio neuter præualeat; & sic corpus quiescat; non quidem propter veram destructionem impetus prioris; sed ex appositione noui, & contrarij impetus equalis primo.

At Vir Cl. more suo, neglectis rationibus à me adductis redarguit conclusionem; ex eo quod repugnat principio cui-dam à se imaginato, quod scilicet quotiescumque aliqua vis suum effectum producere non potest tunc sit frustra, & proinde destruatur; quia nil frustra esse potest; & sic in casu nostro, quia impetus suum effectum motus non producit in corpore quiescente; infert quod impetus in illo destruitur.

Quia verò frequentissimè hoc à Viro Cl. assertur erit opere prætium perpendere, an prædictum Axioma possit proposito nostro adaptari.

Et primo dato, quod nil sit frustra, multoties omnes fines rerum ignoramus, & sic licet aliquid videatur suo fine care-
re, hoc pendere potest ex nostra ignorantia; proindeque licet
videatur esse frustra non erit tale, quia nempe ordinari po-
test ad aliquid aliud nobis ignotum.

Sic (vt ex innumeris vnum exemplum eligam) Papillæ vi-
rili in pectore, licet videantur inuriles, & frustra appositæ;
nefas tamen esset suspicari Auctorem naturæ casu, imperitè,
aut imprudenter eas construxisse; cum potius humani intel-
lectus hebetudo inculanda sit; quæ fines sapientissimi Archi-
tecti percipere non valeat.

Præterea malè affertur, vt axioma, quod ea, quæ frustra
sunt, scilicet quæ producere non possunt effectus, ad quos
destinata fuerant, non existant, & desinant esse, scilicet de-
struantur; Ecce V. G. quod humiditas aquæ ordinata est ad
humectanda corpora sibi contigua; & nihilominus videmus,
quod multa Folia, & Anseres in aqua demersæ non hume-
ctantur, nec madefiunt; sic pariter Lux diei ordinata est ad vi-
sionem eliciendam; & tamen Cæco, & Talpæ inutilis, & fru-
stratoria est; nec proindè aquæ humiditas, aut lux solis de-
struitur. Nec quia pecuniæ in arca clausæ suo fine frustratur,
ideò destruantur: Nec quia facultates animalium visiuæ in
tenebris, generatiuæ in virginibus, digestiuæ in sobrijs, &
aliæ innumeræ suas operationes non exerunt, proindeque
sunt frustra; ideo desinent esse, & destruentur.

Ergo simili modo vis motiua impedita non desinet esse;
sed expectabit quousque impedimentum ablatum fuerit; si
tamen tolli potest: sin minus, vt in cæco ex pupillæ combu-
stione semper visiuæ eius virtus erit frustra, nec tamen erit
destructa.

Sic præcisè accidit in casu nostro, duo impetus contrarij
æquales in eodem subiecto, nō secus, ac in cæco mox memo-
rato, semper erunt frustra, licet semper vigeant.

Urget monstrum esse in Philosophia, quod nullus ratio-

nabiliter diglutiet, & gratis afferi duos æquales impetus contrarios in proiecto quiescente actu vigere.

Imò aio gratis ab eo negari, & à me probatum fuisse; nam in lucta hominum æqualium virium sequitur quies, & tamen eorum vires motiux nō destruuntur, licet suum effectum morus non consequantur: & in bilanci ex contraria impulsione deorsum æqualium ponderum sequitur quies, nec tamen vires ponderum destruuntur. Sic in naui à flumine, vel vento impulsa quis negabit ab homine vi arcus, vel musculorum eius verè projici, & vim motiuam communicari in saxum, aut sagittam à prora ad puppim proiectam; nec dubitari potest, quod conatus, & vis projicientis exerceatur, & effectus omnes projectorum in sagitta obseruentur; scilicet percussio, impulsio medijs fluidi in naui existentis, discussio, penetratio, & perforatio eiusdem; quæ sanè operationes à nihilo fieri nemo dixerit. E contra nemo negabit nauim, & sagittam in eo contentam, verò, & reali motu impelli à flumine; ergo licet in spatio mundano situm non mutet sagitta, neque pondera in libra, aut homines in lucta, hoc certè proueniet non ex defectu virtutis motiux, & impetus; sed ex eo quod prædicti impetus contrarij æquatis momentis æquilibrium efficiunt.

Iudicent modo lectores quanto clarius hoc percipi possit; & quanto facilius confici à Natura valeat, quam illa Viri Cl. speculatio Metaphysica dial. 2. pag. 196. tradita, vbi ait quod si duæ Pilæ motibus contrarijs sibi mutuò occurrant; tunc quatuor impetus existere in eodem instanti; quorum duo priores impetus definunt esse, & destruuntur; & simul duo alij impetus, quibus resiliunt, producuntur de nouo in natura.

Conatur dial. 3. pag. 236. Vir Cl. ostendere defectum propositionis meæ 90. in qua demonstro energiam cuiuslibet percussionis maiorem esse quacumque potentia finita grauitatis, quæ absque motu præmat. Mirum profecto est ipsum admittere præmissas, & progressum demonstrationis; & ta-

men

men impugnare conclusionem, seu eius germanam intelligentiam tergiuersare; cum subdit *non tamen inde sequitur superari à viribus E, vires cuiuslibet alterius corporis grauioris quam A.*

Attendat obsecro vir perspicacissimus, me non supposuisse maius corpus A quiescens determinatum pondus habere, nempe præcisè librarum centum; sed me dixisse *supponatur quodcumque immensum corpus graue A suspensum, &c.* Verum vt verificetur hæc suppositio, scilicet vt corpus A æquiualeat cuicumque immenso corpori graui, oportet, vt nē dum 100. sed 1000, 10000. & quamlibet multitudinem miriadum librarum pendeat, nulla maiori excepta; ergo si admittit progressum demonstrationis meæ, nempe quod quodlibet exiguum pondus B in motu constitutum superare potest resistantiam ponderis quiescentis A, non amplius ei excipere licet, *Vires B non sufficere ad superandas vires alterius corporis grauioris, quam A.* Et quomodo hoc dici potest, cum excogitari non possit corpus grauius ipso A; quod ex vi suppositionis vniuersalis non vnum peculiare, sed omnia pondera quantumuis immensa nullo excepto habere possit?

Quod verò progressus meæ demonstrationis sit legitimus, patet vnicuique, qui eam non perfunctoriè legerit.

Sed Vir Cl. more suo, aut non legit, aut excurrit; & ideo ad examen non reuocat meam demonstrationem; sed tantummodo affert difficultates, cum ait, *nec dicas nullam esse proportionē virium globi A post descensum ad vires eiusdem quiescentis, quod supra reieciimus.*

Obseruet Vir Cl. me hoc non dixisse in progressu meæ demonstrationis; quia nihil ad rem faciebat; sed tantummodo pronūtiasse, quod corporis A moti vires sunt maiores viribus eiusdem A quiescentis; & hoc ipsemet concedit dial. 3. pag. 239. hoc enim meæ demonstrationi sufficiebat; nec quæsiui quam proportionem haberent vires globi A descendens ad vires eiusdem in quiete constituti.

Fingit præterea me alia ridicula fulcimenta in medium afferre ad sustinendam meam labentem demonstrationem; scilicet *minus pondus ex maiori sublimitate posse decidere, ut æquales vires acquirat viribus cuiuslibet corporis grauioris ipso A*; & postea irridet hanc excusationem dicendo; *quod non sufficeret mundi finiti altitudo; quod tanta funis longitudo reperiri non posset; quod durities libræ non resisteret tanta percussioni*; & aliæ obiectiones huius farinae. At sicut optimo quidem iure, & prudenter ridet illa ineptissima subterfugia; ita videre poterat Vir Cl. si debita attentione meum librum legere dignatus fuisset, nunquam ea me scripsisse, nec somniafse: cum mea demonstratio subsistat per se inconcussa, & illibata; nec indigeat hisce stultissimis responsionibus, quæ Vir Cl. pro sua humanitate mihi attribuit.

Secunda eius responsio videtur Enigma, & persuadere conatur se diuersa pronunciare, cum eandem meam doctrinam proferat: dum enim conatur ostendere meæ propositionis 90. falsitatem, eam expressis verbis confirmat, & laudat: tanta est vis, & energia veritatis. Ait enim dial. 3. pag. 239. *quamquam fateor vltro vires acquisitas A, scilicet cuiuslibet vasti corporis motu affecti, maiores esse viribus grauitatis eiusdem; ac proinde cum vires acquisitæ B (scilicet cuiuslibet corpusculi, cuius velocitas ad velocitatem A sit reciproca molium vel ponderum eorum) æquales sint viribus acquisitis A; haud dubie vires acquisitas B maiores esse necesse est viribus grauitatis A: Itaque do quidem vires percussivas eiusdem corporis; imò & longè minores esse longè maiores viribus grauitationis eiusdem, non tamen infinites, ut vult Auctor.*

Hæc est ipsissima mea propositio 90. nempe vires acquisitæ ab impetu motiuo cuiuslibet corpusculi B maiores esse debere viribus grauitationis cuiuslibet vasti corporis A. Hoc enim mihi sufficit, nec requiro ut excessus sit infinitus, quod ipse mihi tribuit.

Cum verò ait, quòd hoc intelligi debeat in scitibus horizon-

zon-

zontalibus, non verò perpendicularibus, est prorsus vanum, ut ex mea propositione 135. manifestè deducitur.

Ait dial. 3. pag. 240. falsum esse experimentum à me relatum in fine prop. 90. quod sic se habet. *Si libra ferrea brachij extremitas clauo fulciatur, ut vastum pondus in eo appensum in quiete retineatur; atq; extremitas alterius brachij MALLEO aliquo percutiatur; vel super ipsam incidat parua Pila Ferrea à quacumq; altitudine demissa; obseruabitur in vnoquoq; ictu contrapositum pondus vastum à sua quiete euidenter subleuari, ac concuti; atq; hoc percipi, tū ipso tactu, tū visu, tū auditu.* At Vir Cl. incredibili securitate factum permutat, & immerito mihi stultissimam falsitatem affingit. dissimulat enim me dixisse percussione effici debere aliquo Malleo, aut casu paræ Pilæ ferreæ, ut concussio, & suspensio vasti ponderis sensu percipiatur; Sed ait me dixisse *ab ictu exigui corpusculi, puta granuli Arenæ, corpus vastissimum in statera eleuari.* & noto, quod granulum arenæ, cum quo centies oppositum obseruauit, erat adeo exiguum, ut in lapsu super marmor immane nullum sonum ediderit; proindeq; oculo Muscæ minutior esse debuerat; scilicet minus erat, quam Malleus, vel pila ferrea à me usurpata, ut musca deficit ab Elefante. Hoc autem non video quomodo excusari possit, nisi dicendo, quod Vir Cl. oscitanter legit meum librum.

Redarguit dial. 3. pag. 244. propositionem meam centesimam, ubi aio; *si plures armillæ, seu machinæ equales, & equè robustæ sibi incumbentes ab eodem pondere contundantur, tantundem comprimi, quamlibet earum, ac si vnica, & solitaria esset.*

Et hic etiam patet non attendisse Virum clarissimum ad vim meæ demonstrationis, & oscitanter eam legisse; nam ea prorsus neglecta, ac si scripta non fuisset, affert quoddam suum ratiocinium, quo putat se redarguere meam propositionem; & tamen tenebatur meum argumentum soluere, & fallaciam eius indicare.

Vt verò vis meæ demonstrationis perspicuè pateat, cogitet Vir Clar. super humeros Baiuli sedentis imponi pondus lib. 100. certum est hominem illum vim pati, & constringi à vi integri illius ponderis: si postea illæ cum eodem pondere humeris imposito equum ascendat, an quia vis ponderis centum librarum agit contra duas resistentias, Baiuli nempè, & Equi, quibus equatur, dicemus baiulum minus comprimi, scilicet non centum, sed 50. libras solummodo sustinere; propterea, quod reliquæ 50. ab adiuuante equo substolluntur? ridiculum profecto hoc esset, nè dum contra sensus evidentiam. Quia equus subiectus vicem supplet pauimenti firmi, nec iuuat, nec minuit laborem, sessoris baiuli. equus verò non ne sustinet idem pondus centum librarum, præter pondus baiuli incumbentis, & sic ulterius si plures extiterint? Ergo à pondere superposito eandem vim compressiuam patitur baiulus, quando solus premitur, ac quādo ab equo fulcitur.

Non secus si fuerint tres armillæ, seu machinæ sibi incumbentes ab eodem pondere compressæ, æqualem vim patietur vnaquæque earum, ac si vnica, & solitaria esset.

Patiatur modo Vir Cl. vt ego detegam fallaciam ratiocinii eius. Concedo vim ponderis 100. librarum equare vim resistentiæ singularis armillæ immediatè pōdus sustententis: pariterq; admitto eorum momenta æqualia esse: præterea concedo vires, & momenta trium armillarum sibi incumbērium, quibus resistunt compressioni eiusdem ponderis 100. librarum, esse tripla momenti resistentiæ illius singularis armillæ. Sed nego pondus 100. librarum exercere momentum vnum, & idem quando imponitur tribus armillis, ac quando comprimit singularē armillam; in primo enim casu exercet triplum momentum eius, quod exercet in secundo casu. Et hæc profecto est causa allucinationis Cl. Viri, quod sic ostendo. Quia, ex mechanicis, tunc momenta potentiæ, & resistentiæ æquantur, cum reciprocè proportionales sunt velocitatibus, quibus moueri possunt, dum agunt: Hinc fit vt idē

pon-

pondus, quod Romanum vocant, in statera compenſet modò triplam, modo vnicam, & ſimplam reſiſtentiam; ſi nimirum diſtantiã illius ponderis à fulcimento, & ideo eius velocitas, in primo caſu ſit tripla, in ſecundo verò equalis eidem diſtantiæ reſiſtentiarum ab eodem fulcimento.

His poſitis quia ſingulæ illæ tres armillæ ſibi incumbentes totum idem pondus librarum 100, ſuſtinent, vt dictum eſt; Ergo quælibet earum equè comprimitur, conſtringiturque, ac ſingularis armilla, cui idem pondus ſuperponatur; & ideo reſtriſtiones trium armillarum triple ſunt reſtriſtioniſ vnius: Sed tantum ſpatium conficit deſcendendo, & exercendo eius vim compreſſiuam idem pondus incumbens, quantum cõſtipantur ſubieſtæ armillæ. Igitur eiufdem ponderis librarum 100. compreſſiuus motus, quãdo ſtringit tres armillas, triplus eſt eius motus, quem exercet dũ comprimit ſingularẽ armillam; ideoque eius momentum in primo caſu triplum eſt eius, quod in ſecundo caſu exercetur; & hoc erat oſtendendum.

Et hinc eliciet Vir Cl. quod vis, & robur, quo reſiſtit vna armillarum, æquè ſufficiens, & potens eſt ad ſuperandam, & ſuſpendendam reſiſtentiam incumbentis ponderis, ac ſunt vires mille armillarum ſibi ſuperpoſitarum equali vi reſilientium; cum hoc tamen diſcrimine, quod hæ ad altitudinem milleclupo maiorem reſiſtentiam ſuſpendunt, quàm illa ſingularis armilla eleuet. Et hinc ſuaderi poteſt vir Cl. ſe non percepiſſe, ſeu potius non attendiſſe ad vim mei ratiociniij; & ſic multitudo illa ſuarum redargutionum euaneſcit, & in nihilum abit.

Vltimo loco pagina 255. falſo mihi attribuit abſurdiſſimã ſententiam, vt eam refellat, & poſtea ipſiſſimam meam doctrinam tanquam à ſe excogitatam, & inuentam nobis largiatur, & doceat.

Scripſi ego prop. 110. fune pendulo à debiliſſimo iſtu corpuſculi comunicari poſſe impetum, & velocitatem maiorem ſua propria, vt nimirum cauſa producat effectum ſe ipſa
maior

maiolem. Hoc autem consequi posse dixi, si eadem vis corpusculi repetat ictus, non in actu regressus penduli, sed in fine regressus, scilicet in illo statu quietis, seu potius termino accessus eiusdem; tunc secundus impulsus una cū precedenti indelebili duplicare impetum penduli asseueraui. Quid quæso clarius dici, inculcari, & explicari poterat? & tamen vir Cl. non veretur asseuerare me velle vt secundus ictus pendulo inferatur, non in termino quietis; sed quando pila adhuc affecta est motu cōtrario; quod nunquam somniaui; imò oppositum apertissimè scripsi, & quater repetij, non semel.

Ex paucis hisce locis à me adnotatis facilè quilibet conijcere poterit, quidnam de innumeris alijs censuris à Viro Cl. factis sentiendum sit. Non loquor de alijs leuioribus oppositionibus, nec de locis mei operis, quæ ex contextu ipso facilè constat ad bonum sensum redigi posse; quibus tamen semper Vir Clar. deteriores interpretationes attribuit.

Absit tamen vt ego suspicer virum doctum, nobilem, religiosum, & piū lectoribus imponere, & famā, existimationēq; meā inuidè maculare voluisse: potius credo, vt ab initio dixi, quod Vir ingenio nimis igneo præditus, aut oscitāter, aut velocissimo cursu meum opus legerit. Quod si attentè, & patēter eum considerare dignabitur, non dubito quin pro sua humanitate, & studio, quo veritatē prosequitur, si nō omnes aliquas saltē meas sententias post liminio restituet, recipietque. Nec aliorū aduersariorū pertinaciam imitabitur, qui notissimum pronunciatum; quod scilicet percussio obliqua debiliior sit ictu perpendiculari ad subiectum planum, in dubium potius reuocare ausi sunt, quam sua errata confiteri voluerint. Aut eorum qui nō ex verbis à me prolatis, sed ex figuris malè delineatis sententiam meam deducere nituntur contra omnium Mathematicorum consuetudinem.

Interim testor nil prorsus ob hanc controuersiam summæ, quæ mihi est de Viro Doctissimo Honorato Fabri opinioni detractum fuisse.

F I N I S.

ERRORVM CORRECTIO.

F Olio 2. lineā 5. imò l. 9. abundāns l. 12. Arenis fol. 4. l. 7. vndiq;
 f. 6 l. 2. milliaria l. 23. Aeoliæ f. 7. l. 15. æmularetur f. 8. l. 3. defæ-
 catus f. 10. l. 2. Olympiadis l. 19. emanasse f. 11. l. 27. fluida f. 12. l. 2.
 coæua l. 5. accuratè l. 18. agerent f. 13. l. 23. forsan l. 26. consuetæ
 f. 15. l. 6. contigisse l. 16. egrediebatur f. 17. l. 5. ægrè l. 7. duabus
 f. 19. l. 11. brachium f. 20. l. 9. superabat l. 18. subterraneus f. 21. l. 27.
 expirationē f. 22. l. 23. percipiebantur f. 23. l. 4. prostratumq; f. 24.
 l. 1. repererunt l. 15. Catanam f. 25. l. 12. Hyacinthus f. 27. l. 27. cur-
 su f. 29. l. 20. Officina f. 30. l. 6. phantastica f. 31. l. 19. suntque f. 33.
 l. 10. duritiemque f. 37. l. 12. 42, 357. f. 42. l. 13. milliarijs f. 43. l. 9.
 absortus f. 46. l. 17. suscipiendam f. 49. l. 25. supremam. l. 26. superfi-
 ciem f. 52. l. 6. aciditatem f. 53. l. 15. iisdem f. 54. l. 20. ambos f. 55.
 l. 7. è venis f. 56. l. 19. Naphtha f. 57. l. 6. quintupla f. 63. l. 14. vni-
 uersè f. 66. l. 12. contigisse f. 67. l. 17. interea f. 69. l. 2. eiectæ f. 70.
 l. 19. cōflagrare f. 73. l. 8. fundere f. 74. l. 17. quos f. 77. l. 8. expeditius
 l. 23. diem f. 79. l. 19. terra f. 89. l. 19. suspendi f. 91. l. 12. frigido. f. 92.
 l. 1. acinduntur f. 93. l. 25. breuem f. 95. l. 9. solidataque f. 98. l. 23. suc-
 cessu f. 99. l. 17. possi f. 104. l. 1. æquare f. 105. l. 5. consumptū f. 107.
 l. 24. præexistere f. 116. l. 14. XIX. f. 118. l. 22. ineffabili f. 119. l. 18.
 montis f. 122. l. 23. XX f. 125. l. 25. diuersi simus f. 126. l. 33. muscu-
 losas f. 127. l. 23. noui f. 131. l. 9. Hec f. 134. l. 8. Is f. 135. l. 2. igitur est
 f. 138. l. 5. cōseruaretur l. 28. æqualia f. 139. l. 8. impeditur f. 141. l. 6.
 dial. f. 142. l. 20. posuisse f. 143. l. 34. comparari f. 145. l. 4. præclarum
 l. 18. demonstrationem f. 147. l. 30. minutissimæ f. 148. l. 17. medietate
 tem f. 151. l. 8. sustentabatur f. 158. l. 27. minoris.

